



12-17-A-4



LE CHEVALIER FRANÇOIS.



MOURIR ! Ouy certes il le faut : c'est vn rendez-vous necessaire que le tombeau, & la premiere cause, dit Plutarque, qui nous fait voir la lumiere du Soleil, elle mesmes nous amene les tenebres de la mort. La fin vient de nostre commencement, & la terre dont nous sommes tirez est en droit & possession de nous retirer : Il n'y a point autel de franchise, nul privilege contre la mort. Les Roys mesmes à son regard sont roturiers & luy font hommage & fief. Aussi qu'est-ce que la vie, qu'une dressiere à tout mal, une trainee & une longue chaine de vices, vn tortis, vn peloton de calamitez, & vn abregé des douleurs de l'enfer. Homme, & qu'es-tu, qu'un patron de misere, despouille du temps, image d'inconstance, balance d'honneur & de honte, cousteau qui se rouille de maladie, qui se tord & ploye par aduersité, qui pert l'acier de sa force par le cours du temps?

RACOGNOISSONS nos tendresses, & mettons-nous au pair avec les feuilles des arbres, feuilles l'honneur du Printemps, mais le butin de la premiere froidure. Faisons avec S. Bernard.

ste amende honorable à la nature, *Hommes, & que sommes-nous que vers apres auoir esté hommes, charogne & pourriture apres auoir esté vers, & du tout non hommes apres auoir esté hommes ?* Et si, au dire d'Heraclice, le mort & le vif, le veillant & le dormant, le ieune & le viel se tiennent comme main à main : si cela passé deuiant cecy, & cecy derechef passé deuiant cela ? Si le berceau & le tombeau sont en necessaire relation ? Si la vie n'est qu'un prest fatal & vn depost du Ciel, acomparee par Platon à vn ieu de rablier, ou le sort du dé n'est point en nostre puissance : Si tant plus nous uiuons, tant plus nous mourons, & si de point en point, de moment en moment, la mort auance ses conquestes, & butine sur nostre vie, *Et pourquoy craindre la mort ?*

Denis, ce tant publié tyran de Syracuse, sur le roulant de sa ruine, engagé au faut perilleux & au compte fait de sa perte pour ses enormités, *Dea,* dit-il. *pour crainte de la mort quitteray-je vne ample seigneurie ?* Vn tyran sans autel & sans foy, gaucher à tout deuoir, hors de posture d'honneur & de vertu, tout debiffé d'excez, tout halé & noircy de crimes, & obligé aux rigueurs de mille tyrans familiers & domestiques : Vn monstre, vn prodige, qui ayât donné la main & foy d'alliâce offésive & defensible au vice, se trouue desarmé, & hors de tout combat cōtre la iustice de Dieu, qui void le courroux du ciel & de la terre braqué sur luy à cœur battu & secoué de mortelles apprehensions, le front tousiours en sueur, & son ame non plus ame qu'un pourtrait racourci de toute misere & calamité : Qu'un corps infame & à peine viuant, ait secoué l'horreur de la mort, & pour vne seigneurie, pour vne fourmis & vn citron du monde, qu'il ait

vou.

3
voulu tout à tronçons & deschiré de coups, tout
rouge de sang & bréché de playes sortir du mon-
de!

A L'E N V E R S que pour l'honneur, qui n'a se-
borne que par le temps & par l'Eternité, Impe-
rieux par tout, sinon sur les ames basses, litiere
& fumier du monde? Que pour l'honneur, l'affai-
sonnement, le sel & la saveur de nos plus belles a-
ctions: l'esprit mouuant de la vertu, & sans le-
quel les sceptres ne paroistroient que comme
houlettes de bergers, ny les diademes que comme
bonnetz de simples mercadàs: Que pour cest am-
bre gris du monde, pour ce saint parfum des
dieux, vn homme Ange hors de desbauche, tou-
siours sous la regence & discipline de vertu, à qui
son integrité fait porter le sourcil dans la nue,
qui a la conscience sur son plain, en calme & en
repos, point agitée des essans de ses crimes, & qui
a cortisé toutes ses actions à l'auantage des siens
& de sa patrie, Semblable à cest oiseau décrit par
Homere, qui chassant pour les petis ne prend
rien pour soy de tout ce qu'il prend: semblable
au Soleil qui nous dône sa lumiere semblable à la
terre qui nous dône ses fruits sans interest, sans vti-
re, sans partage ni legitime: Qu'un tel homme, &
non tant homme, qu'un Dieu entre les hommes,
qu'il ne fera ni mise ni recepte de ce beau dire
de Pythagore, *Ne t'en retourne point des confins?*
Qu'il trouuera son courage ombrageux & retif
sur le bord du tombeau? Qu'il cabrera & fera le
capricieux sur ses derniers pas & au bout de sa
course? Qu'il criera *lou lou*, cri de gens effroyez,
comme remarque Plutarque, & non pas *Eleleuf*.
Eleleuf, parole de ceux qui ont le cœur assourdy.
Comme si au dire d'Agis le ieune, Roy de Lac-

demone, le mespris de la mort n'estoit pas nostre plus belle liberté, Comme si nostre repuration se perdoit avec le corps, & qu'elle ressemblassent à ce poisson que Pline appelle Lagopus, aussi tost mort, aussi tost pourri. Comme si nos ames s'en alloient es vuides & es atomes d'Epicure, sans que leur immortalité fust enregistree & mise au calendrier du Ciel. Comme si l'homme n'auoit point le priuilege de deux berceaux, l'un pour viure, & l'autre pour reuiure, & que la mort fust quelque autre chose qu'un traget & un passage à vie, un tourne-bride de la terre au ciel, un auant-jeu de l'immortalité, un coup d'essay de ceste vie pour viure à iamais. Bref, comme si nous deuions ressembler aux enfans qui craignent les drogues que les medecins leur ordonnent, & que souuent la mort n'eust pas esté donnee en solde & en payement de vertu & de pieté, comme à ces deux Argiens, Cleobis & Biton.

Qu'on me le die, Agesilaus ce rare Prince, faisoit-il mal de n'auoir autre bureau pour le compte de ses iours, pour la recepte & la despen-
 ce de sa vie, que celui de la prouidence & du des-
 sin? *Par les dieux iumeaux*, dit-il, *si ma destinee ne*
porte que ie viue, ie ne viuray pas avec toutes les me-
decines du monde. Qu'on me rende les resolutions
 du ciel vagues, incertaines, au plus & au moins,
 longues & courtes: Qu'on me face trouuer nos
 vices à l'aulne & à la mesure de nos volonte: La
 main, & quand & quand ma main pour arracher
 les bornes de la destinee, ou du moins torches
 sur torches flambeaux sur flambeaux pour dou-
 bler ma vie en despit de l'oracle, comme ce Roy
 d'Egypte Mycerin.

O n ne peut, mais on ne peut faire batterie,

ny

ni forcer ceste ordonnance d'Adraſtie, ceste loy & arrest ineuitable du ciel, *Mourir, il faut mourir.*

E' I, Tu es, Il ny a que toy Seigneur de l'Eternité & l'Eternité meſmes, ſeul & toy meſmes tout ſans nom, ſinon qu'au dire des Hebreux, ton nom ſoit toy meſmes, ou que toy meſmes ſois ton nom *Iah*, grand *Iah*, infini en puiffance, & l'action de toutes puiffances : *Trifmacares*, trois fois heureux, qui aſ le ciel pour throne, dit Orphee, qui de ſes pieds touches la terre, & de ta dextre les bouts de la mer, Toy diuin & incomprehenſible cercle dont le centre eſt par tout, & la circonference en nul lieu, Toy bon ſans qualité, toy grand ſans quantité, Eternel ſans temps, tout preſent ſans lieu, il n'y a que toy en repos puis que perpetuellement tu agis, Immuable & ſans changement, puis que tout en toy, & rien de diſſemblable en toy meſmes.

A T O N regard, Qu'eſt noſtre grandeur qu'un atome, noſtre lumiere qu'une ombre, nos eſprits qu'une vapeur ? Ouy, & que ſommes-nous que maſques & fantoſmes de vie, & encores vie de pieds touſiours en l'air, & qui du iour au lendemain, d'heure, en heure, de moment en moment marche, poſte, & pouſſe à toute bride vers le tombeau?

V N Nain tout frais-peſtri de bouë, terre à peine encore mouuante ſur terre, l'homme, ce vermiſſeau ne fut pas ſi toſt mis au iour, qu'il donne iour à ſon orgueil : Il voulut tenir le haut bout au bureau des Anges, viure au pair avec ſon Dieu, & mettre ſon ambition au deſſus des loix de ſon Createur : Auſſi toſt ce tonnerre du Ciel eſclatte, *Tu es terre, & tu retourneras en terre* : Dieu quand & quand ſerre la main à ſes benedictions, & de pere ſe rendant iuge, il deſherite ceſt enfant pro

digne, *Qui n'auoit esté delassé*, dit S. Augustin, *afin qu'il delassast, mais qui delassa afin qu'il fust delassé.*

I M A G E estoit-il de son Createur selon son entendement, image des creatures selon sa vie, son sens & son mouuement: Il estoit avec les pierres, il vegetoit avec les plantes, il sentoit avec les animaux, il contemploit avec les Anges: Son œil pour les couleurs, l'oreille pour les tons, le nez pour les senteurs, le goust pour les saveurs, & l'atouchement pour toute sorte de corps, Epitome & abrege du monde, Microcosme, en vn mot.

O V R, mais soudain qu'il abolit sa genealogie & tous ses titres pour se dire enfant de la terre, & qu'establisant la tyrannie de ses sens, il eut enté sa malice sur le tige de sa premiere bonté, soudain sa raison fut frappée d'ignorance, sa volonté d'injustice, sa fortitude d'infirmité, & du tout estropié pour bien faire, il rendit par sa desbauche son esprit charnel, dit S. Augustin, *au lieu que demeurant ferme sur le deuoir, il eust rendu sa chair spirituelle.*

I L voulut estre tout, & il le fut, Terre par son auarice, feu par sa conuoluse, eau par son inconstance, air par sa legereté, pierre par son orgueil, fleur par son contentement, montagne par ses sourcilleuses conceptions, & abyssine par son cœur.

A V S S I l'Asne se trouue entre les Singes & les abeilles, le razoir tombe sur la pierre affiloir, & celuy que n'aguères nous tenions en terre pour le mignon du ciel, est renuoyé aux corbeaux & aux cynolarges: Tout proteste, tout se rebelle contre ce rebelle, le corps qui estoit le logis naturel de l'ame, est sa prison, sa gehenne, son sepulchre: Ce qui estoit donné pour instrumens, est changé en manacles & en ceps: Disons encore, le
corps

corps se rend ennemi du corps, & faisant, comme on dit, du bœuf mesmes les courroyes, il nourrit dans soy la matière de toutes maladies, *Qui ne se guerissent qu'avec douleur*, dit vn Ancien, *tellement qu'en ses afflictions, il faut que le mal soit le medecin du mal.*

L'O P H T H A L M I E s'attache aux yeux, l'esquinance à la gorge, La pleuresie au flanc, La Boulime, l'Anorexie au petit ventre, l'Hétere au foye, l'Iliaque & la colique aux intestins, Le calcul aux reins, Les vers luy font la guerre en ses entrailles, La terre auare de ses biens se herisse d'espines, le ciel se rouille, les fleuves s'enflent, la mer se courrouce. l'air s'amasse en orages & s'esclatte en foudres, bref toute la nature, *avec laquelle*, dit S. Ambroise, *l'homme estoit d'accord s'il ne fust entré en discord avec soy mesmes*, le distoute la nature se mutine contre ce mutin, & la rebellion est vengée par rebellion, & le peché par la mort.

MOURIR, doncques à la fin mourir : Mais mourir d'une mort seiche & naturelle, d'une mort casaniere, à hoquerz languissans, à visage de suif, passe & desfiguré à yeux haues & creux, les dents arides & à sec, les temples abatues, les narines dilatées & comme à portail ouuert, le pouls racourci, les membres tous englace, & rien de l'homme sinon terre à porter en terre, horreur des viuans, triomphe de la mort, la proye & le butin des vers : Et qu'est cela qu'une mort de femme, vne mort d'enfant, vne mort pour ne pouuoir plus viure, ou à mieux dire vne vie qui se rend à discretion & à la merci des foiblesses du corps ? Aussi voyez-en l'epitaphe, *Nous auons esté, comme si nous n'auions point esté, Flambeaux aussi tost estaints qu'allumés, Petis animaux du royaume de Pent, qu'un mesme*

uit naistre & mourir.

G V E R R I E R sans peur, Bayard sans pair,
& lequel volontiers Troye prendroit en adoption
pour son Hector, Tonnerre à toute occasion
grondant sur l'Espagne, François à froid & à
chaud, iamaïs desnoüé par perfidie, bras dessus &
bras dessous avec l'honneur de ta patrie, Doyen
de ses Cheualiers, Agent & facteur de sa reputa-
tion, Ha! mon braue, que tu auois la memoire fres-
che de ce dire ancien de Leonidas, *que le mourir est
commun à tous, mais le bien mourir propre & particu-
lier aux gens d'honneur!* Que tu iugcois bien que la
gloire est toute autre chose que ces estoilles que
on void la nuit tomber du ciel! Gloire semblable
à ce feu des Vestales qui iamaïs ne s'estaint, sem-
blable à la graine de l'herbe qu'on appelle le
saint-foin, tortué & à plusieurs anges, qui l'atta-
chent pour iamaïs à la terre: Et encore gloire de
tout autre pris que l'herbe du Cigne qui au rap-
port de Cardan croist au lac de Moranie en Es-
cosse, & iamaïs ne se pourrit! Qu'elle a! Ouy cer-
tes elle a les pieds victorieux sur la teste de la
mort, & à ainsi dire le temps lui doit du retour:
Plus puissante que le soleil, puis que sans eclipse:
Plus que la Lune, puis que sans changement: Plus
que l'air, puis que sans girouetter: plus que la mer,
puis que sans reflux. O que ta mort, est vn viuant
& persuasif orateur à la noblesse Françoisse; vn
colisee, vn memorial eternal à ses yeux, pour a-
pres auoir donne vne belle preface à sa vie
n'en laisser point le reste en blanc & en vuide.
Que docte leçon as-tu laissé en ceste grande Aca-
demie du monde, pour ceux qui profez & de la
confrairie de l'honneur, veulent provigner leur
veneration à iamaïs, alonger leur memoire
au

au delà du sepulchre, & mourir sur bon compte de leur deuoir! Toujours en action & en mouuement, mais sur tout hors de tache & de macule, toujours vierges & puceaux en leur honneur, comme Tertulian escrit que de son temps il y auoit des hommes d'une *virginité vouée*, & d'une *vieillesse pucelle*! Que bien tu nous enseignes que le cœur en l'homme est le premier viuant & le dernier mourant, qu'il n'y a point de reuolution de courage comme le temps, que nostre hardiesse ne se doit reboucher ny attiedir iusqu'au tombeau, & que le bien mourir donne lustre, éclat, & comme vne polissure resplendissante aux belles actions de la vie! *Mon genereux*, ô que tu es bien au couuert de ce honteux coup qu'une femme Laconienne donna à son fils reschappé d'une sanglante meslée, & triste messager de la mort de ses compagnons, *T'ont-ils donc enuoyé*, dit-elle, en luy iettant vn pot sur la teste, *pour nous en porter des nouvelles*?

L'ESPAGNOI de tout temps en vœu & profession d'estre l'ombre de la lumière de France, l'escharde & l'espine de ses pieds sur terre, & comme ce poisson qu'on nomme *Remora* en ses nauigations; Ce glouton d'Empires, à qui on ne peut donner autre deuise que la cune des Danaïdes, à fond percé, & qui ne se peut remplir; Autres armoiries que ces filetz qu'Homere appelle *Panagra* tout-prenant; Iadis, *France ma guerriere*, Il l'auoit veüe, qui alongeant tes armes avec ta pieté, & tes coups avec ta deuotion, auois mis les Lombards au nom respirer, leur fortune par maniere de dire pietonne, à talon descouuert, & à fouliets rompus; l'Italie à cœur riant & à visage serain; l'Eglise hors de presse & à coudes

libres ; Charles ton grand Roy ioignant les nues du soucil, & foulant des pieds Didier son enemy, & non tant sien que de l'Italie, & non tant de l'Italie que de l'Eglise: Il auoit souuent veu l'esclat de tes armes, senti la roideur de tes coups, & ta fortune qui marchoit à grand pas au delà des Alpes & de l'Apennin; Il voyoit en fin, ton Roy, ce grand Roy François premier, qui pour mettre quelques tyranneaux hors de train & de posture, auoit poussé l'heur de ses armes en Italie, mis en eschec les plus fendans, & fait vne grande esplanade pour y mettre l'honneur de la France au galop; Quand pour l'arrestier cest ambitieux, qui ia de long temps vouloit frelatter & transporter sa puissance d'Espagne en Italie, comme on fait le vin d'un vaisseau gâté & percé, en vn meilleur & mieux relié; Quand ce ialoux, qui tousiours a voulu grossir son autorité à nos despens, & donner l'auant-pas à sa fortune sur la France; Quand ce rauallé & plus failli de cœur que la Dragonne, qui sans second osa bien combattre Apollon pour l'oracle de Delphes, Ouy, quand il mit vn de nos Princes en desbauche, ligué & fit le gros des forces de la Chrestienté pour contre-luitter nos prosperitez, escaier nostre bonheur loin d'Italie, faire main basse, y tirer le dernier hoquet à nostre fortune, & tout rouges de sang, tout ouuerts de playes nous renuerser sur nos trophées.

L'ARMEE Françoisse, (ou plustost les reliques de la peste, & la proye de la faim) ne battant plus que d'une aile; Nos Suisses deferrez & sur leur retour; Le secours à pieds de plomb & à passage fermé, tout branloit à la ruine, rien d'esperance qu'au desespoir (mais il n'y eut iamais bon mar-

marché de peaux de lions) Avec le peril nos hommes doublent le courage, le danger afile leur vaillance, & rien ne meurt en eux que la crainte de la mort; Coups donnez, coups rendus, sang pour sang, playes pour playes, iusqu'à tât que tous nos chefs, ou morts ou blecez le nombre force la vertu, & que le corps se fut plustost rendu que le courage.

Et t'auois perdu, *Mon braue*, Où estois-tu? Apres auoir tant de fois & en gros caractère imprimé ta vaillance du sang de l'Espagnol, vidimé & collationné ta vertu sur son dos, & en fin rouant avec là fortune, apres auoir comme la palme tenu le haut sur le fais de nos aduersitez, & nagé comme le poisson Elloppe contre vent & marée, Où estois-tu?

O Q V'E N triste mais honorable posture, & pour monstrier qu'en tous lieux où la necessité presse vn grand courage, la mort est plus agreable qu'une honteuse fuite? Ouy, & pour tesmoigner que nostre vaillance ne doit point de retour à la Romaine, à celle ancienne où le sans & la vie estoient à meilleur compte que l'honneur & la reputation.

VERTVEUSE Dame! Girtias, femme-homme entre les hommes de Lacedemone, qui fut la nouuelle qu'on t'apporta de la mort d'un tien nepueu tué en Candie, *Ne faloit-il pas*, dit tu, *puin qu'il alloit contre les ennemis, ou qu'il vainquist, ou qu'il meurust?* Amazone à double cœur, voudrois-tu comme par vœu de peregrinage & deuotion de visiter les saints lieux, voudrois-tu point voir ce lieu, ce sacré lieu, où Bayard nostre Bayard, où ce Noble, où ce courageux rendit son corps à la terre, son ame au ciel, & sa vertu au monde?

O Q V'EN triste, mais honorable posture ! Au dessous d'un chesne, comme trophée dressé à la vertu des propres mains de la nature ; L'estomac ouvert de playes, comme bresches honorables à faire sortir son ame, & comme images de vertu engrauees sur sa personne ; Tout degouttant de sang, comme vrayes & naïfues larmes de son courage ? Le visage tourné vers l'ennemy, comme s'il ne devoit iamaïs auoir ny dos ny talon pour luy monstrier, & qu'à leur veüe il voulust faire mesurer son tombeau ; L'espee au poing iusqu'au dernier hocquet, comme s'il la rendoit plustost à l'honneur qu'à la mort ; semblable à ces courageux Neruiens, qui au rapport de Cæsar estoient plustost morts que vaincus ; semblable à certains animaux dont parle l'histoire ancienne, qui en mourant refueillent leur generosité & leur courage en quelque partie du corps, & resistent à celui qui les tue, iusqu'à ce comme vn feu elle viene à s'estaindre & à s'amortir de tout point.

O COMBIEN & combien de belles ames ialouses, combien de pantoises & à la grosse halcine apres l'honneur & la gloire par le seul souuenir de ceste belle retraite du monde ! Et qu'en diroit ce Thebain qui tout ioyeux se vouloit mettre au cercueil, & entre les bras de la mort, comme au liët d'honneur, pourueu qu'on mist sur la colonne de sa sepulture, qu'il auoit mis en feu le pays de *Laconie*, repeuplé de la ville de *Messene*, & mis les peuples à *Arcadie* en vn corps & en vne ligue ?

FRANCE, ma toute mains & toute cœur, Au bout de la vie de ce tien enfant, au dernier soupir de Bayard ton fils, es bresches de son estomach, au flux & en la perte de son sang, au fermer & en la closture de ses yeux ! Ô FRANCE sa douce mere,

mere, que luy preparois-tu, ou tombeau ou berceau?

T O M B E A V, & pourquoy, si sa mort viuifie & pousse ta gloire à l'auar, & si Bayard ne vit qu'avec l'honneur; ou l'honneur ne meurt qu'avec Bayard?

B E R C E A V, & pourquoy non, si en bié mourant, il trouue sa resurrection au plus profond du sepulcre; & si vray Pelican, si vray Phenix il renaist de sa cendre & de son sang?

T O M B E A V, & pourquoy, si sa mort est moins sanglante, que sa resurrection glorieuse; & si vray pourtrait du Temple de Diane, qui fait encore lumiere au nom de celuy qui y mit le feu, sa mort mesme donne vn pour-iamais vie à ceux qui l'ont tué?

B E R C E A V, & pourquoy non, s'il est encore au monde comme vn parfun de bonne odeur; Sur l'oreille des braues, comme vn trompette de vertu; & dans le cœur des nobles, comme relique sacree en vn sanctuaire?

T O M B E A V, & pourquoy, si encore son nom comme l'herbe Achemenide ietee au camp des ennemis les fait fremir & trembler de peur; Si cōtre ce dire de Pindare, *que la vertu rend l'ennemy muet*, sa vertu rend l'Espagnol eloquent à sa louange, & si elle contraint Gonsalue à le canonizer par ce beau rencontre, *Qu'il y auoit de bons cheuaux de tout poil, mais qu'il n'y auoit qu'un Bayard?*

B E R C E A V, & pourquoy non, quand encore auiourd'huy il combat en Alexandre, pour nous faire soupirer en Cæsar, & si faisant en despit des Espagnols, vne belle & courageuse retraite à la reputation de ses belles actions, si prenant le de-

uant pour nous esplaner le chemin de vertu, il crie à toute voix, comme ce Prestre de Cybelle, *Faites, esleuez vous, marchez en gros, suinez moy?*

EPICURE escriuant à ses amis, donne de beaux traits de louange à vn nommé Metrodorus, de ce qu'e hardiment il descendit de la ville d'Athenes iusqu'au port de Piree pour secourir Mithres le Syrien, encore que la saillie fut sans coups, sans bleceure, sans sang. Non les doux embrassemens, Bayard, non les pleurs, non les sanglots, non les tristes soupirs de ta femme desolee, Non les begues & enfantins Pa-peres de tes chers enfans, non leurs blandices, non leurs innocés baisers, ne peurent retenir ny amollir ton courage, telles choses ne sont iamais assez dites. L'Espagnol tousiours friand du sang de la France, tousiours en goust & en appetit de nos calamitez faisoit le Roland furieux en Italie, &, à la faueur de toute l'Europe coniuree contre nous, sembloit vouloir attacher nostre fortune au deçà des Alpes, & la tenir sous le fouët & la verge; Tu y accourus, tu le vis, tu le vainquis, iusqu'à ce que la mort mesme jalouse de ta valeur, se rendit Espagnole; & te pensant tuer, fit vn Ange-nouveau de ton ame, vne sainte relique de ton corps, & vn soleil de ta vertu, qui encores aujourd'huy flamboye & rayonne par le monde, Qu'en eust dit Epicure?

O MORT, tes assauts contre la vertu ne se font point à l'espee blanche. Tu ne dois auoir qu'une brette en main, vn fleuret a pointe esmousee, & à trenchant rabatu, quand elle va à bonds & à cabriolles sur les dangers; & qu'elle te vient au deuant a poitrine ouuerte, a yeux gaix,

& nans.

& rians, le cœur hors de bransle, & qui ne se sou-
 uient de la crainte, sinon pour l'imprimer sur le
 cœur des ennemis ! Socrates mesmes semble boi-
 re à roy avec vn verre plein de ciguë, & Leonidas
 allant contre les Perles te prend comme vn cabar-
 ret, où il ne faille que boire & manger, *Dissons,*
dit-il, & nous soupperons en l'autre monde. Beaucoup
 d'honneur pour toy quand ce sage Egyptien Her-
 mes, tout prest à rendre l'esprit, te prend pour vn
 chemin battu vers le ciel nostre naturelle patrie,
Je m'en retourne, dit ce saint pere, *en mon pays, où*
sont mes meilleurs progeniteurs & parens.

VEUX-TU plus? Canes, ceste grande bou-
 cherie d'Annibal, n'ageoit toute en sang, l'espee
 s'y pourmenoit à bras estendu, à pointe & à fen-
 dant, rien que coups, rien que playes, rien que cris,
 rien qu'horreur & meurtre; Rome estendue de
 son long, frappée d'un grand coup au cœur; pres-
 ques etouffée en son sang; sembloit y vouloir ré-
 dre l'esprit; son armée passée par le tranchant
 des armes, rien d'elle sur le champ de bataille
 que desroute, que morts, que blesez: Encores
 pourtant Æmylius son Consul, ouuert & couuert
 de playes, aime mieux prendre sa mort sur l'abba-
 tis & le carnage de ses soldats, que sa retraite sur
 le cheual qu'on luy presente pour sauuer Ro-
 me par les reliques de Rome; Aussi voyez-vous
 les trophées d'Æmylius plus hauts & plus appa-
 rens sur la mort, que la victoire d'Annibal sur Æ-
 mylius.

SOEURS jumelles, France & Rome, qui en
 pareille fortune rencontrez courages pareils!
 Nourrices au tectin fortuné & bien heureux, que
 doux & serein vous doit estre le destin quand mes-
 mes vostre honneur boutonne & fructifie de vostre

sang, que vostre gloire naist de vos playes, & que le nom de vostre mort se transforme en nom de vie!

MOVRIR doncques, mourir, mais comme ces magnanimes Heros, qui pour l'honneur de leur pais ont fait sacrifice volontaire de leurs vies. Hosties vrayement sacrees, & qui pour auoir bien sceu mourir triomphent encóres auourd'huy de la mort. Mourir, ouy mourir, mais sur vn Ienét Andelous, teste & croupe enpennachees, hennissant, trepant du pied, iettant vn feu de ses narines, partant de la main, viste, brusque & vigoureux, nous a teste baissée, tous noircis d'vn poudreux tourbillon, nos lances mises à tronçons, l'espee au poing tirant à droit & à gauche, entrouuant, fauceant à iour l'espaisseur des Espagnols, & tesmoignant à la mort que nous pouuons autant sur eux, qu'elle sur nous! Ainsi Decius print le dessus & l'auant-pas sur son trespas. Ainsi ses coups sur les coups, ses playes sur les playes, & son sang sur le sang des Latins. Ainsi sa mort sur leur mort, il bastit les trophées sur leurs tombeaux, & l'honneur de Rome sur les trophées. *Et où peuuet mieux mourir les vaillans que dans leurs armes, disoit Leonidas? Et quelle plus belle recompense de la mort que la gloire, disoit Alcibiades?*

PLUTARQUE, mon bras droit, mon patinostrier, & mon saluador en ceste escrime, Que salutaires sont les instructions que tu donnes pour prendre en auantage, & se preualoir de la haine de ses ennemis! Sur tes beaux discours, ie discours ainsi à par moy; Si la mort n'est que le bout du mouuement, & le terme de ceste vie; Si en viuant nous mouuons, & en mourant nous viuons; Si nous n'entrons point vn pas en la vie, que nous

nous n'auançons vn pas vers la mort, comme vn horloge môté pour certaines heures, perd de minute en minute son mouuement en se mouuant; Si ce corps n'est que comme vne robbe empruntée pour faire quelques jours paroistre nostre esprit sur ce bas & tumultuaire theatre; Bon Dieu, Quel plus grand auantage scaurions-nous retirer de l'Espagnol qu'en contre-change d'honneur & de reputation, lui porter ce corps dans les fonds de Castille, iusqu'au foye, le feu & la flamme, la ruine & la desolation avec ce pauvre corps que nous tenons à louage comme vn habit de friperie? Corps vray habit d'ignorance, mort viue, charongne sensible, sepulcre portatif, la geole de nos ames, le contrepois de nos esprits. *Corps & non plus corps, qu'un moulin à moudre, & un four à cuire les viandes que nous auallons*, dit Seneque.

E t puis que la tyrannie de Castille nous met 2 en obligatiō de tirer comme du tombeau la vertu d'Aratus & de Timoleon, afin qu'en la liberté de la Nauarre on puisse encore voir aujourd'hui la honte & l'ignominie des tyrans iadis chassez de Sicyone & de la Sicile, ne nous aiderons-nous point d'une masse de bouë, d'un gazon de terre, d'un vaisseau d'argille, d'un potirō de nature? Que nous ne nous aiderons pas de ce corps miserable, de ce larron domestique qui tant plus qu'il vit, nous oste plus de vie?

N o s ames, qu'elles n'aimeront point autant sortir de prison à Pampelonne qu'à Paris, & y prendre le large & la clef des champs, comme pelerines & estrangeres de ce monde? Qu'un champ de bataille ne leur sera pas plus honorable que les draps n'y l'oreiller? Et quelle plus belle robbe d'escarlate que le sãg pour faire triompher la vertu?

Quels tombeaux plus glorieux aux Romains, qu'entre les inurs, sur les foyers & sur les cendres de Carthage? Des rambours. pour le moins. Ouy, de nos peaux qu'on en face des rambours, Preux Bohemien Zisca, qui tant de fois vis le dos fuyard de l'Empereur Sigismond, & ses troupes devant toy comme bizets & ramiets devant le faucon, autant en ordonna-tu qu'on en fist de la riene apres ta mort, pour terreur à de tes ennemis; Que si des peaux de tant de Lions de la France on en fait autant de rambours, où assez de terre pour les lievres, ou assez de clapiers pour les conills d'Espagne?

O L A N C E de Telephe, ô Scorpions, vous n'estes pas seuls qui guerissez les playes & les morsures que vous faites ô viperes, d'autre venin que du vostre peut on tirer la Theriaque! Et quel mal, disoit Damindas, nous se auroit faire souffrir Philippe de Macedone, si les Lacedemoniens ne font compte de la mort? Disons en autant de Philippe nostre contagieux voisin.

L A V I E, selon Euripide, n'est qu'un deposit des dieux. Et où doncques avec plus d'honneur en pouuons nous vuides les mains, qu'en iouant des mains, de ces guerrieres & nerveuses mains de la France, au conspect de Dieu & de ses Anges bien heureux, aux yeux de ce grand Roy de la fleur de lis, flac a flac de ses Princes, main à main avec tous les Officiers de sa couronne, sur le châp d'honneur, où l'air bourdonne de clameurs, où le canon tonne & foudroye, où les harquebuzes gressent, où piques & lances faites à tronçons, l'espee tire à droit & à gauche, feu & flamme, coups donnez, coups rendus, playes & sang, sang & meurtre, meurtre & carnage, carnage & horreur, hor-

reur, mais victoire, & victoire sur ces mores bazannez d'Espagne, les Anthées de nos Hercules, les Cercyons & les Damastes de nos Thésées? Alors ô alors la belle descharge de la vie, ce saint & sacré deposit des dieux! O quittance en forme authentique & en substance, *que nous aurons iesté Dennis le tyran de la Sicile, quoy qu'au pris de nostre sang & de nos vies volontairement mises en sacrifice & en oblation, & données en holocauste à ce Cyclope d'Espagne, qui voudroit voir la France toute crüe sur sa table pour la deuorer.*

M E T T O N S le plus beau de nos actions en peinture, Employons-y les plus naïfues couleurs, Et qui verrons-nous qu'un effort, vne luite de l'ame contre ceste fluente mortalité du corps pour luy eterniser la vie? Nature ne le veut pas, mais que de courageux efforts de l'art mesmes & de l'industrie contre la nature! Elles se joignent à l'ame, & luy procurent par la gloire & par le renom vne continuation de vie en la memoire des hommes.

A P E L L E S peint c'est Alexandre porte-foudre pour la mettre en Ephese au Temple de Diane, tel & si admirable qu'il semble que le foudre frappe ceux qui n'en regardent que la peinture; Les Atheniens festent & solennisent la iournee de Marathon; Les Thebains celle de Leuctres; Ce tant bien nommé statuaire Lysippus est tout empesché à faire des images de bronze à l'honneur de ceux qu'Alexandre a perdus en cette sanglante meslée du passage de la riuere du Granique; Luy mesmes, ce grand Roy, dans la ville d'Ilion sacrifie à Diane, & espend des infusions funerales à ceux qui auoient espendu leur sang en la guerre de Troye: Il joint d'huile la sepulture d'A

chilles, Il la couvre de chapeaux & festons de fleurs, & court tout nud à l'entour avec ses mignons, ô art, ô industrie, ô belles accolades de l'honneur & de la vertu ! ô que ces mysteres nous doivent bien faire mettre sur le pied droit & sur le plain du deuoir ! Ores qu'ils disent non point en bas Breton, mais clairement & en bon François, que l'honneur tourne le dos, & ne fait registre ny calendrier que de ceux qui portent leurs courages sur la pointe de leurs espees, & qui n'entrent au tombeau que pour contreminer la fin de leur vie ! Hommes-Anges mystiquement representez par l'Vlysses d'Homere, qui quitte ses vieux hailons pour s'habiller à l'auantage, & se tenir sur le plus haut point de bien-seance.

A L'AVANCE de nostre honneur parle Cæsar, en ce beau rapport qu'il fait des anciens Gaulois, qui resolu de l'immortalité de leurs armes, alloient comme à course & à toute bride aux dangers, prodiguoient leurs vies en toutes occasions, & par maniere de dire s'immoloient eux mesmes sur l'autel de la gloire. La vie ne leur estoit qu'un apprentissage pour bié mourir, & leur mort qu'un passage à plus longue vie. Le sepulchre leur seruoit de berceau, & la biere estoit leur lit nuptial, designez par le Pelican, qui renaist de son sang, & par ce vieillard Iolaus des Poëtes, qui raieunit à cause de sa vertu.

A V S S I diuin Orphee, du Vair, les delices des Muses, & de qui ie tien les escrits comme les images de Phidias: Bouche de sucre, bouche d'or. O qu'en paroles peignees & qui s'ouëfuent sentés leur parfum, tu dis tresbien, que l'ame ayant fermé & étouppé les sentimens du corps, s'esleue par dessus toute chair, se resserre en elle mesmes,

& viuant encores sur terre, dit comme son adieu à la terre, Quand guindee sur les ailes d'un genereux desir, & passant de ceste region obscure, nubileuse, qui enuironne la terre, Elle recognoit en soy-mesme beaucoup de belles remarques de son origine, & des traits du grand ouurier qui l'a crece à son image, & y a imprimé la figure de sa diuinité: Alors ie dis avec toy, mais comme le pinson apres le rossignol, & moins, beaucoup moins doucement que toy, Rayon du ciel, par celle de la Diuinité, ô ame qui mesure le ciel sans bouger de la terre, & qui passe comme vn éclair d'Orient en Occident, du Septentrion au Midy: Vaisseau, qui iamais ne te peux remplir: Surtout admirable de l'Entelechie Argus qui veilles tousiours: Lynx qui penetres tout: Banquier des plus beaux tresors du ciel: Le trepied de prophetie: Archimede & Dædale industrieux: Truchemân de Dieu: Singe de nature: Merueille qui montres tes merueilles en l'harmonie de ce corps mortel; Plâte celeste, parente de Dieu; vlagere de raison, & domestique ordinaire du ciel & de la terre: ô Ame, ie di que l'honneur de ta race & de ton extraction te grossit le courage, esleue toutes tes affections au dessus du monde, & t'alongeant sur l'aduenir, te loge dans les cieux ta vraye patrie, dans le sein de ton Dieu. & par vne heureuse & auant-courriere imagination, t'enyurant des delices infinies du repos eternal & de l'immortalité, Au lieu de ce miserable & mortel monde, ou tu vis, mais en prison; ou tu vois, mais par des lunettes, ou tu entends, mais sur des rapports, ou tu veux, mais par des appetis. Il te montre le ciel, la dite des Idees incorruptibles, & le port ou apres les flots & la tourmente de la terre, tu dois surgir & te reposer en beatitudes perdurable avec Dieu

& ses Anges.

QUE LLE bouta le contre la mort, quel dilemme d'un homme haut à la main, mais pourtāt d'un ame toute agencee à l'honneur, ou vaincre, ou mourir! Quels traits estrāges, mais braues? quelles ambitieuses poinctes, mais toutes animees de courage? quelles superbes & fieres paroles, mais toutes assises sur l'honneur, que Turnus tient à à son cheual? *Long temps, Rhabus, nous auons vescu long temps, s'il y a rien de longue durree pour les mortels: Il faut auioird'huy, ou que nous retourniōs du chāpde bataille charger, des rouges despoilles de nos ennemis, ou que nous y demeurīōs hachez de coups & de bleccures.*

NON, ie me trompe: Car y peut il auoir parole à deux costcz & à double trenchant, en celuy qui se resoult à la mort, & qui fait non la moitié, mais tout le chemin pour la trouuer, & si braue, si courageux, il ne peut marcher que victoire en main? Le nombre l'accable, & luy fait plier les reins: Et bien. mais son courage est tousiours debout & sur pieds. La force le deschire & luy arrache la vie: Ouy, mais l'honneur tient sa reputation au sauf & en protection: l'immortalité luy donne barres sur le temps, & du retour sur les siecles aduenir. Il y a pour lors vne ie ne scay quelle espece de victoire Cadmeane, car si la mort gagne sur le corps, elle perd sur l'honneur, voire en pensāt tuer elle fait viure, cōme ce Romain qui porta le coup de poignard sur l'apostume de son ennemy.

ICI ou là, Mon grand Roy, ICI ou là, disiez vous en ceste iournee toute lustrueuse, toute esclatante des rayons de vostre valeur, en ceste sanglante bataille d'Yury. Comme de toutes choses les biens sont incertains, iusqu'à là que les Hebricux disent en commun prouerbe, *que les espossez montent*

tent au lit, mais qu'ils ne scauent pas ce qui leur auendra: Comme la fortune iouë bien souuent à deux mains, qu'elle tire à droit & à gauche, tantost mere, tantost marastre du bon droit & de la vertu: Comme c'est vne lune en terre, constante en ses inconstances, & qui montre aussitost le dos que le visage: Comme és batailles les coups sont plus certains que les victoires, nos Cratérus a yeux ouuers sur le bien du Royaume, vos Ephæstions idolatres apres leur roy, vous demandoient quelque lieu de retraitte, & vn rendez-vous en cas d'une fortune chagrine, rebourse & de dos tourné à vos affaires. *Icy ou là, disiez-vous, Ou en mon camp, ou dans celuy de mes ennemis.* O paroles de Soldat, ouy de Capitaine, ouy de Roy, & de ces trois en vn, & d'un mesme en ce ternaire, comme estant au plus & au poinct toucher de la perfection, En ce monde par la vertu, & en l'autre par l'immortalité. Parolles encore qui releuent l'honneur de ce siecle, sur les pretendus auantages de la valeur des anciens, qui tant nous brauent de ces paroles hardies, que Leonidas tint à ses soldats allant combattre les Perses au pas aux Thermopyles, *Le Barbare est pres de nous, Il faut venir aux mains ou vaincre ou mourir.*

MEVLS meult, meult, disoit iadis en l'Isle des Lesbos vne esclaue estrangere, Car aussi biē meult *Pitacus* le roy de la grande *Mytilene*. Que nous le verrons doncques ce grand Roy nostre Euthyme, qui tenant le bien de ses suiets à l'esgal de sa vie, & comme s'il n'auoit qu'un cœur pour le mouuement, & vn poulmon pour la respiration avec eux, que durant la fureur de nos agitations ciuiles sur le symptome & sur les iours plus noirs de la France, nous le verrons paroistre comme un Co-

mete brillant, comme vn Mars foudroyant, & qui pour rassembler nos esprits egarez au rendez-vous de l'obeissance & du deuoir, chasse à corps, à grands coups d'espee le mauuais Genie d'Espagne hors des entrailles de la France, tient ses ambitieux desseins à l'arrest, & empesche ses sanglâts sacrifices ! Que releué sur le deuoir, tousiours à cheual & au guet pour le bien de son peuple, & tel que cest Osiris que les Egyptiens figuroient par vn œil & par vn sceptre : Tel que ces bons animaux de la Syrie qui gardent ceux du pais & en tirent les estrangers, Que nous le verrons, plus souuent sucr aux escarmouches qu'aux tripots, & succer plus volontiers la pousiere à la chasse de l'Espagnol, que les delices des festins ! Et nous sur l'oreiller saisis du sommeil d'Endymion, & à yeux tousiours fermez comme les dieux d'Epicure, amollis & eneruez de repos, qu'à son exemple comme aux graues tons de la chanson de Minerue, que le mulicien Timotheus chantoit deuant Alexandre, nous ne nous esleuerons point en sursaut ? Que nous ne nous animerons point à la vertu ? Du soulfre en ses royales actions, qu'il n'y aura ny soulfre ny bitume pour allumer nos cœurs à son imitation ? Que de sa vertu & de son honneur, comme du fuzil & du caillou, il ne tombera point vne estincelle sur nos ames, pour dire du moins qu'il y a du feu, de ce saint & sacré feu de Bourbon, qui tout autre que celuy de Promethee porte la lumiere de la terre au Ciel ? Cæsar pleure, Themistocles ne peut dormir, Et où sont nos yeux pour les victoires d'Alexandre, & pour les trophées de Miltiades ?

V n rayon doncques, vne estincelle de vostre
vertu,





vertu, Ô PRINCE, l'honneur de ce siecle, vn
 tulle de vostre courage, Inspirez nous, a
 nous, & que la France viuifiée de l'esprit
 stre vertu guerrière & martiale, tesmoign
 yeux de l'Europe, Qu'en ses iours de feste
 ioye, en son humeur de bien faire & mains m
 elle peut gourmettre la fierté, tenir sous
 l'ambition d'Espagne, & luy faire marmote
Miserere, comme vn penitencier à dos sangl
 déchiré de coups.

N o v s a lors, à cœurs tous esleuez p
 gloire de nos vaillances, nous trestous en co
 dat & vnisson de cœurs & de vplontez, au
 nous les ames de trempe plus moile & m
 tournée à l'honneur: nos bras seroient-ils,
 espees plus courtes, que celles de nos anco
 lors qu'à Rauené & à Cerisoles, &c. ils ne re
 troient l'Espagnol que comme vne moisiss
 gloire & d'honneur, tousiours de talon & c
 tourné à eux, comme les Perses deuant les
 cedoniens, & ce cœur failly Perseus deuan
 armes victorieuses d'Æmylius? Au rebou
 Cence qui de femme deuint homme, ser
 nous d'hommes deuenus femmes? Les mesm
 nostre PRINCE, que nous ne senons pa
 mesmes, qui à Dieppe, qui à Yury, & q
 tant d'autres furieuses meslees, ou pour t
 vostre vertu nous auons fait jonchee, & co
 Promethee le Thessalien, gueri les play
 vostre France, par la mort de ces mores
 cains, qui ont osé attendre le trenchant de n
 pees? Ce honteux reproche pourroit-il par
 flexion rejaillir sur la France, & sur nous cet
 ue atteinte, que Demosthene donne a l
 neur des Grecs, *Que d'un plaint sant, pou*

Premiere carriere, ils pouuoient & scauoient bien faire la guerre, mais non à la continue & au long aller?

Plustost, mais plustost à l'abord de ceste sorciere Medee, de ceste paix croustee du fard & du vermillon d'Espagne, ne ferons-nous pas comme ce gentil Clitomachus, qui faisant profession de combattre es jeux de prix, aussi tost que l'on mettoit en auant quelque propos d'amour, faisoit place vuide & quittoit la compagnie?

M Y S T E R I E V S E est ceste Loy d'Hesiodé, qui defend de ne passer point à gué les riuieres tousiours courantes, par ce qu'en leur cours continu elles representent la nature infatigable de la Diuinité. Il voioit la ronde ordinaire du ciel, la course du soleil à carriere non aboutie, les travaux de la Lune, le continuel mouuement de nos ames, & de là iugeoit-il, ce grand homme, que la nature n'est point comme ces estoilles qu'on nomme stationnaires, mais que tousiours en perpetuel mouuement elle veut qu'on la pousse en la meilleure part, de peur que comme vne balance elle ne soit emportee en la pire: Et de là commandoit-il au laboureur de faire ses vœus à Iupiter & à Ceres, en tenant la main sur le manche de la charrue.

N o s actions doncques, que nos actions ne ressembleront point aux lauriers, aux meurtres, aux oliuiers, qui par vne perpetuelle succession de fueilles aux fueilles demeurent tousiours en verdure & en leur beauté? Nostre vertu, qu'elle sera comme les senteurs & les parfums dont le plaisir passe en vn moment, au lieu d'imprimer en nos ames vne passion semblable à la soif & à la faim qui sont tousiours en appetit & alteration? Quelle aura ses mois comme les femmes, au lieu d'être plus

plus fertile que les lieures, qui au dire de Plin^e conçoient tous les mois ? Qu'elle ne trouuera point des ailes pour donner à trauers toutes incommoditez, & fendre tous empeschemens, comme vne presse de gens qui vouldroient luy defendre vn passage ? Vertu escoulee, vertu en son dernier quartier, vertu sans ressource, & qui n'a plus de Printemps pour reuerdir, vertu, & non rien plus qu'idole & fantosme de vertu, semblable à ce Mandrable dans Lucian, qui pour estre trop deuotieux du commencement perd en fin toute sa deuotion: Semblable à ces bœufs de Suse en Perse, qui rendoient leur trauail à tous comptes, & sans passer outre: Semblable à la premiere boutée que fait le germe du roseau, qui du commencement produit vne longue tige droite, esgale & bien vnue, mais duquel en fin l'esprit qui le pousse contremont est retenu de nœuds, & rabaté de plusieurs empeschemens.

MERUEILLE, qu'un Cynique renfron-
gné & à demy Misanthrope, anomal & irregulier
en ses actions, & duquel on ne peut louer la vie qu'par
paradoxe, Diogene, ce tout âce, ce tout moisi, qu'il
mit par vne farouche liberte de paroles, ce grand
Roy de Macedone en telle ecstase, qu'il eust vou-
lu estre Diogene s'il n'eust esté Alexandre. Lui
qui brullant, comme les Stoiciens disent de Iupi-
ter, d'une soif tres-ardente de gloire & d'autorité,
actif entre les plus actifs, tousiours en halaine,
tousiours bandé sur l'honneur, & à qui la terre
sembloit estroite pour son ambition, Merueille
qu'il soit entré en jalousie d'un homme enervé de
repos & de croupillante paresse, qui ne faisant
mestier qu'd'une lague satyrique, laissoit émousser
& relascher toute inclination de bien-faire au pu-

blic par vne vie plus digne de compassion que d'imitation.

Il est vray, de tout temps le vice a esté subtil artisan. Tousiours il a eu beaucoup d'art pour paillier les rides & la laideur, force beaux semblans pour desguiser ses vlcères. Il n'est iamais sans ligue ny sans partisans, non plus que la vertu. Tâc de guespes qui mangent le miel des auettes, tant de ventres d'Epicure, vrayz professeurs d'oisiuété & de fetardise ne sont pas sans protection. De trois mots, ie ne scay comment sortis de la bouche de Pythagore, *Abstien-toy des fèves*, ils en font vne sentence d'Oracle & du Trepied d'Apollo, sans cautionner leur vaine creance que de ce dire, *Il l'a dit*. Comme si vn texte mal glosé, les deuoit attacher à vn foyer, à vne vie couuerte d'ombre & d'obscurité, & aprochante de celle des glirons ou des hiboux.

1 MENTEUR sans front, trop libertin en tes bourdes, trop audacieux à piper les simples, & hors de credit sans bon pleige & caution parmi les doctes, Herodote, si de tes fables, quand tu nous donnes pour histoire que pour estre Gentil-homme entre les Thraces, il falloit sequestrer son ame entre les douceurs du repos, porter les bras en écharpe, mener vne vie cachée, moïsier, relante, non rauie, non inspirée de l'honneur, & n'esslargir point ses affections au dela du ventre & des boyaux!

2 BIEN loin de ceste belle doctrine des Pythagoriens qui pour condamner l'oysiueté & la mettre au ban du monde, *N'aide point ton ami*, disoient-ils, *à descharger vn fardeau, mais ny à le mettre sur ses espauls*. Bien loin de ce beau naturel du Dauphin, qui tousiours est en perpetuel mouuement, iusques là que quâd il dort, il veut estre ber-

bercé de l'agitation vagabôde de la mer, & jamais ne finir son mouuoir qu'avec sa vie : Mouuoir & vie à mesme compas & mesme cadence.

RIEN de toy, ô Xerxes, ie ne di rien de ta libre & franche confession, *que ta prudence s'asloit en la presse & au plus grand effort de tes affaires.* Bayard Romain, toujours roide sur l'auance de ta reputation, ô Turbo, duquel la vie fut sans feste & sans sabbats, & les actions sans periode & sans point. Que veux-tu que ie die de toy, sinon ce que toy-mesme battu d'extreme maladie & sur la triste arriuee de ta mort. disois à l'Empereur Adrian, tout exploré de ton piteux Estat, & en admiration de ton esprit en la foiblesse de ton corps, *Les lingueils & l'oreiller, MON PRINCE, rongnent & accourcissent la reputation d'un homme à honneur; Il faut mourir sur pieds!*

Ce maître homme, au seul nom duquel tout artisan porte la main au chapeau, & à qui l'art mesme semble deuoir hommage & hief, Archimede, ce Gerion à plusieurs mains, trace tousiours à dos courbé ses figures geometriques, & à peine le peut-on arracher de dessus ses tableaux. Nicias peint l'euocation & la coniuration des ames des trespassez qui est en l'Odysee d'Homere, avec telle affection, qu'il demande souuent à ses seruiteurs, s'il est à ieun ou apres disner. Le Senat de Rome entré en goust de la belle harangue que fit Caligula à l'entree de son Empire, craignant que comme ses paroles avec le temps, son deuoir ne s'en allast avec ses paroles, ordonna qu'à chasque commencement d'annee la harangue seroit releuë à Caligula. Cela n'est ce pas pour dire que les vertus prennent parti, s'escoulent de nos ames, & leur disent vn dernier adieu

par leur familiarité entrecoupee, par leur hantise rompue, & que la liffure de nostre vie ne doit point estre comme ces ourages à bastons rompus, mais tousiours d'une trame & d'un mesme fil, tousiours d'une liuree & d'une parure? Dire & encores dire, que la France nourrie au chamaillis contre l'Espagnol ne peut honorablement dire à son espee, le *Pax vivis, & requies defunctis*.

Les mains des particuliers, selon Saluste, doivent tousiours estre en besongne, afin que le repos public demeure en son entier. Mais si le dormir, comme disoit Ariston, nous oste la moitié de la vie, & l'oïsiuete l'autre, Où est la besongne, où est la vie? Mais plustost où n'est la mort? Cependant lequel vaut mieux, ou vertu en fleur, ou reputation fanée? Et qui ne voudroit plus, dit Plutarque, tuer le tyran Archias pour affranchir la ville de Thebes que de coucher avec la courtisane Thaïs, ou boire du vin Aruisien? Qui n'aimeroit mieux sous les esclans d'un genereux desir, & animé de viues passions & de mouuemens, comme d'aiguillons & de pointes aigues, estre poulxé au deuoir & à une iuste vengeance contre l'Espagnol, secouer sa tyrannie à double main, mettre la Nauarre aux frâches coudees, & otter à ceste pauvre desolee les fers & la cadene? Qui ne l'aimeroit mieux, que sous les flatteurs blandices du repos, sous les sorciers amadouemens, & sous les charmes d'une paix traistreuse, d'ôner libre repeuë à ses appetits, & comme Neocles l'Epicurien n'auoir autre ambition, que de tenir son ventre à l'engrais, à la trie & au choix de ses plaisirs? Luculle, Luculle, tu perdis plus d'honneur en vn iour de tes delices, que tu n'en gagnas en toute la longue course de tes trauaux.

S V R la fleur & la fueille de mesieurs, toutes mes forces en verd, mon honneur en seve & tout gluant pour bien prendre; Que ie me couche-ray ieune pour me refueiller vieillard, comme on dit d'Epimenides, laissant consumer la vertu active de mon ame par vne molle & lasche paresse, ne plus ne moins que la rouille gaste le fer? Que comme cest Espagnol poussif & de grosse haleine, ie ne prendray vent ny maree que iusqu'aux colonnes d'Hercules, & encore que i'y marqueray les apprehensions de mon courage par ceste honteuse deuise, *Non plus avant?* Que ces enfumez, que ces mores de Castille à pied tousiours leué, pour donner vn coup de pied à la France, que ie ne feray point comme les grues, qui faisant le guet se soustienent d'une iambe, & de l'autre tiennent vne pierre en l'air? Que comme Hercules qui en dormant tenoit son arc dessous l'aixelle, & sa massue en la main, que mesmes en veillant ie n'auray ni l'espee au poin, ni la lance à l'arrest? O la response pleine d'instruction de ce gentil Lacedemonien Charillus, à vn qui l'interroguoit pourquoy on faisoit à Sparte les images de tous les dieux armées, *Asin*, dit-il, *qu'on ne leur reproche d'estre couards, & que les ieunes hommes ne facent iamais priere aux dieux sans leurs armes.*

AAGE à poil gris & à teste chenuë, à front tout feillonne de rides, à yeux ternis & enfoncez, à mâchoire auallee & cuir flettri, veilleste, à deux pas du cercueil, toute courbe & pliee sur le tombeau, Tu feillonnes, (disent tes malueuillans) tu rides l'ame, tu l'entrouues à plusieurs infirmittez: Tu sens l'aigre & le moisi, tu tires sur le flettri & sur le rance: Ceste chaleur bouillante

& courageuse de la ieunesse, mere des braues executions est estainte en toy. Tu ne te couches iamais sans rideau & sans feu. Tes vieux iours contrepontent tes plus ieunes desirs. L'impuissance luite ton ambition, & ne pouuant ce que tu veux, tu gemis plus que tu ne veux. Ton ame gelee, tes bras engourdis, tes pieds de plomb se remettent aux pleurs de tes yeux, aux soupirs de ton cœur, aux regrets de ton ame pour la liberté perdue, liberté rauie de nos freres, de nos compatriotes, de ces pources Nauarrois, qui ne pouuans encore estre reduits au desespoir par vne si longue esperance, pratiquent leur prudence en leur dissimulation, & leur courage en leur patience.

Hors du tombeau & de la pousiere, pour vanger l'honneur des vieux, ô Massinissa, qui en l'aage de quatre vingts & six ans, couuert de playes & de sang te trouuas victorieux en vne grosse bataille contre les Carthaginois : Fay vn repart brusque & vigoureux, ô Phocion, contre ces enuieux de ta guerriere vieillesse, comme sur les ennemis de ta patrie, lorsqu'en vn aage voisin de la mort, tu leur faisois sentir, que iamais homme d'honneur ne tourne bride au deuoir, & qu'il conduit ses belles actions d'une file & d'une haleine iusqu'au tombeau. *Et quelle ieunesse, dit Xenophon, fut plus gaillarde que la vieillesse d'Agésilas? Qui en la verdeur de ses ans; & au plein de sa force, fut plus formidable à ses ennemis qu'Agésilas? Quelle mort de ieune homme, plus amèrement reguettee des siens, & accueillie avec plus de ioye des ennemis, que celle d'Agésilas, quoy que decrepit & sur le bord de sa fosse?*

N o n, non, la vertu ne fut iamais à menton blanc,

blanc, jamais elle ne flectrit, & ne se ride comme le corps. La plus douce voix du cigne, c'est aux approches de sa fin, & lors que la mort luy vient commander vn silence perpetuel. L'Abeille ne peut deuenir frelon, & les parties diuines d'une belle ame ne sont point plus fressles, ny ne s'amortissent plustost que les sensuelles & corporelles. *Et seroit-ce, dit Plutarque, une bonne excuse au Prestre d'Apollon pour abandonner l'oracle, que de dire, l'ay assez sacrifié, j'ay assez fait de processions?*

C E T Esprit familier de Socrates, qui d'ordinaire parloit à luy: Ce dieu l'an qui chantoit les cantiques de Pindare, Qu'estoit-ce que leur propre vertu qui se representoit à eux par eux mesmes, pour tousiours les tenir en goust & en appetit de la vertu? Simonides en sa vieillesse emporte le prix d'auoir mieux ordonné sa dance. Auguste embellit toute sa vie par ses dernieres actions: Pericles presque sur son tombeau, fait reuerdir la grandeur de son courage, en persuadant aux Atheniens d'entrer hardiment en la guerre Peloponnesiaque. Et nous, que nous ne tirerons point outre iusqu'au bout de la vie, & iusqu'à nous saisir du flambeau de victoire, comme d'une couronne qu'on a gaignee es jeux sacrez? Ayant deuoré le boeuf, que nous en laisserons la queue, & que selon le proverbe *nous ne donnerons point le troisieme gobeau à Iupiter Sauueur?* Que nos actions ne tiendront rien de ceste belle course du soleil, qui s'aboutit sur son commencement, & recommence par sa fin? Que nostre vie ne sera pas tousiours vie, ainsi que le mouuement du cercle est tousiours cercle, mais que comme ces isles du trou de Trophonius, qui tournans leurs bouts à gauche ne conioignent jamais la fin avec le

commencement, nous ne pourrons faire vn cercle entier & parfait de nos actions? Comme si le dernier acte de nostre vie deuoit salir tout ce que nous auons vescu: Comme si la vertu estoit plus fressle & de moindre courage sur le couchant que sur le plein de nos iours. Et toutesfois dit vn ancîé,
Les champions es ieux sacrez ne sont point couronnez, qu'apres le combat & la victoire.

PERIANDER avec le corps de sa femme brusla ses habillemens & ses bagues: Minos enseuelit quand & Glaucus ses flustes Candiotes. Et il semble, dit Plutarque, que les morts allegent leurs douleurs, quand on enterre avec eux leurs armes, leurs meubles, leurs vestemens: le voudray dôc que mô espee soit de mon conuoy & de mes funerailles, sans tirer coup d'espee! Qu'en diroit-on? Si mort l'espee au poin contre l'Espagnol, où mes playes, où mon sang? Si mort sans me defendre, A quoy vtile ceste espee parmi les morts si elle a esté inutile entre les viuans? Si au liêt, si à hocquets languissans, si ie suis mort dans le liêt, Et pourquoy autre chose que le linceul & le cypres? Belles & somptueuses funerailles pour moi, si mon corps, en le portant en sepulture, pouuoit disparoîr comme celuy d'Alcmene mère d'Hercules.

L A I S S O N S l'espee. prenons l'esprit. Il en va de l'homme comme du vin, dont la bonté est en l'arriere saison, quand le temps en a tiré le feu & adonci la vigueur. Les vieillards ressemblent à la Cigoigne noire Ibis, qui deuenue vieille a exhalé ce qu'elle auoit de forte & puante haleine. Et dans Euripide ceste desolee reyne de Thebes, mere d'Etheocles, *O mon fils, dit elle, La vieillesse ne porte pas tous les maux en elle ni en croupe, car la prudence*

dence lui en destourne l'abord & le ioindre de plusieurs.

Q V A N D on nous figure Hermes, & ces anciennes statues de Mercure, sans pieds & sans mains, mais les parties naturelles tendues; Quand on nous peint vn capitaine à barbe blanche, tout courbe & chargé d'annees, vn baston plein de nœuds à la main, & vn serpent auprès de lui, comme les anciens figuroient leur *Æsculape*; Qui ne iuge par là combien en vne profession, enueleppee de dangers & de difficultez, il y faut de prudence & de sagacité, & comme les forces du corps ne sont pas les principales parties d'un Estat, mais ouy la sagesse & la parole actiue & seconde? Aussi le preuoist de camp entre les Romains, dit *Vegece*, estoit prins de ceux qui enuieillis dans leurs armes, pouuoient instruire les ieunes soldats, & les mettre en train de faire ce que dignemēt ils auoient fait eux-mesmes. Et dans *Homere* les Grecs ruent & assenent leurs plus beaux coups apres les sages conseils de *Nestor*.

Le temps prefix aux vierges Vestales à Rome, estoit diuisé en trois parties. La premiere pour apprendre ce qu'il falloit faire en leur religion. La seconde pour la faire. Et la tierce pour la monstrier. Et les prestresses de *Diane* en *Ephese* s'appelloient en premier nom *Mellieren* nouice, En second *Ieren* prestresse, En troisieme *Parjen* outre-prestresse. Chascun le sçait, Là plus courte & la meilleure dresseiere pour la vertu, c'est l'instruction, & pour rudement mener la fortune de l'Espagnol, il ne faudroit que sçauoir comment le Roy, nostre inuincible *Alexandre*, la combattu, battu, & à dos tout rouge de coups, & tout hideux de playes, honteusement chassé des entrailles de la France.

I' A V R A Y obey, Et que ie ne voudray point commander ? I'auray commandé, & que ie n'en-seigneray point comment il faut obeyr ? Que i'auray moins de soing des miens que ceste noble Dame Euridicé, qui Esclauonne & barbare de nation, & auancee en aage, print la peine d'estudier pour instruire les entans ? *La domination tyrannique*, dit Plutarque, *n'est point un beau monument pour y estre enseveli, mais un gouvernement iuste & legitime, auquel vn homme de bien a accoustumé de se monstrier tousiours, non moins en obeissant qu'en commandant, utile & profitable au public, est à la verité un beau sepulchre, pour y estre entel exercice honorable-
mēt inhumé, en adionstant à sa mort la gloire de sa vie.*

I E V N E S & vieux, à l'arriuee doncques du réps & de l'occasion pour deplumer la corneille d'Eslope, quand il faudra mettre l'Espagne à son tour de participer aux afflictions, luy rendre sang pour sang, playe pour playe, & en l'embrasement de nos courroux allumez, sous le fleau de nostre indignation, humilier & raualler son orgueil par vn deluge de maux, par vn torrent de miseres & de calamitez : Vous les reiettons nouueaux de la vertu de vos peres, Vous les renaissans bourjons de leur vaillance, ferez-vous comme Hercules, qui à cœur tout amolli & destrem-pé par la friandise du repos, se mit à poursuiure vn beau garçon d'amour, & quita les Preux qui s'embarquoyent pour le voyage de la roison d'or ? Ou plustost comme les Scares, ces poissons charitables, qui voyans vn de leurs compagnons prins, rompent les filez & le sauuent, piquez de pitié comme d'vn poignant aigillon, de voir vos freres à col plié, & à cœur gemissant sous la tyrannie de Castille, Ne vous y esclancerez-vous
pas,

pas, comme foudres qui esclatent & renuerfent tout ce qu'ils rencontrent, Et ne ferez-vous point chemin à la liberté par le tranchant de vos epees?

V o u s & vous sages Lælius, Vieillards tout meuris, tout épurez par le temps, refuserez-vous la faueur de vos bons conseils à ces ieunes Scipiōs, qui en l'ardeur de leurs courages voudroient mettre la derniere main à ceste vieille querelle de la France & de l'Espagne, & sous les cendres de ceste-cy, enseuelir la memoire de nos calamitez passees? Ou bien ne ferez-vous pas, comme les vieux lions qui suiuent les ieunes & dispos à la chasse, & s'ils se trouuent las, s'arrestent & se reposent, iusqu'à ce qu'appellez par les ieunes avec vn hurlement semblable au mugissement d'vn taureau, ils vont deuorer ensemble la proye qui a esté prinse?

I E le confesse, les plus guerriers, les peuples plus courageux, ont leurs sabbats & leurs iours de repos; Vne vie chargee de fatigue & de travaux ne se traine pas d'vne haleine, elle a ses virgules & ses periodes; La guerre & la paix luy sont alternatifs, & s'en entretient comme le corps par repletion & euacuation; Comme l'homme en son veiller & en son dormir; Comme les saisons en la nuit & au jour, en la tourmente & au beau tēps; Comme les arbres en leur fertilité & sterilité, & comme mesmes les lyres & les violes au tendre & relascher les cordes; Ainsi la France, ses afflictions escartees, hors du courant de ses fureurs ciuiles, à pied sec & au port de sa bonne fortune, s'estpauoit és beaux iours de sa prosperité, & doucement se baigne au calme & en la bonace de ses affaires; Ainsi les Romains ne trouuerent point le

repos desagrecable apres le carnage de Marius & de Sylla.

A M O V R E V X, que ie suis amoureux de ce gentil passage de Platon, ou moitié en riant, moitié à certes, Il dit qu'il faut que ceux qui ont fait de grandes prouesses en vn iour de bataille ayent à leur retour priuilege de baiser telle qu'il leur plaira des plus belles. Et quand en son conuie il iette comme vn entremets de comedie, le propos d'Aristophanes touchant l'amour, Quand il introduit Alcibiades ce grand guerrier, qui ayant bien peu, & couronné de chapeaux & festons de fleurs, vient en masque faire vne momerie; N'est-ce pas pour monstrier qu'il y a des plaisirs innocens, qui ne peuuent estre desagrecables qu'à ceux qui comme les escarbots fuyēt les parfums & douces séreurs? N'est-ce pas le vray sens de ces mystérieuses paroles du sage Samien, *Ne mange point ton cœur, Ne porte point vn anneau estroit*, Et clairement dire, qu'il n'est ia besoin d'outrager nos ames de trauaux excessifs, esclauer nostre vie à perpetuelle sollicitude, & luy faire tousiours porter les ceps tousiours à la cadene?

M A I S aussi quand Homete fait abbatre au milieu de la presse des combattans, l'image d'Æneas, comme si veritablement il fust mort, Et qu'vn peu apres il le fait venir sur les rangs sain & entier, & que ses amis quittans son idole, se rengēt autour de luy pour redoubler la charge & les coups; Aquoy ceste mort finte qui pour signifier vn tel quel repos, vn repos, & par maniere de dire, vn dormir de lievre à yeux tousiours ouuerts? Et à quoy ce retour sur les rangs que pour marquer le deuoir d'vn homme d'honneur, qui prend, mais qui iamais ne perd haleine pour bien faire, qui

q ne clouë & n'attache la teste sur l'oreille, q ne s'endort trop sur son repos, qui n'amollit & n'enervue son ame d'une paresse molle & languissante? Aussi la viuacité de nos entendemens s'émousse & se rabat par vne vie oisive & casaniere, comme les esponges par vn long calme; *L'arc trop tendu & l'ame trop laschee se gaste & se perd*, disoit Denis l'Ancien.

SEMEENCE d'yuroye, O pestilentieux preceptes de Neocles l'Epicurien, *Cache ta vie, Ne mange point des aux!* Comme si Epaminondas, dit Plutarque, ne devoit plus prendre charge d'armee, ny Lycurge faire plus de loix, ny Trasibule tuer plus de tyrans; Preceptes, ouy, ô contagieux preceptes, qui voudroyent croiser les bras à la vertu, & rendre les arts & les sciences muëttes & à langue nouëe! ô vie de pourceaux saintement anathematisee par ce Payen Turanius, qui aimoit autant le lit de la mort que le repos; voire par vn Scythe, qui durant son loisir s'accomparoit à son palefrenier; voire par vn monstre d'homme, qui pour ne pouuoir demeurer oyssif, se mettoit à tuer les mouches, iusqu'à là que si quelcun demandoit, qui estoit avec Domitian, *Non pas une mouche*, disoit-on.

SINON oracles du ciel, du moins pleines d'instruction sont ces paroles de Philopœmen, *que la paix n'est qu'une meditation pour la guerre.* Il scauoit ce grand homme comme toutes choses en ce monde, sont à pied glissant, routes en bransle, en flux & reflux, toutes sur la rouë de fortune & en rencontre alternatif du bien & du mal: Le jour & la nuit, le calme & la tempeste, la paix & la guerre, arrivent à tour de rouë; Il croyoit, monté sur la prosperité, d'avoir les afflictions en

croupe. Que vouloit-il ? Faire certes comme Myson, qui en temps d'hyuer preparoit les euantoirs pour l'esté; cōme les Romains, qui cōmençoient à minuer leur iour ciuil pour agencer leurs outils, afin que l'aube & leur trauail, se rencontraient à mesme point. Ô sage donc Philopœmen, qui meditoit sa guerre en temps de paix.

Les Musiciens vne chanson finie n'en commencent point d'autre sans accorder leurs instrumens. Les laboureurs, dit Plin, conduit qu'ils ont vn long sillon, & auât que faire le tour de la charue pour en commencer vn autre, curent & recurent leur soc avec vn petit fer, que les Latins appellent *Ralla*. Et si les taureaux auant que d'entrer au combat respandent la pousiere à l'entour d'eux ; Si les Sangliers aiguissent leurs defenses, & les Elephans se gardent tousiours vne dent pointue & affilee pour s'en seruir aux combats; Si l'Ichneumon ce grand ennemy du Crocodile, auant que le joindre, se crouste tout le corps, & l'enduit de limon, comme vn champion se couuroit d'vne bonne cuirasse pour combattre en champ clos ; S'il y a vne sorte de Cancrè, qu'on nomme le Pagre, qui se sentant tous les ans depouillé de son test, de ses aiguillons, & de son armure ordinaire, se tient enterimè dans son cachot durant le Printemps, & pour crainte de sa foiblesse, n'ose attaquer aucun poisson, iusqu'à ce qu'il luy soit reuenu vne nouuelle couuerture; Et si les plus vaillans dans Homere ne sortent iamais au combat qu'armez de toutes pieces; Dites moy, Vn homme à peine sorti de maladie, & qui donne encore son pouls à tatter au medecin se leuera il de primfaut, & sautera il aux armes? Vn royaume auallé de forces, qui se doit seruir de
la

la paix, comme d'un tetin nourricier, & attendre que le sang tiré soit remplacé & remis aux veines vuides, pour viuirifier le chef, & animer toutes ces parties, forcera-il sa propre foiblesse? s'avancera-il à poitrine & estomach ouvert, sans vigueur ny vertu, sur l'espée de son ennemy? *O le sage Philopœmen, qui meditoit sa guerre en temps de paix!*

Du calme il n'alloit point temerairement à la tempeste, du ciel à la synagogue, & ne tiroit jamais sans visée comme les Andabares. Il ne se iettoit point en la presse à corps perdu, & pour n'arriver à la temerité il ne perçoit point la vaillance trop profond. Ses yeux tousiours triviaux s'ouvroient par tout, & la prudence les arrestoit sur les opportunités, tantost icy, & tantost là, comme la souris qui ne se fie point en un seul trou. Il ne rendoit jamais ses actions preposterres, par la precipitation, comme les Elephans, qui le plus souvent font leurs petits avant le temps. Tous ses conseils estoient secrets & à diuers replis, ainsi qu'on dit des fourmilieres, où l'on va à plusieurs tours & retours par secrettes allees & obliques pertuis. Rien sur la langue de ce qu'il auoit sur le cœur, ses resolutions sans piste ny trace au dehors, en cela semblable au lion qui marche avec le pied clos pour n'estre recogneu. Tousiours sur ceste belle maxime, *que ce qui est sur le cœur du sage est en la bouche du fol*, & comme ce Sigalion des Egyptiës le doigt tousiours sur les leures. Ceste furieuse passion qui faisoit prendre les armes à Ajax contre un troupeau de moutons, & menacer les mers & les montaignes à Xerxes, ceste impetuosité aveugle & desbridée ne le iettoit point à trauers champs. Rien temerairement ny par pas-

sion, Tout en cadence & par mesure, tout à pas contez & à pied de plomb, & affermissant ses actions par la pesanteur de ces conseils, ainsi qu'on dit que les abeilles de Candie ayans à doubler vne pointe de terre, qui soit vn peu suierte aux vens, portent sur elles des pierrettes pour s'affermir, afin que le vent ne les emporte..

COMME le calme aux Alcyons pour la couuee de leurs œufs, comme l'an du conui aux femmes des Sybarites pour se preparer aux festins; Ainsi le visage serain de fortune, le repos & la paix ayans esté fauorables à Philopœmien pour mediter sa guerre; Resolution prinse, equippage dressé, & tout à couuert, comme on dit qu'Æmilius fit ses preparatifs de guerre contre le Roy Perseus; Ne trouuera-il iamais la lune propre à faire voile non plus que ce lasche marinier Accésseus? Tiendra-il ses armes en souffrance? Attendra-il le premier coup de son ennemy, ou comme vn torrent qui bruit, qui court, qui rauage & qui emporte tout ce qu'il treuve? N'esslâcera-il point sur luy l'horreur de la desolation, le feu, le sang, le meurtre, le carnage, & ne passera-il point en Afrique, pour retirer Annibal d'Italie?

ASOVRCIL haut esleué deuoit estre ceste royne des Massageres Tomyris, quand elle met au choix & le marché en papier blanc à ce grand roy des Persees Cyrus, *Vien ou ie viendray, Attends moy ou ie t'attendray*; Il luy falloit vn ennemy qui la print au mot, verd de courage, esleué sur l'honneur, & qui repartit l'espee au poing, *Me voicy. Le sang luy boult, les esprits luy fument, le combatte luy tarde, & diroit-on que les paroles luy fassent plus que les coups, Vien ou ie viendray. Attends moy, ou ie t'attendray.*

C E S T E chamade, ce cartel de deffi ne fau-
 ce-il pas à iour la reputation de Cyrus? Ces fe-
 melles fieres paroles ne rabattent-elles point ru-
 dement sur son honneur, & ne le mettent-elles
 pas au reflux & au descendant? Il se deuoit preua-
 loir de l'auantage, & se souuenir comme Agefi-
 laus tenoit à gloire, que iamais femme Laconien-
 ne n'auoit veu fumee du camp ennemy: Aussi cer-
 tes en commerce & trafique de coups, le donner
 vaut mieux que le prèdre, & rousiours le premier
 en vaut deux: Et comment donner si on ne s'auan-
 ce? & quelle auance si on attend? Trouue braue
 qui voudra ceste responce de Leonidas au roy
 Xerxes, qui luy ayant escrit, *Enuoye moy tes armes,*
luy escriuit, Vien les querir, Il deuoit plustost dire,
Je te les porte, voire & preuenir sa responce par ses
 coups, & monstrier qu'il auoit la main plus prom-
 pre que la langue, comme nous deurions aussi
 auoir plustost le pied dans Pampelonne que
 les menaces sur les leures, & faire sentir à l'Es-
 pagnol que nous frappons comme iusticiers, a-
 pres auoir trop attendu comme pitoyables; Au-
 trement que seroit nostre vaillance, qu'une sage
 couardise, & nostre hardiesse qu'une crainte d'e-
 uiter vn danger par autre? Vaillance! & comment,
 si elle est forcee & non volontaire, & si la France
 n'ose porter la main à l'espee, que quand l'Espa-
 gnol la frappe au cœur, & luy veut oster la vie?
Celuy qui endure, disoit Gryllus à Vlysses, *des coups*
de baston de peur de recevoir des coups d'espee, & qui
ne porte le boullier contre son ennemi, que de crainte
d'estre cruellement outragé, Il ne se doit pas dire hardy,
mais couard. Et, à la chose mal seante de prendre plu-
stost le boullier que l'espee!

I L est vray, Nos natures ne panchét pas toutes

à mesmes inclinations, & nous ne sommes pas toujours environnez de mesmes auantures, dit Plutarque. Les occasions des temps, ne plus ne moins que les vents sont propres à quelques actions & contraires aux autres. Aussi dit-on que les sages, sont maistres artisans de feintes, & qu'ils changent leur aduis selon la necessité du temps, comme les grues leur ordre de voler selon le vent. Ils n'ont point vn domicile en leurs mœurs, ains vivent d'une vie changeante d'une forme en autre, comme l'eau qu'on transvase, qui toujours coule & s'accommode à la figure des vaisseaux où on la met. Sans cela, quelle grace y auroit-il en ce repart de Leotychidas Lacedemonien sur le reproche que quelcun luy faisoit d'estre variable & de diuers plis à toutes occasions? *Si ie change, dit-il, c'est pour la diuersité des temps, & non par malice comme toy.* Et qui sans cela ne tiendrait Alcibiades pour une girouëtte & vn champ à tous vents, quand après auoir vescu à Athenes en toute galanterie, bras dessus & bras dessous, avec les moindres: En Lacedemone, la barbe faite au rasoir, couuert d'une meschante cappe, à sourcil renfrongné, & d'abord rude & dedaigneux: En Thrace, tantost l'espee au poing, tantost à tirer du gobelet: Et qu'arrivé en Asie, il se fondoit en delices & voluptez, receuant toujours comme vn miroir les images des passions, des vies, des mouuemens & affections d'autrui?

Su a tout vn Roy tel que vous, ô grand Roy de la fleur de Lis, ne doit point rompre avec le téps ny avec la fortune. Si courtesane, faites luy les doux yeux, paroles de sucre & de miel: eau benigne de court en flux & en marée: baisers qui ne passent

passent point la surpeau des leures : embrasse-
mens qui n'aillent au dessous de la ceinture. Si-
femme d'honneur, baisez pour embrasser, em-
brassez pour aller plus auant, joignez-vous, e-
straignez-vous, & que de ce saint lien d'amitié,
la France apres l'adieu de ses afflictions, sur le
verd de ses forces, és iours nuptiaux & en l'es-
troitte conionction d'une douce influence du
ciel, Ouy, vostre tant aimée & tant chere Fran-
ce, qu'elle en voye naistre son heur & toute sa
felicité, comme du mariage de Iupiter & de la
Deesse Pitarchie.

Je veux dire, qu'il ne faut point prendre le ga-
lop ny la poste sur vn visage riant & comique de
fortune. Qu'un sage Prince doit entrer en con-
ference & consulter ses affaires avec le temps &
l'occasion, & estre, selon le proverbe, *homme de
toutes heures*. Qu'il ne doit iamais remuer le
bras pour coup perdre, ny sortir son espee du
fourreau que pour tirer l'ame du corps de son
ennemy : Ne tenir rien en conserue ny à l'espar-
gne quand il luy faut courir sus, & se souuenir
de l'Hellebore, qui commençant son operation
met l'estomac sans dessus dessous ; mais si on en
donne en quantité moindre dose qu'il ne faut,
il trouble bien, mais il ne purge point. Que
puis qu'il y a temps de perdre & temps de gai-
gner, comme Antiphanes disoit, qu'il y auoit cer-
tain pays, où les parolles geloient en Hyuer, & se
dégeloient au Printemps, Il doit en la presse de
les affaires imiter le Dauphin, qui se trouuant
enfermé dans les filetz l'endure avec patience
sans s'estonner, puis sentant qu'on l'approche
de terre, ronge les filetz & prend le large.

Ouy en matiere d'Estat, au luisant de fortune,

& es plus beaux iours de prosperité, l'occasion doit estre le quadran & l'horloge des Roys; Ny froids, ni bouillans en leurs actions; Rien hors de temps, tout avec luy, comme sous la faueur d'y ne escorte du Ciel, Mesurer sa volôté au pied de sô pouuoir, se changer selon sa portee, & donner le fardeau comme l'on dit, selon le chameau: Sur tout se souuenir *du temps, du temps, du temps*, & comme sur la priere qu'on faisoit à Isocrates de discourir en vn festin ches Nicocles tyran de Cypre, *De parler, dit-il, de choses auxquelles ie suis propre, il n'est pas temps: Et pour celles dont il est temps, ie n'y suis pas propre.*

ALEXANDRE fut bien le Prince qui moins mit ses affaires en balâce, & qui plus fit valloir ses entreprinſes sans poids & sans mesure; Tout au hazard & sans rien jeter en moule, iusqu'à faire douter aux espritz foibles, si le Ciel estoit son partisan, ou son courtisan. L'oracle mesme des dieux, au rapport de l'antiquité, fut forcé de dire, *Tu es invincible, mon fils, & les Atheniens de le canoniser par ce decret, Depuis qu'Alexandre veut estre dieu, qu'il soit Dieu.* Mais aujourd'huy sa fortune est hors de quartier, nous auons toute autre posture, toute autre escrime, & qui ne porte les coups à temps & selon l'occasion, se met à perdre sans occasion.

Q V O Y donc? Enfiler perles & attendre à brascroisez l'occasion goutteuse, & qui ne marche qu'à pas de tortue? Ouy, enfiler le temps & non pas perles; Attendre le temps, aux pieds de cerf, qui rencontre à point nommé l'occasion boireute; Avoir les pieds de vent & non de tortue, mais tousiours avec le temps. Et n'est-ce pas ce que disoit César, qu'en tous desseins il
faus

faut avoir vent & marée? N'est-ce pas ce que Lycurgus entendoit par cette Loy, que les Lacedemoniens ne donnassent jamais bataille que sur le plein de la Lune?

C A T O N , mon sage , mon tout discret contreroolle. Esprit affiné , & semblable à l'or passé par la Fournaise , *Barillere* , C'est pourquoy tes raisons contre mes soupirs , tes aduis contre mes gémissemens , tes censures contre mon impatience , & ton *Hola* contre mes viues & pressantes sollicitations : Ainsi souuent dans Homere , Nestor e préd à l'espee d'Achilles, & par son sage conseil attiedit ses bouillantes affections , & retient sous bride les esclans de son courage.

M A I S adioustez , comme tu dis , *la ruine à la perte* , & en la maladie de la Nauaire , mettre la France dans le tombeau , *Qui le peut* , sinon le seul destin & le courroux du Ciel? *Qui le veut* , sinon celuy qui de miserable deuenu fol, voudroit ietter le manche apres la coignée , & Creusa toute en feu par les artifices de Medee , s'aller temerairement , comme ce Roy de Corinthe , bruster avec elle ? Encore dit-on qu'Erigone fille d'Icarius, voyant son pere tué par quelques payfans, se pendit de regret, mais que par pitié & compassion des dieux elle fut transportee au Ciel.

R E M D s moy la prouidence neutre, Que le destin ne soit point partial , & que la iustice du Ciel demeure en æquilibre & à balance esgale entre nos pechez & ceux de l'Espagnol ; Rome sera attaquée, mais Carthage vaincue ; Pampelonne prinse , mais Madril ruiné ? Non, n'y toute l'Europe coniuree en ses conceptions de montaignes ne scauroit enfanter que des ratsz sur la France , Ondes sur ondes , mais effort sans force contre va

rocher ; Et qui arracheroit la massue des mains de Hercules ? Iugeons de l'aduenir par le passé . & que tout ce qui tonne ne nous estonne point ? Ouy , plustost tenons-nous en parti avec le Ciel iusticier , & croyons que les diademes & les manteaux de pourpre , sont partages sacrez de la main de Dieu , qui peuuent bien estre secouez non renuersez , combattus , non point abatus ny esloignez du point de leur fatale destinee , *tant les dieux , dit Seneque , sont jaloux de leur autorité , & tant ils veulent marquer leur pouuoir sur nostre impuissance.*

S V R-entasser comme nouveaux Euristhees les traualx aux traualx de nostre Hercule , le tirer de l'abri & du couuert du repos pour en faire vn jouër des ondes & du vent , *Barillere* , mon resueille-matin , le quadran desormais & l'horloge de mes affections , Si tu me crois bon François , & commét gaucher au bien & au repos de ce Saint Tutelaire , qui au temps de nostre fatal mouuement , a releué le fais de cet estat penchant , & de l'ombre de son pauois couuert ceste grande Monarchie , assaillie en teste , à dos & en flanc ? Aimerei-je Rome , sans cherir Camille ?

O V V R I R les cataractes des diuisions pour faire vn deluge de maux en la Chrestienté , resusciter nos vieilles quereles , & desnouer les diuisions de nos Esprits , A qui ce mestier qu'à ceux qui se plaisent plus aux Eclipses qu'aux beaux rayons du soleil , Lutins à la solde d'enfer , qui effarouchent les peuples , & arment les plus couards au rocsin & au tintamarre de leurs seditieux escrits ? Cruels demons , qui nous veulent precipiter à la tuerie , au sang & au meurtre , Corbeaux qui courent apres les charongnes qu'ils ont flairees , Oyseaux

seaux de proye qui se remuent par esperance du gain, comme au branle du leurte ; Serpens venimeux qui se nourrissent tousiours de quelque chose pestilente ; Mousches infectes & puantes, qui ne se pouuant tenir sur vn miroir bien poli s'attachent aux lieux raboteux ? *Barillere, mon Barillere*, j' aime comme tes belles perfections, & de tout mon cœur ie l' aime, ceste pacifique Loy d'oubliance des Atheniens : Vueille & vucille le Ciel, que la vie de nostre Trasylbule soit bien retranchée en vne vraye & sincere Amnestie.

N o n, non, ie ne suis pas de ceux qui tousiours veulent viure dans le feu comme la Saie-mandre, parmy l'horreur du sang comme les bouchers, ny entre les maladies comme les medecins. Chameaux, qui ne beuues qu'en eau trouble, Oyseaux malencontreux & de mauvais augure, que Pline appelle *Incendiaires & bonte-feux* : Laurier qui tousiours verdis pres du tombeau d'Amycus Roy des Bebriciens, Enragé laurier, & iullement appellé tel, puis que tes branches portees dans vn nauire mettent comme en rage le marinier contre le marinier, les eschauffent à la querelle, les poullent & les tiennent aux coups iusqu'à tant qu'on les en tue ; Hommes de sang, qui voudriez faire vn Printemps de la verueur de nos passions, vn Esté de la chaleur de nos combats, vn Automne de la cucillette de nos coups & de nos playes, & vn Hyuer de la froideur de nos corps morts ; Chameaux, Oyseaux, Laurier, & vous estaffiers de la mort, Courratiers des cimeticieres, vous fleaux, vous fouetz, vous feux & torches des furies, que ie vous deteste, & que volontiers ie vous courtrois d'anathemes & d'execrations ! Que ie vous

menerois battant, & sans vous laisser mettre pied en terre, comme on dit que les Grecs en leurs sacrifices de purgation, qu'on nomme *Perycistacismes*, chassoient les chiens des Temples, pour estre vn animal riotoux?

GUERRES, ô Dieu, Et que sont-ce qu'effectz de nos passions? Nos passions, Et quoy, que vray seditieux & mutins, que flots & tempestes en nos ames, qui contraignent l'entendement à baisser voile, & la raison à quitter le gouvernail? Que sont-ce que medecines qui donnent des tranches sur le point qu'on les prend? Que feux qui sont tousiours de la suye contre l'intention de celuy qui les allume, & encore feux plus malaisés à entretenir qu'à allumer? Guerre, encore ô guerre, l'espee sanglante de la mort, Chaos de confusion, eschaffaut à joüer tragedies, boucherie des Canibales, pleine de meurtre, de sang, d'effroy, d'horreur? Table ouuerte pour les malvivans, Arcenal du vice, moisson doree pour les voleurs, antimoine trop corrosif, ravage trop violent, & qui emporte en ses flotsz. autant les bons que les mauuais.

A v fruit se cognoit l'arbre; La guerre met le vice en autorité; La rapine marche à enseigne deployee; La diserte, la famine, la peste, les mortalitez y sont en quartier; Rien que desbauche & desbord; Le monde aux franchises coudées & en libre arbitre d'aller à l'abādō & au vent de ses appetitz; La pieté & la iustice hors de rang, & au honteux reflux de tout leur honneur. Et si on trouue estrange d'une riuere, que Plin appelle *Silaris*, où les feuilles des arbres deuenent pierres, Cela, & qu'est cela, au regard de ce que nous lisons des Siciliens, qui pour estre
d'or.

d'ordinaire aux coups , deuindrent comme bestes sauuages acharnees au meurtre & à la ruerie?

N O N sans mystere Dieu aime les mains innocentes & non pollues de meurtre, comme celles d'Hippolite , dont parle en Euripide la nourrice de Phædre. Il ne veut point que Dauid batisse son Temple pour estic homme de sang, & les Pontifes Romains pour preface de leurs plus saintes & sacrees actions , *Loing, loing de nos autels*, disoient ils, *sortez du temple, vous qui aux mains souillees du sang humain.*

Q V A N D si tendrement & en tæl flux de larmesce grand capitaine Narfes , qui subiugua les Goths, & vainquit les Bactres , pleuroit tousiours dans vn temple toute la nuict de deuant qu'il donnast bataille , Pouuoit-il dire plus à clair, comme le mal qui vient à bien ne laisse pas d'estre mal? S'aidoit-il des combats que comme les anciens medecins de l'Hellebore en maladies enuieillies, & esquelles la bile & la pituite auoient tellement gaigné sur l'homme, que l'Esprit mesmes en estoit interesse? Aider encore, & comment, sinon avec apprehension, par ce que ce dangereux medicament engendroit des symptomes si violens, & donnoit de si rudes estats que la vie du malade en perilloit?

V L V E le Roy, *viue la paix*, Viue le Roy, l'ame & le cœur de la France, & qui en la sueur de son front a essuyé toutes nos calamitez. Viue la paix, le gay printemps où la iustice reuerdit, où les Loix sont en fleur, où l'autorité des magistrats s'espanouit, où la pieté boutonne & fleurit, Paix le Printemps gracieux qui apres l'horreur d'une sanglante guerre, comme apres la

poignantes froidures de l'hÿuer , nous promet la douceur du repos comme la moisson de l'Esté & les fruits de l'Autonne , vraye corne d'Amalthee , & qui comme les huitres au plein de la Lune nous remplit de toute sorte de biens & commoditez : Paix & non tant paix que guerrè vrayement sainte & digne d'une croisade ; Guerre qui sert de garnison aux villes contre la guerre , de soldat au laboureur contre le soldat ; de caution à l'honneur des femmes , de sauuegarde aux gens de bien , & qui prend le droit à sa main , la iustice en tutellè , l'innocence sous le couuert de sa faueur , Guerre sans larmes , & qui ne fait porter la robe noire à personne , comme celle d'Archidamus , contre les Arcadiens.

VIVE LE ROY, mais loin , loin de ces oyseaux qu'Aristote appelle Sippes , propres à la forcellerie , & à descouvrir les choses secrectes , qui par les artifices de l'Espagnol luy sont trop familiers & domestiques : Espagnol qui tousiours a le naseau ouuert , l'œil au guet , l'oreille aux escoutes & le pied en l'air , Espagnol , Espagnol tousiours à la sonde de nos cœurs , & en questè de nos plus secrectes conceptions , Traistre perfide , & de toute autre hùmeur que les Atheniens , qui ayant surprins vn courrier du Roy Philippe leur ennemy , ne voulurent point permettre qu'on ouurist vne lettre qu'il escriuoit à la royne Olympia sa femme.

VIVE LA PAIX, Pourueu quelle n'ait le couteau de Iacopin dans la manche , & quel Espagnol face comme les Pythagoriens qui observoient fort religieusement ceste ceremonie de jamais ne massacrer vne victime , qu'apres les libations & effusions de vin elle n'eust fait signe
de

de la teste comme si elle y consentoit. Viue, & qu'elle viue, pourueu que ce ne soit pour seruir comme de fiffre & de rābour aux Corybantes de Castille, pour étouffer les cris des pauvres Nauarrois qu'ils sacrifient sinon à Saturne, du moins à leur orgueil & à leurs enragees passions. Pour nous & nos enfans, pour les siecles d'au-dessous, ceste paix tant desirée, pourueu qu'elle ne serue de couuerture à nostre ennemy pour tenir banque de perfidie & de lloyauté sur le cœur de la France, & en maquereau d'Estat depuceler la fidelité de nos consciences, & les mener au bordeau deses vaines promesses.

B A R I L L E R E, le fauori des Muses, belle ame à mon goust, & qui m'affriandes par la douceur de tes escrits, Pour Dieu que ie le sache, de qui sont, & contre qui, ces sucrees, ces sages paroles, que la France deuroit aussi tost imprimer sur le cœur qu'elle les reçoit par l'oreille? *Le renard s'est auancé par les specieux pretextes de la paix: Il s'est ainsi introduit, pource qu'il craignoit la voye ouuerte, les armes permises, qu'il redoutoit l'ongle du Lyon, Il a cherché la paix pour nous troubler en nous par la pratique de ses intelligences: Les iours precedens font vne escholle funeste à la prudence: Les exemples du passé nous auertissent à nos despens par vne sanglante perte & notable interest: Appeller paix les moyens recerchez, d'assassiner, d'empoisonner, de surprendre, d'exiter les rebellions, de susciter, de corrompre Parmenion contre Alexandre, Datames contre Xerxes, Tyribase contre Artoxerse.*

Si tiēnes ces paroles toutes viues & animées de l'Esprit de verité, pourquoy ne te seront suspectes les larmes du Crocodil, & la main flatteuse du boucher? Que veux-tu faire de ce renard en

nos maisons, de ce Loup en nostre bergerie, de cet empoisonneur & de cet assassin sur la bouche & aux flancs de nostre Roy? De ceste paix, de ceste crouste & faux masque de paix, veu-tu que l'Espagnol s'en serue comme de garite à regarder nos actions, de tresbuschet pour nous surprendre, & d'un pas de larron à couper gorges? Il a l'espee toute rouge de nostre sang, cet assassin; les mains pleines de napel & de drogues broyees, cet empoisonneur, la bouche remplie de nos brebis, ce loup rauissant, & encore impunement ce renard fera la cour à nos poules?

E s p e s, nos espees, & que doncques vous ne ferés plus espees? Les aigles en colombes, les faucons en perdrix, les lances en quenouilles, les François en Lydiens, & que tout sera parmy nous en monde renuersé? Le veu-tu *Barillere*? Nous veu-tu tousiours laisser entre le marteau de la tyrannie & l'enclume de nostre patience? Tousiours honteusement veu-tu voir les trophées de l'Espagnol sur nos ruines, & leur bien-seance en nostre desolation? Veu-tu que la France ambitieuse à son mal né se plaigne point si le mal l'approche & l'accroche, s'il la touche & la couche, s'il la bat & l'abat? Attendras tu que Bunias decide le différent des Eleens & Calidoniens, ou veu-tu faire de la Navarre, comme de ces causses que les Grecs appellent Heteromolies? Et veu-tu tousiours crier, Hyla, hyla, ou faire comme les paresseux mariniens, qui durant le beau temps prennent leur plaisir sur le port, puis lèvent l'ancre & font voile à l'arriuee de la tourmente? N'aimés-tu pas mieux voir les Grecs affranchis par Cleomènes, qu' esclaves des Macedoniens, & plustost faire vne risée de Denis le tyran
à Co-

à Corinthe, que de le craindre à Syracuse? Croi-
 seras-tu les bras à la iustice du Ciel? Rendras-tu
 Dieu, non pas simplement goutteux comme fai-
 soit Euripide, mais du tout impotent pour la ven-
 geance? Permettras-tu qu'Alexandre brigande
 par le monde avec ses puissantes armées, & que
 Demetrius ne puisse faire vn coup sur mer avec
 vne petite fregate? Où donc la vie de la France, si
 sans honneur, où l'honneur si sans sentiment, où
 le sentiment si sans plainte, & à quoy la plainte
 si sans iustice, & quelle iustice si le tyran n'est é-
 stouffé dans le nid de sa tyrannie, & César poi-
 gnardé deuant l'image de Pompee?

Si doncques sur l'interim des passions de la
 France & de l'Espagne, ie me sens frappé es ble-
 ceures de ma patrie! ô image portee de la Grece
 à Cumes ville de Lucanie, image tant repassée
 par la plume des anciens, ô image d'Apollon, si
 en tel cas le sentiment passe mesme iusqu'à toy
 idole insensible, & pourquoy non mes souspirs a-
 pres tes pleurs, mes gemissemens apres tes souf-
 pirs, & mes lamentations apres tes gemissemens?
 Yeux de frere, ou de concitoyen sans pleurer,
 quand les yeux d'vne image pleurent, Et que les
 yeux, sinon plus faux, que les yeux mesmes des i-
 mages? Oreilles, ie n'en veux plus, Cœur, & pour-
 quoy? Ame, à quel vsage, si vne image ne peut mô-
 strer, quel ie dois estre, & que ie montre que ie ne
 suis qu'vne image?

Si ma vie ne m'est plus vie, apres la mort de
 mes concitoyens, ô bon citoyen de Preneste, qui
 pouuant viure en la mort des tiens, voulus mou-
 rir avec eux, pour tous ensemble reuiure en la
 reputation de ton courage, Que tu iugeois bien
 quelle symmetrie il y a du corps aux membres, &

des membres au corps, & que la mort comme le mal, & la vie comme l'honneur, reiaillist des vns aux autres!

Si en la fortune captiue de mes freres, ie me lamēte, cōme si du tout ie n'en auois point, si ie presse, si ie sollicite vn changement de leur marastre fortune, n'est-ce point pour ce commun ressentiment de nature, qui nous fait plaindre ce que nous auons perdu, & desirer ce que nous n'auons point, comme Telemachus dans Homere, qui au registre & au denombrement de ses miseres, cottoit entre autres ceste cy, *qu'il n'auoit point de frere*? Encore & n'est-ce pas pour ce deuoir mutuel qui nous oblige à faire vn gros de nos bonnes fortunes, & comme vn Colisee de toutes nos prosperitez, voire & parmi les orages de nōs afflictions, n'auoir qu'vn rendez-vous pour nos affections, & en estre toute alliance de cœurs & de volonte, demeurer ensemble attachez, collez, pied à pied, main à main, si qu'en mourant sous les sanglantes espees des ennemis, nos meurtriers mesmes meurent de l'apprehension de nos courages? Seray ie moins charitable que les elephans & les scares, qui ahaient, qui travaillent à rerirer leurs compagnons de la fosse & des filets? Laisserai ie à dos tout courbé sous le fardeau de ses vieux iours, tout parois & hors d'haleine, tirer ses armes dehors, & les mettre en la rue deuant la porte de sa maison, le laisserai-ie implorer la faueur des dieux contre Pisistratus, Que doncques ie laisseray Solon ce bon vieillard crier tout seul, & languoureusement crier apres ses concitoyens, *Secourez mes amis, secourez vostre patrie, mourons libres, ou faisons mourir le tyran*?

Si en l'oppression tyrannique de la Nauarre;
la

la prosperité de la France me semble bastarde, louche, & qui regarde de trauers, non pleine, non entiere prosperité, N'est-ce pas apres Pitacus, qui sur la demande que luy faisoit ce grand roy de Lydie, S'il auoit point de biens, *Deux fois*, dit-il, *plus que ie n'en voudrois, ayant perdu mon frere, le seul & trescher frere que j'auois.*

Si prosterné aux pieds de mon Roy, j'implore sa bonté, j'adiure sa vaillance, ie sollicite sa iustice; Si de ces trois sienes belles & esclatantes vertus, ie m'en promets amour de pere, faueur de maistre, aide & secours de seigneur, Et pourquoy nō, puis que le poussin battu du milan, se ierte sous l'aile de sa mere, & puis que mesmes les bestes s'opposent au mal, & volontairement l'endurent plustost que de le voir tōber sur leurs faons? Pourquoy non, si le pere & le fils, le maistre & le seruiteur, le roy & son peuple, sont en obligation mutuelle & reciproque d'amour & d'obeissance, de protection & d'hommage? Horreur, & que ie ne me souuiendray point de l'horreur de ce puant abyssme, qui tadis infectoit la ville de Rome, & où Curtius courageusement se precipita, consacrant sa propre vie au salut du public, & se vouant selon l'oracle à l'ire & au couroux des dieux? Que ie ne croiray point que Codrus vueille encore changer l'habits, pour donner la victoire à son pais? Que Ioyse refroidi de cœur & d'affection ne voudra plus dire, *Seigneur efface le nom de ton seruiteur d'ure de vie, & que ton peuple ne meure point?* Qu'un on, qu'un braue roy fera l'aueugle aux afflictions de ses suiets? Es angoisses & aux douleurs de sa patrie qui a sur nous toute sorte de droits de privileges, & des obligations beaucoup plus troittes que pere ny mere, qu'il fera le sourd

pour n'ouïr point, le boiteux pour ne courir, le manchot pour ne frapper sur son ennemy, L'ennemy de son peuple, le meurtrier de sa patrie, Roy, mais comment bon, si en la fièvre & es frissons de ses fuiers, il faisoit comme les loriots qui iamaïs ne regardét vne personne qui a la iau-nisse? Roy, mais comment braue, si la crainte l'ab-ordeoit, & quelle eust mis son cœur à ce horribleux branle de trepidation? Braue mais comment si le poil luy dressoit en teste au seul nom des tyrans, & ne se souuint point qu'il n'y a coups plus iustes ny mieux tirez que pour venger les outrages faits à nos peres & meres, comme disoit Orus le fils d'Osiris, mais sur tous ceux de nostre patrie, à es-chine & col ployé sous le ioug de seruitude? Coups vraiment coups du ciel, qui font nō seu-lement perdre terre & biens, biens & honneur, honneur & vie aux tyrans, mais l'enuie & le goût de l'estre par la tragique fin de ceux qui l'ont e-Ré. *Tout exemple porte discipline, dit Seneque.*

Si relevé d'esperance, & comme par vn saint & enthousiasme i'entreuoys de fin la tyrannie, qui à dos tout sanglant de coups, fuit, fuit à pieds de cerf deuant nostre Hercule. & comme ce brigand Cacus regaigne sa caverne, Et cōment, à Barillere, sinon sous ce bon augure de tes paroles, *Que les Perses ayans passé le deſtroit de l'Helleſpont auoient une porte derriere pour la retraite, qu'il faut s'assu-rer sous les promesses d'Olbon, l'un de nos anciens Roys, que les Royaumes usurpez, s'abandonnent avec plus de deſplaisir aux usurpateurs, que de honte à ceux qui les ont perdus, que le droit demeure au heritiers des ſcep-tres, & qu'on ne leur peut tollir, quand meſmes on leur auroit arraché des poit. &c.*

Si les choses violentes, au dire des Sages, sont
comme

me vn feu de paille, comme la fleur d'un iour,
me vne rosee de matin; Si leur rouë se gaste
trop aller, & si ce trop par necessité les fait
tourner au moins;

Le monde est vn Eschiquier, où les Princes
variable tric trac jouent tantost à gain, tan-
tost à perte; Si toutes choses sur le point de leur
perfection vont à reculons & tirent vers le bas;
Si les corps arrivez au plus haut de leur santé
chient à coup, & inclinent vers l'opposite selon
Hippocrates;

Si la nature és tours & retours des saisons, du
jour & de la nuict, du beau temps & de la pluye;
Si maistresse Providence és vire-voltes & au
tourne-tournement des affaires du monde, nous
apprend que tout y est, à pied porté vers son con-
traire, que tout glisse, que tout flue, que tout va au
deuant du bien & du mal, de la prosperité & de
la fiction; Que tel est auourd'huy aux feis & aux
sons qui n'agueres se pourmenoit sur l'eschaf-
aut, & qu'auourd'hui nous auons les pieds, où
encore nous auons la teste.

Si le droit, comme disoit Caton, est souvent
malade, & qu'il ne meure iamais; Si le ciel n'est
tant haut d'oreilles aux plaintes des affligéz, ny
si iustice à bras court & desnoué sur les audaces
des tyrans; Si Dieu tousiours, le grand Dieu, du
monde embrasse la querelle d'un peuple innocent,
Si n'y a peché qu'il dissimule moins, ny où sa pa-
tience soit plus courte, ni sa fureur plus aiguë
sur le puni que celui des grands qui dissipent
ni mettent à la renuerse les loix d'un royaume,
qui frappent ces deux colonnes de la société
humaine, *Tien & mien*; Si c'est luy qui abas &
surte par terre ceux qui entreprennent au dessus

de la raison, Luy qui ruine sous les ruines qu'ils font, tous ceux qui cherchent leur profit au dommage d'autrui: Lui qui perd en la tourmente des orages de leurs passions, & qui fait gresler les malheurs sur ces testes orgueilleuses qui veulent toucher la lune du front, & les abysses du pied: Luy, luy, qui nous fait voir Domitian ce felon, ce sanguinaire, qui apres tant de cruauitez languit en tant de miseres, & parmi les aspres rigueurs des tourmens presche la iustice de Dieu, & comme vn crieur à louage public encore auourd'huy avec vne voix dolente & langoreuse, *Faites iustice, & reuez les dieux*: Bref si hardiment le droit voire en chemise & tout nud se peut ietter en camp clos contre l'injure armee, Et pourquoy ne donneray-ie credit d'oracle aux sentences de Caron, & de Barillere? Pourquoy non la nature, pourquoy non la prouidence, & pourquoy la iustice de Dieu ne donneront point aux pauures, à ces miserables Nauarrois le calme apres l'orage, la prosperité apres l'affliction, le bonnet & la liberté apres la teste raze & la seruitude? Que la nature sera marastre & tousiours sur nous à visage farouche & à oeil dépit & dedaigneux? Que la prouidence prendra loy des passions de nos ennemis? Qu'il n'y aura point de tourne bride, point de reflux point de basse marée pour leur fortune? Que comme, les figuiers, les peaux du veau marin, & de l'hyene ne s'ot iamais touchez du foudre, ny les Espagnols aussi d'afflictions, & que la iustice de Dieu n'osera aborder ny prendre au collet, le tyran de Castille?

H O N N E V R, qui en nos âmes, comme la chaleur & le mouuement en nos corps, y eschauffes & esmeus la vertu cōme les esprits vitaux, qui
luy

bonne ses esclans, comme vn hauffement de
, & vn barement plus vifte, duquel nos ames
ces & agitees, iettent hors leurs belles & re-
tes actions, comme les corps leurs defluxiôs;
leur, le diamant du ciel & de la terre, l'eschar-
la liuree de la vertu, la pierre affiloir & l'ai-
on des esprits plus gourds & plus tardifs; ô
ur; par l'honneur de ton nom, & par ton nô
plein d'honneur, cautionne & pleige mon
este ambition, & sur ce saint desir de mon a-
oute enflammee de ton amour, reçois à ma
ar & pour contrepleiges ces beaux traits de
llere, *Nous auons des Scipions, des Camilles, ouy*
en auons, qui ne souffriront iamais que la France
andonne, qu'elle transporte son habitation, ou qu'elle
mette vn estrangier par-prenant: Ils conduiront
armees aux secours des allies de nos confreres, quand
ra temps & qu'on les prouoquera: Nous sommes
ez de ce seruire à nostre Roy, de cest amour à nos
oyens & de ce courage contre nos communs enne-
Ouy, ouy, la France a ses hommes de seruices,
animez de mesme esprit que Scipion ou Ca-
le, & piquez du sentiment de leur honneur se-
tront volontiers en pourpoint pour combat-
la mauuaise fortune de la Nauarre, la mettre
arge en despir du fourreau, & faire voir au mô-
qu'elle a plié le col & fait joug à la tyrannie,
par disgrâce & courroux du ciel, & comme
echee à la rouë eternelle des iugemens de Dieu,
non par foiblesse ou cœur failli de ceste puis-
te Monarchie.

DEVOIR, l'agraphe & le crochet de
quitte, l'auiro & la voile de la vertu, le poulse-
ant de l'honneur, & qui t'allumes à son seul re-
d, comme la Naphthé de Babylone, en la

monstrant au feu ; *Devoir*, le guidon de iustice, le rendez-vous de toutes nos belles actions, la balance & le poids de leurs merites ; ô *Devoir*, ne suis-je pas en bon party , & n'ay-je point où bras mener & espee à l'avantage, quand ie t'ay à main droite, de front à la mesdisance, le sourcil haut sur l'enuie, & le poing leué sur mes ennemis ? Et quand encore l'honneur nous conuie , la iustice nous adiourne, la nécessité nous oblige à presser nos cœurs & nos mains à ce peuple, ce bon peuple de Nauarre, mais miserable peuple , puis que sans son roy legitime, puis que sans liberté, puis que tousiours en pleurs & en larmes , & tel que les Poëtes nous representent la pauvre & chensue Niobé apres la perte de ses enfans ? *Et sera-ce barbarie*, dit Barillerre, *si nous reuendons avec nos armes ouuertes, ce que l'Espagnol nous a usurpé par surprise ? Sera-ce temerité*, si nous allons aux frontieres, au secours de nos allies ou conistoyens ? *Sera-ce une procedure perfide*, si nostre roy se fait roy de Pampelonne , comme de Paris & d'Orleans ?

COE V R S. amollis, & mal plantez sur le pied gauche, reprenez vostre trempe, remettez-vous en posture. Ames racourcies & à basse maree, alongez-vous, & regardez le plein de la lune. Moyse void frapper son frere, il repart & fait coup. Hercules va & vient par le monde, il y tire à droit & à gauche, & tous les coups sur ces monstres de tyrans, qui de dos estoit tousiours tourné au devoir & à la iustice, & croyans leur meschanceté au couuert de l'ire & du courroux du ciel, prennent le large de leurs appetits, & vont à toute bride là où les furieux essans de leurs passions les transportent. Et auourd'huy l'Egyptien courna la iouë à l'Hebreu ; Cacus brigandera & prendra tout à dis.

etion ; Diomedes ce cruel roy de Thrace en-
 fera ses cheuaux de chair & de sang ; Sicyo-
 n Syracuse gemiront tristement sous le ioug
 yrans ; & Moysse & Hercules à cœurs rabba-
 c etmouffez donneront sauf conduit & libre
 ge à l'iniure & à la violence? Aratus ne bou-
 d'Argos , & Timoleon ne fera point voile en
 e? Si est-ce que la retenue est difficile en celui
 roid l'honneur & la vie de ses amis heurtee
 ise en compromis, *Et il n'y a chose, dit Plutar-*
plus magnifique à un Prince, que de prendre
mes pour vanger tout un peuple iniquement op-
é.

Le le veux, qu'on donne ce trait d'autorité à
 ece, que la vertu sans l'occasion n'a point de
 a ; Que iustement les Grecs & les Romains
 ayent donné rang & place au calendrier de
 s lieux ; Temples, autels & sacrifices à ceste
 ue, qui au peu de poil qu'elle a en teste sem-
 porter la reigle & le compas de nos actions?
 en ce pesle-messe du monde, elle soit l'vnique
 r bien choisir vn Estat par le defaut ; & qu'il
 ait cœur esleué ny tant soit-il sur son môtant,
 n'en face son oracle & son trepied, s'il veut à
 e point porter le coup sur son ennemy ; Que
 : s'affaïsonne & que le temps qui tourne les
 ons, tourne les occasions ; le le veux, mais où
 emps plus opportun que sur le plein de nos
 es? Où la foiblesse qu'en nostre volonté? Où
 olonté qu'en nos appetits? Où nos appetits
 en nos delices, & ou nos delices qu'en trop de
 os? *Qui ne diroit donc ce que j'ay dit, & qui re-*
troit ses coups au lendemain?

La fleur de Lis entre les mains d'un Roy, qui
 la suite de ses armes a fait paroistre que soldat

ne porta iamais espee avec plus de valeur, que capitaine ne fit oncques cōp avec plus de hardiesse & ne commanda avec plus d'obeissance; R o y, qui aux syncopes & aux conuulsions de la France, à deux doigts de sa mort, tous les membres ou affoiblis par le poison des diuisions, ou enterrez sous la masse de nos fureurs ciuiles, l'a r'animee de sa vertu cōmed'vne eau de vie, & par les doux attrails de sa bonté, cōme avec le Nepéthé d'Homere, remise en termes de ioye & de resiouissance; R o y, qui parmi tant de bourasques, au branle funeste des seditions, & lors que les François, comme forcés de galeres, auoient abandonné les rames du deuoir & de l'obeissance, s'est tousiours tenu debout contre le vent & l'orage, & qui s'opposant aux flots & à la tempeste des seditieux, a calmé la societé de ses suiets, & s'est rendu commeces rades & ces promontoires, qui hautement auancez sur la mer rompent les vagues & se iouēt des ondes: Ianus à double visage, & tel que ce grand capitaine Athenien Timotheus, figuroit vn general d'armee, mis à plomb & au fin, épuré par l'experience, sage, prudent, & qui iamais ne fait defaut en la suite d'vn dessein: Inuincible Alexandre qui eslançant les rais flamboyans de ses armes, ne plus ne moins qu'vn astre volant qui saute d'Orient en Occident, semble porter les victoires sur main, & en marche fait avec ses ennemis de n'en pouuoir voir que le dos & le talon; P R I N C E, affranchi de toutes passions, & qui au delà des saincts autels ne promet ny pas ny delmarche à personne: P R I N C E, qui comme vn ignorant patron ne remet point du tout la conduite du nauire à ses omistes, ny ne parle tousiours par autruy bon, mais qui porte en soy-mesme l'entendement qui

manie le timon , & la parolle qui fait enten-
 dre la volonté: P R I N C E , en fin sur qui nulle prin-
 ce n'est comparable, & fouris de court, releué sur les auanta-
 ges de son autorité , & qui n'ayant sur luy que le
 & le destin , & tous les courages des ses iujets
 à ses resolutions , jette par son seul nom la
 terreur, l'effroy, les terreurs Paniques sur le cœur
 des ennemis , & sous les heureux auspices du
 Roy nous pourrions à main-tournée mettre
 l'ennemy à la grosse haleine , & au non-respirer,
 porter sa fortune de haute luitte, & nous iouer
 des lions comme de nos singes & de nos ma-

A F R A N C E trouuee en la terre du desert,
 en la solitude , en heurlement de lieu sauvage,
 & ce toutesfois comme la prunelle de l'œil , &
 due sur la faueur du ciel qui l'a prinse en pro-
 tection, comme l'Aigle esmeut sa nichee voltigeât
 ses petits, & estendant ses plumes les prend &
 porte sur ses ailes: F R A N C E , qui allant à tra-
 uers champs & à l'abandon de ses fantasies a esté
 secourue de la main de Dieu, visitée d'ameres affli-
 ctions, & dont la poincte estoit trempee en fiel,
 & afflictions en fin , plustost recognues pour
 signes d'un soin paternel que pour execu-
 tion de iustice, plustost pour medecines que pour
 coups, & comme coups qu'on donne à vn hom-
 me tombé en apoplexie pour le resueiller: Vti-
 les & semblables à la mousche cantha-
 ride qui par contrariété de nature porte en vne
 partie de son corps le contrepoison de son venin:
 semblables au fiel de l'Hyene & à la presure du
 marin, qui ont certaine propriété profitable
 en plusieurs maladies.

A F R A N C E , apres auoir longuement cou-

ru par les vagues fureurs des confusions ciuiles, comme vn grand vaisseau sur mer battu des vens & des ondes, asseuree en fin de naufrage, & rendue au port par l'industrie de son sage pilote, nostre grand Palinure: FRANCE, ceste belle Chrestienne, sur le plein de sa santé, en ses iours rians & comiques, iours de dance, d'esbat & de plaisir, vestue en espousee, & à patinè releuez sur le theatre de l'Europe: au pain & au couteau avec la fortune, & en estat d'enfanter la ruine de Carthage, si elle daignoit conceuoir les desseins de Scipion, *qui ne diroit ce que l'ay dit, & qui remettrait ses coups au lendemain?*

PLUTARQUE, l'esprit des esprits, & la fine fleur des plus beaux, que tu ravis tous mes sens, que tu les emportes comme vn premier mobile, quand pour faire cognoistre au monde, comme diuersement la vertu & la fortune donnent les iceptres & les couronnes aux hommes, tu nous representes Meleager qui emmaillotte Aridaüs en forme de petit enfant, & le colloque dans le throne d'Alexandre, subrogeant à vn grand Prince & grand Roy vn qui n'en auoit que la mine, ou à mieux dire, pou: menant pour vn peu de temps par la terre habitable, ne plus ne moins que sur vn eschaffaut vn diademe sourd & muet.

Il y vn Prince neuf & de billot pour les affaires du monde, & qui semble n'y estre venu que pour dire qu'il y a esté: Vn ieune heritier de vieux tyrans ne commence qu'à greffer son autorité, & prendre pied sur leur usurpation: Et qui ne se tiendrait à ce dire des sages, *que la ieuuesse des Princes est une planche & vn pont leuë baissé aux ennemis de son Estat?* Que l'aube de la royauté ne soit guerres sans nage, ny le soleil sans brouillars, qui le plus

le plus souuent en ostent la veuë? Car pour toucher au vif nostre inconstance, qui tousiours nous fait frétiller sur choses nouvelles, que faut-il sinõ dire avec Pompee, *qu'on adore plus le soleil levant que le couchant?*

C O V R A G E. Duc de Lerme. *El Reyes al seruicio del Duque*, Tu le manies en pelote & en balon, & sa puissance plongee en ta volonté, t'ouure le pas à plus grande fortune, & te presente la selle de celuy qui te porte en croupe: L'honneur de commander est vn morceau si friand, qu'on foule volontiers aux pieds le respect, le deuoir, l'honneur & la conscience pour en gouter. Qu'entreprint Artaban contre Xerxes, Calippus contre Dion, Perennius contre Commode, Macrin sur Caracalla, Maximin sur l'Empereur Alexandre, & Philippe l'Arabe sur le ieune Gordian?

T O U T prince qui par vne imprudente facilité s'abandonne tout entier à ceux qui ont la faueur de son oreille, qui resigne sa puissance & sequestre son cœur entre les mains de ses fauoris, He Dieu, & qui ne le iugeroit hors d'Estat de faire vn bon coup d'Estat? Quelle son autorité, si son esprit n'est hors de page? Quelle sa puissance, sinon de verre, puis que son cœur est tout de beurre? & quelle son ame, sinon que paste qui ne demande qu'un bon boulanger pour la paistrir? Iadis pour trait de risée, quand quelcun arriuoit d'Asie, les Romains lui demandoient si le roy *Attalus* auoit bon credit vers *Philopœmen*.

M A L sur mal n'est pas sané. Vn estat deconfus & fait à lambeaux: Grand en apparence, mais qui comme dit Theophraste du Camelcô, est tout plein de vent, & n'a presque rien en tout son co

qui ne soit poulmon. Vn empire dont les membres ne se peuvent rendre vn deuoir mutuel, & où la main est inofficieuse à la teste, la teste au vêtre, & le ventre aux pieds, à quoy se peut il mieux rapporter qu'à ce nauire d'Acetas roy de Phœnicie, de grandeur admirable, mais inutile pour la nauigation? Cassons bras & iambes à vn Estat ainsi rompu & deschiré, mais quand & quand pour le Pœan de victoire chantons ceste chanson Bernoise, *Qui toupin poudat poudabe, non poudabe bon toupin.*

GENEREUSES ames, ô cœurs de delà les mœurs, tous vouez & consacrez à l'auantage de mô Prince: Cousteaux afilez, ô mains toutes prestes à frapper pour son seruice: ô nos bons amis qui n'attendez que le son de nos trompettes pour aller à la charge, qu'à ce coup mon silence vous doit estre en tesmoignage de mortelle fidelité! Echemytie Echemytie de Pythagore.

Le fouët, mais le fouët iusqu'au sang à ce Piedmontois, foible, reietton de ces Princes, que d'une renirade d'œil la France du temps de nos peres a mis en chemise & à l'aumôine: Des verges à ce nain temeraire, qui sur le courant de nos miseres & en la fièvre chaude de cest Estat, par vne fastueuse boutade & pour renfort de nos afflictions, arracha les fleurs de Lis, & esleua les armes de Saueye au Marquisat de Saluces. Espargnons son honneur, & laissons à dire, comme pour faire voir de loin les trophées de sa victoire, il fit forger vne superbe monnoye, où vn Centaure touloit du pied vne couronne renuersee, avec ceste deuise, *Opportune!* Fole ambition, vaine folie! Du moins pour mieux tenir tes hauts iours & faire parler de toy à bouche pleine, que n'allois tu du pair avec:

avec Demetrius à qui la fortune ayant donné vn petit lambeau de l'Empire d'Alexandre se laissoit appeller *Iupiter*, & les Ambassadeurs qu'on luy enuoyoit *Theores*, comme ceux qui alloient consulter l'oracle des dieux? Que ne faisois-tu comme *Lyfimachus*, qui ayant occupé la Thrace petite lisiere de son Estat, fit tellement le haut monté, qu'il osoit dire, *Les Bizantins viennent à moy, quand ie touche le ciel du bout de ma lance.*

La fouët & des verges à ce presomptueux, qui n'aguere nous a fait prendre cheuaux de poste pour courir la Souoye, faucher toutes ses esperances en herbe, rallentir sa fureur passagere, gourmettre sa temerité, mettre son ambition en cage, luy faire tenir le loup par les oreilles, & sans ce que les temps des supplices sont marquez au conseil de la prouidence diuine, la proye sembloit toute preste à se ietter dans nos panneaux; Sans ce que sur les approches de sa derniere fortune il se remit par vne honteuse submission au change de *Glaucus* & de *Diomedes*, attachant d'vne main tremblante la Bresse à la fleur de Lis, nous l'eussions reduit à si petit pied qu'il n'eust eu moyen de s'estargir que la longueur de sa longe; voire & sans le charitable *Hola* du saint Pere, sans sa pieuse & vraiment crestienne intercession il eust veu fumer vn brandon, qui eust enflammé les quatre coings de son Estat, & tout tremblant sous les rigueurs de la iustice du ciel, desployee à point nommé sur ses presomptions & temeritez, on luy eut fait dire mieux à point *Opportunè*, Au rouët, nous l'eussions mis au rouët & en plus triste & pitieux estat que le Poëte *Æschile* ne nous décrit *Agamemnon*, qui pleure aux enfers pour le desir de reuiure, tendant ses foibles & debiles mains.

Peut estre vouldroit-il, ce Papillon, vole-volter entre les estendars, & monirter les cornes parmy les lances d'Espagne (car de formais la Provençe & le Dauphiné, iadis le blanc & les buttes premières de son ambition, ne luy feroient pas moins fatales que Raüenne & Cerisoles à l'Espagnol). Peut estre que comme ce petit poisson que Plin appelle Echeneis arreste le navire, & l'empesche d'aller avant, Il penseroit tenir nos forces en arrest. & nous garder d'entrer en ieu. s'il faisoit mine d'estre de la partie; Luy qui porte encore la vaillance de l'Ediguieres, ce tout sage, ce tout François l'Ediguieres, imprimée sur le dos, & qui en a toujours tuy le regard cōme d'une Meduse, pour n'estre empierré dans vn champ de bataille; Lui qu'une petite ville de Geneve, depuis vingt ans en çà, fait aller du flanc, battre à tout poulmon, & ce qui est de plus honteux, à sa porte, comme Pericles crioit aux Athèniens, que l'isle d'Ægine estoit vne maille & vne chassie en leur port de Pirée, Luy qui sans l'appuy d'Espagne n'oseroit herisser sur le moindre Prince de l'Italie, ny faire prendre le champ à ses nouices tous sacrifiez à la peur, Luy en fin, ce petit luy, qui ne scauroit estre si tost à Aiguebelle que nos bons amis, les Suisses, ces braues, ces fideles confederez, ne fussent sur les murs de Turin, & nostre l'Ediguieres cōme vn Orion sur la Sauoye, pour y mouuoir les tempestes, pour estendre la nue, & couvrir toute la lumiere de celui qui pensoit donner eclipse à ce grand & tout lustrueux soleil de la France. Mais où iroit cest Icare avec ses ailes de cire? Et par où en Espagne, qu'au trauers des corps de garde de ses ennemis?

La semence des hommes est plus propre à engendrer

gendrer, quand ils ioignent les femmes dont ils sont esperdument amoureux, & les morsures des chiens courroucez sont les plus dangereuses, car les passions des ames fortifient les puissances, & redoublent les facultez du corps; Et sous les essans d'une iuste indignation en l'ardeur de nos courages tous enflambez de courroux, Nous, que nous ne porterions pas le bras plus roide, & les coups plus ruides sur le Sauoyard, qui releue ses offenses par la bassesse de sa qualite, & redouble nos passions par la recidiue de ses fautes? Qu'il n'y auroit point en France de ceste espee d'aconit, que les Grecs appellent *Myætonos*, pour tuer vn million de tels ratz & de telles souris? Qu'un lieure, qu'un briquet auroit passage libre parmy tant de leuriers & de lions, & qu'inegal en puissance il voudroit reparer la perte de ce Numidien Syphax, qui pensant secourir les Carthaginois, redoubla leur ruine par la siene, & rechausfa la gloire de Scipion par sa honte? Que ceste prophetie du Ciel, ne lui frapperait point l'oreille, & ne lui arriuerait iusqu'au plus profond du cœur? *Les Egyptiens sont vanité. & en vain ils donnent aide, pourtant ay-ie crié sur cela, Leur force est de se tenir cois.*

CARDINAL à teste noire, & de dos tourné vers l'autel, En fin apres auoir espuisé & donné le dysenteré & le flux de ventre à la bourse d'Espagne, mis le meilleur de ses forces à fond, & sué plus de sang que d'eau par l'espace de quatre ans deuant ce petit nid d'Ostende, tu l'as receu à composition, non moins honteuse pour toi, qu'honorable pour ceux qui n'en sortirent que par faute de terre pour enseuelir leurs morts. Encore avec tout cela voudrois-tu point faire comme Clear-

chus, qui s'estant faisi de la ville d'Héraclee print la foudre pour deuse, & appella l'un de ses enfans, Tonnerre? Ou comme Clytus, qui pour auoir mis à fôds trois ou quatre galeres des Grecs, pres d'Amorges, se fit appeller Neptune, & porta le Trident?

LAISSONS la verité de ta vanité: Mais que d'Illions à prendre, & que d'Hectors à vaincre, plustost que de pouuoir tourner les yeux sur nos frontieres! Sans te reprocher ta froide & seiche virilité, qui en effect a exposé ce guerrier peuple de Flandres à vne honteuse Gynecocratie, & ton hôneur à la risée du monde, Sans te dire, comme tu ne préds iour que de la reputation, ou plustost comme tu te fanis à l'ombre du Marquis Spinola, la chandell. de ta lanterne, la teste de ton chapeau, & l'espee de ton fourreau, qui toutesfois se deuroit souuenir, que les trois mois dans lesquels il deuoit reprendre l'Elcluse sont passiz, & que les vaines iactances pourroient encore faire reuivre en Iuy le Thrason de Terence; Sans te mettre en apprehension de la riante prosperité de ce tant sage & valeureux Prince de Nassau, tout courage, tout honneur, & qui suiui pour sa vertu comme le leopard pour sa bonne senteur, fait aller ta fortune en escreuiffe, & te tient en continuelles frayeurs, & en tremblemēt ordinaire de poulx, En vn mot, Quelles, & d'où tes forces que de la bourse d'Espagne? Et qui te l'ouurira si mesmes on l'oblige à coucher son vaillant au hazard d'vne ou de deux batailles, & si on met au sort des armes le repos de Castille, le dongeon de sa derniere fortune? Que deuiendront les branches, & les fueilles, si le pied de l'arbre se coupe? Quoy, les riuieres sans la mer, & quoy, nos corps sans leurs esprits vitaux?

QVE

Que doncques l'Espagnol demeure constante & à pied ferme en sa parole, & que le changement de volonté ne deshonne point la foy dont il est redevable au bien public. Que par ses sous-ter-rains & secrets artifices il n'adultere point nostre repos, & que la vie de nostre Roy luy soit sainte, sacrée, & hors de la touche de ses assassins. Qu'il ne soit point aux aguets pour nous mettre en desbauche, gaster nostre candeur naturelle, & deslubber l'amitié que nous devons à la France nostre commune, nostre douce mere: Nous qui n'avons encore fait faux au devoir, ny tiré sur nos familles les infames marques de lâcheté & de perfidie. Que sa conuoitise soit à regle & à compas, définie, terminée de quelques bornes, & qu'il face, non comme les Danaïdes qui estoient en doute de ce qu'elles feroient après avoir rempli leur tonneau percé: Mais comme ce loup dont parle *Ælian*, qui gorgé de chair & de sang ne semble plus estre loup. Que son ambitio soit à pieds goutteux, sans poul & sans haleine, pour ne faire plus chemin sur la tranquillité de cest Estat, & que la iustice de Dieu le tiene en bride, à cabçon & gourmette étroite.

N Y per a queres Verdolet, dit le Bearnois, Le mien pour cela ne sera iama's tien, Et le bugand n'expie point ses crimes, & ne retient la main vengeresse de iustice, pour dire qu'il ne fera plus des tours de son mestier. Le repentir non hypocrite doit tousiours avoir les mains plus promptes, pour la restitution des choses iniustement ranies, que le cœur & les yeux pour les larmes & les souspirs. *La vraie penitence*, dit *S. Bernard*, *vient de l'ame aux yeux, du cœur à la bouche, & fait mieux qu'elle ne dit.*

D'VNE voix douloureuse & semblable à celle des misérables damnez, qui languissent entre les peines & les douleurs de l'enfer, que d'vne voix entrecoupee de souspirs il die pourtant à la face de toute l'Europe; *Sorciere Medee*, *meschancelé trop familiere*, & domestique à mes predecesseurs, & d'eux pronigee iusqu'à moi, qui te peut prescrire contre la iustice de Dieu, & quel abry, quel couuert contre le brazier de son indignation? *Geryon* a plusieurs bras, *Hydre* a plusieurs testes, *Môstre hydeux*, monstre qui leues le sourcil d'impieté contre le ciel, qui vomis ta superstition en terre, qui as l'ame boiteuse, contrefaite, *cacochyme*, pleine d'ulceres & de cicatrices, la langue souillee de blasphemes, la main de cruauté, les yeux de conuoitise, la bouche de gourmandise, l'oreille de curiosité; *Mareschal de logis* du mauuais *Demon*, qui loges les voleurs aux bois, les pirates en la mer, le luxurieux au lit d'autrui, le gourmand à la cuisine, l'yarongne à la tauerne; *Mauuais compaignon* aux champs comme presumptueux, importun à la table comme gourmand, dangereux au lit comme adultere, dommageable en public comme ambitieux, contemptible en privé comme rance & moisi d'oisiueré, voire qui à tout pied te trouues tousiours petit; Petit envers Dieu pour ta superstition, petit entre les hommes pour ta lascheté, petit entre les femmes pour ta volupté, petit en tes dōs pour ton auarice, petit es trauaux pour ta delicateſſe; *Tyrant* & bourreau de nos ames, *Vice*, Et qu'es-tu que le contemporain de ta punition, & vn iumeau avec ton supplice? *Tyrannie*, & quoy autre chose que le cheual *Sejan*, qui fais culbutter ceux qui te montent? *Tyrans*, vous & moy, moy & vous pesse-messe,

Où nostre repos puis que nous tremblons au feut
 trembler des feuilles, puis que les rues & les pla-
 ces publiques nous sont autant de precipices Tar-
 peians, puis que les yeux des gens de bien, leurs es-
 lans vers la vertu, leurs efforts vers la iustice, nous
 sont autant d'yeux de Basilics, autant de rouës
 d'Ixion, autant de caillous de Syfippe? Repas, &
 quels si sans repos? Quelle table sinon d'amer-
 tume, puis que nulle assurance que de crainte?
 Quel pain sinon de fiel, puis que nul autre liët
 que de poignantes espines? quel breuvage sinon
 de vinaigre, puis que nul plus agreable dormir
 que d'imaginacions horribles qui flagellent nos
 pauvres ames, les tirent hors de leur repos, & ja-
 mais ne les laissent demeurer fermes en mesme
 assiette? Que les frayeurs de Caligula me saisi-
 ront au moindre coup de tonnerre! Que le heur-
 ler des chiens, & que l'herbe creüe à l'entour de
 mon autel domestique me fera sacquer la main à
 l'espee & la pousser contre mon estomach, com-
 me à ce roy des Messeniens Aristodeme! Que ie
 ne pourray voir sans apprehension les ciseaux de
 mon barbier: mais qu'un tison ardent sera mon
 barbier & mes ciseaux, comme à Denis de
 Syracuse! Qu'au plus heureux periode de mes
 iours, & lors qu'il semblera que ie tiens la fortune
 captiue avec mes thresors, & que ie ne fai loy aux
 felicitez du monde, j'auray le cœur en transe, aux
 escoutes de l'auenir, tout yeux, tout oreilles,
 & qu'il me faudra tirer vn pont leuis apres moy
 pour coucher avec ma concubine, comme Ale-
 xandre de l'herce! Que toutes les grandeurs des
 tyrans auront aussi peu de vertu contre le mal
 qui les renaille au dedans, que les pantouffes de
 velours contre les gouttes, les diadèmes con-

tre les migraines, les robes de pourpre contre les coliques passions, & qu'en fin le dernier eschellon de leur grandeur sera ioinct à vne corde, & qu'ils ne seront que verges que Dieu iettera au feu apres s'en estre serui?

NON, non, ie ne veux plus tenir corde roide à l'iniustice, ny voler de mesme aile que mes ancestres; Je veux comme à vne succession hereditaire entr'ouuerte & creuassée de debtes, ouy, ie veux renoncer à leurs vices, & commencer ma royauté par la fin de leur tyrannie. La rose sort parmi des espines, le lis d'une herbe puante. Et si le laboureur ne coupe jamais le ramage espineux que premier il n'ait cueilli l'asperge; Si ceux de Lybie ne brûlent point la tige & le branchage du Ladanon, qu'ils n'en ayent amassé la gomme aromatique; Dieu couperoit-il par le pied la souche d'une illustre & royale famille, pour meschante qu'elle soit, sans en auoir tiré quelque fruit bon & profitable? Pericles en Athenes ne sortit-il pas d'une race excommuniée & maudite? Et à Rome Pompee surnommé le Grand, d'un Strabon, dont le peuple foula le corps mort aux pieds? Les sceptres & les diademes, comme les particulieres successions, rencontrent des mains bonnes & mauuaises, prodigues & mesnageres. Ainsi apres la mort miserable de Neron suiuit la bonté de Galba. Ainsi apres l'issuë estrange du cruel Vitellius succeda le sage Vespasian, & au monstre Heliogabale le vertueux Empereur Alexandre Seuer.

Le temps n'amoindrit point, mais augméte le peché de l'vsurpation. Comment doncques faire ferme sur vne iniuste conquête, sans estre comptable aux rigoureuses menaces de Nathan? Et si

Ierusalem

Ierusalem n'est libre & aux coudees franches, comment couvrir nos troupes contre le trenchant de l'espee de l'Ange, & la honte de nostre retour à Ninive contre les fleaux iusticiers du ciel : Ferme, & comment faire ferme en Nauarre, si le palais doré de Neron, qui embrassoit vne grande partie de Rome, fut mesprisé des successeurs, pour la cruauté & vilenie de celuy qui l'auoit basti de pilleries, exactions & confiscations, curee ordinaire des meschans Princes.

ENGENDRE tyran, ie veux estre roy, prendre le pli & la teinture de la raison, & au rebours des escarbots & des vautours, qui fuyent les senteurs & les parfums, flairer l'odeur des gens de bien, ietter mes actions sur le moule des Princes vertueux, tousiours & tousiours les yeux sur les saints autels avec ceste devise beaucoup plus honorable & mieux à propos que mon ayeul ne la mit sur les colonnes de Hercules, *Ne plus ultra.*

IUSTICE du ciel, que tu contrepoinctes, & que tu tires droit sur le dessein des tyrans ! Car lors qu'ils cuident prendre le bien d'autrui, ils perdent le leur ; occuper la liberté des peuples, ils s'enlassent en ignominieuse seruitude. Leur finesse est la leste de leur malheur, & leur ambition le gage & le leuain de leur ruine. Ne vaudroit-il pas mieux se tenir debout & sans bransler sur le deuoir, mesnager sa fortune sans player la conscience, & ne regarder iamais d'un œil forcier la prosperité d'autrui ? La France que les miens ont tant marchandée, en fin de compte à combien l'aulne, & que leur en couste le mesurer ? Temps perdu pour y faire auorter leur ambitio, & enfanter des rats à nos montagnes : Bourses espuisees,

pour du fumier de nos morts engraisser la terre des ennemis ; Regrets en l'air , heraults & fideles prescheurs de nos foibleffes : Repentir en l'ame comme le scau & le cachet de nostre honte : Non, ie n'y feray plus queste de ces ames tiedes , qui sous la moindre douceur de nos hameçons ont avalle la rebellion & la desobeissance. Consciences venales, qui trop aisément se sont laissees attirer à la legereté de nos vaines promesses , & mener par le nez comme l'ours & l'elephant par le musle. Non, ie n'y tièdray plus bureau de perfidie, nulles pensions pour y auancer les effects de mes passions. *Le Pacifique & maistre Guillaume* , à chercher autre maistre que moy. Toutes espies, tous soufle-oreilles hors de quartier , toutes liguës descousues , & rien plus d'Espagnol en France , qu'un desir de tesmoigner au Roy tres-chrestien, que ie luy donne mon cœur en suite de ma parole , comme obligé deformats à ceste loy des gymnosophistes , qui interdit à trait perpetuel l'usage de la langue à ceux qui en ont vne fois abusé. Je veux, ie luy veux faire place vuide en Nauarre, & donner à sa valeur, ce que iustement il doit esperer de ma crainte. Prudent & sage est celuy qui n'irrite l'homme courroucé, & qui n'allise point le feu avec l'espee, disoit Pythagore.

GRACE avec cela, que ie ne trouueray point de grace en vn Prince non moins doux & debonnaire pour le pardon, que valeureux pour la guerre, que sage pour le conseil , que magnanime pour les aduersitez ? Si est-ce que les passions d'un vray chrestien ne passent point l'oreiller ; La nuit leur donne vne eternelle nuit ; Il ne se venge que trop , monstrant seulement qu'il se

peut venger, son trophée se double comme la victoire, lors que pouuant dompter ses ennemis, il se dompte soy-mesmes. Si est-ce, que le reproche de n'estre iamais entré en l'Academie, ny dans le temple de misericorde estoit l'iniure qui plus poingnoit vn Athenien. Si est-ce que la clemence est le caractere d'une sainte ame, vne victoire sur la victoire, & otter à l'homme la misericorde, c'est arracher l'autel du temple, disoit Platon.

O v-y, qu'il face ce roy de Castille à visage tout degouttant de pleurs, à cœur secoué de tristes soupirs, qu'il la face ceste sainte exomologese, ceste confession publique : En tel cas, l'occasion cesseroit de luy fermer la grace qu'il peut esperer de sa repentance. Car à quelle fin la guerre si nous voulons estre tous iustes, disoit Agefilaus? Les effects sont massés, & les paroles femelles. Entre nous hommes, n'ayons doncques rien qui ne tiene de l'homme. Aussi tost le pied du François dans Pampelonne, que la repentance sur le cœur de l'Espagnol. Aussi tost la fleur de Lis & les chaines de Nauarre ioinctes ensemble, que les promesses & les effects de ceux qui veulent essuyer la honte de nos pertes par le sentiment de leurs fautes, & par le voidé-main de leur usurpation. Autrement qui ne diroit ce que j'ay dit, qui remettrait les coups au lendemain, & qui de nous hardiment ne leur feroit pareille branade qu'un Ambassadeur des Carthaginois à Andromachus gouverneur de Tauromenion en Sicile, qui luy monstrois ores le dedans, ores le dehors de la main, pour menace que sa ville seroit ainsi mise sans dessus dessous, si promptement il n'en chassoit les Corinthiens?

V O I R E encore, puis que l'honneur de la France & de l'Espagne est balancé par les passions bigarrees de l'Europe, tantost au plus & au moins, tantost au fort & au foible, N'y va-il pas du nostre, qu'en vne si fauorable prosperité nous reuitions sur le bon pied ces iugemens perueris, qui rauallent la dignité de ce puissant Empire, & le chaussent à moins de points que ce leurd Colosse, ceste tromperesse idole d'Espagne, que le moindre reuers de fortune peut mettre à l'enuers, & à qui on donneroit aussi tost le coup que l'alarme, & la mort aussi tost que le coup? La France, ceste boutique de Mars, ce grand cheual de Troye, ceste pepiniere de soldats, durant ces mignardises & ses caresses de fortune, en la vogue courante de ses prosperitez, ne prendra-elle point son temps? Tournera-elle le dos en cest heureux rencontre de l'occasion? Mettra-elle sa vigueur & sa vertu en banque & à l'vsure? Ou plutôt comme Pyrrhus aux Romains, ne deuroit-elle pas dire à l'Espagnol, *le ne demande ny or ny argent, A toy & à moy pour l'honneur.* O que non moins en haleine que Caton, qui autant de iours qu'il fut en Espagne, autant y print-il de villes, nous y ferions de remarquables & promptes executions, & que nous tiendrions bien tost les lions de Castille estroitement attachez aux chaines de la Nauarre! O qu'à vn tourne-main Perseus seroit abandonné de tous, sinon peut-estre de quelques mercenaires Candiois, qui accouroient au son de la bourse, & qui le suiuroient pour son or & son argent, cōme les abeilles demeurent en leurs ruches pour la cire & le miel qui y sont! O que non moins heureux que Demarathe le Corinthien nous verrions à iuste poinct Alexandre assis au throsne

throsne royal de Darius!

IE vois bien vn meſlange du ciel & de la terre: L'eau & le feu, le ſec & l'humide font alliance: Le loup & la brebis iurent amitié: Ciel & terre, où voſtre diſtance? Eau & feu, ſec & humide, où voſtre contraire diſpoſition? Loup & brebis, où voſtre naturelle antipathie?

A Vx baiſers doncques, aux doux baiſers eſtes vous Anglois & Eſpagnols! Nulle oppoſition, nulle antitheſe en vos naturels! Nul choc, nul entreheurt en vos ordinaires deſſeins! Que deſormais tout ſera comme ceſte ſubſtance ſans figure ny couleur quelconque, que les Philoſophes appellent *Matiere premiere*, ſans forme, mais ouuerte à toutes formes, tantost ferme, tantost liquide, & qui n'a rien de conſtant que ſon inconſtance? Que la naturelle contrariété du lion & du coq, de l'aigle du cigne, du dauphin & du crocodil ne ſera plus, à ainſi parler, qu'en ſur-face, & ſans ſe proſonder iuſqu'au dedans du cœur? Que comme l'Hyene change de ſexe, l'homme pourra do-reſtravant changer de nature & de complexion? Qu'il n'y aura rien plus au monde qu'en crouſte & en écorce, rien qui ne reſſemble au l'oulpe, dont les changemens ne ſe font qu'en la ſuperficie du cuir, lequel en ſe reſſerrant ou relaschant, reçoit la deſfluxion des corps dont il s'approche?

PVISSANT Roy, ô Noble Roy des Anglois, les accords de la muſique ont bien leurs conſonantes par contrariété de ſons; mais l'harmonie de l'amitié ſort d'une conformité de nature & d'inclination; Tout y eſt au pair & à l'eſgal; Toutes choſes de meſme volonté, de meſme opinion & conſeil, comme ſi ce n'eſtoit qu'une ame diſtrib

buee en plusieurs corps.

ES T I M E R l'amī vn autre soy mesmes, l'appeler Eteron, comme qui diroit Eteron, autre; L'auec les Philosophes que l'amitié est comme generation qui se fait par conformité & similitude; Marier Philippe de Castille auec Marie d'Angleterre, pour ioindre les cœurs & les volontés de ces deux nations par alliance de sang & communion de biens; Et iamaïs n'appeler Philip Roy, & encore comme par force, mari de la Reine; Viure tousiours en ombrage, les Espagnols au guet, à yeūx deuant & derriere, tousiours à le rendre, comme si de moment en moment il falloit perdre terre en Angleterre. Quel mariage, quelle generation d'amitié, quel Eteron, quel tre soy mesmes? Quel concert, quelle harmonie, quel mutuel rapport de cœur & de volonté? Quelle pratique de ceste ceremonie des Anciens qui sacrifians à Iunon coniugale n'offroient mais le fiel auec le demeurant de la beste imbrutée, ains le tiroient de hors & le iettoient au del de l'autel? Quelle, de ce sage aduis que les Romains donnoient aux ieunes hommes qui se vouloient marier, *Pren la seld' toi?* Et quelle de ce bon précepte de Pythagore, *Ne touche pas à tous e main?* ô Bouc de Mendes qui enfermé auec belles femmes, n'en tenois aucun compte, te fuyant tousiours de tes cheures; Que belle instruction nous donnes tu pour ne cōfondre, & pour point faire vn cōfus mélange de diuerses résolutions? Ni les Grecs à Rome durant le temps de Caton, ni les Espagnols en Angleterre sous le règne d'Elizabeth: *Fin d' diamant* entre les perles du monde, le lambris & la dorure de nostre siècle, Seront mis n'aguères mise au tombeau? Halque leg
à la

à la balance devez vous auoir trouué l'amitié du Castillan, que peu de fruit en sa fleur, que de vent en ses paroles, puis que sans tenir compte de sa fiere grandeur, vous fistes ligue & entraistes en parti avec les vens & les ondes pour butiner, pour rôpre & deschirer ceste superbe armee qu'on appelloit l'Inuincible, & qui en l'an 1588. partit du port de Lisbonne, à dessein de se iouer à discretion de ceux qui s'en seruirent de iouët & de passetemps. Ainsi veritablement dit la vieille Bearnoise; *Taupense guilha à Guilhot, que Guilhot longuilhe,* Et ce tant magnifique appareil de guerre, où le long de quatre annees l'Espagne auoit contribué & mis toutes les forces en escot, ne seruit que pour rafraîchir la memoire de ceste honteuse suite des Perles pres de l'Isle de Salaminé; voire & pour ne luy donner, sa honte & sa confusion à pleine mesure, Quelle seulement, ceste superbe, se souuiene de ce que l'Empereur Neron ayant fait faire vn pavillon à huit pans, beau, somptueux & riche à merueilles, Seneque luy dit, *Tu as monstré en ce pavillon que tu es pauvre, car si tu le perds, tu n'en recouueras iamais un pareil.*

M A I S tant de fourches, mais tant de feux, qu'on dresloit, qu'on allumoit en Angleterre, A quelle fin? Estoit-ce pour faire sentir aux Espagnols, qu'il y a purgatoire de feu, & purgatoire en l'air, tous les deux attestez par Virgile? ou pour leur monstrier, que puis qu'ils tiennent banque de perfidie sur mer & sur terre, il faut qu'ils en soient chastiez par les deux autres elemens de l'air & du feu? O Bouc, O Bouc de Mendes!

A V S S I ces enfans de Mars, ce peuple à main de fer, à cœur sans tache ni macule de deffoyauté; Tous & tous à l'épreue de ceste fontaine de Caye

cocce, qu'on nomme Tiané, fatale aux seuls pe-
 juies, hors du roolle de ceux qui vsent de leur fo-
 pour en abuser, & qui comme Promethee rau-
 sent le feu du ciel pour en prouoquer l'indigna-
 tion sur leurs testes, Ces genereux, ces guerrier
 Suisses, ont encore ces iours passez refuse le ge-
 beau Philothesien, le verre d'amitié de l'Espa-
 gnol. Ses paroles, comme ses doublons, leur on-
 semblé doubles, ses yeux comme les yeux, son
 haleine comme haleine contagieuse du Basilic,
 son abord comme l'attouchement de certain
 pierres de Lycie, dont parle Pline, qui gaster
 les corps qui en approchent, *O Bouc, O Bouc
 Mendes!*

VOIR & au temps, que la guerre, la ruine
 la desolation estoient en quartier parmy nous, l
 playes, & es syncopes de la France, Pauvre q
 n'ouuroit les yeux que pour se fondre en pleur
 & ne respiroit que pour soupirer, Ouy, lors qu
 e ciel sembloit esprendre sur elle ses plus crue
 influences, & sur l'accouchement de nos pl
 ressantes & furieuses douleurs, ces bons, ces
 eles voisins & alliez, non comme les aronde
 es qui nous quittent sur l'arriuee de l'hyuer
 Non comme les poulx qui abandonnent les cor
 morts aussi tost que le sang, dont ils se nour
 soient, en est estaint, Mais en amis à preuue de to
 te fortune, mesprisans la pompeuse prosperi
 des affaires d'Espagne, comme Solon la vani
 de Cræsus, & faisans moins de compte de ses fla
 teules caresses, que Fabrice des promesses
 Pyrrhus, & ce sage Grec des robes de Der
 le tyran, Ils ont assisté la France en ses aff
 ctions, mis la main de bons chirurgiens sur l
 playes, & plus courageux que ce Roy de la Sici
 Hier

Hieron, au temps que les Romains estoient secouez à double main par Annibal, & sur le bransle de leur fortune, Ils luy ont enuoyé, non des viures & munitions, mais apporté leurs cœurs & leurs espees, Non vne victoire en image & figure d'or, mais la victoire mesmes, peinte & figuree sur leurs espees du sang de l'Espagnol. Ainsi dit-on qu'Araspes fut saisi de l'amour de Panthea, qui abatue de dueil & de tristesse, fendoit toute en larmes pour la mort de son mari, *O Bone, O Bone de Mendés.*

Je demeure long temps à peindre, disoit Xeu-
xis, mais c'est aussi pour long temps. Je veux auoir
longuement vn ami, Je le veux, mais pourquoy si
ie suis contraint de le letter avec inimitié, comme
la colere sort de l'estomach quand on vomit,
pour ne l'auoir longuement esprouué, & pour ne
m'estre souuenu du boisseau, de ce tant necessai-
re boisseau de sel, dont parlent les Anciens; ni cō-
me toutes mains ne sont pas banques assurees, ni
toutes amies bonnes depositaires de foy & de loy-
auté? Pourquoy m'attacheray-ie legerement d'af-
fection à l'Espagnol, qui tant me poursuit d'ami-
tié, puis que nous reiettons la ronce & le grateron
qui s'attachent à nous? Et pourquoy non à pot &
à feu, pourquoy non main à main avec la France,
puis qu'avec vn soin curieux nous recerchons la
vigne & l'Oliue? O Ronce & grateron d'Espagne!
O vigne & Oliue de France! Commēt de l'yuroye
& du froment, comment du plomb & de l'or Co-
lophonien, si de mesme œil, de mesme sens on ne
iuge de vostre poignant & rude attouchement, de
vostre liqueur douce & delicate?

THEMISTOCLES mettant sa maison au ban
public, entre les plus auantageuses commoditez,

cottoit ceste-cy, qu'elle auoit de bons voisins; Et siode pour en auoir de mauuais se craignoit bœufs & de son bestail. Calais & Douures se uent aisément donner le bon iour & le bon Nature, ceste belle ouuriere, ne leur a mis n Alpes ny les Pyrenees entre-deux, mais vn bi par maniere de dire, vn filet de mer, plus marque du finage de nos terres & limite de sessions, que pour aucune incommodité, ny nous mettre en haine & ialousie d'une puissi voisine, Prudér Roy, ó sage Roy des Anglois, encore quel voisinage? Non de ceste Espagne de, seiche, necessiteuse, toujours à l'aumosne qui ceichant sa vie entre les estrangers, auroit soin de ceste pierre precieuse que Plinc app *Panschastos*, qui nous apporte le bon temps, & vertu plus efficaceuse que nos Ambaruales & diuerses processions & letanies pour la benediction de nos fruits.

M A I S d'un royaume à retin tousiours gros lait, à mains pleines de viures & semblable à ville des Cadmiens, que le Poète Antimachus apeloit fleurissante en fruits: Royaume, au regard duquel l'Egypte & la terre mesmes des Pharaux tant renommee par les anciens sont comme à ruelle seiche, à bouche beante, sterile, infructueuses; Greniers en France, plus que grains, tonneaux plus que flascons, fruits plus que feuilles en Espagne, comme si ces Marranes ne deuoient tirer bechee que de l'abondance des François vos voisins.

V O I S I N S, & quels? Non, non, de ces austeres de ces rebours qui jamais ne sacrifient aux graces; Sourcilleux écrouëllez, qui bouffis de fierté comme crapaux de leur venin ne sient à leur
regard

regard le reste des hommes, que comme vn pieton aupres d'un chariot de Lydie; Mairanes lubriques de foy, & d'une ame pire que Punique, qui se tenans au fauf de ce fleuve de Phœnicie, dans lequel au rapport d'Ammianus les seuls periures senoyoient sans remission, employent leur parole leur piege, & tendent leur foy comme tresbuchet pour surprendre le monde en sa credulité, maîtres passez en ceste damnable doctrine de Lylander, *qu'il faut tromper les enfans avec des offlets, & les hommes avec sermens.*

MAIS d'une nation debonnaire, sans fiel, sans amertume, & qui hors du point d'honneur s'espandoit en courtoisies, & caresse tout le monde avec la main droite; comme on dit que Venus, la plus gracieuse de toutes les Deesses caressoit les Princesses Grecques. Frâcs Gaulois d'une foy, toujours vierge, & qui entienent l'honneur à l'esgal de leur vie, & avec pareille sainteté & religion que les Romains, lors que pour iurer solennellement quelque point de haute importâce ils alloient au Capitole devant l'image de Dius Fidius, qui tenoit en sa main son fouëre à trois pointes.

ENCORE & quels voisins? Non de ces bazanez de Castille, sales excremens de l'Afrique, d'amitié semblable aux escus faux, qui n'ayans que le lustre & la splendeur de l'or, s'aurent à la touche, & se perdent à l'espreuve: Amis à simple semelle, qui jamais ne font plaisir, que comme les Charlatans qui pratiquent leur mestier plus pour le gain & par ostentation, que pour desir de profiter, comme si leur sale naturel auoit assez de couuert de ce dire de Simonides, *qu'il trouuoit toujours le coffre de l'argëe plein, & celui des grâces, & bénéfices*

uide: Rodrigos, Fernands, Fernandillos, qui pe-
 estôner les petis enfans prenent des nôs à plei-
 bouche, & au hazard de s'estrangler, sans le sa-
 conduit de leur bonne grace; Ampou les pleit
 de l'air de leur vanité, & comme ces citrouil-
 que les Grecs appellent *Somphos*, qui n'ont ri-
 au dedans que du vent; Thrasons sans front,
 desquels on peut dire ce que Pasiades Bizant
 disoit de Lyfimachus, *Retirons-nous de bonne heu-
 de peur que cestuy-cy ne perce le ciel de sa lance*: Li-
 vres morionnez à cœur rabatu & edenté, qui
 leurs fastueuses boutees mangent les Franç-
 tous armez, quoy qu'ils ne s'en puissent imagin-
 l'ombre qu'avec frissons & tremblemens. Not-
 ble remarque de nostre histoire qu'en ces grâ-
 boutehors de l'Empereur Charles 5. es premie-
 bonds & en la fleur de ses armées, il ne s'y trou-
 jamais quatre mille Espagnols naturels; moins
 moins en celles que nous auons veu paroistre e-
 France durant la fureur de nos ciuils embrasemē-
 Tant ce peuple semble estre eunuque, chastré,
 comme le Roy Iean de Portugal, qui s'esuanoui-
 soit au rencontre des femmes; Ou plustost tar-
 ces boucs, tant ces Sardanapales fondus & moll-
 fiez dans vn profond repos, à cœurs destrempez
 amollis de voluptez, craignent les coups de la Fi-
 ce, comme les esclats du foudre, & voudroient ca-
 zaniers, tenant le conuert de leurs maisons, com-
 me les Loirs de leurs buches, s'exoiner de la r-
 gueur du Quint, tyranniquement pratiqué en C-
 stille, & ressembler à l'image de Venus que Ph-
 dias fit aux Eliens, ayant le pied sur la coque d'u-
 ne tortue.

VOISINS, mais pour voisins auez vous, ces bō-
 Francois, qui sur le centre de leurs cœurs, comm-
 le

les Theſpiens en la ville d'Helicone, ſolennifent
 la felle de l'Amour, de ce ſainct amour, de ceste
 amitié gluante, qui cole & attache cœur à cœur,
 les ames aux ames, & les entretient en commerce
 & trafique ordinaire d'affection & de bien-vueil-
 lance; Touſiours à tout faire pour leurs amis, iuf-
 qu'à dire ſur le poinct & ſans apprehenſion du
 ſupplice, *C'eſt moy, c'eſt moy, qui dy fait le coup*: Sans
 ſard, ſans vermicillon en leurs actions; Tous & tous
 comme le ſel qui donne la ſaulcé & l'ailaiſonne-
 ment aux viandes, & deſquels les bons offices reſ-
 ſemblent à l'œuf, dont le meilleur eſt au dedans; I-
 mages viues & non idoles de ce bon Chreſtien; ſi
 hautement loué par Arnobius, *qui fait reiaillir l'in-
 tégrité de ſa vie du dedans au dehors, de l'ame ſur le
 veſtement, de la conſcience ſur la ſuperficie du corps*.
 Guerrier peuple & martial, qui ne tient rien au
 pair de ceste belle reputation, que les Grecs ap-
 pellent Eudoxie, impatient de repos, touſiours li-
 beral de ſon ſang maſſe & genereux, & qui ne
 pouuant au calme & ſur le temps ſerain de ſa pa-
 trie, temperer ſes bouillons, ou pluſtoſt pour ne
 viure avec deſchet & foiblage de la reputation, ny
 au rabais du prix courant de l'honneur de ſes an-
 ceſtres, dompteurs de l'Asie & de l'Afrique, & qui
 ont rempli toute la terre des merueilles de leur
 non victorieux, pouſſe-pouſſe à toute bride, tan-
 toſt vers l'Hongrie pour faire ſentir la valeur de
 ſes armes, contreluiter & tenir à l'arreſt la voga-
 re proſperité des Ottomans; Tantoſt en Flan-
 dres pour y donner le flux de ſang aux deſſeins de
 l'Eſpagnol, le Morp cranc à ſon ambition, & par
 les preſmices des coups ruez ſur Sagonte, mo n-
 ſtrer qu'elle en ſera la diſme ſur le cœur de
 l'Italie.

Hors de surprise & de trahison, quand tous les Maranedis de l'Espagnol seroient double ducarz; Quand comme Roboam il auroit succedé à la cheuance de Salomon, & qu'il peust donner l'or d'Ophir comme pierres, & les cedres du Liban comme figuiers sauvages. Vous, ô vous sage Anglois, parmy tant de remarquables circonstances, ne iugerez-vous point qu'il en va des Estats comme des fleutes à deux tuyaux, desquels celui qui est plus estroit d'emboucheure rend le son plus haut & plus resonnant? Seriez-vous comme Telemachus, qui foible & mince de iugement estima plus la maison de Menelaus enrichie meublee à l'avantage, que non pas celle de Nestor à greniers & caues pleines? Feriez-vous plus d'estat de la fortune de Scopas le Thessalien, qu'acquise à sueur de front, & arriuee de lointain par ne consistoit qu'en choses superflues & inutile que de celle de ce grand & admirable Sophocle Hippias Eleus, lequel aux celebres assemblees des Grecs, n'auoit rien sur soy que de par soy, ni pour parade, tout necessaire? Quel tiendrez-vous en plus d'estime, perfides ou fideles, lieures, lions, Aridæus ou Alexandre?

Response Espagnole, en vne si grande disparité de forces & de moyens: Hypocrite submissif faire le marmitieux & le chien couchant deus l'Anglois; Ieu forcé, de se loger sur le blesme, nicher son fein, couuer sa colere contre la France, & tenir son ambition sous bride; Ou soit que les afflictions nous arriuant de droit comme par la loy de nature, & que nostre condition obligée à receuoir à tour de roulle les mauuais accidens du monde, le face viure en doute & deffiance de l'aduenir, comme vne femme grosse qui att

l'heure de son travail ; Ou soit que comme le trop de hardiesse nous bande contre les reigles de la raison sa foiblesse, aussi luy abate le courage, dissipe sa resolution, & que l'Espagne, apres avoir trop trauaillé à faire arriuer les calamitez à grâds monceaux sur la France, n'en puisse plus & soit à la grosse haleine, côme Plutarque escrit que l'ardeur des chiens acharnez. apres les bestes leur estaint la veüe & les auégle du tout.

Au pas, & pied à pied sur le train de la verité; La paix seulement en peinture, ce masque de paix & non plus paix qu'un homme en tableau vray homme? Les cendres des iniures encore viues & chaudes; Le feu caché sous la braize & non pas estaint; Les ongles croissant à la France pour arracher à l'ennemy ce qu'il luy a iniustement ravis Sa prosperité, son iour, & son calme, augures certains du malheur, de la nuit & de la tempeste d'Espagne.

Le timon de ceste Monarchie entre les mains de Bourbon, ce trois & quatre fois grand Bourbon, qui en un miserable & funeste temps, les calamitez troupe à troupe sur nous, & le deluge de nos maux en flux & sur le montant, pour sauuer son Estat de naufrage, s'estant tenu debout contre la tempeste, A recognu quels estoient les vents & les flots qui ont agité la France, Quelles les furies qui l'ont peuplée de Barbarie & de monstres, conuerti nos villes en tristes cimitieres, en voyes hydeuses, & en gouffres de fureurs civiles, où il estoit aisé de se precipiter, mais impossible de s'en retirer bagues sauues, sans sang, sans meurtre, non plus que du funeste rencôtre de ces Thebains Etheocles & Polynices.

Le peuple à yeux ouuers, & tout gros d'

dignation contre l'Espagnol, tison infernal pour embrazer la France du feu de confusion & malheur, le leuain de nostre mauvais mesnage, cause de nos trauaux, source de nos douleurs, funeste malencontreuse Pandore.

LE Roy, pere commun de son peuple, mettant toutes ses affections en partage esgal, comme le point Geometrique qui regarde à mesme proportion toute sa circonference, comme le soleil qui reluit egalemeut sur tous, comme le cœur qui fournit de vie & de chaleur à tous les membres, comme la palme qui distribue la nourriture à ses branches & à ses fueilles presque au poids & à la mesure; Le Roy, ce bon Roy, ayant remis les cheuaux eschappez sous le joug de l'ancienne obeissance, & s'estant contenté en ses victoires de leur monstrier plustost le pouuoir de son autorité, que la rigueur de sa force, permet à tous la communication de sa bien-veillance comme de son air, & la iouissance de son cœur comme des douceurs de son fertile royaume.

LE peuple entre ses langueurs, sa force naturelle presque estainte, comme la tortue qui ayant mangé de la vipere va manger de l'origane; comme les chèvres de Candie qui estans serués prennent du Dictame pour faire sortir les fleches, le peuple, ce non moins amoureux qu'aimable peuple, a ouuert & desillé les yeux, pour sçauoir sous quelle aile il se deuoit conseruer, Et iugeant en fin, qu'il n'y a meilleur medecin que celuy qui aime le malade; Que le berger & nostre roy, que le boucher & l'Espagnol, regardent les moutons & les François d'un œil tout different, Ceux-cy pour les manger, ceux-là pour leur faire du bien. Ouy, bon peuple s'est ietté entre les bras de son roy, retirant

retirant son obeissance du ioug estrangier pour la rendre à son maistre, Si qu'apres auoir noyé en la mer de sa clemence & de bonnaireté la souueraineté de ses desbauchés, il prefere auourd'huy le deuoir d'une fidelité françoise aux esperances Espagnoles, & sur le point de sa bonne fortune ne se veut plus laisser manier qu'à son Prince, son tres.chrestien Prince, comme on dit que le cheual Bucephale se laissoit monter à poil aux palefreniers, mais que paré de ses ornemens, il ne souffroit qu'autre qu'Alexandre y montast.

RY S **E** Espagnole, ô hypocrite submission, sur le rencontre de nos prosperitez, de faire le marmiteux & le chien couchant deuant l'Anglois!

L K **R** O Y qui sçait que les corps superieurs & inferieurs ne subsistene que par l'ordre, l'harmonie & le temperament qui les empeschent de se resoudre en leur premiere & confuse matiere; Religieux profez en ceste mysterieuse doctrine du faisceau de iavelots de Scilurus, & tout enflammé de la belle deuotion de Camille, qui voua aux dieux vn temple de concorde s'ils estaignoient les partialitez allumees entre la noblesse & le peuple de Rome, **P**R I N C E qui passé par l'alambic des afflictions du monde, sçait que le corps frappé de peste, l'ame secouée de passions, la mer contresoufflée de diuers vents, la maison embrazée de feu, & vn estat esbranlé de seditions vont sous diuers branles à mesme cadence.

P O V R couper chemin aux pratiques, & donner de la porte sur le nez à l'Espagnol, qui comme les vents Etesiens sous la Canicule, halenoit vne vapeur chaude & pestilente, sur quelques safraniers, endebtez, criminels, scelerats, Espagnol, tous-

ious Espagnol, qui à trauers le voile de la fe-
deuotion, faisoit voir ses malicieux desseins, c-
me Anthistenes son ambition par les trous &
pertuis de son manteau.

P o v r tenir à l'attache ces amcs freti-
des, qui comme girouettes se laissoient aller
premier vent d'hypocrisie; Hommes de poss-
connez au change, & comme les œufs des oyl-
que les Grecs nomment *Hypnumies*, germe
parfaits & qui ne peuuent auoir vie.

P o v r sevrer & rirer le retin à ces esprits,
qui par maniere de dire n'ont point d'Et-
des, ny les canaux des narines ouuers
flairer les mauuais desseins de nos ennemis; V-
Myopes, hommes de courte veuë, & qui ne
gnoissent le monde qu'en surpeau & en esco-

P o v r sauuer vn estat blessé à mort, tour-
té de convulsions & maladies estranges par
ses membres, presque sur l'acces de son de-
periode, & comme cest Athenien qui ayan-
vn plein verre de ciguë, ne viuoit que sur l'att-
de sa mort.

P o v r ne faire vn barbare hachis des n-
bres de ses sujets, & ne se plaire à la senten-
leurs corps morts, comme Virellius.

P o v r donner au Clergé le couuert de la
comme l'ame & l'esprit vital de la pieté;
rendre à l'esclatate son éclat & son lustre an-
& mettre la iustice au plus haut poinct, & co-
en l'Apogee de son autorité; Pour arrache
Noblesse tout pretexte de guerres ciuiles, l'a-
ce & l'attise-feu de ses desbauches, & luy faire
uigner la valeur de ses armes sur la terre
mauuais voisins, espines & chardons de la Fr-
Pour faire gagner à son peuple le dessus du ve-

respirer des calamitez passées: A tout comprendre pour faire perdre le cours à ces torrens impetueux de diuerses factions qui rouloient sur la France, donner le dernier adieu à nos passions, & bannir la guerre ciuile, Guerre qui destruisoit & mettoit à l'enuers l'honneur du Souuerain, qui pilloit les Eglises, qui destrouffoit l'autorité des magistrats, qui humoit le sang des Gentils-hommes, & qui desesperoit les peuples, Destrempé, il a destrempé ce sage, ce bon roy, tous les cœurs de ses suiets dās le gracieux Nepenthe d'Homere; il les a ioincts, il les a attachez de ce doux lien de concorde & de bien-veillance, & tout en tout, & tout en chacū de ses suiets, comme l'ame est au corps; Il a permis la liberté de conscience, la religion demeurāt puissance en sa franchise, reluisante en sa splendeur, inuiolable & inexpugnable en sa force.

PERMIS d'ailleurs, Il l'a permis, parce que le Dieu du ciel est le Dieu des ames, le maistre pilote de son Eglise, le iuste despensier de ses graces, l'econome de nostre salut, & qu'à luy seul appartient d'accorder ces faux tons qui sont en l'harmonie de son seruice.

PARCE que, comme disoit l'Empereur Theodose, les esprits ne sont point sous la souveraineté des sceptres terriens; Que la religion ne se presche, ny au fifre ny au tambour, & que la foy ne se commande pas, mais qu'on l'enseigne, Toute sous la regence & discipline, Toute sous la pädagogie de l'Esprit de Dieu, le grand Æsculape, qui vie pour la guérison des consciences malades de tous autres remedes que la passion, la colere & la vengeance ne nous mettent à la main.

PARCE que plus la volonté des homes est forcée, plus elle est reuesche, & qu'il s'y faut cōporter

comme à l'endroit des malades d'une furie qui fait danser & sauter sans cesse, & ne peuvent estre rendus cois & rassis, que le musicien n'accorde son violon à leur mode, & peu à peu n'appesantisse la cadence pour les faire tomber à la fin: Autrement les consciences roidissent contre rigueur, & ne se laissent iamais emporter de haillette, impatientes de gourmerte & de cabecage, mais qui veulent accommoder leurs mouvemens aux reigles de leur opinion, aller par tout à peu libre, & faire leur commerce de la terre au ciel, tribut, sans peage ny contrainte, *Et qui me force de ne croire ce que ie veux croire, ou estimer croyable, qui me semble incroyable, dit Lactance?*

PARCE que le vray Chrestien ne doit iamais par une aveugle fureur faire paroistre le tressac signal de la Chrestienté pour respendre le sac & fomentier ses passions contre le bien l'Estat.

PARCE que le mal qui desbauche ce grand corps, duquel il est le chef, tient à si fortes racines qu'il faut faire comme le sage medecin, qui n'ay plus de remedes assez puissans contre l'opiniastre vigueur d'une maladie aiguë, se sert de son experience & de son art, pour en combattre la violence & en rallentir les efforts: Autrement vser une purgation trop violente, n'est-ce pas esmouvoir une abondance de defluxions pour estouffer le cœur & le poulmon?

PERMIS encore, il l'a permis, en memoire de ce bon Roy Henry 3. son predecesseur, qui aux derniers sanglots de la mort qui l'emporta ces pieuses & vraiment chrestiennes paroles, *Remettez le different de la religion à la convocation des Estats du Royaume, & apprenez de moy que*
la pie

la piété est un deuoir de l'homme enuers Dieu, sur lequel le bras de la chair n'a point de puissance.

Le peuple hors des langes & du berceau, sevré & qui n'a plus besoin de tetin pour se desmeller de nos passions; Quoy que sans cesse certains tathons, Memmons in'pitez de ce faux soleil de Madrid, lui bourdonnent aux oreilles, Que la dissimilitude de religion rompt l'harmonie de l'Estat, fait vn pas large aux inimitiez, destache & met les passions à la campagne, allume & attise les seditions, & aiguise les coultiaux pour le meurtre & le sang; Il recognoit toutesfois que l'experience porte le desmenti sur le nez à ces faux proxenètes, à ces faiseurs de mariage de la religion & de l'Estat; Alchimistes nouveaux, Maçons de Babel, qui veulent mixtionner les choses spirituelles & corporelles, bastir vn mesme empire du ciel & de la terre, les faire limitrophes & à mesmes confins, comme si l'ame & le corps estoient de mesme sang & genealogie; Les Roys & les Euesques Cheualiers de mesme ordre; La couronne & la mitre de mesme maniere, sceptres & crösses pour mesme fin. Mais si les choses particulieres sont tousiours sous les vniuerselles, & les especes sous leur genre, Qui trouuera deux religions incompatibles en vn Estat, peis que le monde, depuis sa creation porte par tout son corps les marques des partialitez de nos ames, & la liuree de diuerses opinions? Et là dessus, qu'on se fera bouchers de corps, au lieu de pedagogues d'ames, qu'on allumera le feu de confusion aux quatre coings d'un Estat? Qu'on le deschirera, qu'on le mettra à piece & à lambeaux? Qu'on le remplira d'horreur, de cruauté, de barbarie, & comme vn certain endroit de l'Isle de Samos, qu'on appelloit

Panama, tout sang, pour la cruelle bataille qu'il s'y donna entre Bacchus & les Amazones? Auguste n'enuoyoit-il point aux Juifs l'aumosne ordinaire & les sacrifices en Ierusalém? Theodose le Grand roidit-il sa puissance contre les Arriens? Theodoric roy des Goths fit-il force à la conscience des Chrestiens? Clouis encore payen n'estoit point roy de la France baptisée au nom de sainte Trinité? A nostre porte, chez nos voisins en Allemagne, en Pologne, le Pape, Luther, Calvin ne vivent-ils pas sous mesme toit, à mesme table, dans mesme list? Et les Calogeres, religieux Chrestiens du mont Athos, ne demeurent-ils point sous le couuert de la couronne des Ottomans?

L'HOMME n'est point comme ces Roys Perse, qui ne beuvoient iamais d'autre eau que la riuere Choaspes; Il laisse bride longue à ses appétits, & de toutes les creatures viuantes, leu est qui mange de tout; Les oyseaux de l'air, les poissons de l'eau, les bestes de la terre n'eschappent point ses tables qu'il appelle amiables & hospitaliers; L'ame aussi de son costé prend le large, & comme on dit du Cameteon, que seul des animaux vit la bouche beante, elle demeure tousiours porte ouuerte, & sa curiosité s'altere en beuant comme l'hydropique, iusques à vouloir penetrer dans le ciel, & sçauoir, comme dit l'Apogee, quels pactes de mariage il y a entre Iupiter & Iunon.

COMBIEN donc qu'il soit enté en nature à sacrifier, & que la religion soit vn *Proprium quodammodo*, vne propriété naturelle à l'homme, à tout homme, au seul homme, & sans laquelle il n'est point homme; Combien que de l'oreille ne do

estre indifferente à tout discours, ni l'esprit à toutes religions, comme le blanc à receuoit toutes couleurs, & l'eau fade toutes saveurs, Si est-ce qu'il ne se trouue point vnitè d'opinions, comme vnitè de verité, En vn peuple, diuers autels; En Ierusalé, diuerses sectes.

MAIS tout ce qui est meslé, disent les Philosophes, est plus dangereux que ce qui est simple, par ce que la mixtion & le meslange fait vn combat, & du combat vient l'alteration, telle mêt que les peintres appellent les mixtions des couleurs *Pithoras*, corruptions; Soit ainsi, Et toutesfois l'harmonie ne se fait-elle pas de diuers tons, le corps de diuerses humeurs, le monde de contraires elements? Le chaud & le froid, le sec & l'humide, la lumiere & les tenebres, le mensonge & la verité ne sont-elles pas en necessaire relation? Eglise doncques, & comment espouse de l'Agneau, comment chaste, si sans vns estroite & particuliere conionction contre les adulteres spirituels, qui veulent flestrir & faner l'honneur de sa pudicité? Comment fontaine scellée, si breuuage commun à tous? Comment militante, si sans ennemis? Comment colonne de verité, si sans mensonge?

LOVRD & grossiere heresie de Pythagore, de croire qu'on peut couper le vice au pied, & luy oster branches & racines; Car n'est ce pas arracher l'homme de l'homme, & faire que ce qui est corps ne soit point corps, dit saint Ambroise?

PIEVSES & sages paroles de l'Empereur Antonin, qui pleurant la mort de son precepteur, comme on le consoloit, *Permettez*, dit il, qu'*Antonin soit homme*, car ny la Philosophie, ny la religion n'ont

point plei ne seigneurie ny puissance absolue sur les
 sons: Aussi, outre ce que les vices ont dro
 bourgeoisie en nous, & qu'ils seruent à roidi
 vertus, comme la cholere donne le fil & le t
 chant à la vaillance, & la haine des meschans
 iustice, Qui ne sçait que pour faire l'harmoni
 n'oste point le haut & le bas de la voix, n
 chaud & le froid pour ramener la santé, mais
 les tempere & qu'on les mesle ensemble par b
 ne proportion? Et si le vice & la vertu, la pasi
 & la raison en vn homme, Comment non la v
 té & le mensonge, la religion & l'heresie en di
 hommes?

FAITES que les Prestres Egyptiens aim
 de sel; Les Pythagoriens la chair & le sang, & r
 tez nos Euesques à mesme train & liuree que
 Capucins, à mesme table que nos Fucillans: P
 riquez qu'Abel & Cain n'ayent qu'un vœu, E
 & Iacob vne fortune; & tous les pots d'un poi
 vn mesme usage: Ostez l'antithese & la cont
 carre des Elemens, & que l'ordre de nati
 n'aillent point à pied contraire: Donnez mes
 goût & sentiment aux hommes, mesme propo
 tion à nos corps, mesmes traits, mesmes delini
 mens à nos visages, mesme voix & parler à nos
 gues: Ecrivez en lettres semblables: Faites qu'
 petit grain ne produise point tant de diuer
 choses, racine, tronc, escorce, nouëlle, branch
 fucilles, fleurs & fruiçts: Faites que de la semen
 de nos pères qui ne reçoit nulle dissemblance,
 n'en sorte tant de diuersité de membres, A l'ex
 rieur la teste, les yeux, le nez, les oreilles, les doig
 les mains, les pieds, &c. Au dedans, le cœur,
 poulmon, le foye, les intestins, les veines, les ner
 les arteres, Et puis vous formerez nos ame
 mes

mesme moule, vous les rangerez à vne creance; Trestous & puis trestous de confrairie nous mangerôs l'Agneau de Pasques en vne maison: La robe du fils de Dieu, saint sacrement de l'vnité de son Eglise ne sera plus deschiée: Il n'y aura qu'une langue pour la priere, vn cœur pour la charité, vne ame pour la foy: Paradis tout seul, nul enfer, nul purgatoire.

Non, non, le lustre, & l'esclat nous viét de l'oposition de nos contraires: *Æsopé* par sa laideur embellit & donna plus de grace aux valets de *Xantippus*: Les *Lacedemoniens* monstroient à leurs enfans les *Ilotes* leurs esclaves yures & assommez de vin: *Lycurgue* ne peut mieux donner à cognoistre la façon austere de viure des *Candiots*, que par la comparaison des superfluitéz & delices des *Ioniques*. Et *Ismenias* le *Thebain* montrant à ses disciples de bons & de mauuais ioueurs de *Bustes*, leur dit, *Il faut, & ne faut pas ainsi iouer*. Et nous voulons releuer l'honneur de nostre religion sans l'appuy de son contraire, faire cas de sa beauté sans les rides & la laideur de l'heresie, adorer *Christ*, sans detester *Belial*?

MYSTERIEUSE prouidence, qui pour luit-
ter nostre raison, veut que la douce & naturelle-
harmonie se compose de voix & sons contraires; Que l'accord de ce monde se face des qualitez différentes des elemens, de mouuemens contraires, & de sympathies & antipathies liees par moyens inuiolables! Iusques là mesme que rien ne se nomme que par relation, le fini à cause de l'infini, la substance à cause de l'accident, la religion à cause de l'heresie, & qu'elle aime mieux conuertir le mal en bien, que de ne permettre point le mal, dit *Saint Augustin*: **Transcendente & toute**

haute providence, où le plus tranchant de nos esprits se rebouche, & au regard de laquelle vient aux curieux, ce qu'à Democrite le Philophe, qui pour tenir trop fixement les yeux sur miroir ardent perdit la veüe par la repercus de la lumiere!

MAIS la religion est le plus fort lien qui v nos ames, le bois qui entrerient le feu de nos riez, le cœur de la Republique, le ciment joint les piéces du bastiment de l'Estat; *Mais*, le le dis sur ton dire: Mais comment ne & estraindre ce lien que par vne foy? Comment animer ce cœur que par vne repentance masque? Comment employer ce bois, & comment ce ciment, que par charité & bonnes ures?

VOIRE quand vne religion a fait souche racine à nos yeux, pied à pied de la nostre, & est ment acreditee dans l'Estat qu'elle est en d'y demander partage comme fille legitime, & re ce qu'un Romain disoit à sa mere qui don tout à son aîné, *Et moy, suis-je bastard?* Quelle en homme fait, en sa force, en sa vigueur, & estat de donner coup pour coup, N'est-ce pas comme les maladies enuieillies, comme les arcrus en diuers siecles, qui ne se guerissent & ne coupent pas aisément? Et puis, quelle instruction on destruire, quel edifice si on demolit? Vn malade ne vaut-il pas mieux qu'un mort? F on faire vne boucherie de la religion, vn pilori ne voyrie de l'autel du sacrifice non sanglant? T brusler & massacrer ne sont-ce pas les furieux yemens, la baue & l'escume de bouchers & cheteurs en quelque enragee sedition? Feug, gibbet & bourreau, Et quels termes, si

qu'anomaux & irreguliers en fait de religion? Dieu, le Dieu souverain des ames ne se contente-il point de dire, *Saul, Saul, pourquoy me persecutes-tu?* l'Eglise ceste fille vnique du ciel, ceste vierge assise sur Sion fut-elle iamais meurtriere? Iamais eut-elle aucune tache de cruauté, & iamais fit-elle inonder le mode de sang? Mais plustost la persecution n'est-elle pas sa legitime en ce mode, les afflictions son partage, & la couronne de martyre son triomphe?

LE Ciel est vn rendez-vous des ames bienheureuses, T'y rendras tu avec ma foy, ou moy avec la tienne, puis qu'il faut que chacun charrie sa conscience sur sa propre foy?

LE te demande vn œil, me le donneras-tu? Et pourquoy donc tant de presse à me donner vne foy, vne creance que ie ne te demande point? Les membres d'un corps seroient-ils plus precieux que les graces de l'esprit?

LA foy est vn don de Dieu, Et toy homme veux-tu faire le Dieu sur l'homme, donner ce que tu as receu par grace, & t'attribuer la propriété où tu n'es que depositaire?

ELLE vient de l'ouye, & l'ouye de la parole, de ceste sacrosaincte & toute diuine parole, reigle & guidon de nostre creance, & semblable à ce son que les Grecs appellent *Endosymon*, avec lequel les maistres de cœur mettent les autres chantres en train; Parole qui comme ardente & brillante d'amour, eschauffe nos cœurs & les esflamme d'une sainte affection; Comme vraye, certaine & pleine lumiere, les esclaie, les confirme & les resould; Comme active, vertueuse & puissante, les esuertue, les renforce & les embesongne continuellement; Comme haure & esleuee les pousse contre-mont iusqu'à Dieu, les attache &

les coust à la Divinité d'un nœud inviolable: Qu'il le Createur par sa parole ne plante & ne fleurir la foy sur nos ames, comment pourra creature l'y greffer & donner pied avec le bras la chair?

Mais il faut esclairer ceux qui ont couvenü, & qui tastöent sur le chemin de salut; Ou mais comment esclairer, si tu leur romps la lanterne sur la teste, & que tu employes le couste contre le corps, au lieu de la doctrine contre l'ame? Si amis, pourquoy ceste violence? Si ennem pourquoy tant de charité? S'il faut que te croyent pourquoy l'enfer? Si par le glaive, pourquoy la parole? Si par feu & par sang, pourquoy raison?

Vouloir à force de coups forcer vne ame Et comment? L'air se peut battre avec le poin mais tousiours coups en l'air & en vain? Et que coups contre vn esprit, & autant esprit que l'air & le corps? Mais encore contre le corps, & quels coups si les courages sont plus forts que les tourmens & les constances plus grandes que les cruautés? Encore, & quels coup, si la persecution ensemece nos ennemis, s'ils se r'auient dans les cendres, s'il frayent dans les eaux, s'ils fleurissent sous les afflictions, & rebourjonnent dans les martyres?

L'empire de la fortune, ny les menaces de loix ne passent point plus avant que la mort. Et s'ils ne craignent la mort, quel cas feront-ils d'injures & des menaces des hommes, qui ne forment que les mains de la fortune, & les instrumens de loix?

Tout vn doncques, n'est-ce pas tout vray appliquer aux maladies de l'ame la chirurgie

les medecines de la chair, & se servir des noms des demi dieux, qu'on appelloit Dactyles Ideens, razer les cheveux & rongner les ongles, comme Pline raconte des Prestres Egyptiens, & tuer pour insigne pieté toutes sortes de serpens & de bestes sauvages, comme les Perles lors qu'ils celebrieroient la feste appellee, *la mort aux vices*; Ou plustost n'est-ce pas profanation, crime, sacrilege d'abuser du saint nom de Dieu, comme des Dactyles Ideens, trencher toute charité, comme les cheveux & les ongles, & donner le coup de mort à tout vn Estat, cōme à quelques bestes & serpens venimeux?

LE l'aduouë, Ce siecle n'est que trod fertile d'hommes qui suivent le cours des affaires, qui accommodent leur creance à leur vtilité, qui eslargissent leurs consciences & les mesurent à ce pied des Stoiciens, *Ce qui est utile est honnesté*. Le ventre n'a point d'oreilles, & comme aupres du Cataraete du Nil & des precipices des grosses eaux on devient sourd; Ainsi la voix de l'esprit de Dieu se retire des oreilles esourdies du bruit du monde, & esourdies par le courant des convoitises, de l'avarice, de la volupté, de l'ambition: Eglise, mais sera-elle plus Eglise, pour avoir des girouettes, des pourceaux, des Epicures, des Tantales, des Phaëtons? Et qu'aimons-nous plus avoir, hypocrites ou Chrestiens, Athees ou religieux?

A I N S le Roy sur l'entre-deux de nos Autels, entre le blanc & le noir de nos consciences, assainit les affaires de son Estat, suivant le conseil de Gamaliel, & par vne sainte loy d'oubliance, convertit nos fureurs en mutuelles faueurs, esmousse nos coleres aplanit nos passions, & iette hors de nos cœurs la memoire des animositez passées, comme les Atheniens supprimoient le

second iour du mois de Iuin, parce qu'à leur d
ce iour-là Neptune & Minerue estoient entree
querelle.

AINSI le peuple donne du pied à ces esp
gangrenez & saisis de la contagion d'Espagne,
affablans leur ambition des belles & brillan
couuerrures de religion, voudroient encore
grossir le courage, mettre en appetit d'aualler
coutelas & les halebardes, tremper son espee d
son propre estomac, & vser de remedes plus cru
que le mal. Devenu sage à ses despens, il ne ti
plus l'oreille ouuerte à ceux qui comme Alcibi
des en Grece, & Sertorius à Rome, voudroi
faire passer leurs desseins sous ce beau & r
plausible pretexte de pieté : Tout resolu, &
pour abatre & donner de la hache au pied d'
contraire opinion, il faut luy en permettre l'ex
cice, *Par ce que d'ordinaire l'homme abuse de la libe
té, Là où la contrainte & la bride serree le retien
devoir.*

RUYSE Espagnole, ô hypocrite submission
ceste generale Amnestie de nos calamitez
lees, en ceste fraternité de nos cœurs ! Son h
neur degradé & pillorié en France, son nom
au ban & aux encheres de nostre indignation
Ses artifices descousus, ses desseins défilés, sa fo
auallee, son credit à reins rompus, & se voy
tombé à coup du plus haut eschellon des en
prises où ses predecesseurs l'auoient monté à l
gues halaines, sans qu'il y ait plus moyen d'e
ployer son huile & son bois pour rauier l'e
brasement de nos diuisions, ny se preualoir de
qu'Annibal disoit au roy Antiochus, *que le
moyen de mener la guerre contre les Romains, estoit*

ietter tout l'effort sur leur *Est:at*, & vaincre l'Italie par l'Italie. Ruse Espagnole, sur l'auenue de tant d'apparens auantages de fortune, coniuerez à sa ruine, de remettre la partie, tenir son ambition en lèsse, faire l'ecreuissè & vouloir imiter les Parthes qui en fuyant vainquirent Crassus.

S A G E M E N T, de cacher les cousteaux & les feux afilez & allumez contre nos entrailles & nos maisons : & sur les iours critiques de sa fortune ietter ses dissimulations, comme la seiche ayant aupres du col vne grosse vessie, qu'on appelle *Mati*, pleine d'humeur noire, iette son ancre au dehors pour en l'espaisseur d'icelle chercher la sauueté.

S A G E M E N T, d'auoir par les blandices gagné, le couuèrt de l'amitié de l'Anglois, fait sentir bon la marchandise de ses submissions employees au prix d'vne simple candeur & sincerité de cœur & d'affection, & y voyant ses desseins à basse marée de s'estre serui de la lune de ses Doublons pour les faire fluër, comme Plutarque escrit que les corbeaux de Barbarie, quand l'eau est trop basse, iettent des pierres au dedans, pour la faire monter à telle hauteur qu'ils y puissent boire.

S A G E M E N T, pour ne donner à cognoistre son amitié, croustee de fard & de vermillon, non ferme, non solide amitié, & non selon le leprouerbe à preuue de marteau, de vouloir esloigner de Londres, la toute naïfue & vraiment sincere affection des François, comme ce mauvais peintre qui n'ayant peu tirer des coqs au vis, chassoit loin de sa peinture les coqs naturels.

S A G E M E N T, de vouloir ietter la pöme de discorde entre la Fiâce & l'Angleterre, pour brouil-

ser, pour introduire vn desordre & confusion dans les entrailles de ces deux Estats voisins; & seul demeurer en Espagne à pied ferme durant le choc de nos furieuses tempestes, comme Pline dit, que par vne faueur particuliere de fortune, il y eust iadis vne ville en Syrie nommee Palmyra, qui au milieu de ces deux puissans Empires de Romains & des Parthes, & en l'entreheur de leurs armes, demeura à l'abry sans atteinte sans coup, comme si elle eust esté hors du monde. **T**OUT sageement, & selon son habitude enuieuse & forciere, qui le fait tousiours mouuer selon sa passion, comme vne boule se meut rolement selon la qualité de sa forme, & le roule en façon de rouleau selon la difference de sa figure. Mais en quelle conscience? Car si Calvin l'est en odeur de voyrie & de gibet, odeur pestilente & contagieuse: S'il le tient pour Napel mortifere aux corps de l'Eglise: Vipere qui a creué flancs où elle a esté conceüe. Erostrate incendiaire qui a soufflé ses risons sur nos Temples: Insolent Copronyme qui a profané nos lieux plus saint que ce Thessalus dans Pline, qui passoit l'éponge sur la doctrine des Peres & sur l'honneur la venerable antiquité;

CALVIN qui en ses mordantes paroles contre nostre saint substitué du Saint des saints, Viceroy de Dieu en terre, l'esprit mouuant de son Eglise, l'image viue & encore parlante du premier Apôstre, l'accompare à cest affronteur Lybion nommé Psaphon, qui pour se faire estimer Domina le suffrage des bestes; Aux roys de Perse par ce qu'il porte la Tiare; A Domitian, par qu'on luy baise les pieds; A Tamburlan, par qu'il s'est serui d'un Empereur pour estrieu;

CALV.

CALVIN, qui d'une langue hardie & tousiours à bec & à ongles sur la vierge integrité de nostre Eglise, appelle nostre religion Thalmud de resueries, Alcoran d'impostures & de traditions humaines; La phrenesie des cerueaux mal timbrez & le tiesbuchet à surprédre les simples: Tousiours & qui tousiours nous donne sur le nez de son Escriture avec ces paroles fatales & malencontreuses *Ve, ve*, tousiours contre nos traditions, & sur l'exemple de cest Ephore de Lacedemone *Emerépes*, qui coupant deux cordes que le musicien Phrynis auoit adiousté à sa lire, *Nc viole point la musique*, dit-il;

CALVIN encore, qui pour escorner le credit de nostre vieille creance, & mettre l'honneur de nostre Eglise à l'enuers, soustient, Hé Dieu avec quel le hardiesse! qu'au lieu de porter la substance de l'Euangile au cœur, nous en portons quelques mots pèdus au col; Au lieu de charger la croix de Iesus, & se glorifier de son opprobre, nous la portons sur l'estomach & au chapeau; Que toute nostre religion est au bout des doigts, en mines, en coups, en ieusnes, vne haire, vne bezace, vn capuchon: Veaux d'or au lieu du Tour-puissant; Autels au lieu d'ames; Sacrifices au lieu de foy & de repentance; Tous matiere pour croire trop nos sens; Tous corps pour auoir l'esprit aueugle; Tous clouez en terre pour vouloir aller au ciel par terre; Au lieu que les loix du fils de Dieu ne sont point commandees à l'exterieur, mais penetrent jusqu'au cœur de l'homme; Qu'elles requierent sacrifice, mais sacrifice d'obeissance; Ieusnes, mais ieusnes de peché: Circoncision, mais du prepuce du cœur: Adoration, mais du genouil de l'esprit: Rien pour le corps, sinon pour le rapporter à l'

me, rien pour l'ame, sinon pour l'amener
Dieu.

ESPAIGNOL, s'il te souvient, comme te
pere, duquel l'ambition n'eut jamais fond ny
ue, l'argument de nos tragedies & l'instrument
fatal de nos calamitez: s'il te souvient, comme
toujours, en esperance de bastir sa fortune sur
nos tombeaux, il s'est ietté à la rapée de nos
confusions, prins tous auantages sur nos fureurs ciu-
iles, & le seruant de nos passions comme de bois
de feu tout préparé, Il y a apporté le bras à de-
couuert, vescu en salemandre dans le feu de nos
miseres, & en boucher sur le plus profond de nos
stre sang: Encore & en quel temps, mais. O bon
Dieu, en quel temps!

HENRI 3. dit l'histoire, viuoit plus en Cap-
chin qu'en roy: la diable estoit le chant des Fieri-
lans, son champ de bataille vn cloistre, sa cuirasse
vn sac de penitent: Il ne viuoit plus que cloué
& attaché au crucifix, & s'il viuoit, ce n'estoit
plus luy qui viuoit, c'estoit Iesus-Christ qui vi-
uoit en luy.

Au temps, & sous le siecle de ce bon roy, au
plus beaux iours de son regne, l'Espagnol nous e-
ueloppa en vne sanglante sedition, & vray forge-
ron de nos malheurs, il alluma, il attiza, il souffla
le feu de nos diuisions, flatta la sedition, mignard
les factieux & les tint en haleine sous ses venten-
ses promesses de fromage plus que de pain, & pou
introduire vne confuse Anarchie dans cet E-
stat, & comme en marché fait avec la fortune
de le porter par terre, & y faire le dernier coup
de son ambition, il lescha la bende à ses torrens de
sang qui ont noyé nos campagnes, & endit la rapi-
ne iuste, la tyrannie & l'inuasion legitime, la cou-

ronne en proye, la fleur de Lis à deschirer à toutes mains: Les loix impunément arrachees du cœur du royaume, & les gens de bien au decouvert parmy tant de bourrasques, & au milieu des ondes de nos rebellions: Infernal & maudit Genie, non plus des Temesiens, mais des François qui a seduit nos courages pour ses sacrifices, qui nous a trainez à l'autel sanglant, & obligez à tourner nos mains contre nos propres entrailles: Horreur à l'ame, effroy & tremblement au cœur, barbarie & cruauté à tous les sens, quand encore sous la presse & sous la gesne de ses animeuses persuasions, il met le couteau au poing d'un loup déguisé en brebis, d'un monstre d'homme, d'une furie infernale, pour souiller sa dextre parricide dans le sang précieux de l'Oinct du Seigneur.

ESPAGNOL, s'il te souvient, comme sous l'auguste & venerable pretexte de pieté ton pere enfant ces fureurs qui coururent tout le corps de la France, & avec quelle fougue il en voulut haïr les destinees: S'il te souvient de ton Ayeul, ce grand fleau des Protestans d'Alemagne, qui sembloit les vouloir noyer en leur sang: Si le zele de religion te passionne si fort, & que tu vueilles estre en l'Eglise, comme la Prestresse de Delphes, sans laquelle les oracles ne se pouuoient rendre: Si tu tâches de fesser nostre honneur à iour, & nous redre de mauuaise odeur au monde, seulement parce que nous descrions la violence contre les ames, & que cōme tu vis à pot & à feu avec tes Juifs, nous tenons les Huguenots pour vrais mēbres du corp, de cest Estat, & respirōs paisiblement vn mesme air avec eux; Auourd'huy dōcques, Et cōment dōnes-tu ces coups de biais & de trauers à tō Eglise? Cōmēt demeures-tu à bras & sein ouuert, sinō à

Caluin mesmes, du moins à ceux qui luy tiennent le menton haut, qui autorisent son nom, qui augmentent son credit, & en font vn oracle, vn Trep d'Apollo? Comment peux-tu lier ton cœur à ce qui me attache, & l'estraindre de mesme nœud que l'Anglois, si ce n'est que comme Xenocrates par vn essancement d'œil reforma Polemon qui estoit entré en son escole en habit dissolu, tu le fesses plier à ton humeur, & le sousmettre à l'autorité du saint siege pour regler la creance de son salut? Avec quel front te joindre à luy d'une si étroite alliance, luy qui en contrepied de nosse Eglise, jouë à boule veuë contre le saint Pere, ualle son honneur entant qu'il peut, destrouffie désualise son autorité, encloüe sa puissance, le tient à pied de grue dans son Estat, & à langue nouëe comme ceux qui estoient conuex au banquet sacrifice d'Orestes? Et toutesfois on dit qu'Arcelaus defendit l'entree de son auditoire à Brutus, pource qu'en quelques siens vers, il auoit donné de viues attaintes à l'honneur de Cleopatre.

Si tu le fais par necessité, Et quoy, le dieu n'est-il pas tousiours ferme aux secousses de la necessité? Et y peut-il auoir necessité de faillir ou il n'y a qu'une necessité de ne failir point? Si pour tenir ta fortune debout & sur pied. Quelle ceste fortune qui n'a iambe que d'emprunt? Si pour apprehension de nos coups, quel plus gros caractere marquerois-tu ton impuissance? Si pour n'oser branler, pour n'oser risquer seul, & pour mettre l'Anglois en ieu contre nous, Enyuré doncques, ainsi le trouues-tu enyuré de l'heur de son auancement, & à peid tout pour iouer le roolle de tes pernicieux desseins.

Ainsi le penses-tu faire aller à ton bransle, & comme les superficies & les lignes qui ne se courbent & ne s'estendent point d'elles mesmes, mais avec les corps dont elles sont les extremittez? Ainsi au premier mot te seruiras-tu de la valeur comme d'eschalar au lierre de ton ambition, & pour peser à ta faueur la querelle de la France & de l'Espagne? Ainsi en la vénération de ta grandeur le cuides-tu acharner sur nous, comme entre les *Ægiptiens* vn certain peuple qu'on nomme les *Lycolites* mangeoient du mouton, par ce que le loup qu'ils veneroient estoit leur ennemy.

De cent mille soldats, que la France te seruira pour entree de table, le tiers sera Huguenot, Et quelle apparence qu'il voulust mettre la main au sang de ceux avec lesquels miraculeusement il subsiste au milieu des tempestes & des persecutions, parmi les prisons, les fouëttades, les flammes & les gibets du monde? Amis d'ame & de cœur, amis de foy & de creance, & comment contraires de corps, de forces & de moyens? Treستous membres d'un mesme corps d'Eglise, Et qu'un œil creuera l'autre, & que le bras droit coupera le gauche? Comme si la foy auoit mesmes essais, mesmes boutehors que l'ambition, qui pour vne ville de Thebes anime le sang contre le sang, destruit la nature par la nature, & sur le glouton desir de gagner vne ville, fait perdre & ville & vie d'un mesme coup!

A v point, Mais si encore aujourd'huy quelques malicieux à qui les ongles demangent, & qui veulent courir hazard de naufrage pour faire surgir ton ambition à port; Si quelques esprits endurcis en leur perfidie & retenus à ton seruice par l'obligation de tes promesses, secouent le ioug à

tout deuoir, gourmandent leur raison par
 passions, s'effarouchent sur le repos, & ne se
 uent disposer à perdre la memoire & l'aig
 des chose passées: Si quelques ames punai
 infectees de la pestilente haleine de ces desse
 quelques langues mutines & venales par
 patricides paroles atraquent la paix & la
 quilliré de cet Estat, & qu'elles nous souf
 rousiours aux oreilles, *Ken Dieu, vne verité*
foy, vne Eglise, pour resuciller nos cōfusions, &
 fanten de nouveau la discorde, que n'agueres
 auons veu courir les armes & le feu en mai
 toute l'estendue de ce Royaume, & sous pret
 de la ruine des Huguenotz auancer la ruine
 pieté & de la Monarchie; Quel couuert, que
 rapet pour toy, quand les Anglois, de religie
 but en blâc cōtraire à la tiene, qui ont excom
 nié le Pape de leurs terres, & qui se vantēt d'
 rudement donné sur les ongles à la beste A
 lyptique; Quand ces Casques blanches, pl
 commerce avec le ciel qu'avec la terre, pl
 la recherche du salut de leurs ames, que sur l
 bit de leurs denrees; Quand ces Huguenots fi
 à glace & à preuue de toutes secousses; quar
 bres & à coudees franches ils se pourmeinent
 Espagne à Madril, aux yeux de ton Inquisiti
 me si encore aujourd'huy, disent-ils, nous vo
 Daniel sain & sauf parmy les Lions, & les tro
 fans au milieu de la fournaise ardente? ...

V R A Y que les Espagnols sont en droit, &
 session de cacher la trahison sous la parole d
 rompre le symbole & le gage de la foy q
 testent de leurs dextres periures deuant Di
 de porter le dementi tout estrou à Pytha
 ui dit, *que les hommes sont plus gens de bien lors*

se representent deuant les dieux : Ainsi pour donner du pastel & nouvelle teinture à ton honneur de-reint & bas de couleur ; Pour rauiner comme d'une douce rosee ta reputation flestrie parmy les pens d'Eglise, qui t'en tenoient l'ame & le cœur ; Voicy en quels termes tu escrias au Cardinal Colonne ton vice-roy en Aragon ; No vaya ni tenga la opinion de muchos, que se espantan de comohemos hecho confederacion con el Ingles, tanto que hemos permitido la entrada à los hereticos en España, Sera un laço para ellos, y un salvo conducto para la fe Catholica en Inglaterra. De los dos ennemigos de nostro estado yo tengo el uno para avninar al otro ; Y el victorioso siendo flaquecido se podra más facilmente vencer. Dios le tenga en su guardia.

NE vous laissez point emporter à l'opinion de plusieurs qui s'estonnent comme ay fait alliance & confederation avec l'Anglois, iusques à permettre l'entree des heretiques en Espagne, Ce sera un piege pour eux, & un passeport pour la foy Catholique en Angleterre. De deux ennemis de mon Estat, j'en tiens l'un pour miner l'autre, & le victorieux affoibli se pourra plus facilement vaincre. Dieu vous tiene en sa garde. De Valladolid.

PVNIQVE & plus que punique perfidie, d'acrediter ses artifices sur la simplicité, ses persuasions sur la credulité, & s'aider de sa foy comme d'amorce & d'appast pour surprendre la foy d'autrui ; De la paix, d'un si saint & sacré don du ciel, de s'en servir comme de planche à la fureur de ses appetits, & en traittez d'alliance & de confederatiō attestez deuant Dieu & le monde par un retentissement de voix fauorablement éclatées pour marques d'une cōmune resiouissance ; En religion traitez faire le Janus à double visage

comme les forçaires d'une galeae, qui poulans la proue en avant, regardent tousiours vers la poupe. Punique, ô plus que Punique perfidie?

Vn petit poisson, qu'on nomme *Guide*, vraiment guide de nom & d'effect, prend tousiours le deuant de la Baleine, pour luy estre comme pilote, de peur qu'elle ne s'agraue à quelque platis où la mer soit basse, & tantost çà, tantost là, il la meine & la tourne, non moins aisément que le timon fait tourner la navire, Aussi tout ce qui entre dans la bouche de ce monstre marin est englouti, & perdu au fonds de cest abyssme, sauf ce petit poisson qui se loge là dedans, & s'y entretient en telle seureté, que mesmes le Monstre s'arreste & n'ose bouger tant que sa petite guide dort & se repose en sa bouche; Barstard donc, & faux naturel, farouche & du tout non sociable naturel de l'Espagnol, qui rend mal pour biẽ, qui engloutit sa guide dans l'abyssme de son ambition, & ne veut auoir guide que contre la guide de ses plus fleurissantes prosperitez!

PRINCE, mon docte Prince, ô sage Roy des Anglois, Et qu'il ne vous souuiendra point du Roy Ignabala Sarrazin, que les Espagnols par vne careleuse douceur firent glisser en l'amitié de Charlemagne pour traueßer ses desseins? Et que non du Cyclope, qui pour toute courtoisie promet Vlysses de le manger le dernier de ses cõpagnon

L'ESPAGNOL vous a permis, dit-il, le commerce des Indes; Permis, ô bon Dieu, à ce Neptune qui portè le trident? & qui sous vne fauorable influence du ciel semble donner la loy aux ordes & aux vents! Permis, Ouy pour vous tirer la veuë de Portugal, où les larmes & les souffres d'un pauvre peuple vous appellent à la vengeance

ce de la tyrannie, Et pour retirer vos forces de Flandres, où la valeur de nos Anglois a de long temps en ça donné la fièvre chaude à sa fortune, & au point de luy faire prendre l'extreme Option. Permis, ouy pour ne le pouuoir defendre, Permis, ouy pour arrester le flux de ses pertes ordinaires, donner ceste douce bride & ce frein gracieux à vos Argonautes, retenir leurs si frequentes victoires sur ses armées du Peru, & comme Sylla qui ne pouuant empescher le triomphe de Pompee, fut contraint de s'elcrier, *qu'il triomphe, qu'il triomphe donc, de par Dieu.*

MEILLAYR ouurier que la nature, il vous montre son cœur à poitrine ouuerte, à tableau nud, sans doublure, sans repli, & comme s'il ne luy restoit rien du leuain de l'ancienne malice de ses ancestres, Il semble plonger son âme au plus profond de vos passions, & renier l'Espagne pour estre tout Anglois Vostre Admiral qu'il a tant mignardé de promesses, tant mugueté de flatteries, tant festoyé de beaux dons (& vueille Dieu que la tentation ne face germer le peché) Il vous dira comme l'Espagnol n'est que le courbeselle de vostre grandeur, & qu'il n'a moyens que pour les contribuer à l'avantage de vostre fortune, voire iusqu'au nez & aux oreilles, comme Zopyre pour le seruice de Darius.

VOYSIN d'Afrique, mais qui ne te recognoist pire qu'Afriquain? ô Saon; & qui non ton ame vaistresse? ô Prothee, & qui non ta couleur changeante? ô Lydien effeminé, & qui non la lâcheté de ton cœur, & la foiblesse de tes bras?

Et que vous, ô Roy de la grande Bretaigne, Que vous sage & prudent Prince, ne cognoissiez

pas, comme desia l'Espagnol tient en mai vroye de diuision pour la semer insensiblement dans le cœur de vostre Estat? Que vous ne menceiez point à sentir des chardons & des épiques en vostre conseil, en vostre famille, en vostre lit? Que nonobstant toutes les profondes desguisees & de bas or, vous ne teniez point la main sur la garde de vostre espee, en serpentine, balle en bouche, l'œil à l'erte, me celuy à qui tousiours on crie, *Bon guet, nelle?* Que vous ne trouuez pas la hantise domageable que les plumes de l'Aigle plumes des autres oiseaux? Que son regard, son rôle & son haleine vous sebleront moins peureux que de ceste nation du royaume de qu'on appelloit les Thibiens?

ELIZABETH, Elizabeth, ô que ie reueilleray apres ta mort! ô que tes os me sont chers & sacrez! ô que ie rafraischis par deuotes commémorations & par prieres annuelles la memoire de ta vie! ô que j'honore en ma pensee, & que ie milie toutes mes cogitations deuant ton tombeau?

EN la ville d'Olympie on destrempoit les os des sacrifices avec l'eau du fleuve Alpheus pour la plastrer contre l'autel, & d'autre part de celle-là ne pouuoit-on faire le mortier ciment. Que de la foy & de la vertu Française, ne se fera vne estroite conionction l'occurrence d'un temps si fauorable; Ny on ne peut mortier de l'eau du fleuve Alpheus, les cendres des sacrifices en la ville d'Olympie.

VOUS freres Tyndarides, vous tant aiméz iumeaux, Castor & Pollux, qui pour ne fistes la guerre aux Aheniens: Vous se-

poissons, Pinnothere & la Pinne, qui faites tous-
jours mesme chassè & vivez de mesme proye; Que
donc vostre amoureux exemple n'animerà point,
qu'il ne s'alliera, ny ne joindra à mesme resolu-
tion la France & l'Angleterre, pour à mesme tēps
à main commune, & sous la faueur de l'occasion
presente, toute amoureuse & à visage riant, faire
ruer leurs grands coups sur l'Espagne & Portu-
gal, & mettre en partage esgal le fruit de leurs
victoires?

Le ciel gros des fureurs de l'Espagnol se veut
accoucher sur luy de ses indignations, & la terre
le veut vomir: La mesure de ses iniquitez est com-
ble, & son Atheisme haste le pas à sa ruine; Ses
voisins, ou abboyez, ou mordus, veulent en leur
vengeance resmoigner leur sentiment; Son am-
bition qui tousiours gronde sur l'Europe, oblige
toute l'Europe à prendre pierre en main pour lui
en casser la teste à la premiere occasion; Sa bour-
à boyau vuide; Son credit maigre & à ioue aual-
lee; Sa Castille roudue d'hommes & de moyens;
La Flandre palpitante dans le lit, & en ses iours
Critiques, Naples & Milan sur le sable mouuant,
Portugal qui grince les dents pour se voir les
pieds de la Castille sur le ventre; Navarre toute
exploree sur les tombeaux de sa liberté, & qui lâ-
goureusement souspire, *A l'aide, à l'aide*, Les Gri-
lons qui nous appellent, *Braues Princes*, où vos es-
pees? France & Angleterre, où vostre iugement?
Voisins, & si proches voisins, où vos mutuelles in-
telligences? Le temps coule, & avec le temps les
occasions, Annibal, qui se fit perdre Rome que
pour ne prendre le temps?

Le y encore, ô Barillere, ie verse icy des larmes
charitables & officieuses sur la seruitude de

nos amis, de nos concitoyens; l'étame mon
 sur leurs playes, ie me palme sur leurs tombes.
 Mes larmes doncques pour alarmes, ma ch
 pour imprudence, ma pieté & compassion,
 passion & impiété; Qui le dira sinon ceux
 yans le cœur à Madril, & la langue à Paris,
 droient faire de moy comme de ce gentil
 demonien Alcippus, qui fut bant de Sparte
 en toutes belles occasions, ietter la francl
 liberté de parler comme vne aubre sacree
 le bien de l'Estat?

MIEL, & comme miel qui mordant le
 ties vlcerées les nettoye & les guerit, Semb
 vraiment au miel m'ont esté res cuisantes
 les, & comme le miel elles m'ont appor
 douleur bien faisante & salutaire; Tout doi
 la main droite, tout receu de mesme main
 avec la gauche, comme les disciples de
 dorus.

MORSURES, mais morsures de chien
 gez contre l'honneur de la France, comme
 estoit loin de la mer: Enchantemens, co
 sans Diamant: Charmes, comme si sans
 rouge: Prestiges, comme si sans *Lyncurium*,
 comme si nous tous ses enfans auions pris
 pierre Memphitique puluerisee, qui se lo
 scoride, beuë avec de l'eau & du vin rend
 sonne stupide & hors de sens! Je veux dire
 me si le Pacifique maistre Guillaume, &
 tres traistres, qui hazardent leurs consci
 uer l'or du Peru, auoient l'honneur de leu
 à discretion: Comme si le fard de leurs
 rendoit leur trahison aimable, & que le
 cours trompeurs & à piege tendu, euss
 nos consciences à contrepoinct, ou dont

rallye à nos ames : François transubstantiez en Espagnols , qui ne iugent point de nos esprits par nos escrits, de nos consciences par nos actions , de nostre vaillance par nos tropiques, de nostre bonheur par tant de salutaires aduis du ciel nostre oracle, & par le *Qui va là* des Anges nos sentinelles : Non , & qui ne iugent de nostre iustice par nos fourches & nos eschaffauts , tombeaux & cemitieres de leurs semblables : Iustice , quoy que iustice plus douce que celle des Perles, qui au rapport de Diodore ne iettoient iamais le Theta , la febue noire , la sentence de condamnation contre le coupable, s'il n'estoit conuaincu d'auoir fait plus de mal que de bien.

IL est vray, les Lacedemoniens au prieres qu'ils faisoient aux dieux, mettoient tousiours ce refrain, *qu'ils peussent patiemment supporter une iniure*; Et selon le Philosophe Musonius , les atteintes d'une mauuaise langue , d'une bouche sans mords & sans bride , ne nous doiuent point faire effaroucher, puis mesme que la mort contre la patience du sage, n'est qu'un coup de poing en l'air, une onde contre la riuie; Et puis que l'oubliance est un salutaire cataplasme contre les iniures plus aigres & plus poignantes, selon Seneque.

MAIS le public se mesure à autre pied que le particulier ; Il exorcise & iette l'anatheme sur ceste trop molle & delicate sagesse; Tous les crimes qui tirent sur l'Estat luy sont capitaux ; La moindre parole contre la republique , est comme un coup de mort sur un particulier : La volonté mesmes en tel cas est fatale & hors de defense contre les rigueurs de iustice : Damnable volonté, & non moins que celle des Vestales , qu'un Ancien condamne comme incestes , pour au-

non commis , mais voulu commettre paillardie.

Donc que ceux lesquels, comme Colombes, la France a receu en son sein , se transformeront en serpens & l'effenseront mortellement ? Que les louueteaux nourris du lait de la brebis se repaistront de sa chair & de son sang & que les chiens d'Actæon deschireront impunément leur maistre ? Dieux, nos Dieux tutelaires, arrachez-moi le sentiment avec la parole, & sur les coups ruez sur l'honneur de la France, Ou que ie meure sur la vie, ou que ie viue sur la mort de ces bastards François, Sepulchres blanchis, Putains de bordeau , Prothees à teinct changeant & de couleur diuerse. Car comment tiendrois-je ma patience en suspens sur les meritez de ceux que mon roy ne peut regarder que comme malendres , bosses & pestes au corps de son Estat, si les Perses tuoient les rats & les souris , pource que leur dieu les auoit en horreur ?

MALEDICTION du ciel sur Cham & sa posterité, pour s'estre mocqué des parties honteuses de son pere Noé, Que peu, ou point, as-tu frappé le cœur de ces hommes sans front, qui apres auoir tendu nerfs & veines pour deschirer l'honneur de leur patrie, tenaillent encores aujourd'huy de leur mordante enuie ce gaillard soldat , qui comme le marinier des vents, le pasteur de ses brebis, le laboureur de sa terre, parle du fifre & du tambour, & qui n'ayant que la guerre pour patrie, ne peut auoir que le harnois pour maison , les combats pour vie, & le champ de bataille pour tombeau.

SOLDAT vraiment François, puis que à cor & à cri contre l'Espagne ; L'espee au costé comme
rejeté

rejetton de ce noble & ancien rige de Saintain en Cominge: La plume à la main, comme arrierefils d'un Chancelier: Tout hardiment pour ne rien craindre que le ciel & son roy: Tout librement pour ne tenir rien de seruite: Tout au naïf & au naturel pour n'estre point flatteur: Tout brusquement & d'une plume hardie, pour tascher de remettre nos ames à leur train, & sur les pas de leur ancienne vertu: Tout en fougue & avec passion. Car si au dire des Sages la haine s'engendre en nos cœurs de l'apprehension que nous auons que nos ennemis sont meschans, N'auroit-il point de fiel contre l'Espagnol, qui exhalant les mauuaises & dangereuses vapeurs de son ambition, tasche encore aujourdhuy d'obscurcir & offusquer l'obeissance & le respect des François vers leur roy, ouvrir le pas à nos confusions, poulser la rouë à nostre chieute, & imprimer sur le corps de cest Estat toutes les inhumanitez & fureurs brutales de son ame? Seroit-il comme ce Lacedemonien Charillus, duquel on disoit, *Qu'il ne pouuoit estre bon aux bons, par ce qu'il n'estoit point mauuais aux meschans?*

COURAGEUX Soldat, & tout façonné à l'honneur, puis qu'il s'asleure de la victoire aussi tost que du combat (à part tousiours les coups du ciel) & que son roy peut aller trophée en main, voire comme on dit de l'escrimeur Melancoleus, estonner ses ennemis par ses seules desmarches: Courageux, puis qu'il ne trouue danger qu'en la paix, ny combat plus rude qu'és delices de Capouë, & qu'il ose encòre dire, *Annibal, tu s'ais vaincre, non pas fuire ta victoire*: Courageux, puis que reniât ces ames qui tapies sous la faueur d'un tēps érain, & à l'ancre de leur oyfueté branslent

d'apprehension d'attaquer l'Espagnol, il crie à toute voix ce que le Prenoſt des jeux Olympiques auoit couſtume de dire à ceux qui ſe venoiēt eſprouuer, *Si vous n'avez le cœur & l'adreſſe d'enſſer en ſi brane combat, retirez-vous, ne venez point gaſter la feſte.*

PRVDENT Soldat, & à nez frotté de vinaigre, qui ayant du paſſé prins leçon pour l'aduenir, Iuge tresbien que la conuoitiſe de l'Eſpagnol reſſemble au chien, qui ſans maſcher aualle le morceau. pour l'eſpoir d'en auoir vn autre tout à coup: Et ſi l'eau eſtaint le feu, ſi le ſec conſume l'humide, ſi tout contraire roidit à la ruine, & ſi touſiours à bras tendu ſur ſon contraire, Qui doute que l'Eſpagnol ne bande toutes cordes contre noſtre proſperité. Et tant que la France ſera debout, qu'il ne ſe mette à la ſappe & à la mine de ſes deſſeins? Adiouſtez-y la toute neuſue, & toute monſtrueuſe amitié de l'Anglois, pour plus cauteleuſement prendre le razer, & nous faire (ſ'il pouuoit) la barbe l'un apres l'autre: Et toutesſois Dieu ſe reſerue la ſouuerainē autorité ſur les deſſeins des hommes, afin que tous aprenent de luy demander conſeil & ſucces, dit vn Sage ancien.

Si touſſours l'œil forcier de l'enuie, s'attache aux fortunes plus hautes & plus eſleuees, comme la Cantharide aux plus belles fleurs, l'Eſpagnol ne voudroit-il point ficher le coin en ce verdoyant arbre de S. Louys, & y faire telle ouuerture que tout s'eſclattait en pieces? Et toutesſois les ſceptres, les diademes & les manteaux de pourpre ne ſont point les heritages de la violence, ny le partage des brigands.

Si l'homme conuoiteux reſſemble à l'Hydro-
pique.

pique qui s'altère en beuvant , & à la mer qui jamais ne grossit pour tant de rivières qui y entrent, l'Espagnol qui toujours hennit après cette ancienne conuoitise d'avoir la France, n'impiettera-il point sur nous pas à pas, iour à iour, convertissant l'amitié en puissance, la puissance en tyrannie, & charriant si bien ses avantages, que si aujourd'huy on luy quitte le droit de Nauarre, il sautera demain à Marseille, ou à Nantes, sans jamais assouvir son insatiable, & à gueule toujours beante cupidité? Et toutesfois Pyrrhus ayant englouti l'Europe par imaginatiō projecttoit de l'aller digerer tout à laise en son royaume de Macedone, & y donner longue courroye à ses plaisirs.

Si la faim contraint le loup de sortir du bois, & si la nécessité tire l'homme hors des termes de patience, Quelle plus grande nécessité à la France que d'esloigner vn voisin contagieux, & qui comme le Laconié reputé toute la terre siene, iusques où sa pique peut atteindre? Quelle plus grande, que de tenir, sinon l'espee au poing pour attaquer, du moins le bouclier pour se couvrir des coups de ses ennemis? A quoy la maison sans porte, la bourse sans fermeture, & les royaumes sans limites?

Si vn peuple Martial, & qui n'a pour toute vocation que le mestier de la guerre, ne peut moderer son courage, ny rendre les esprits sous vne condition douce & pacifique, & si ne pouvant faire mal à autrui, il s'occupe en ses propres maux, Ne ferons nous pas comme les medecins qui tirent à la superficie du corps, les maladies qu'ils ne peuvent oster du dedans? ô vous sages Romains, qui quatre ans apres que Scipion eut passé la dernière main sur Carthage, tournastes le trenchant de

vos armes contre Philippe de Macedone, pour n'en voir la pointe contre vostre propre estomac!

C E P E N D A N T, dit le Soldat, toutes choses par vne commune loy de nature seront obligées à s'agrandir & pousser leur condition en avant! Les Elemens s'elargissent par la ruine de leurs contraires! Le feu attirera à soy l'huile de la lampe, & se coulera au dedans du suif pour se nourrir & alimenter! Les arbres & les plantes succeront la terre pour leur profit, & en tireront l'humour qui sert à leur accroissance. Elles y pousseront bien avant, elles y fermeront leurs racines pour asséurer & alonger leur durée! Et la France tant s'en faut qu'elle vueille se mettre au large, dōner à sa fortune la longueur de sa puissance, ny lors que le ciel enle ses voiles, pousser courageusement ses desseins en pleine mer, qu'à pied contraire elle tourne le dos au deuoit, endure qu'on la range à l'estroit, tient la teste sur l'oreiller, s'édort sur les iniures, fait l'aveugle aux brauades, & la lethargique aux coups de ses ennemis! O nos Ancestres, qui combattiez plus par honneur que par necessité, & qui alliez courir apres vos sepulchres iusqu'au plus profond de l'Orient!

E S O L D A T, neantmoins iusticier, & qui ne mettant ny barre ny distinction entre renoncer à son droit, & ne le mettre au iour dans le temps presint par les loix, voudroit desia voir les confins de la France & de l'Espagne, comme en dit en Prouerbe, des Phrygiens & des Mysiens separez, & que la iustice bornast l'un & l'autre Empire, comme le bon Trajan respondit au roy des Parthes Phraates: Et quoy qu'on peut auancer nos affaires
au

au *Ha-leurier* de la France sur les lievres de Castille, & y passer carrière à nostre avantage, Qui pourrant ne caresseroit toute bonne nouvelle de paix, qui ne trouneroit meilleur d'employer plutôt l'éplastre que le cautere, & la douceur que la force, puis que le ieu de la guerre se fait aux despens du sang humain? Qui ne doneroit l'interest de son honneur au bien de la Chrestienté, & qui ne sousmettoit le desir de vengeance à la raison, si la raison estoit Catholique, si le peché porroit la repentance en croupe, & que l'Espagnol ne mesurast point son ambition au pied de Romulus, qui ne mettoit point de bornes à son pays, comme si toute la terre estoit aussi bien sienne que sa conuoitise, & que son espee tranchast autant que la passion? *Il n'y a pierre, disoit Scipion, qu'on ne doive remuer, avant que de venir aux mains.*

CHRÉSTIEN Soldat, qui bas-bas au dessous du bureau du ciel, & tout confus aux coups de la Prouidence (le plus souuent de dos tourné, & de contrepied à nos entreprises, & qui meine nos actions au reuers de nos desseins) Ne s'ose asseurer de la victoire par sa iustice, ny de sa iustice en contrepoids de ses pechez: Il voit Pompee vaincu, César qui remporte son espee teinte du sang du Senat, & l'autre qui s'escrie. *Les dieux honorent les victorieux, & Caton les vaincus*: ô Secrete, ô profonde Prouidence, qui mesmes en chascun de nous a ses intelligences pour nous chastier: En nostre chair nos corruptions, en nos esprits nos passions; En nos ames nos pechez & nos enormitez, iusques à tenir les meschans à folde, & les faire combattre pour sa gloire! Car à quoy l'ambition de Cyrus, la conuoitise de César, la cruauté d'Attila, que pour tirer Israel du ioug, & rebastir

son temple, donner des verges & corriger le Se.
de Rome, & le monde? Iudas, voire le diable,
mettent-ils point les mains à l'œuvre de la li-
demption?

SOLDAT Chrestien, En ces coups du ciel où
raison de l'homme va à aveugleries & à rastons,
qui en ce nécessaire embarquement pour la iul-
recousse de nostre bien, preuoid des orages & d'
tempestes, où le plus souuent le danger surmont
l'art, & la nécessité force la prudence, Que feroi-
il? Il employe ceste messagere ordinaire des hom-
mes vers Dieu, l'humble priere fille du ciel, qu'
autresfois a arresté le cours du soleil, barricadé
l'eau contre l'eau, aplani vn chemin pour gens à
pied au milieu de la mer, & qui a eu les Anges à
solde, les feux du ciel, les vens & les orages de l'air
pour Carabins: Ainsi dit-on que les dieux estoient
toujours à main droite d'Æmylius, & auan-
çoient ses armes de leur faueur, par ce qu'il auoit
aussy tost la priere en la bouche que l'espee
au poing, & qu'au plus fort mesmes du combat
il les inuquoit à son secours. Ainsi dans
Homere, celuy des deux Archers qui inuo-
que Apollon emporte le prix, & l'autre su-
perbe qui ne fait point de priere ne peut assener
l'oyseau.

EN la ville d'Athenes, l'onzième iour de Fe-
urier, qu'on appelloit *Pithigie*, ouuerture des ton-
neaux, on essayoit le vin nouueau, & auant que
d'en boire on en espâdoit des premices aux dieux,
auec inuocations & prieres, que l'usage leur en fust
salutaire. Et lors qu'il faut, non point percer vn
tonneau de vin, mais leuer la digue & la bõde
à vne mer de sang, à vn torrént de maux, à vn deluge
d'afflictions, Quelle plus sainte preface que d'at-
tester

tester son innocence deuant Dieu , & coniurer la force du ciel sur ceux qui veulent tout auoir par force ? *Eſpee, Eſpee, deſgainez pour occir, polie pour conſumer, Que tu reſuiſes : A la renuerſe, O grand Dieu, mets les à la renuerſe : Reſpan ton indignation ſur eux: Souffle-les au feu de ton courroux, & donne-les es mains qui forgent la deſtruction.*

SOLDAT, toutesſois le blanc & la butte des penſionnaires d'Eſpagne, tous en rumeur & en bruit, tous au toc-fain de leurs paſſions, & qui criët apres luy, comme s'il vouloit faire iouer à la Frâce vn dernier coup de deſeſpoir : Les vns eſmouſſez d'eſprit, auallez de courage, punais de volonté, & tous infectez de la contagion de nos ennemis grincent les dents ſur luy, & comme ce pou qui mordit Ageſilaus ſacrifiant vn bœuf ſur l'Autel de Minerue: comme ce ver qui picqua Braçidas: comme ce fol Eroſtrate qui pour faire parler de luy mit le feu au temple d'Ephèſe ; Ils ont voulu courir ſur ſon honneur, pouſſifs & courts d'halaine qu'ils ſont, maigres, eſſlanquez, vieilles carcasses de voyrie, & puans fumiers aupres des lis & des roſes de ce ſoldat. Mais que peut Marſyas contre Apollon, ny la Truye Crommienne contre Theſeus ?

LES autres ſous le rude accord de leurs paroles ne pouuans venir en cadence de leurs paſſions, ſont tout en deſpit des Muſes, comme ces Poëtes Comiques de Megare ; qui n'ayans rien de beau, ny de paſſé par l'alambic, ſe mettoient à ſonner & à faire les Maîtres Guillaumes pour donner à rire : Bouffons ſans ceruelle, qui d'vne licence forte en bouche, d'vne raillerie pleine de fiel traittent cruellement par leurs ſanglantes paroles l'honneur des gens de bien, & mettent

à vau l'eau celuy de la France leur patrie
 puis, ces Sycophantes, feront semblant de se
 du sel avec Vlysse, pour n'aller point au sieg
 Troye! Sages en ce seul poinct, Qu'estans fols
 nature, ils veulēt faire croire qu'ils ne le sont
 dessein:

H O M M E · Dieu-Idole, Hârpocrate, Où es
 Si en terre, pourquoy ce nom de Dieu? Si au
 pourquoy ceste humaine, que ie ne die, ceste
 qu'inhumaine passion d'appeller ce Soldat,
 tamore, Anthropophage? Si au temple d'Isis &
 Serapis, pourquoy fais-tu l'homme en terre
 Dieu au ciel, & l'Idole en Egypte? Si ce n'est
 tu vueilles estre comme l'Hecate des Poëtes,
 s'appelle lune au ciel, Diane en terre, & Prose
 ne aux enfers!

P E S L E-M E S L E, Que ie te blasme, que i
 louë; Tu surdores tes passions des beaux trait
 ta plume; Prou bien disant pour vn homme, t
 passionné pour vn Dieu, & vraye Idole, entât q
 sensible aux maux de tes voisins, de tes concito
 O Image, Image de Cumcs!

C O V R A G E, Soldat, La faueur du ciel t'est
 uerte; Les Princes te mettent la main sur l'esp
 le, nos braues Prinées, qui comme Astres tou
 clattans de lumiere reluisent au ciel de la Fra
 mais qui ne peuvent arriuer au Paradis de l'h
 neur, sans la vertu de leurs bras, & le trenchan
 leurs espees.

N O N, non, ces femmes barbues, qui viuēt p
 né suruiure leurs tombeaux, Non, ces homn
 femmes, qui se flectissent à l'ombre de la p
 pour ne se haler au soleil de la guerre; Te
 mais trestous les Officiers de la Couronne,
 portent l'espee au costé, plus pour verité de l

valeur, que pour vanité de leur Noblesse, Ne te refusent point le baise-main, tous en feu & en flamme sous le fuzil de tes paroles, tous à cheval sur tóute selle, & trestous prests à bien faire contre l'Espagne, pour te voir si bien dire à l'avantage de la France.

ONDES sur ondes, mille sur centaines, millions sur mille, & non plus millions, mais milliers sur milliers. Je veux dire, Soldats sans nombre, ô que file à file, que troupe à troupe, & comme exains qui sortent de leurs ruches, Ils te viennent au deuant, pour te caresser, pour t'embrasser, bras dessus, bras dessous, espèces & harquebuses bien fourbies, les yeux tournezz sur la Castille, l'ame toute enflambee de desir d'y planter la Fleur de Lis, le cœur tout cœur, & l'heure leur estant vn iour, le iour vne année, l'année vn siecle, tant sous la faueur d'un si iuste dessein ils veulent marcher avec toy cōme compagnons, puis qu'ils te croient comme conseiller : Soldat, mieux en fortune, que dans Homere le ieune Diomedes, qui vaillant & hardi de sa personne, sur le projet de faire vn beau coup s'escrie en soupirant, *ô si j'auois vn compagnon avec moy.* Et ne trouue qu'un seul Vlysses qui vueille courir risque.

QVI VIVE? Le Pacifique, le portolius : Ainsi à contrepoil & à sens contraire, appelloit-on Philopator, Philometor, Philadelphes, ces trois Ptolomees roys d'Egypte, meurtriers de pere, de mere & de frere : Ainsi iadis ceste fille impudique, à cuisse tousiours ouuerte, à chemise retrousee, ainsi putain de carrefour se faisoit elle appeller Cōrinée. Ainsi ceste cauteleuse femme decrite par Archilocus, tient d'une main l'eau & de l'autre le feu : Ainsi s'embusche l'Hyene dans la

voix du pasteur; Ainsi le Crocodil dans ses larmes
Ainsi le boucher sous sa flatteuse main ; Ainsi
Renard presche les poules.

Coycher à toute teste de l'amour du
blic & de la liberté, disoit *Æschines* contre *Ce-
phō*, C'est par vne estude & artifice de meschi-
ceté, & en paroles desguisees d'un fard malicie-
les ruiner & les opprimer, quand les effects les
trepointent & sont du tout contraires: Tel le p-
souuent, disoit *Phocion*, porte la barbe à la La-
nique, qui ne tient rien du Laconien en l'ame:
se desguise & reuest de l'apparence de vertu
dehors, qui vit en meschanceté couverte au ded-
Et porter, dit *Plutarque*, les vellemens de lin &
tonsure, ne fait point les Prestres *Isiaques*. Et t-
tesfois, selon *Platon*, où est l'injustice plus ext-
me, qu'en l'homme qui veut estre estimé iuste
ne l'est pas? Où plus orde, & où plus sale la go-
mandise, qu'en celuy qui aux yeux du monde
le sobre & la petite bouche, disoit l'Euesque *S-
uian*?

Le petit passereau que l'on appelle *Struth*
semble bien voler, & neantmoins ne vole pas :
Taupe naturellement auuegle, a quelque app-
rence de veüe; Le roseau vni & bien formé par
dehors, ne porte au dedans qu'une vaine mou-
pour tout fruct. Et toy *Mahentre*, qui ne tiens ri-
de la candeur de ta naissance, Faux masque
François, qui t'estant mis sur la retraite de
devoir, as engagé & hypothéqué toutes tes af-
ctions à l'Espagnol; Toy renuersé d'ame, & t-
camus d'entendement, Toy *Souhait*, par tes ir-
pties estallees aux yeux de la France, par ta la-
gue trempee dans ie ne sçay quel miel insipi-
& sans goust, penses-tu arrouser nos cœurs

vin:

vinaigre & de fiel tres-amer? Sous le couuert de tes paroles plastrees de dissimulation, & semblables aux boëtes peintes au dehors, penses-tu qu'on ne voye pas le poison enfermé au dedans, & que nous croyions plustost la monstre exterieure, que le fonds & l'intérieur de la verité? Pomme de Sodomé, & que nous ne recognoissons point que tu n'as qu'une vaine apparence de pomme?

BENOIST, à ton sot aduis, benoiste inspiratio du ciel; Auspices fortunez pour ta fortune coquine & au queste-pain (si tu n'es comme les cigales qui viuēt de l'air & de rosee) d'auoir prins ce nom de Pacifique de pied & de dos tourné au *Soldat François*, ou de peur qu'il ne t'arriuaist, comme à ce ieune Lacedemonien, qui ressemblant à Hector de Troye fut foulé aux pieds par la presse du monde qui accourut le voir, ou pour ne pouuoir releuer par vn si bel exemple, la bassesse de ton esprit accroupi, ny suivre l'air de sa plume, Toy lasche de courage, toy oyson bridé, & bien loin de ceste belle humeur d'Empedocles & de Theognis, qui, dit Plutarque, emprunterent de la poësie la hautesse du style, ne plus ne moins qu'une monture pour eiter la bassesse de la prose.

Et outre ce que Demosthene appelloit ses harangues. Soldats, pour la force guerriere qui apparoissoit en elles, Et celles d'Isocrates, Escrimeurs pour le plaisir de la fanfare qu'o y prenoit, N'est-ce pas vne qualité glorieuse, & vn tiltre honoré des Princes? N'en embelissent-ils point leurs paroles, n'en cautionnent ils point leurs promesses, & en iurant *Foy de soldat*, l'honneur de ces demi-dieux ne demeure-il pas en gage sacré entre les mains de la iustice du ciel? Ouy, & comme vn Ancien dit, que la colere est la trempe & le fil de

la vaillance, ce beau nom de Soldat n'en est-il point la palme, le trophée, le prix & l'affaïsonnement?

A v partir de là, & à prendre ce simple nom au poil plus court, Creue vilain, il en sera comme de ceste mouche qu'un Lacedemonien fit peindre sur sa rondelle, & dont par ruse aucuns luy disoient que c'estoit pour n'estre point cogneu, *Mais au contraire, dit-il, c'est afin d'estre mieux remarqué, car ie m'approche si pres des ennemis qu'ils peuvent bien voir combien ma marque est grande.*

ASNESSE de Balaam, qui pensant maudire ce Soldat le benis, qui le pares, qui le peignes, qui le rends un Adonis aupres de ton Esope contrefait, qui fais fructifier sur luy les faveurs du ciel par ta maudite sentence, qui donnes le grand pas & auances la verité par tes mensonges effrontez & impudens; Aueugle Lamie, & que tu ne le cognoisses pas? Ame courbe & bossue de perfidie, Caco-chyme & toute vlcerée de crimes, Et qu'il ne te souuient point de ceste responce de Leon le Byzantin, à un qui se mocquoit de ce qu'il auoit courte veüe, *Tu me reproches une imperfection, & tu portes la vengeance diuine sur ton dos?* Non, & que tu ne voyes comme ce nom de Pacifique à le prendre au meilleur sens sortant de ta bouche Espagnole, est rendu execrable en France (qu'on me pardonne si hors de toute proportion comme le tiltre royal estoit en horreur aux Romains, à cause de Tarquin l'orgueilleux, & le nom de Dictateur, à cause de Sylla?

PLIN ² parlant de la Vernaine, que les Grecs appellent herbe sacrée, se moque des Magiciens, qui disent qu'elle guerit toutes fieures, toute sorte de maladies, & donne l'amitié de toutes personnes :

nes : Et toy pire que forcier, Esprit sans science, ny conscience, c'est à dire, meschante beste, voudrois-tu point attribuer ces mesmes qualitez à ton Pacifique, soudre les playes que nous auons receu sur le cœur, & faire voir l'innocence comme vn faict de misere & de torme[n]t ? En voudrois-tu plastrer les malheureux desseins de nos ennemis, & par vne secrette vertu fomentier leur tyrannie, doubler & renforcer leurs iniques vsurpations, nous endormir sur nos iustes douleurs, nous arrester sur le cours de nostre indignation, & nous faisant porter sur l'oreiller toute sorte d'affronts, laisser impunement à nostre grande honte iouer contre nous ce ieux Gascon, *Au da quin'ont da* ? Avec ce seul nom voudrois-tu guerir toutes les playes de la France, & ressembler aux Marses qui guerissoient toutes les morsures des serpens ? Voudrois-tu que sous ce tant aimable & plausible nom de paix, l'Espagnol pourmenast la fortune à son aise, & nous souffletast à toutes mains, cōme Aristote dit que les Thoscans fouëttoient leurs esclaués au son des flustes & des haubois ?

INDIGNE de toucher le Caducee de Mercure, indigne d'etiquette, de faire logis ny de tenir train entre les doctes, *O souhait* sans nul bon souhait. Au moins pour estre vn Marrane, vn Iuif par adoptiō, tu deuois prendre le nom d'Absalon, pere de paix ; Ce nom de Pacifique est vn nō d'enfant qui porte le beguin & la bauerole, Escume & bave d'vne ame poltrōne, basse & qui sent sa lie ; Souspir d'vn Lydien effeminé, d'vn coyon Pisandre, à cœur mouffe rabatu, & qui n'ose regarder le ciel que par vne lucarne : Il n'a ny front, ny sourcil, rien de relevé, ne qui porte le brodequin ; Reptile, toujours nez contre terre, mais qu'

par vn mutuel rapport du nom à la chose, & de toy à luy te canonise, te deifie entre les Lydicus.

LA cōfession, dit le tout bien disant Peleus, est la voix de la conscience; La cōfessio est la parole d'une ame contrainte, & qui sous les secrets essans de ses fautes s'envelope, & se coupe la gorge par son accusation propre. Personne ne parle qu'à regret contre soy mesmes, dit Tertullian, & la verité arrache mesmes de la bouche des plus fins la lumiere des choses plus obscures & cachees. Que veux-tu doncques, ou que peux-tu, contre ton baptisme, ou toy-mesmes ton parrain t'es nommé Antifoldat? Que peux-tu opposer au blanc que le noir, à la lumiere que les tenebres, à la France que l'Espagne, au soldat que le Pacifique?

AVSSI pour ressembler aux hanetons, & sous vne paix, comme sous les fleurs & les fueilles du Printéps, mener du bruit, & te nourrir des beaux fruits de nostre France, tu t'appelles Anti-soldat, comme Feneſtella dit, qu'un long temps à Rome on vsoit d'une espee de monnoye où la figure d'un bœuf & d'un pourceau estoit engracee, & que plusieurs Romains s'appeloient *Ouilij*, *Bubulci*, *Sullij*, Bergers, Bouviers & Porchers: Aussi tes plus intimes, pour la glace & froideur de tō courage, t'accompagnent à la Salemandre, & à la pierre *Calatia*, qui ne se peuvent pas mesme eschauffer dans le feu. Et comme les Philosophes disent que les animaux de froide complexion, sont craintifs à merueilles, Ils te tiennent pour vn Bisongne, pour vne femme a menton d'homme, & qui jamais ne portas espee que d'apprehension que les bouches te prissent par derriere. Trop d'honneur

neur pour ton humeur poïtronne, s'ils te don-
noïent vne robe & vne coiffe de femme, comme en
l'Isle de Co, au Prestre de Hercules pour faire ses
sacrifices, & comme aux Argiens en leurs ceremo-
nies Hybristiques: Gendarme d'Athenes, & qui à
peine oserois desferer vne ratiere avec vne pi-
que, glacé de peur iusqu'à la mouëlle, auallé de
courage, & plus que ce lievre-homme Pisandre à
qui les joncs sembloient lances, & qui fuyoit au
chant des grenouilles & des cigales, comme au
son des tambours, & des trompettes; Toy plus
couard, encore plus pusillanime que ce lasche Si-
cynnien qui fit present au roy Agamemnon de la
jument Æthé, pour le dispenser du siege de
Troye.

LES Egyptiens, par deuotion anniuersaire, ce-
lebroient à certain iour vne feste à l'honneur de
Minerue nommee *Lycosonie*: C'estoit dans l'Isle
Sais, ou tous alloient par basteaux, & portoient
avec eux vn cierge qu'ils brusloient dans le Tem-
ple le long d'une nuit: Ceux qui retenus d'occu-
pations ne se pouuoient rendre en l'Isle, brusloïent
ce cierge dans leurs maisons, & ne meritoïent pas
moins enuers la Deesse, dit l'histoire, que ceux qui
se trouuoient dans le Temple; Par rapport ie dis,
Qu'en ces grands iours d'honneur, où tous vrais
François doiuent faire ieu, & porter des coups d'e-
stat sur l'Espagnol, que toy conuil de clavier, pol-
tron en langue de nos meres, *Forcht sam* en Alle-
mand, *Di poco animo* en Italié, & *Medroso* en la lan-
gue de Castille, Que tu serois encore à excuser, si
seulement tu frappois du cœur comme nous des
mains, que ta volonté tréchaist comme nos espees,
& qu'on te vist sur les murs de Pampelonne, en
ombre & en figure, comme nous en corps & en

realité. Il est vray, Que peux tu pour nous
vray. Que ne veux-tu contre nous? Il est vi
pour, ny contre, Car qu'es-tu qu'un zero et
fre, un Atome de Democrite? Et qui seroit
battre le lieure, que du pied, ny le cef
fuyant?

Aussi pour la correspondance qu'il y a e
les poltrons, & ceux qui craignent les armes, e
que iustes & necessaires, comme les noslre
Nauarre, iustes si le blanc est blanc, & necessa
si la respiration pour la vie, tu te nommes P
fique, à mesme eau beniste, & sur les mesmes
que ceste putain, d'Athenes *Mnesareté*, qui fut
peillee *Phryné*, pource qu'elle estoit iaine com
vne grénouille de buisson, que les Grecs app
lent *Phrynis*; Toy meschant frelon, & mouc
guespe, qui veux viure sans rien faire que point
l'un & piquer l'autre, semblable aux anciens
cademiques qui contredisoient tout, comme
un coq qui contre-chanté au chant des ai
tres.

Que ie t'en veux, ó masqué & figure d'hom
me, *Metrodorus*, crocheteur & porte-faix du vi
ce, pourceau mis à l'engrais par *Epicure*! Que ie
ie t'en veux, quand tu fais de ton ventre un ton
neau à vin, un four à cuire toutes viandes, & que tu
escries ceste lettre à ton frere, *Il n'est à besoin de s'ex*
poser aux dangers pour le salut de la Grece, ny se tuer
le cœur & le corps pour obtenir des Grecs vne couronne
en tesmoignage de sapience; Mais il faut boire, se trait
ter bien, & manger de sorte que le corps en reçoive plai
sir & point de dommage. Et qu'à toy, Traître infame,
pendant d'oreille de gibet, banderolle à l'ad
uenir de *Monfaucon*, qui apres auoir trafiqué a
uec vne impuden te liberté l'honneur de la Fran

ce ta patrie, & comme si tu estois de la ville *Platbadite*, où l'on dit que les habitans font passer vn Elephant par le trou d'vne esguille, apres auoir pensé rendre la grandeur de ce puissant Empire si menue, que tu en ferois aisément vn morceau à l'ambition d'Espagne : Apres que par vne faulx Catatypose tu en as tiré l'effigie, plus ouuerte de playes par ta mordante plume que par les espres de nos ennemis; plus gisante au lit de ta passion, qu'en nostre infirmité; plus poussiee en ta bouche puante qu'en nos flancs & en nos poulmons, plus abbatue que batue, tu veux effrontément conduire nostre Hercule au palais de la royne de Lydie: Omphale effeminer son masse courage, mettre son honneur de pieds contremont, le nourrir aux molleses & empoisonner son cœur de ces faulxes apprehensions de Castille, de Flādres & de Sa- uoye, Luy le contrepoids de la fortune, à preuue de toutes aduersitez, & du terin en hors logé sur l'honneur par ses armes, & sur l'eternité par son honneur. Ouy encore, apres nous auoir remōstré le danger des tortués qui estendent la telle hors de leur coque, cōme ce Romain qui pour iōpie l'entreprinsē des Achæiens sur l'Isle de Zacynthe, vouloit enfermer leur fortune dans le Peloponese, nous veulx loger dans la France cōme dans vn clapier, cōme dans la circonference de nos ombres, comme dans vne coque de tortue, courber nos espees en faucilles, conuerir nos lances en aiguillōs, nos cuirasses en iaquettes, nostre *cu-va-la*, en *Bé Bé* Martin, ou plustost cōsigner nos cœurs entre les mains d'vn languissant repos & abbeueuer nos ames au plus profond de l'oyssueté, cōme es eaux du Nil pour les engraisser. Et que ie ne t'e voudrois point, ô lasche, ô perfide? Que ie flatte

rois ta trahison, que ie mignarderois ton crime, & que ie ne le punirois que d'un exil semblable à celui du Poëte Homere que Socrate chasse dans Platon, avec toute sorte de courtoisie, couronné de fleurs & oint de précieux onguens?

LA liaison des nopces, demeure, dit saint-Augustin, combien qu'a faute de semence seconde, & pour vne sterilité notoire, il n'en puisse sortir lignee. D'accord, nous sommes d'accord de la lâcheté de ton cœur, & cōme l'honneur de la Frâce demeureroit au croc si elle n'auoit autres mains que les tiennes! Mais pour cela deuois-tu rompre le lien d'amitié dont nature nous a si estroitement conioincts? L'amour du citoyen & de la republique, n'est-ce pas chose plus sacrée que celui du pere & de l'enfant, selon le Poete Theognis?

Ha coyon, ha sacrilege, veux-tu doncques par vne foiblesse de courage, & non pour horreur des maux que la guerre apporte, gagner le couuert d'une honteuse paix, comme on dit qu'Hipolite se mit au seruice de Diane, non pour sa chasteté, mais pour se fêrir vn foible quereleur en amours, & comme l'imbecillité de nature & non le mespris des femmes chassa Melanion en solitude? Fais-tu ainsi le haut d'oreilles à ce reproche que Grelus dans Plutarque fait aux lâches & pusillanimes comme toy? *Quand il est besoin, dit-il, de iouer des mains, forcer & battre l'ennemy, ils parlent treslâchement & en paroles de submission?* Veux-tu par ta poltronnerie, donner à entendre que la vaillance n'est point naturelle aux hommes, & meslant (comme on fait l'eau dans le vin) la generosité Françoisse avec les discours de ta raison estourdie, non lobre, non raffiné, l'esuanouir par l'apprehen-
tion

sion des dangers imaginaires conçus, & enfantez en ton fol & lunatique cerneau ? Est-il raisonnable d'agencer les affaires publiques à la couardise d'un Orateur, disoit *Æschines* contre *Demosthe- ne* ? Est-ce par vne iniuste passion que *Solon* ordonne en ses loix, que les lâches & les couards soient chassés des sacrifices expiatoires qui se faisoient en la place publique, pour le salut du peuple ? Sont-ce coups en l'air, quand l'antiquité donne ces beaux noms tout éclatrans d'honneur aux Princes, qui braues & courageux auancent leurs conquestes sur les ennemis, & adioustent des provinces à leurs villes, & des royaumes à leurs provinces ? Sont-ce traits flatteurs & de parasite, quand elle les appelle *Ceraunes*, foudroyans ; *Nicanores* conquerans ; *Ætos & hieraces*, aigles & faucons ; *Poliorcetes* forceurs de villes ?

L'ÆTHIOPIE n'est point sujette aux tonnerres, ni la France au Terre-tremble, dit *Plutarque*, & moins au tremblement de courages disons nous, Aussi ce que la lumiere est au soleil, la chaleur au feu, la vitesse au cerf, cela mesmes est la vaillance au François : propriété tellement essentielle que la France n'est pas plus France, que guerriere France. Ses enfans demandent aussi tost l'espee que le terin, & les berceaux leur sont comme premiers logis de guerre : Trestous soldats, comme vn Ancien dit que les Egyptiens estoient tous medecins.

PÈRES, vos vieux peres, qui iadis fites mettre Rome au bassin de la balance, & la contrepeser à certaine quantité d'or : Vous qui du depuis encore ce grand Empire hors de pair, sa grandeur & sa puissance misé au large, le mistes en telle apprehension de vos armes, que ses vieillards, ses plus

décrepits, les Prestres, les plus sacrez religieux estoient sans immunité, sans privilege, & nous obligez à courir aux armes & à se ranger comme legionnaires sous les enseignes, lors qu'ils vous sentoient en humeur de iouer des mains & resolu au passage d'Italie: Vous que ce grand roy des Epirotes Pyrrhus a tousiours tenu à solde, & en estime d'estre hors de touche de la peur; braues, courageux, & qui allicz aux combats avec mesme vilage qu'aux festins: Vous qui tantost en queste d'honneur & de gloire, tantost animez d'un saint zeile de religio, & tous portez aux acátages de nostre foy, avez porté la valeur de la Frâce iusqu'au plus profond des Empires estrangers, & de qui encore les tombeaux sont glorieux parmi l'Orient: Vous qui non loin de nos iours poulsant l'honneur & l'horreur de vos armes en Italie, vistes sur vous les bras de toute l'Europe coniueree & mise ensemble par les artifices de l'Espagne ceste chetifue, qui estropiee & à mains gourdes ne pouuoit autrement faire-faire Alte à vos conquestes ny parer à la roideur de vos forces qu'avec le bouclier de toute la Chrestienté, Dites, nos peres, & dices hardiment avec ces bons vieillards de Lacedemone.

Nous auons esté iadis.

Jeunes vaillans & hardis.

SUIVONS-LES pied à pied, Nous qui sous les auspices du premier roy du monde, du roy de la fleur de Lis, de ce grand Henri qui semble tousiours auoir eu le ciel pour partisan, & les Anges pour legionnaires: Suiuons nos peres, suivons-les nous qui les vents en haleine, & la mer mugissant auons trouué vn maistre patron pour piloter nostre nef à trauers le courant & les flots de nos
con-

confusions: Les feux de Castor & de Pollux sur nos hunes, Les vagues & les tourbillons à l'écart & loin de nous pour faire gagner terre & conduire nostre fortune à bord.

No v s auons, nous l'auons veu, qu'avec raison la France, comme iadis Rome, pouuoit edifier vne chappelle *A fortune aduerse*; Mais aussi plus braues que les Romains auons nous tousiours eu, non des pierres ny du mortier, mais des espees & des courages pour bastir tout aupres vn autel *De bonne esperance*. L'aduersité ne nous a iamais fait faillir le pied, ny tourner le visage; Les coups nous ont affermis; Le mal s'est estonné & lassé de nostre assurance, si qu'en fin les afflictions nous ont esté comme le passage de la mer rouge, où la plus part de nos ennemis ont esté engloutis. Disons mieux, Dieu qui conduit les moindres momens de nostre vie a puissamment veillé pour la conseruation de cest Estat, & l'a miraculeusement gardé comme la cendre sur l'autel de Diane exposé à tous vents.

QUAND toutesfois le ciel à sourcil froncé sur nos pechez, eust voulu faire court à la restauration de cest Estat, opiniastrer l'Espagnol au ieu pour nous tenir en eschec, & nous donner des coups iusqu'au dernier hocquet, Nostre courage eust-il tourne le dos, & s'en fust-il enfuy avec nostre bone fortune, A nous hommes, à nous François? Presenté, n'eussions nous pas hardiment présenté l'estomach à la fortune pour courir de nos corps celuy de nostre patrie, & releuer sa foiblesse par la constance de nos cœurs? Clouez & fichez au droit & à la raison, la vague nous eut-elle emporté dans le gouuernail à la main, & les moindres de nous en despit de la mort,

comme ce courageux pilote n'eussent-ils pas dit, *O Neptune, nous mourons, mais trestous l'aïron au point?* Au plus bas de nos iours & sur nos derniers sanglots, nostre mort n'eust-elle pas esté trouuée autant volontaire que nécessaire, & n'eussions-nous point tesmoigné aux yeux du monde, comme la vie des braues s'aboutit & se termine sur l'honneur? *Estre vaincu,* dit *Æschines,* n'est pas le plus grand mal qui puisse arriuer, mais la perte est double quand le malheur veut qu'on tombe sous la puissance d'un ennemy indigne. Aussi les Sagontins firent plus volontiers vn bucher, vn brâzier, vn tas de cendres de leur ville, de leurs corps & de leurs hiés, que nō pas ioug aux armes ambitieuses de Carthage. Aussi ce tant renommé Callimaque en la bataille de Marathon, tout transpercé de fleches, demeura droict par les traits mesmes qui l'auoiēt tué, & tout mort donna telle espouuante aux Barbares qu'ils l'estimerent immortel.

MAIS comme la France ne doit rien craindre que la France, nuls bras, nulle force, que sa force & ses bras (exceptons tousiours le ciel & ses Anges, son courroux & son destin) n'auōs-nous pas combattu l'Espagne dans les propres entrailles de la France diuisee, desmēbree & deschiree en factions? Luy auons-nous laissé recognoître ce puissant Empire, qu'au trauers des nuees & des brouillars, Nous tousiours à la teste comme l'acier qu'on met au trenchant de l'espee? Perdre cadence au milieu du branle, porter son eau en vaisseaux percez comme les Danaïdes, embrasser la nue au lieu de Ianon, quitter prinse, arracher bec & ongles, & tellement mise au poulx failli, que tout luy restoit, sauf ces trois mors, *Je me rends.* Qui l'a fait sinon que nous? Rechercher les plus profonds

profonds retranchemens de son Estat, & retirer de la confusion de ses desseins ce Salmoinee qui pensoit contrefaire le foudre de Jupiter; Veritable cest oracle qui fut rendu à Timotheus, touchant la nouvelle Colonie qu'il vouloit aller peupler, *Tes abeilles deviendront guiffes*, Trouver veritable, & qui l'a fait, sinon que nous les blancs & les buttes de son ambition, mais les fleaux & les coupe-gorges de son ambition & qui pouvoient coucher sa perte sur le gain qu'il pensoit faire en nous? Ouy & bien plus. Apres, avoir couuert la France à neuf & en habit de Dimanche, & comme si nous n'estions qu'au soleil & sur l'entree de nostre bien-faire, n'auons-nous pas eslançé l'horreur de la desolation & la fuite de nos courroux enflambez sur nos ennemis? Estendu nos bras guerriers sur la Sauoye, & mis au branle de sa ruine ce temeraire qui vendant la peau auant qu'auoir prins l'Ours alignoit toutes les forces comme cest Estat, ne l'auons-nous pas fait en poste & sans prendre haleine? Disons doncques; & disons à pleine voix avec ces braues-Lacedemoniens:

Nous le sommes maintenant

A l'essuy de tout venant.

Et vous nostre chere nourritrice, pepiniere, entes & ieunes grâces de la vaillance Fraiçoise, vous les enfans de tant de peres courageux, qui, comme Chiron son Achille vous nourrisent de la mouëlle de Lions, & vous appellent à l'honneur par la vertu, & à la vertu par leur exemple, En ceste douce influence du ciel, sous l'ascendant de ce bel Aitre, de ce Dauphin royal, auquel on peut dire, ce qu'Arctides l'un des plus excellens Orateurs de la Grece, de la Deesse Minerve qu'il nommoit la force & la puissance de son pe-

Jupiter : Dauphin arraché du ciel par les vœux des gens de bien , & qui par sa natiuité semble auoir doublé le courage, donné le fil & le trenchât à la valeur de la France, raffermi & mis sa fortune sur le plein pied , comme on dit que l'Isle de Delos auparauant vagante, ayant receu l'enfanteniet de Latone en fut affermie : Vous qui comme vn beau thresor de gloire auez cest auantage, de n'auoir nul defaut, nulle tare en vos berceaux ; trestous nez de gens d'honneur, & qui ayans la generosité toute formée dès le ventre de vos meres, n'avez besoin que de dexterité pour la manier ; Vous ieune Noblesse , s'il est ainsi que les enfans soient les images, la vie, la memoire & l'immortalité de leurs peres, ne vous substitueriez-vous pas iusques à la perpetuelle substitutiō des siecles en la valeur & naturelle vaillance des vostres ? Si comme Tertulian estime, la generation est prise non seulement des membres du corps , mais des puissances & facultez de l'ame , le seminaire de ceste masse & Françoisse vertu, ne se cōseruera il point entier en vos ames, comme le feu inextinguible au Temple des Vestales ? Vous trestous, vous nourriçons de Mars ne ietterez-vous pas avec les ieunes enfans de Sparte ces genereuses paroles de sinistre & de mauuais augure à l'Espagnol ?

*Et nous aussi le ferons,
Que tous vous surpasserons.*

Tout cependant Papillon, engendré des chenilles d'Espagne, Ame acroupie, original & protecteur de toute poltronnerie , Oses-tu respirer l'air de la France , vivre parmi les espèces d'un peuple guerrier , & encore t'en prendre à ceux , dont la fidelité ressemble à l'or épuré dans la fournaise, & l'hon-

l'honneur desquels te deuroit estre cōme ce miel de Crete où les mouches ne touchent iamaiz? Ther-
sire sans front & à bouche de chien, ne crains-tu
point le coup de poing d'Achille?

LA meschanceté pour mieux desguiser sa lai-
deur & faire porter le masque à ses rides, vse ordi-
nairement de ceste ruse; que de donner sa teintu-
re à ceux qu'elle peut. Ainsi l'Ange reuolté met
nostre premier pere en desbauche. Ainsi du temps
d'Epiphanius ces heretiques Valesiens Eunuques
de profession vouloient faire chastrer les autres;
Eunuques vraiment d'esprit, de ne iuger pas que
bien tost le monde eust esté chastré d'hommes, si
tous se fussent chastréz comme eux! Et toy Eu-
nuque de courage, heresiarche en fait d'honneur,
Apostat à tout deuoir, voudrois-tu pour donner le
couuert à la lascheté & à la miserable paralysie de
ton ame, esmousser nos courages, resoudre nostre
reputation en fumee, obliger nos mains à vn per-
petuel Sabbath, donner à vn repos enerué ce que
nous deuons à l'honneur, & aux delices ce qu'à
nostre patrie? Iuges-tu que ce soit vn coup auan-
turier au François de faire ferme sur le deuoir &
sur la vertu, comme Athanase escriit que c'est vn
miracle de persuader vne fille à demeurer pu-
celle?

RE N A R D equoué, mais encore en quels ter-
mes, & avec quelles parolles veux tu faire coup-
per la queue aux autres? Auallees en tetasse de
vieille, efflanquees en chenal de postillon, maigres
en cuisse de heron, longues en col de grue, ban-
des en cornu limaçon comme tu es, molles en pu-
tain de bordeau, & qui portent les passes couleurs
de la *Madame de rebut*.

N'ALLONS point au change; Que ie sois l'

criuain des François, & toy des Espagnols, moy Soldat, & toy Pacifique, ô gens d'honneur jugez-nous suivant ce dire de Cleoments, qu'Homere estoit le Poëte des Lacédémoniens, pour ce qu'il les animoit à la guerre & à main-mettre; Et Hesiodé celuy des Illores leurs esclaves, pource qu'il leur escrivoit de l'Agriculture, & à cultiuer la terre & la paix.

PACIFIQUE, mais comment, si tu rages, si tu potilles en Bacchante, si tu rouës à tour de bras le thyrsé de tes furieuses passions, au simple regard de la France, qui touchée du sentiment de son honneur, voudroit reparer la bresche de Canes par la ruine de Carthage?

Si tu grines, si tu escumes en verrat, si tu regardes d'un œil forcier & enuieux les doux embrasemens de la mere & de son enfant, de la France & de son Soldat; Si les étroites accolades des braues, si le gracieux sous-ris des doctes, si le bon accueil qu'il reçoit des gens de bien te font grincer les dents; Si tu hypothèques ton ame à l'enfer & à ses furies; Si tu vomis l'humeur noire de la seiche; Si tu emprûtes les nuages des dieux d'Homere pour mettre l'Espagnol au couuert de nos coquins arusez: Le pleiger & le cautionner contre la iustice du ciel, contre la vicissitude & la violence des affaires du monde, *Et comment Pacifique?*

TESTE creuse, pedant de village, morneux entre les ignorans, & le Fi meismes des escoliers, discipline tes passions, donne des verges, fouëtte, fouëtte jusqu'au foye, à la bourse, à la Cacochnie, & deuotieux pour le salut de ton cerueau, oblige-t'y au voyage de S. Mathurin; ou fuy voile aux Anticyres. Mais tes affections en equilibre & à ba-

lanced

lance esgale ; Donne la regence de ton ame à la raison, tempere ton plus & ton moins, comme en la Musique la nôte qu'on appelle *Hyaté* se retire du son trop aigu & du trop bas ; Mets ton esprit en calme & au dessus du vent, hors de sedition civile, & toutes tes passions sous bride, introduis-y ces Eupathies des Stoiciens, toutes bonnes & droittes intentions, porte luy l'Olive, publie luy vn Edit de paix domestique ; Autrement, Putain, veux-tu reformer le bordeau ? Veux-tu t'informer des affaires des Grecs, & d'ordinaire tu es aux mains & aux coups avec ta femme Olympia ? Contre-roules-tu nos forces, & à peine peux-tu trainer ta miserable fortune à eschasses, à dos courbé & esrené, à peine lui peux-tu faire tirer vn pied hors de l'hospital ? Nous portes-tu l'Olive, furieux Bachelante, qui as l'ame sans dessus dessous, cōtre-sousface de diuers vents, à tous & n'en as dres. sous la tormente & bourrasque de tes passions, Chien enragé, Et comment pacifique ?

H v r e t i o u r s apres que Demosthene eut perdu sa fille vnique, Il alla sacrifier, couronné de fleurs, & vestu d'vne robe blanche, sans en faire les obseques, & sans se soucier des loix ni de la memoire de celle qui premiere l'auoit appellé pere. Ce coup frappa coup sur son honneur, & tirant le fait particulier en consequence du public. On luy reprocha que mauuais pere, il ne scauroit bien gouverner vn peuple ; Que n'aimant son sang, il ne pourroit rien aimer, & que meschant en son privé, il ne se comporteroit en homme de bien, quand on l'enuoyeroit ambassadeur en Macedone. Je ne m'escarte point, ie suis sur mon chemin, & tousiours à esperon & à housline sur toy mon asne *Sonhait*. Que doncques tu voudrois

faire vn monde renuerse où les enfans s'accouchent de leurs meres? Que tu nous voudrois faire croire que tu as la paix du bien public en affection, ton ame estant en combustion & guerre civile? Peux-tu cherement tenir le repos de ta patrie entre les bras, portant le salut de ton ame à dos, & comme à panier rompu? Et si selon le dire des Hebreux la charité commence par soy-mesmes, comment mettrois-tu à l'auant l'honneur de la France, toy perfide, toy desloyal, faisant litiere & fumier du tien?

VERITABLE est ce dire ancien, Que nature nous a collé l'amour & la charité de nous-mesmes, de laquelle enchainez & remollis, nous flattons nos vices & d'une affection corrompue caressons & mignardons nos fautes. Veritable, Que nos ames trauersant subtilement les affaires d'autrui, errant comme estrangeres en ce qui les concerne, ressemblent à nos yeux, qui voyans les autres choses ne se voyent point eux-mesmes, & à la Fee Lamia aueugle en sa maison, & clair-voyante dehors.

CHAVVE d'esprit, deffroqué d'entendement, Asne à rouge escharpe, charrrier en l'equipage de l'ambition d'Espagne, Chaussetrappe & piège d'ignorans, relante moisisseure de quelque vieux estude, Lie & limon des plus bas, des plus reptiles esprits, & qui a trop beu de ceste fontaine de l'Isle Cea, qui au dire de Plin rend les hommes brutaux & stupides; Crocheteur & portefaix entre nos seditieux, Poussiere sous la plante des pieds de mon soldat, Neige à l'eclat rayonnât de ses yeux, Poltron à dos tourné sous son espee, Bourreau, boucher & charcutier de l'honneur de ta patrie, François de guise, desnoué & à reins rompus, Ainsi doncques

doncques te persuades-tu que nous ne cognoissons point le renard à la queue, le corbeau à son chant, le More à son visage? Ainsi penSES-tu faire comme les chats, qui au dire de Cardan, couurent de terre leurs excemens & leurs ordures? Ainsi cuides tu nous enlacer dans les liaisons de très artifices coufous grossierement & à filet blanc? Ainsi sous le voile de douceur & de bonté, veux-tu estre comme certaine eau d'Arcadie, qui quoy que mortelle, ne donne pourtant aucun soupçon de danger, ny par son odeur, ny par son goust? Ainsi secouës-tu & mords & bride contre ce dire du grand Chrysostome, *Qu'il ny a beste plus cruelle que l'homme trompeur, qui desguise & qui farde ses actions.*

Non sans cause ce tout esprit, cest Esprit affiné & delié, Barillere, ceste fleur à front & à teste leuee entre les fleurs de ce siecle; Ouy qu'à propos & à nud, il met ta perfidie sur le tapis, *Qu'il y apporte les couleurs de ton amé plus naïfues sans miracle, sans Transubstantiation! T'a gauche, dit-il, fait le hola, T'a dextre nous assaisine. Tu bats nos espées & laisses mesurer les estocs de Castille. Tu nous lies les bras, & tiens le bassin sous leurs lancettes. Iustifie ainsi leurs beaux exploits, & soustien tes impudens paradoxes.* Ouy, faire mine de mettre l'honneur de la France comme sous l'aile, se monstrier soigneux de sa paix, comme vn tuteur de son pupil, ne respirer que son repos, & l'avant-aller de ses affaires, Et cependant d'une contrainte main secouër sa reputation, descoudre & deschirer ses forces, & sous couleur du regret des calamitez passees, distiller dans les ames susceptibles de toutes mauuaises impressions le mespris & le desdain de ceste Monarchie, & empescher de

ne sacrifier point à Mercure, qu'o' appelloit *Charidores*, donneur de ioye & de passetemps! Tieffuer d'ahan pour arracher la vengeance au ciel iusticier, la resolution à nos cœurs, & l'espee à nos mains, comme si à peine nous estions de retour de nos afflictions encore à la veüe des flots & vagues ciuiles, & que les Calamars & les Cassérons d'Espagne nous menaçassent de tourmente, sans esperance de iamais voir les feux de Pollux & de Castor sur nos hanches!

METTRE le roy de Castille, sur le verd & sur l'embonpoint de sa force, à mesme liêt & oreiller que la fortune, bras à bras, levre à leure, & qui comme Metellus la peut appeler sa femme: Faire voir ce chaue emperuqué, & luy donner le haut de chausses de l'Empereur Maximin, Badiner, cajolet & rendre ceste Idole semblable au fils de Neptune Ephialtes, qui tous les iours croissoit de neuf doigts: Faire le resueur comme Proclus, qui disoit auoir veu en songe Romulus plus grand que nul autre homme: Geantiser l'Espagne, & l'esseuer de plusieurs coudees, luy donner vn corps à double courage, à centaines de mains comme Geryon, & qui donne ses coups sur la France, comme Vulcain sur son enclume, comme sur vne charongne, comme sur vn corps lethargique & sans sentiment: Mettre les bras de ceste-cy en escharpe, & celle-là à mains mener & à tout faire; L'vne comme l'oiseau mussé sous vne buisson, l'autre comme vn Aigle dans les nuës, qui chasse & prend ce qu'elle veut: L'vne comme vne point au milieu de la circonference de l'autre, & tout ainsi que ce mode Elementaire, qu'vn grand Academicien ne daignoit appeller particule du mode, mais vn appendice, ou apotelesme; Cela, est ce-
la por-

la porter l'escharpe blanche ou la croix rouge, Estre de l'ordre saint Michel, ou de saint Iago. François ou Espagnol?

LA DIS à Rome vn Elephant irrité par de petits garçons, en saisit vn, & l'enleua, de sorte que le monde par apprehension du peril print à s'escrier: Mais l'ayant remis doucement en terre, passa outre sans luy faire mal, comme si c'estoit assez de punition pour vn enfant, que de lui auoir fait belle peur. Tu dis, & quand tu le dis que l'Espagnol nous ayant rendu Calais, Ardres, Dourlans, a repris son chemin vers Madril, sans passer plus outre sur nos foiblesses. N'est-ce pas à sourde lime affoiblir nostre honneur, & par vn iniurieux rapport faire de l'Espagne vn Elephant, & de la France vn petit & pouxeux garçon?

L'INIVRE est double, quand le coup arrive d'où le secours est attendu, Quand l'enfant assassine son pere, le seruiteur son maistre, & quand selon le Prouerbe l'eschallat fait tomber la vigne; La cruauté tournée au contraire de l'esperance amplifie le crime, & la deception inopinée donne le poids plus pesant à la meschanceté: Est-ce doncques la passion que tu déçois à la France ta patrie? Sont-ce le nez & les oreilles que ruouës au seruice de Xerxes? Est-ce le guerrier estomach que Cocles presente aux ennemis sur le pont du Tibre, La main de Scæuola au feu des Hetrusques, & le corps de Decius au trenchât des espees des Latins? Est-ce le charitable tetin que tu donnes à ton pere condamné à mourir de faim? Sont-ce les poils que tu couppes pour seruir de cordage à nos nauues? Chien, ô traistre chien, comment peux-tu te sauuer de l'ire & du courroux des gens de bien, si l'orateur Isocrates tient

pour execrables les descendants d'Hercules, qui vouloient mal aux Grecs, lesquels leur predecesseur auoit tant aimez?

MAKRANE transfiguré en François, *Souhait*, le le souhait de nos bourreaux, & dans peu de iours non plus souhait que leur exercice, à espaules ignominieusement nues, & non plus espaules que parchemin & papier à escrire pour leurs fouets, Enseigne & banderolle de leurs fourches, Traistre Sinon, au moins si comme le Poulpe animal lâche & timide, tu veux changer de couleur; Si comme la pierre *Pandia*, en laquelle vne lueur ne se peut contenir, mais qui flotte de mille regards tréblans, tu veux estre tousiours semblable à toy-mesmes, entât que tousiours diséblable, Au moins vn escu pour la fripperie, vn pauvre escu d'Espagne pour prendre habits à rechange, pour te desguiser, pour faire le Cameleon, le Ianus à double visage: Encore avec tout cela, ô que ces yeux perçons de Barillere descouriront bien tost ta croix rouge! ô que cest esprit transcendant descoudra ta meschanceté redoublée, & par maniere de dire faite à rebras! O que rudement il assenera ses coups sur ta perfidie, & qu'il te dira de bonne grace, ce que Diogene à vn prodigue, à vn enfant de la matre, qui tout honteux se retiroit au dedans d'une taverne, *Tant plus, dit-il, que tu recules arriere, tant plus tu entres avant!*

Et que la France, ô serpent venimeux, te nourrira dans son sein? Qu'elle te frottera, Charogne pourrie, de precieux onguens, & qu'au lieu du doux terin qu'elle te donne, tu luy ouuriras le flanc, Meschante vipere? Qu'impunément, ô le plus traistre des hommes, Elle te laissera nourrir de ta meschanceté, comme les Cicignes de leur venin?

venin? A ses yeux, que tu feras à tes yeux libre trafique de conscience, & que tu vendras en Espagne ton ame à trac & sans carte de remerer? Si est ce que la grandeur des crimes ne se iuge pas seulement par les effects, ny par les qualitez des personnes, petites ou grandes, prophanes ou sacrees, mais par les consequences qui peuuent faire coup sur l'Estat; Si est ce que l'impunité est comme la queueux & la pierre affloire du vice, & ce grand soleil de la Grece disoit de Timocrates, *Qu'il frayoit le chemin aux affronteurs & charlatans, en leur donnant esperance d'impunité si luy affronteur tant signalé demouroit impuni.*

BESTE canonique, non Apocryphe, non contestee en France, si ce n'est par les atomes d'Epicure, ou par cest Euesque à mettre vert (i'espargne pour ce coup la teste d'un fol) la Menade & son thyse, qui t'a eslané en ces furieux mouemens, & qui t'a serui de Ionon & de sage-femme pour l'enfantement de tes fureurs; Esprit toujours à l'aumosne & à l'hospital, Araigne qui sans aucune matiere ny sujet files & risses la toile de ta ruine, & qui, seló le Prouerbe, souffles les fourmis dans leurs fourmillieres: Ainsi penses-tu mettre l'Espagnol en goust & en appetit de ta perfidie, & accrediter ton Apostasie à Madril, en faisant l'Androgyne en matiere d'Estat, ayant les levres Françoises & le cœur Espagnol? Veux-tu estre double, comme ce courtisan de Philippe de Macedone, qu'on nommoit *Hecateros*, l'un & l'autre; comme ceste beste que les Grecs appellent *Mygale*, metoyenne entre le rat & la belette: comme ce figuier d'Egypte, qu'on nomme *Sycamore*, qui tient partie du figuier, partie du meurier: comme la fontaine *Hammone* froide de iour & bouillante

comme le vent Cæcias, attire à foy les nues: Ainsi les mauuais humeurs, comme les ventouses; Ainsi le mauuais sang, comme les sang-sues.

Ce glaue trenchant, ceste hache de tes paroles mal a fisonnees sans sel & sans saueur, *Bariller*, ton foubert, ton fleau, le contrepoison de ton venin, & qui comme ces Demons qu'on nomme *Palæmaos & Alastores*, bat-bat, flagelle ta perfidie, & demeuree tousiours à bras leuë sur ton dos criminel; Ce bon François ferré à glace, & qui ne scauroit faire vn faux pas à sa patrie, ô *Souhait*! Il te represente ceste sage responce que Hero, dâs le vieil Musée fait à Leandre, *Qu'estant estranger il ne pouuoit estre marié, par ce qu'il ne plaisoit point à ses parens*. Il te demande si Antiphon peut prendre femme sans le consentement de Chremes; Si Isaac contre le vouloir d'Abraham, & si Iacob au desceu d'Isaac? Il veut dire, par qui'ra libre hantise en la maison de l'Ambassadeur d'Espagne est authorisee, par qui ceste assiduité journaliere dont tu le recherches, & qu'elle couuerture tu peux donner à la pusillanimité de ton ame, qui se courbe en reuerences, & se fond deuant luy en mandiantes submissions? Es-tu doncques à sec, langue de tripiere? N'as-tu plus de baue ny d'escume, chien enragé? Es-tu saisi de ceste honteuse tristesse, qui nous clouë les yeux en terre, & de ce morne silence, que les Grecs appellent *Catesia*, lasche poltron & traistré que tu es?

C Y R V S ce grand Prince comme les Perles vouloient changer de pais, ne le voulut pas, disant que les semences des plantes & les mœurs des hommes, deuient en fin semblables aux lieux & aux contrees où ils demeurent, Et de fait il passe par contagion es choses des vnes aux autres vne

grande partie de leur nature : Aussi selon le Proverbe ancien, *Dis-moy avec qui tu hantes, & ie te diray qui tu es.* Et toy, teste estourdie, sans mouëlle & sans cerueau, penses-tu hors de danger, & au sauf de contagion, approcher ces pierres de Lybie, qui corrompent tout ce qu'elles touchent? Bouche à bouche avec l'Espagnol ne tireras-tu rien de son haleine, & feras-tu comme les poissons qui naissent & vivent en la mer sans en retirer la salure? Ou plustost Idole de Memnon, n'as-tu pas desia parlé Castillâ, au moindre rayon de ses doubles encore en masse es mines du Peru? Au moindre coup n'a-il pas mis ta conscience à fond, comme les ondes & les tempestes font aisément enfoncer les foibles vaisseaux? Et comment te garderas-tu de ceste cruelle attainte que Demosthene donne à Aeschines, *Que celuy qui seul a seul conféré avec un homme enuoyé par l'ennemi, ne peut dire qu'il ne soit luy mesme espiô de l'ennemi, voire ennemi du pays.*

ENCORE si par vn vray rapport de son cœur au tien, & de son ame à la siene; Si animez de ce viuifiant esprit de charité, vous cōtribuez & mettiez en escot toutes vos affections, pour les rapporter au bien public, & les rendre visibles par quelques bons effects; Encore si vostre hantise estoit de celles là, par qui les bouches conferent, les cœurs se familiarisent, les volontez se ioignent, & les ames nouënt alliance par ie ne sçay quel charouillement, & se charmēt par vn amour réciproque, par offices mutuels, & par vne liaiſō inlepara' le. O hantise, ô sancte alliance de volontez! O amour viuement représenté par Damô & Pythias, par Nisus & Eurialus!

MAIS vous estes sur le change de Glaucus & de Diomedes; Il marchande ta conscience, &

toy

roy son argent. Rien que paroles, rien que vent, sauf qu'il tient ta perfidie en gage de ses faulſes promeſſes, & qu'il paye tes vains & inutiles efforts de nuage, d'ombre & de fumee, pour dire avec le Prouerbe, *qu'il a trompé un corbeau à bouche beante.* Ainſi diſoit ſagement vn Ancien, *Que de l'amitié mal tiffue, il ne ſe peut iamais faire drap d'honneur ny de profit.*

O CIEL, ô bons Anges qui ramenastes l'enfant prodigue entre les bras de ſon pere, Bienheureux eſprits, Quelque ſaincte & diuine inſpiration à ce fol, quelque ſalutaire retraite à ſes desbauches, quelque fin & quelque bout à ſa manie? Il eſt aſſolé du cerneau; hors de tout remede d'hel leboire: La lumiere luy creue les yeux: Il cabre ſur le deuoir, Il recule & fait le retif ſur l'honneur.

O L I V R S. Oliues pour tout potage, arbre de paroles & fruit de diſſimulation; ô Guenon à cul decouuert, ô Singe eſfonté, Encore & encore oſes-tu contrefaire ce faux ſacrificateur Alcimus, qui ſouillè des ordures de ſa vie, & ne pouuant auoir acceſ au ſainct Autel (comme roy petit portee-eſcritoire aux honneurs de la France) alla offrir au roy Demetrius vne couronne d'or, vne palme & des rameneaux d'olieu, comme s'ils eſtoient du Têple? Cet arbre, ces fleurs & ces oliues? D'où & à qui? Si de l'Eſpagne à la France, N'eſt-ce pas Perſeus deuant Paul Æmyle, Annibal deuant Scipion, & ſon Goliath deuant noſtre Dauid? Auſſi diſ-tu que noſtre pitié l'a iugé digne de noſtre paix. Si au rebours, n'eſ-tu pas rebours à toute verité. Fauſſement, & n'aſ-tu pas fauſſement menti? Car iamais levrier ſuit-il deuant le lieure, ou faucon deuant la perdrix? Les Romains monſtrèrent-ils iamais le mouchoir blanc aux Epiro-

res, ny les François aux Espagnols? Mais au rebours?

Quoy qu'il en soit, Ils sont freres, dis-tu, Ouy si le papier est la matrice où les freres le conçoient: Ouy, si la nature les enfante par les levres, & que la langue en soit la sage femme: Ouy, si le pesant & le léger sont à mesure, poids, le froid & le chaud à qualité semblable: Ouy, si ces deux freres Princes de Macedone, Perceus & Philippe se donnent la main d'amitié, & que tu ioignes la fumee des corps bruslez d'Eteocles & de Polynices.

Quoy le croiroit? Apres avoir reduit la France au pied de Nain & de Pygmee, mis ses finances à vuidé: ses mœurs au debord: sa pieté de dos à l'autel: sa iustice à l'eslor: sa Noblesse sur les dents: ses Capitaines sous la verge, comme apprentifs & qui auroient à faire la poterie sur les pots. Ses soldats à l'écan de la calomnie, comme esloze, tousiours en desbauche, sans reigle, sans discipline: le di plus (afin que sa meschanceté ne se puisse retrancher dans mon silence) apres en auoir fait des Harpies pour la rapine, & à mains de Damoysele, molles & delicates pour le combat, decoupe à hachis l'honneur de ce puissant Empire, & croyant ne pouuoir estre creu Espagnol, s'il n'estoit bavaud & menteur, (en cela semblable à vn certain Herophilus Medecin, dont parle Tertulian, qui fit l'anatomie de septante hommes, comme s'il ne pouuoit estre medecin, qu'il ne fust bouche): Ce chien de bricoleur, ce magot iotier de la marmaille, ce singe à cul pelé, bouffonne, sautelle & gambade sur certains discours du deffunct Sieur de la Nouë, & comme le roytelet qui sous l'aile de l'Aigle vola iusqu'au ciel, Il tasche sous l'emprunt de ses

de ses raisons nerveuses & charnuës, de tirer son nom hors de la poudre & de la fange, avec des conséquences hors de mesure & de proportion, & esloignées du temps, des causes & des personnes requiser par la Nouë, sans forme ny ressemblance aucune des vnes aux autres, non plus que la rose au chardon, l'Aigle au Chathuant, & les eaux de Mirra à celles de Siloe.

COMME iadis au pais de la Bæoce, celui qui auoit à porter la bouteille sacrée en la procession de Iupiter, se lauoit tout nud le iour auparauant en la fontaine de Hercyne; Tu deuois, O *Souhait*, ramoner en chemince, & curer en retrait la suye & l'ordure de ta bouche puante & baueuse, plustost que de parler de la Nouë, duquel la memoire est bien flairante par tout, comme l'ouurage d'un excellent parfumeur; Douce en toute bouche cōme le miel, & agreable à toute oreille ainsi que la musique en un banquet.

D'UNE plume venimeuse, & pire que la langue d'un serpent, tu tasches de tédre le Soldat odieux, pour n'auoir respiré en ses plaintes que le nom des Bourbons, Autres les plus voisins de nostre soleil, & qui en tirent leur lumière pour nous en donner par reflexion, tout ainsi que les Peripatitens disent, qu'entre le premier mouuant, & le dernier meu, il y a des entre-deux qui sont meus & font mouuoir les autres.

VN Calendrier de tant de Princes & de Seigneurs, qui comme éclatantes lumieres reluisēt au ciel de la Fiance, Hé Dieu, Et qui l'eust fait, sinon celui qui voudroit compter les estoilles, & le sable de la mer? Qui sans imprudence? Qui sans soupçon de flatterie?

ARCHIBESTE que tu es, Ainsi doncques i-

gnores-tu, que sous le nom d'un seul Prince, on en puisse comprendre plusieurs par ceste figure que les Latins appellent *Syllepsis*? Troubes-tu estrange, si mesmes sous les louanges du roy, on y fait entrer & venir en cadence l'honneur de ses bons & fideles seruiteurs, puis que ceux qui sacrifient à quelque Dieu, sacrifient quand & quand à ceux qui ont Temple & Autel commun, dit Plutarque?

M A I s roy, bouche de Harpye, vomis ce beau nom de la Nouë, Espagnol à senteur de voyrie, n'empuantis point ce braue François tout flairât de l'odeur du Lis: *Ny conseil, ny louange de la bouche d'un meschant*, disoient les Lacedemoniens Vomis doncques, vomis-le, Ou veux-tu encore auoir le nez cassé, & le visage tout enfoncé de nazardes, impudent Cherile?

Q V E L oracle, ou cômme s'il auoit dans le corps quelcun de ces esprits qu'on appelle Euricles & Pythons, quel bon deuin ! Il nous oblige le Paganisme & les Tulbans par Prophetie, comme triomphe fatal reservee par les destinees à la valeur de nos armes. Vlcéré d'ame, pourri de conscience que tu es, & comment oses-tu predire nos bonnes fortunes, si iadis à Rome il estoit defendu aux Augures vlcerez d'observer le vol des oyseaux?

A I N S I tirons nous guerison de celuy qui n'agueres nous auoit morrellement blecez, comme si Achille estoit mort, non point sa lance perdue. Ainsi de Bisongnes & de polmons, nous sommes tout à coup braues & guerriers, comme s'il nous auoit donné à manger de l'herbe Thecombrotios, dont les roys de Perse se seruoient contre toutes les infirmittez de l'ame & du corps. Ainsi

ce chantre de Palinodies, ce cousteau Delphique à double tranchant, ainsi cest ignorant à gros grain. ceste beste de la grande osture, par ses euidentes contrarietez nous veut rendre semblables aux Palmiers, qui infructueux en la Grece produisent les dattes en la Syrie & en Egypte, & avec sa Madame Vranie nous rendre des mangeurs d'olives en France, & en Navarre fai-neans, mols, effeminez, & sur le cheual bardé & caparaçonné de son Neptune, nous faire combattre les Turcs à poincte & à fendant dans les plaines de Hongrie.

HONGRE desprit, chastré d'entendement, mutilé de sens commun, estropié de conscience, & *Souhait*, Veux-tu doncques que ie boiue toute la mer? arreste les riuieres qui y courent, Veux-tu mettre le crucifix & l'Alcoran au boutehors & au tourne-Empire? Donne-moy quelque digue contre les ondes d'un million d'inconueniens, leue toutes les difficultez qui aboutissent sur ce dessein; Publie le Syncretisme des Candiots par toute la Chrestienté, mets nos cœurs & nos volontez en vniſſon, & donne nous ton *Talass* pour Symbole & marreau d'une paix sàs malque, sàs fard, non feinte, non desguisee. Mettons-nous plustost au deuoir entre nous qu'aux coups contre nos ennemis, & nous renans à ces deux piliers de la socie té humaine, *Tien & Mien*, qu'on rende à l'Eglise le royaume de Naples, son heritage, son grenier, sa bien-seance; Milan à son vray Duc, La Flandre à son Souuerain; Larmes, soupirs & sanglots perdus, pourueu que la liberté des Navarrois leur soit rendue. Autrement si le Chrestien est vn loup au Chrestien, si l'Espagnol ne trouuerien de chaud, tousiours à main de Harpie, & à vêtre sa

fond; S'il croit ne pouuoir deuenir Geant, sans rendre ses voisins Pygmées, comme le Serpent ne peut deuenir Dragon s'il ne mange d'autres serpens. Qui ne tiendra sapeau plus chere que sa chemise? Qui ne veillera plus à la conseruatiō qu'à la ruine du Turc? Qui ne taschera à oster le Lydien de sa maison, & qui voudra y laisser le chat Tartesien?

AMEN, Amen, Que ie voye mon Roy glorifié par tout, & sa Frâce réduite celebre en l'amour de la Chrestiente & en l'estōnēmēt des infideles. Societé qu'o la cōtraite, moitié perte, moitié gain, & q̃ le travail & le perir des armes se partage à l'egal comme l'honneur des victoires. Qu'on face d'une commune main la guerre à Mahomet, & que ses trophées ne soiēt plus les honteuses marques de nostre calamité commune. Rien de mollesse, rien de lâcheté : & rien en nous de ces deux vices, iadis tant reprochez aux Sybarites.

Nous voici, nous François, à rompre la glace, les premiers sur les rangs, & tous croisez pour la conquête de la terre Sainte, tant honorée de Dieu par les premices de son Eglise. Nous voici les premiers, & comme ceux qui pour animer les autres crient dās le naure, *Ichorus, Ichorus*, le maistre, voici le maistre.

SAINT Argonaute, à cœur sans peur, & d'une ame toute du ciel & du predicament des Anges, l'Espagnol te void l'espee au poin sur les murs de Nicomedie, de Nicee, d'Antioche & de Tripoli, en but te & en blanc à tous perils dans l'Asie mineur environné d'un million d'infideles, mais qui pourtant comme vn foudre qui fracasse, qui bri-
 6. qui penetre, qui perce ce qui plus luy resiste,
 fais chemin par le trenchant des armes ius-
 qu'en

qu'en Iudee, ravis Ierusalem d'assaut apres le siege de 38.iours, & pour y couronner la modestie avec la valeur, ne voulus que des espines, comme ce Sacro-sainct Agneau qui s'offrit à la mort pour nous donner la vie.

Il te void, Et cependant avec quelle ialousie d'honneur, avec quel zele d'essleuer le Crucifix? Ou est-il? Que fait il, & à ce poulse-avant de la Chrestienté, à ces grâds coups ruez sur Mahomet, où sont ces Thrasons, ces aualleurs de charrettes ferrees, & qui mangent les hommes tout armez à la vinaigrette? Sont-ils sous la nuë comme les enfans d'Israël ou aux derniers rangs, comme les Triariens de la Chrestienté? Sont-ils invisibles, portent-ils l'anneau de Gyges, ou craignent-ils, qu'il y ait de la Magie en mon langage maternel, comme aux lettres Ephesiennes? Le parle doncques Espagnol, *Adonde estan essos Rodrigas, essos hernandos hernandillos, essos hombres de aculla el otro mundo, que no hazen qui un bocado de un hombre armado, Adonde estan?* Et toutefois en la solennité des ieux Pyrbiques, Callistratus sur-intendant en l'action fit sortir de l'assemblée vn sien ami pour n'estre venu à temps se faire enrooller au nombres des contendans.

Nos affaires découfus en Orient par la mort de Godefroy, les mescreans rafferwis, les nostres en branle, & sur le change de leur bonne fortune, suivant contour & retour des affaires du monde, & que selon le Pronerbe *la fleur ne soit que ceder*, On l'appelle pour nos foiblesses, & par ce que plusieurs maris rendent le fardeau plus leger, on courre tous les Chrestiens à donner la main à la Chrestienté: L'Empereur Conrad prend chemin avec soixante mille cheuaux, & vn nombre de

pied sans nombre. La France (comme si rien sans
 Theſee) s'arme ſous ſon roy Louys le Ieune, ani-
 mé des remonſtrances de ſainct Bernard. C'eſt fa-
 ner, c'eſt beſtir ſon honneur, C'eſt vne tache hõ-
 teuſe d'abandonner ſon roy en l'occurrence d'v-
 ne guerre ſi honorable. Tout ce qu'il y a de grand
 & d'eſleué au royaume accourt ſous l'Ouiſſam,
 iuſqu'à là que ſi quelcun fait le long à ſe remuer,
 on luy enuoye vne quenouille & vn fuzeau, dit
 l'hiſtoire. Heroiques guerriers, pendãt qu'à force
 d'armes vous faites iour aux Crucifix par l'Asie,
 & que vous iouez à toutes mains ſur la Iudee, *A-
 donde eſtan eſſos Rodrigos, eſſos hernandas hernandil-
 los, eſſos hombres de aculla el otro mundo, que no ha-
 zen que vn bocado de un hombre armado?* *Adonde*
eſtan, Peut eſtre ne leur auoit-on dit mot. Mais rou-
 tes fois Menelaus alla ſans eſtre conuié à vn feſtin
 ſolemnel, que ſon frere Agamemnon faiſoit aux
 Princes de la Grece.

ALA tierce ſon luttès, diſent nos Gaſcõs: Nous
 allons en Ecreuiſſe; Noſtre propre ambition fait
 planche aux ennemis; Nos diuiſions nous entr'ou-
 urent pour leur donner paſſage ſur le pluſent ier
 de nos conqueſtes; Ils y vont à toute bride, & Sa-
 ladin Sultan d'Egypte ayant mis nos forces en
 eſcheec, prins Tiberiade & Tripoli, il ſemble que
 ſes armes victorieuſes ayent carriere ſans bar-
 riere, & rié en nos guerriers que ledos pour parer
 aux coups; Larmes encore pour coniuſer nos ar-
 mes & pour couvrir la faute des Chreſtiens par
 pitié & pieté: Auſſi toſt la France ſe croiſe, impo-
 ſe la diſme Saladine, & ne ſecroit pas Chreſtié-
 ne, ſi elle ne redouble le coup de Braſidas pour
 guerir la playe des ſiens par les playes de l'ëne-
 mi. Richard roy d'Angleterre, ne fait point l'engour-
 di: II.

di: Il y couche vne grãde partie de ses forces, & tesmoigne à la Chrestienté que ses suiets, tous portez au deuoir & à l'honneur, ont tousiours le courage debout & la main sur l'espee, comme si vrayment ils estoient engendrez en Sparte.

DE VOTES & saintes pelerines, guerrieres compagnes, France & Angleterre, sœurs comme jumelles, nourries à mesme tetin de charité, jointes de cœurs & de mains, & au risque des armes pour tenir l'honneur Chrestien en protection, Vous les deux bras, vous le cœur & le poulmon de l'Europe, Tandis que vous estes aux prises & à la iouste avec Saladin, en sueur & en sang dans la Syrie, aux assaurs & aux coups deuant la ville d'Acre pour recouurer la vraye croix, *Adonde estan assos Rodrigos, &c.* Et toutesfois Thelée descendit volontiers aux enfers avec son ami Pirithous pour enleuer Proserpine.

IL faut plustost doubler le jeu, que quitter la partie, & faire comme les malades qui perdēt plustost la vie que l'esperance de viure. Ainsi saint Louys nonobstant le tempestueux Estat de l'Allemagne & de l'Italie, se resould au secours des Chrestiens du Leuant, & sous la faueur & la faueur de ses armes passe sur le verre des Mamelus, qui empeschoient sa descente, assiege & prend Damiette, & sans laisser refroidir sa victoire, attaque le Caire ville capitale d'Egypte, passe le Nil, essargit ses conquestes, iusqu'à ce que son armee mise à la faim, affoiblie de contagion, & comme vn corps qui n'a rien que le courage qui le soustienne, se vid la proye & le butin d'un ennemy frais & vigoureux, *Adode estan assos Rodrigos, &c.* Et toutesfois ces poissōs qu'on appelle les Bar

biers taschent de secourir leurs compagnons, & avec l'espine dentelee qu'ils ont, sur le dos, s'efforcent de couper la ligne où ils sont prins.

Q V A T R E grandes prises, quatre luittes de la Chrestienté croisee contre les infideles : Les Empereurs & les Rois à mains mener & à qui mieux mieux : Le meilleur de leurs forces en debit & en emploitte : Leurs bourses ouuertes avec leurs cœurs : Leur sang & leurs vies en holocauste & oblation comme saintes & sacrees victimes : Leurs peuples à ondes vers le Levant, & comme flots courroucez sous l'orage, qui se doublent & redoublent vers leur rine : Coups & playes, sang & meurtre; ô Polypheme, ô Cyclope de Castille, en ces iours fataux, en ces grandes crises de la Chrestienté, Où sont, & où tes pieds? Mais non, ô boiteux, où tes bras? Mais non, ô manchot, où ton cœur? Mais non, ô lievre, où ta volonté? Mais non, ô volonté gauche & boiteuse, où tes effects? Cela n'est-ce pas trop joué à faux compagnon, & trop mesnagé son repos parmi les travaux de la Chrestienté? Ne sont-ce pas trop de défauts, trop de blancs, trop de zeros au devoir? Alexandre trouua en la ville de Milet plusieurs grandes statues de champions qui anciennement auoient emporté le prix aux jeux Olympiques & Pythiques; Et où estoient-ils, ces grands corps, dit-il, quand les Barbares assiegeoient & prenoient leur ville.

IL est vray, l'Espagnol a escumé quelque place sur la coste de Barbarie, mais plustost pour s'effeuiller de parapet à sa defese, que de bastion pour canonner les melcreans, Aussi s'y tient il en tortue sans sortir la teste, voire sans pied muet, voire immobile,

mobile, comme s'il auoit veu les poils serpentins de Meduse.

Et en ceste societé leonine, nous designes-tu vn voyage de Pyrrhus, que le sage Cineas luy desuadera tousiours? En iouëur de gobelets, penses-tu pipeusement nous faire avaler vn monde d'inconueniens, qui nous estrangleroient à l'entree de la bouche? Veux-tu que comme ce fol Morychus nous mettions le nez es affaires d'autrui, laissant les nostres en queue, & loin-loin arriere de nous? Scythe barbare, encore veux-tu tourner tes armes serviles contre l'Estat & l'honneur de tes maistres embesoignez à la conqueste de l'Asie?

CÆSAR tousiours en goust & en appetit de bien faire, met sa fortune au long aller: Son espee ne tient iamais au bout; La curassie & le pourpoint, les combats & les festins luy sont indifferés; mesmes il semble que les Gaules ne doivent estre qu'auant coups & premisses de ses armes: Belle ambition, si seule & vniue; Dessain à vent & à maree, si sans enuie; Honneur au haut portet, si sans pair: Mais Pompee pour lui gagner le deuant par derriere, donna tel pied à son autorité, & l'affermist si bien dans Rome, qu'à son retour Cæsar y trouue à qui parler.

Non certes, iamais sage Prince n'entreprend d'establir ailleurs les affaires communs aux despens des siens particuliers; Iamais il ne monstre ni dos ny flanc, iamais il ne fait place vnde à son ennemi, jaloux à plus n'en pouoir des limites de son Estat, dont le moindre gazon de terre luy est sacré, comme ce champ de la Grece, fatal à ceux qui attendoient d'y mettre le soc. L'excez de soin au bien d'autrui a relatiõ avec l'imprudẽ-

ce. L'imprudence est vn æquivalent de temerité ; Temerité se tient main à main avec la folie, & qui dit fol, dit temeraire. O que bien tost Naples fut mise au pied , & l'Italie au Cluse & à la remise, quand l'Empereur Frederic II. fit trop le poitatif, trop la Chrestien pour passer en Iudee, & y mettre vostre fortune sur le pied droit ! ô que les armes de Don Sebastian se remuerent à propos contre les Mores , pour ouvrir le pas à l'Espagnol, & luy donner entree en Portugal!

SE ROIS-TE point Devin? Autois ie l'esprit de Calchas, côme on dit qu'Esopé auoit l'ame d'Euphorbus? Ay-ie prins la mere au nid , ô *Souhait*? Ay-ie trouué la febue au gasteau, quand ie dis, que tu cornes ainsi la guerre contre le Turc, soit pour nous faire aller en Iudee , où les Asnes tes freres germains sont honorez, à cause, dit Plutarque, qu'é vne grande seicheresse , ils trouuerent vne fontaine, soit que passant outre tu te vueilles vanger des Egyptiens qui les ont en abominati^{on}, à cause de Typhon?

MAIS non, tu as la goutte aux pieds pour vn voyage si long , l'ame trop lasche pour desgainer vne espee, & le cœur plus timide que cest Epæus, qui mordu par vne puce coniuroit les dieux à la vengeance. Tu es encore, & plus bas de courage tu es que Demostenes, qui ayant honteusement quitte son rang à la bataille de Cheronee , & fuyant des premiers, acroché d'vne ronce, s'escria , *Prends moy à rançon*, luy pourtant, ce lievre morionné, qui auoit fait ecrire en grosses lettres d'or sur son escu. *A la bonne fortune*. Aussi Diogene disoit en se moquant, que Demostene en ses paroles estoit braue comme vn Tartare, mais qu'au combat il estoit bourgeois d'Athenes.

Quoy donc? toute la Crestienté aux mains & aux coups, te tiendras tu massé dans le Temple Hernion? Regarderas-tu la tempeste de dessus le port, & l'embrasement de Rome du haut d'une tour comme Neron? Sonneras-tu la charge sans te mesler, comme les trompettes, & seruiras-tu en table, sans rien gaster, comme ceux qui portent à soupper à Proserpine, & aux dieux que l'on inuoke pour diuertir les maux?

A v gibet, ma quereau de nos volontez, cabaretier du Philtre d'Espagne, despencier de ses artifices, effronté en putain, hardy en couppe-bourse, lasche en Lydien, fuyard en lievre, traistre en Sinon, desloyal en Grec, mordât en chien, iniurieux en tripiere, babillard en cigalle, Echo de grenouillere, sonnette & crecerelle d'Architas, & qui chantes les sotteschansons de Tellen. Au gibet, au gibet, ame tout à pertuis, volonté de girouëtte, conscience au plus offrant & de la race des Letens, iadis tant detestee par Strabon. Tu es malade de poulmon. Pour bien te faire prendre l'air il faut t'y pendre. Tu es pesant de menton, il faut vne fourche pour le soutenir.

Front de suif, front de luif, Où est ton sang? Yeux de putain, ou vos prunelles? Bouche de Chien, ou tes rauques abois? Et pourquoy d'oc fouëtte ic tant vn mort? Pourquoy veux ic tondre vn asne, & en tirer de la laine? Pourquoy eau d'une pierre ponce, & raison d'un ignorant? Pourquoy lauer vn More, & corriger vn traistre? Pourquoy mettre le pain en vn four foid, & monstrier la iustice à vn esprit aueugle? Pourquoy enseigner la tortue de courir, & le deuoir à vn faux François? Pourquoy parler aux vents, & à vn scelerat qui fait le sourd à la raison, & porte les

garder la maison, comme le chien, ny à porter sur son dos comme le cheval, ny à labourer la terre comme le bœuf, sert d'instrument de moquerie, Magot & tousiours Magot pour faire rire le monde.

IGNORANT, de ne sçauoir que Lycorge ne dedia pas vne petite image du Ris en Lacedemone, pour seruir de dieu tutelaire, & de patron aux bouffons & aux batteleurs, mais pour entremesler le rire parmi les conuiues, comme vne faulse plaisante & necessaire à adoucir la rigueur de leur viure.

DOUBLEMENT fol, Entant qu'il l'est, & qu'il veut qu'on le sache, sans auoir sceu donner vn seul trait d'esprit pour se faire place entre les gens d'honneur, ainsi que Dimocrates, pour auoir accès vers Alexandre print vne couronne de peuplier, vne peau de Lion & la massue, comme si Hercules estoit de retour au monde, pour voir ce que faisoit Alexandre.

SACRILEGE impie, qui prophanant les choses saintes & sacrees, parle d'vne Epicurienne, & trop licentieuse liberté de ces bien-heureux Patriarches, Noé, Moïse, & Abraham, sans craindre que chassé de l'Arche de Noé, on ne luy face voir vn deluge de sang sur sô dos criminel, & que tiré de l'eau, non pour sa beauté côme la fille de Pharaon, en fit retirer Moïse, on ne le sacrifie comme vne beste, ainsi qu'Abraham offrit vn mouton en holocauste au lieu de son fils Isaac.

L'AVOIS l'espee au poing, Je me mettois en posture, pour seruir de second au Soldat contre l'Harpocrate, ce grand silentiaire, qui criant le Hola à pleine bouche, semble vouloir rajcunir ce Prouerbe ancien, *Mercur* y est entré: Ma

qu'eust-on dit ? Vn homme contre vn Dieu, Iacob à la luitte contre vn Ange, le roycelet contre l'aigle, le Pygmée contre Hercules, & qu'eust-on dit ?

MAIS que dit-on, quand vn Dieu se nomme François, comme s'il y auoit factions diuerses au ciel, Guelphes & Gibellins, Vrsins & Colomnes, François & Espagnols ? Quand l'Harpocrate quitte la Deité de son silence, pour enfanter l'humanité de son langage, quand il se rend babillard afin que le monde demeure muet, & que se mirât en la beauté de ses paroles, il semble vouloir faire comme Eutelydas qui se trouua si beau dans vne fontaine, & s'amouracha si fort de soy-meismes, qu'il en tomba malade & perdit toute la beauré. Et qu'en dit-on ?

S'il est Idole, & non pas Dieu, pourquoy ne pleure-il point en nos maux, pourquoy ne s'esioit-il en nos prosperitez, puis que l'image d'Apollon pleure en Lucanie pour les miseres de son pays, & que celle de Mercure tressaut de ioye pour l'arriuee de Solon en Cypre ?

Si homme, & non idole, Quelle temerité de mettre l'anneau sur la bouche de son roy, comme Alexandre sur celle d'Ephésion, le resserer non tant dans l'humeur froide & Saturnienne de l'Empereur Tybere, que dans l'eschole muette de Pythagore, & luy faire tenir l'espee au fourreau, autant que Sigalion le doigt sur la bouche ? Quelle imprudence de faire le sage entre les fols, & l'Areopage sourcilieux contre ce Harlequin, ce Maître Guillaume, pour qui on deuroit tendrement pleurer quād il se rit follement des autres ? Quelle cruauté d'une bouche enflée & bouffie de fiel & d'ouïures, deschirer l'honneur d'un simple soldat, qui

qui frappé d'un profond sentiment de la mort de sa patrie, jette ses charitables soupirs sur son tombeau? Au lieu, ou de recevoir ses larmes officieuses en Dieu misericordieux: Ou ne les voir point en Idole aveugle; ou en homme, faire place aux passions d'un homme, & dire du Soldat François, ce que Leonidas du Poëte Tyrtaeus? *Tyrtaeus est bon pour aiguïser les courages des jeunes hommes. & qui imprime par ses vers une affection de ne s'espargner point aux perils de la guerre, pour acquerir honneur & reputation.*

TANTOST sur l'ouy, tantost sur le non, Je ne sçauois s'il falloit prendre l'esponge pour effacer l'Harpocrate du Calendrier, comme un faux dieu; Ou luy sauter au collet, comme à un homme iniurieux; Ou le releguer en Egypte comme une Idole du temple d'Isis; Je branlois sur ces doutes, & tousiours mes valets les estriuières à la main contre Maistre Guillaume, quand le Seigneur de la Force (cest homme-Ange digne d'estre nourri de Nectar & d'Ambrosie, & qui volentiers sauteroit du ciel en terre pour seruir son roy & sa patrie) quand cest Vlysse-Achille, ce sage-vailant me fit l'honneur de me donner aduis, comme la France tousiours industrieuse à son mal, se iettoit en des mouuemens nouveaux; Limosin & Perigori les premiers en branle, non toutesfois que les choses fussent portees au desespoir, & que la clemence du Roy ne peust addoucir toutes ces aigreurs.

O malheureuse Grece, qui de tes propres mains as fait un tel carnage des tiens, qu'ils eussent peu subiuguer tous les Barbares ensemble! S'écria Agesilaus sur la nouvelle d'un sanglant rencontre des Athéniens, & des Lacédémoniens. Et que diroit-il, quand

apres ne voir veu tremblans sous l'accez fieux de passions, apres tant de cruelles trenchées de cest Estat, tant d'estranges fureurs que ceste pomme de discorde civile nous a apporté: Et maintenant la France relence du milieu de ses cendres, en l'Ascendant de sa prosperité, sur le trot gaillard de sa bonne fortune, & qui sous la faueur d'une tranquillité publique, ne pouuoit pas moins esperer de sa santé, que ce Medecin du temps de Neron, qui voulut faire gageure avec la fortune, qu'il ne seroit iamais malade: Ouy, que diroit ce bon Prince nous voyant rallumer le feu qui nous a presque deuorez, resueiller nos vieilles seditions, aller au mal à toute course, esleuer les monstrueux monumens de nos miseres, les funestes trophées de nos mutineries, battre nostre ambition sur nostre propre ruine, la fureur de nos factions tournees contre nos familles, & nos mains sanglantes contre nos entrailles? Pires, diroit-il, trois & quatre fois pires estes vous, que les anciens habitans de Sicile, qui tousiours forts en bouche, & ne pouuans s'arrester, ny par maniere de dire faire logis sur le repos, s'acharnoient les vns contre les autres: Pires que ces deux freres dénaturez de la ville d'Opunte, Charicles & Antiochus, qui partagerent, comme par vne malediction tragique leurs heritages au trenchant de l'espee.

A longs traits, ainsi doncques à longs traits, auons-nous humé le doux air de la licence avec le repos? Ainsi faisons-nous effor au premier vent de nostre bonne fortune? Ainsi couronnons nous nos folies passées par nos temeritez presentes, & donnons-nous ainsi la mitre & la crosse à nos rebellions? Ainsi ouuriers & tisserans de nos cala-

mittez,

mitez, ainsi forcerons-nous le ciel à nous vanger de nous par nous mesmes, & à chastier nos vices par nos vices? Ainsi de flamme en flamme, & en bataille apres la bataille de Marathon, ainsi à corps perdu r'entrerons-nous en l'insolence, la cruauté, la barbarie & l'impieté de la guerre civile, quoy que le marinier fuyé l'écueil où vne fois il a fait bris, & que le renard ne se prenne point deux fois en vn piege?

Le courroux du ciel appaisé, nos dieux tutelaires reconciliez, nos saints fauorables, & ce grand chef d'œuvre de la paix façonné par la prudence du roy, Que nous le refuserons, comme les phrenetiques qui rejettent les remedes & chassent les medecins? Que nous viendrons en dégoust des faueurs du ciel, du sejour de nostre fortune, du repos particulier de la France, comme les enfans d'Israël de la manne, & que nous romprons l'harmonie de cest Estat, la paix civile & domestique, comme l'Orestes des Poëtes qui agité de fuir desehiroit tous les vestemens neufs qu'on luy portoit? *O malheureuse France*, diroit Agefilaus, *qui de ses propres mains fais vn si barbare hachis des tiens, qu'ils pourroient donner la culbute & mettre tous tes ennemis à la renuerse!*

VERGES ordinaires du ciel, gourmettes de nos appetits, cabegons de nostre sensualité, & qui empeschez que nous n'allions à toute bride à l'iniquité & à l'iniustice, O afflictions, on vous tient comme seconds sacremens pour nostre salut, & qui ne faudrez jamais qu'avec les vrais sacremens. On dit que vous nettoyez les reliques du peché, & que degoustant l'ame de ses vains desirs, vous luy estes comme vn marteau qui la frappe & la pousse au deuoir, & qui en la battant la

tourbit & ~~le~~ froille. Vous estes la tournaise, & le brazier allumé, où nos esprits reschauffez, cuits & recuits iusqu'à leur parfaite purgation, se deschargent de tous les excremens du vice, & de toute ordure acquise de l'amour, de la chair & du monde. Mais quelles ces affections, qui au lieu de nous retirer de desbauche; & nous mettre sur le train du deuoir, nous esclancent de l'ambition à la temerité, de la temerité à la rebellion, de la rebellion aux sacrileges, aux parricides, au sang, à la ruerie? Si ce n'est que nostre meschanceté ait cela de iuste, qu'elle mesmes soit son bourreau, qu'elle se conduise au supplice maugré tout le monde, & qu'il faille qu'en se sacrifiant à sa propre cruauté elle iustifie la barbarie des Temesiens & de ceux qui iadis offroient en holocauste leurs enfans à Belonne & à Moloch.

Que maudit soit l'arbre qui par son ombre estrouffe sa racine! Maudite la vermine qui ronge le bois où elle naist! Maudits & excommuniez ceux qui cherchent leur grandeur dans les ruines de leur patrie, & qui de la France veulent faire vn bucher pour la cendre, vne boucherie pour le sang, fourreaux d'espees de ses entrailles, ruisseaux de ses yeux, vn Autan de son cœur, & de son corps vn cemitiere! Au feu, au feu, ces tisons & ces allumettes qui veulent embrazer vn feu ciuil! Hors de la poudre & du tombeau, qu'il en sorte ce grand Orateur, qu'il en sorte pour arracher vn anatheme de iustice contre Catilina, contre ce monstre, hideux monstre, la honte de sa posterité, la flestrissure de sa nation, & l'infamie de son siecle! Et toy, fils aîné des Muses, toi grand graueur de la vertu, Homere, où la hauteur, où le sourcil esleué, où sont-elles

elles ces tientes paroles pleines d'emphase, toutes viues, toutes animees d'un iuste courroux, qui de-
 restent comme prodiges, comme auortons de na-
 ture, sans pere, sans mere, & possesseurs à faux til-
 tre de la lumiere du soleil, ceux qui au milieu de
 leur patrie veulent estre des funestes flambeaux
 de diuision! Ingrates viperes, qui font mourir cel-
 le qui leur donne la vie! Poulpes desnaturez, qui
 tournent leur cruauté sur leurs propres membres!
 Mulets Pardiens, qui se nourrissent de leur mor-
 ve! Rongearde vermine d'Oustierons, qui se iettent
 sur la France, comme sur vne moisson bien meure
 & preste à couper! Basilics contagieux, qui se ruent
 par la reflexion de leur veüe! Memmons, qui inspi-
 rez de l'object de leurs pernicioeux desseins, ne pre-
 nent haleine, & ne respirent que par le poulmon
 de l'Espagnol!

GUERRE civile, Et pourquoy, si en ces embra-
 semens publics chascun se tient au rison & au
 flambeau, & se laisse emporter au despit & à la
 colere, comme à de mauvais vens? Si tout y va à
 l'enuers & à reculons? Si l'insolence tient le haut
 sur le deuoit? Si le commandement & l'obeissan-
 ce n'y iouent par ordre & par mesure? Si nul
 mords, si nulle bride pour le peuple qui ne veut
 receuoir loy que de sa bouche? Si le Soldat im-
 patient, haut en bride & comme vn oyseau fan-
 tasque ne vole qu'au leurre de son plaisir ou de
 ses commoditez? Si coups fourrez, balatre pour
 balafre, & rien à donner sans retour? Si le sang
 mesmes des Princes est hors d'espargne, & leurs
 estomachs à mesure des especes de leurs subiects?
 Si la Noblesse à la boucherie, si nul abri pour
 l'innocence, nul retranchement pour la iusti-
 ce, les gens de bien en naufrage, l'insolence

des affamez tousiours à bouche ouuerte, & qui pires que les chasseurs qui quittent le Castor pour ses genitoires, doublent & redoublent en funettes. Echos les tristes cris de ce Romain, *Helas! ma maison d'Albe m'a fait perdre!* Si toutes victoires y sont Cadmeanes, nuls yeux à sec, nul triomphe sans robes noires, bref si la ruine commune esbranlant toutes les parties de l'Estat fait aller les tours de la rouë des derniers iusqu'au premiers, Et pourquoy guerre ciuile, sinon en la Catastrophe de mille tragedies, mille, mille, & toutes funestes, creuasser & entr'ouuir la France aux desseins de l'Espagnol, faire planche & chemin ouuert à son ambition? Tout au rebours des pasteurs qui accoustument leurs moutons de courir en troupe quand il tonne, & au rebours des Candiots qui au plus fort de leurs fureurs ciuiles, se r'alltoient ensemble, & par leur loy de Syncretisme, tournoient leurs espees sur leur ennemi commun.

VOYEZ Rome choquee de l'ire & du courroux du ciel, à l'abādō de ses passios, & qui ne tient rié en espargne chez soi cōtre soy-mesmes: Toutes ses forces en debit & en emploite pour s'affoiblir, insqu'à emprunter l'ambition de Marius & de Sylla pour haster ses destinees, auancer son an Climacterique, & mettre sa grandeur de pieds cōtremont. Rome, deschiree de factions ciuiles, toute ouuerte de playes, toute hideuse de sang. Rome serois-tu donc Rome, ou vn cemitierre affreux & plein d'horreur, vne maison desolee de vesues, vn hospital de pauures orphelins, vn Echo de plaintes & de gemissemens? O sage le Prince, dit toute la sagesse Ancienne, qui donne le fil à son espee, & la tient tousiours de poincte & de

de trenchant contre les fureurs civiles de son Estat, pour en couper la racine, le tronc & les branches!

FVRIEVX eslaus d'une ame effarouchée, prodigieuses estoient ces paroles de l'Empereur Vitellius, *Que le corps de l'ennemy sentoît bon, mais ce-
du citoyen mort encore meilleur.* Empereur, & com-
ment si sans Empire? Empire, & quel si sans suiets,
Suiets, & quels, sinô que charongnes? Empereur
doncques de charongnes, ou plustost charongne
d'Empereur, puis qu'il se plaisoit tant aux cha-
rongnes.

V N E tēte; ô Nature, nous as-tu donné vne tē-
te, afin qu'elle tourne ses efforts à la ruine de ses
membres? Membres aussi, & sont-ils membres
pour se desmembrer? Deux yeux, afin que l'un
creue l'autre? Deux mains, afin que la droite cou-
pe la gauche? Deux pieds, pour s'être-tailler, pour
s'entorser, pour se donner des attaintes? Que nos
corps composez de froid & de chaud, de sec &
d'humide, subsisteront tandis que regis par vne
mesme nature, ils se tiendront en tresdouce har-
monie & bonne temperature: Qu'un Estat fleuris-
ra, quand les citoyens, comme vne belle dance i-
ront tous d'un branle & à mesme cadence: La ci-
gale avec la cigale, La fourmis avec la fourmis,
tout sēblable avec son sēblable, Et que le Fran-
çois s'alliera de cœur & de volonté à l'Espagnol
pour faire un monstrueux pêle-mêle de cigales
& de fourmis; de citoyen & de l'estranger, & met-
tre tout en rumeur, en brouillis, en tintamarre,
comme sous la confusion de l'ancien Chaos? Nos
patriotes, nos concitoyens perdus, que nous re-
courrons à l'Espagnol, comme le Deuin d'Arca-
die en Herodote, qui fut contraint de se faire un
piéd de bois apres avoir perdu le sien naturel?

Pollux, ô bon frere Pollux, qui voulus participer de la condition mortelle, afin que Castor t'ofre eust part de l'immortalité! O vous charitables Pythagoriens, qui ne portiez iamais vos passions sur l'oreiller, & qui quoy qu'aigris de colere l'un contre l'autre vous donniez la main d'amitié auant le coucher du soleil!

Do v x, & que deliceux doit estre le fruit de la concorde, puis que Zenon se glorifioit tant de ce que son auditoire estoit moindre, mais mieux d'accord que celuy de Theophraste! Douce & amoureuse concorde, que nous deuions bien te reuerer comme vne sainte repleque, puis que tu fais en nous comme les petits nombres, qui par la multiplication d'eux-mesmes produisent les grands: Puis que tu reioints en vn lieu de mesmes volontez & affectiōs, ce que nature a desjoinct & separé de corps, comme l'estain soude & vnit le cuire cassé: Et puis qu'Apollonide la mere d'Eumenes croyoit le ciel plus officieux vers elle pour l'harmonieuse vnion de ses enfans, que pour ses richesses, ny pour sa principauté!

MALENCONTREUSE, ô fatale discorde, puis qu'elle tourne les Elephans en citrons, les Royaumes en Prouinces, les Prouinces en Villes, & en fin les villes si viles, qu'il n'y a rien si vil que les villes! Discorde, qui sous les discordes d'une confuse Anarchie, rend l'honneur du Souuerain flestri & à teste baissée, son autorité saboulée aux pieds, le peuple en contrecarre du magistrat, toutes passions au dessus des loix, rien par compas, rien par mesure, & tout comme le bassin d'une balace qui fait le contraire de son compagnon! Discorde, funeste discorde, puis qu'elle met à haillons & flambeaux les Estats plus entiers, puis qu'il ne
luy

luy faut que les couleurs de verd & bleu, pour desmembrer le regne de Iustinian en factions, rien que le mariage d'une heritiere pour allumer vn feu de sedition parmi les Ardeates, mettre sans dessus dessous les republicques de Delphes & de Florence, & puis qu'elle apporte vne tragique fin à Xerxes pour les trahisons que son fils Ochus ourdissoit contre ses freres!

SAINCTES bornes de nos actions, Saints & sacrez Autels, où estes-vous? Honneur & raison, qui nous deuez tenir es termes d'une constante & inviolable fidelité au service de nostre Roy, main à main, bras dessus, bras dessous, François ioincts aux François, serrez & estraincts de ce saint lien de concorde, trestous en escor pour releuer les affaires de la France, tous & tous à qui mieux mieux, & comme les oiseaux masles qui prennent leur part du soin de couuer leurs œufs, les eschauffent à leur tour, & portent les premiers la bechee à leurs petis, Raison & honneur où estes-vous? Où le faisseau de iavelots de Scilurus, & où la souvenance de ceste riuere que Vitruve nomme Chimere, de laquelle l'eau est fort douce, tant qu'elle ne se separe point, mais qui venant à se partir devient amere & de mauuais goust? Les Cigongnes nourrissent leurs peres vieux, & les cheuaux de riuere tuent les leurs pour faillir & courir leurs meres: Cigongnes, ou cheuaux marins, Sommes-nous François ou Espagnols?

L'iniquité de nos fautes est de tant plus grande qu'il est facile de ne faillir point, dit S. Augustin: Et la France, qui se donnant toute entiere à son Roy, pouuoit seiourner sa bonne fortune, & s'affermir comme la mer, qui lors que les Alcyons font leurs petis, s'arreste, s'applanit sans vagues, sans vent

& sans tourmente: Elle qui fuyant les amorces de l'Espagnol, comme Hyppolite les impudiques regards de Phædra, pouvoit en la chasteté de son ame, tenir sa reputation en fleur, & ses forces en verd. Quelle ceste audacieuse en ses folies; teméraire en sa rebellion, aveugle en sa felonnie; Qu'elle vueille marchander sa ruine à escient, trafiquer sur ses propres calamitez, & estre à la-iamais vn theatre, où la felonnie & la rebellion combattent le deuoir & la fidelité? Qui la sauera de ceste tache, & qui la sauera du reproche de trahison? Crayon assez noir, & quel crayon pour la marquer en nos Ephemerides? Plume, quelle assez vigoureuse plume, pour porter à la posterité la honte de l'estourdissement de ses sens? Felonnie, & qui te peut mettre au couuert de la iustice, qui te redre innocent, ny te représenter en robe blanche, comme on voyoit iadis l'image de la verité au temple d'Amphiaras?

Ce monde, dit Plutarque, est un temple tressainct, dedans lequel l'homme est introduit à sa naissance, pour y contempler des statues non ouurées ny taillées de mains d'hommes, & qui n'ont aucun mouvement, mais celles que la diuine pensée a faites sensibles pour nous représenter les intelligibles: En Epitome, & en pourtrait raccourci: voulez-vous voir le Dieu du ciel? Montrez moy vn roy en terre, vn de ces fauoris, vn de ces Lieutenans du Dieu viuant. O que de rayons, & que de diuins caracteres gravez sur son front! O que la grandeur de ceste Majesté qui le met hors de la presse des hommes iette de lustre & d'eclat! O plus luisante, & qu'elle l'est bien plus que l'image d'Hecate au Temple de Diane en Ephese, où les Sacerdains auertissoient le monde de ne la regarder pas de trop pres!

HERISSEZ doncques, sur son maistre, leuer le bras contie son roy, semer l'yuroye de diuision en son Estat, & luy donner tousiours à couper la teste de l'Hydre, N'est-ce pas enfiler crime avec crime, & en vn seul homme offencer le ciel & la terre? Si Vicaire de Dieu, n'est-ce pas impieté? Si l'Oinct du ciel, N'est-ce pas sacrilege? Si pere commun du peuple, n'est-ce pas parricide? Tres-bien dit vn Ancien, *Que comme plusieurs vertus se rencontrent en vne, & plusieurs vices aussi en vn seul vice.*

FORTVNE' Parmenion, bien-heureux Philotas, s'ils n'eussent prins chemin à gauche, & fait faux à leur deuoir! Et que tu ayes creu le serpent, (ie te nomme sans te nommer) Que tu ayes mangé de la pomme, & que tu ne trouues point encore auourd'huy assez de fueilles pour couvrir tes vergongnes! Datame contre Xerxes, Tyribase contre Artoxerxe, & que Parmenion fera le rebours contre Philippe! Je crois tout, ie ne crois rien, sinon qu'il n'y aura iamais assez de terre pour les ambitieux, ny trop de supplices pour les ingrats.

IE ne le croy point, par ce que tousiours ie l'ay veu prendre fort volontiers sa part de la poudre de la sucür, des playes & du sang, & familièrement tirer le doux air des faueurs de son roy, tant Alexandre aimoit son Ephestion, & tant Ephelïo honoroit son Alexandre.

IE le croy, par ce que les affections des hommes sont suiettes au flux & au reflux comme la mer, au montant & au descendant comme la lune, à l'aller & au tourner comme les pelerins de S. Iaques, & que Heraclides est tantost honoré pour auoir donné la liberté à Siracuse, & tantost

mentri pour la vouloir opprimer.

Il ne le croy point, par ce que tous vrayssu-
iers doiuent faire vne entiere resignation de tou-
tes leurs affections entre les mains de leur roy,
etrouffer toutes leurs volonteZ, & perdre leur li-
bre arbitre pour se conformer à l'intention de sa
Maiesté. Et quelle chanson plus douce aux oreil-
les des gens de bien, que les louanges de la fideli-
té de Zopyre?

Il le croy, par ce que l'homme n'a point de
Hola en ses conuoitises: Tâta le à gosier tousiours
sec au milieu de l'eau, & qui iamais n'arriue au
bout de ses affections, sans compas ny mesure. Et
pourquoy est-ce que l'Ange mesmes veut aller
du pair avec Dieu, & Ixion embrasser vne
Deesse?

Il ne le croy point, parce que la mere à qui nous
deuons tout pour tenir tout d'elle, nostre dou-
ce, nostre treschere patrie, qui nous a conceus dās
ses flancs, alaittez de sa mammelle, bercez & bai-
sottez entre ses bras, mignardez de ses caresses, &
esleuez avec vn soin vraiment maternel; Ouy,
par ce que ceste bonne mere, ne nous peut
pas croire enfans prodigues, qui voulions apres
plusieurs infames desbauches, garder les pour-
ceaux de l'Espagnol, & sous la bledtrisseure de no-
stre honneur, trainer honteusement vne vie d'e-
sclaues, destincez à mille mots dans l'enclos d'une
seule vie. O, au contiaire, la belle mort de Bru-
tus, qui ne mourra iamais, pour s'estre fait mourir
à l'auantage de sa patrie!

Il le croy, par ce que l'ambition ne recognoic
autre mere que sa propre fantasie, & leue le mas-
que à tout respect: Tousiours à sourcil esleué &
agitée de ses fureurs, qui s'eschauffe, qui tousiours
se

se brusle au feu de ses desirs delreiglez, qui s'eslan-
ce à yeux clos sur la ruine, & fait audacieusement
prendre le chariot du soleil à Phaëton. O que Ca-
rilina, minuant la perte de Rome, ne pensoit pas
estre honteusement porté du nez en terre, ni don-
ner son honneur en gros à l'opprobre & à l'igno-
minie du monde!

Je ne le croy point, Par ce que nos
cœurs & nos affections doivent se tourner tou-
tes entieres vers nos bien-faiteurs, comme ceste
herbe qui tousiours tourne & contourne vers
le soleil, & que l'ingratitude entre les Perles
estoit le vice souverain des vices, & comme le
premier mobile de toutes les ordures de nos
ames.

Je le croy, Par ce que la mescoissance est fa-
milier & domestique en ceux qui reçoivent tout
pour merite, rien par grace, & qu'Actæon fut des-
chiré par ses propres chiens.

Je ne le croy point, Parce qu'un esprit fin & de-
lié regarde les tenans & les aboutissans d'un haut
dessein, & en Ianus à double visage tient aussi bié
sentinelle sur le derriere que sur le deuant, Tout
present sur l'aduenir, & à yeux sans sommeil com-
me l'Argus des Poëtes.

Je le croy, Par ce que souvent les esprits plus
beaux pour mettre leur ambition en aile, se iet-
tent à la traaverse de leurs passions, se chatouillent
en leurs desleins, s'elgarent en leurs fantasies, & se
perdent en leur beauté de leurs discours, comme
Narcisse en la fontaine.

Je ne le croy point, Parce que la felonnie por-
te d'ordinaire son supplice en croupe: & que l'ap-
prehension du chastiment emousse les cousteaux
plus trenchans.

IE le croy, par ce que celuy qui s'oblige au mal, auance son coup sur sa peine, & se rend criminel plustost que condamné.

IE le croy, & ne le croy point, par ce qu'il se peut & ne se doit. Ambition & deuoir, loyauté & felonnie, loyer & peine, honneur & honte en balance, croiray-je, ou ne croiray ie point? Ouy & Non, Non & Ouy. Ie veux attendre le boiteux, & la negotiation de cet excellent Prince le Landgraue de Hesse, l'une des perles, & des plus précieux diamans de ce siecle.

Es ieux Lampadophores, instituez à l'honneur de Vulcain, on faisoit honteusement quitter la course à celui qui laissoit mourir sa torche, ny entorse, ny flettrisseure. Et que ce ne seroit ny flettrissure ny entorse à nostre honneur de prendre chemin à cartier, de biais & de trauers à la fidelité? Que sur bon compte nous pourrions tousiours seruir le roy de nos affronts, scandaliser toute l'Europe de nos desbauches, & sans honte que nous perdriens haleine à gagner la couronne de fidelité, par ce que saint Hierosme n'a point eue de honte de confesser, qu'il n'anoit peu atteindre à celle de la virginité.

Et si la vie de l'homme consiste en l'vniion de l'ame & du corps, & celle d'un royaume au commandement & en l'obeissance, voulons-nous que le corps donne loy à l'ame, que le suiet prene le vent de ses fantasies, & se laisse emporter à la fureur de ses passions, afin qu'il n'y ait plus rien de l'homme en l'homme, rien de royaume au royaume, qui perdant son temperament & sa premiere forme se resould en vn Chaos de confusions populaires! Plus Sarrazins que les Sarrazins rechercherons-nous la mort de nostre roy legirime, pour

pour establir l'autorité d'un usurpateur : & chasserons-nous ignominieusement Antigonus, pour mettre Herodes au siege royal?

I A M A I S. Ô bon Dieu, Et que jamais on n'orra châter en un harmonieux Trio, Ni ne verra-on lievre en Ithaque, ni loup en Angleterre, ni Espagnol en France; Que jamais nous n'embrasserons à pleine accolade la France, ceste belle Nymphé Chrestienne d'une beauté assaisonnee de sel, comme les Anciens disoient d'une femme accompagnée de grace viue & esmouuante? Que comme Bellerophon, qui ne tenoit compte que de sa belle & chaste Philonoe, come ces puceaux religieux, comme ces vierges de Thebes tant bien nommées par Euagrius? Que nous ne fermerons point les yeux aux amities estranges, & que jamais nous ne tiendrons nos ames vierges & pucelles à l'honneur de la premiere couronne des peuples baptisez au saint nom du fils de Dieu? Que nous serons toujours les marteaux pour sapper nos propres ruines, & que l'Espagnol à nos yeux, fera une Afrique couuerte de serpens de nostre France, iadis semblable à l'isle de Crete, où il n'y auoit qu'une espee de beste venimeuse nommée Phalangium? Quels mouuemens furieux? quelle bouleuerse d'esprits? quel sortilege? quelle fascinatiõ? Où courez-vous cheuaux eschappez, q sur le roc Tarpeia de vostre ruine? Et oïr-ates incendiaires, dans le Temple d'Ephese. Ou est-ce, dans vos maisons, que vous soufflez vos torches ardentes? Serpens, parricides, où laissez-vous le venin de vostre morsure viperine, que dans le sein de vostre mere? Où aigurisez-vous le trenchant du rasoïr, que sur vos testes? Où portez-vous le desordre & la confusion, que dans vos familles? Où la poincte de vos

espees, que sur vos estomacs? Où vostre gloire, que sur le repêtir, où vos victoires, que sur la perte? où vos trophées, q̃ sur vos cendres? Ames à tout pied, à toutes couleurs, blanches & noires, & cōme l'eau d'un certain lac de Lucanie, tantost douces, tantost salees; Ames, venales ames & desbauchees, où prostituez-vous vostre fidelité, qu'à l'encan de vos plus cruels ennemis? Au plus offrant & dernier enchérisseur, au plus offrant les donnez-vous, quoy que le peintre Xeuxis arriué à la perfection de son art, ne voulut point vendre ses ouvrages, comme incestimables & hors de prix? Voulez-vous, & ainsi doncques voulez-vous auancer vostre fortune sur la decadence de la France, quoy que les Prestres d'Egypte eussent en abomination l'oignon & la truye, par ce que l'un grossit mieux, & que l'autre se fait ordinairement couvrir au decours de la lune? Au rebours des Academicques, qui proferoient les choses honnestes aux viles, ferez-vous plus bandez & réduz à croistre les biés de vos mai sons, que la gloire de vostre integrité, & qu'il ne vous souuiendra point de ce dire de Cyrille, *Que Iupiter foudroya Esculapius, pour ses gains sordides & deshonestes.*

LA Theologie des Grecs dit qu'il y a deux portions en ce monde; L'une bonne qui est de Jupiter Olympien, l'autre mauuaise qui est de Pluton infernal. Mettez en diametre la candeur naturelle, l'abord gracieux & le visage serain du François, à cœur sans replis, & qui ioue à mesme ressort que sa langue; Opposez ces toutes douces vertus au sourcil reffronqué & à l'austerité fastueuse de l'Espagnol, pelant de bouche, bouffi d'orgueil, desguisé d'ame & qui porte son courage à rebrias & à couuert, rien de pais, rien de plénier, tout en masque

masque, tout en figure! Roy à Roy, Royaume à Royaume, partie à partie, le tout au tout. Qu'on les confere, ô Sacre & Aloë! liberté & servitude! ô Jupiter Olympien & paradis François! ô Pluton sa nefte Pluton, & enfer Espagnol! Et cependant que le loup vous semblera berger, le bourreau medecin, & que vous luy laisserez manier vos ames comme le potier son argille, comme l'imagier sa cire, & comme les ouuriers qui mollissent & destrempent l'yuoir avec de la biere pour le courber; penserez-vous plus tirer de la lumiere de la fumee de Castille, que des feux de nostre France? Toujours & toujours serez-vous comme les Asiatiques dans Plutarque, bons esclaves & mauvais hommes libres, comme ces vaisseaux à deux oreilles dont parle Bion, qui aisément se transportent de lieu en lieu, comme les pourceaux qui quand on les gratte, se laissent manier à plaisir & se veautrent en terre, comme les cheuaux & les asnes que Promethee en vne tragedie d'Æschile dit auoir esté baillez aux hommes pour soulagement de leurs trauaux, & lesquels nous menons aisément à bride & à licol? Myopes, hommes-taupes, & comme ce Pluton que les Poëtes appellent Aidoneus, ne voyant goutte, puis que vous ne cognoissez pas que l'Espagnol vous dône les mesmes baisers que le loup à la charrie, non pour elle, mais pour l'amour des bœufs; Miserables artisans, puis que trop industrieux pour vostre ruine; Lycanthropes, hommes effarouchez, puis que tout est plus clemet enuers vous que vous mesmes; Catilinaires scelerats, puis que toujours vous portez malheur à la France, comme la belette en vne maison; Desolez amoureux; puis que vous embrassez la nue pour

Iunon ; Desesperez ambitieux , puis que vous ne voulez faire qu'un saut du ciel en terre comme Phaëton.

Le le croy, La iustice à bras leuë sur vos desbauches, vos crimes courus à force , vos maisons abyssées de debtes, vos creanciers en croupe, & rien d'esperance en vos affaires que le desespoir, Le le croy, d'extremité en extremité, & du mal à corps perdu vous estes ietté au mal: Feu en la teste, brandon à la main, furie en l'ame; Ces trois choses auez-vous de vous-mesmes : Paroles pour farine , poil pour laine , & ombre pour le corps. Ces trois autres de l'Espagnol, Et vous voila tous en feu pour des paroles, incendiaires pour du poil, & furieux pour vne ombre. Car de penser mettre vostre ambition en banque asseuree , & que l'Espagnol achepre vos rebellions à haut prix, N'est-ce pas vouloir pescher des Estourgeons en l'air, & cueillir , selon le prouerbe , des fruits au iardin de Tantale?

De tant d'ames Françoises, qui par foiblesse, ou pour mauuaise trempe, ont donné trop d'accès aux persuasions de l'Espagnol, & qui se prostituât à son appetit, ont flestri l'honneur de leur fidelité & fané leur réputation, Donnez-m'en vne qui du depuis ait esté en verdure , & qui arrousee par les bien-faits de nos ennemis ait iamaïs peu faire ny fleur ny fruit. Promesses , ouy. à ondes & sans compte , force vent à remplir balons. ; Mer d'or, & montaigne de sioment , comme ce Capitaine Athenien, Chares, promettoit au premier mort Cheuaux aux gens de pied , chariots à qui cheuaux ; villages à qui metairies , villes à qui villages, & l'or ne se comptera point; mais on le pesera comme disoit le ieune Cyrus, faisant ligue
avec

avec les Lacedomionens , contre son frere Artaxexes.

M V L E: mais quand feras-tu des petits, ô sterile mule? Quand aurons-nous du miel des Escarbots? Quand donnera la louue son retin à l'agneau? Quand sera l'Espagnol officieux aux François, & quand lui verrons-nous en main l'herbe Latacé que les roys de Perse badloient à leurs Ambassadeurs, pour faire venir abondance de toutes choses? Mais plüstoit quand ne nous viendra-il point ses fumees au prix de nos ames, de nostre honneur de nostre fidelité, & quand est-ce qu'il ne deuorera tout seul ce qu'il sacrifie à Apollon?

F A V X Lazares, quelque miette de pain, de dessous la table de ce mauuais riche; Mains affamees, quelque piece d'argent en tirez vous, comme les gueux & les mendiants vn morceau de pain à nos portes. Il vous montre vn peu d'or auant que de montrer le fer, comme les pescheurs enfilent en leur ligne vn petit bout de corne deuant l'hameçon. Mais quel or de Delphes; & quel de Thoulouze plus funeste, plus contagieux à ceux qui le touchent? Quel fiel, quelle amertume plus mal plaisante à la bouche, plus nuisible à l'estomach que ce pain mendié par de faux Lazares?

LE vous absous, le n'ay point de febue noire pour vos rebellions, si Dieu laisse impunies les iniures faites à ses Ombres, & si la terre ne s'ouure pour engloutir Coré, Darham & Abiram, Audacieux qui veulent tenir le sourcil à deux doigts du ciel, rauallier & mettre à pied l'autorité de Moysse; Si on ne creue les yeux à Sedechie, si les enfans ne sont esgorgez à ses pieds, pour vouloir mettre les Assyriens en mouuement & sur le branle de reuolte; Si Cinadon n'est mis entre les mains

du bourreau pour vouloir secouer le ioug contre Agefilaus , & ne recognoistre rien en Lacedemone au dessus de luy; Si les Romains ne firent attacher à la croix les principaux mutins de Rhege & de Capoue , fouëtter publiquement les Senateurs , & vendre les Gentils-hommes , comme esclaves? Si Basile l'Empereur ne fait creuer les yeux à quinze mil Bulgariens , en laissant l'un à leurs Capitaines , afin que les borgnes guidaissent les aveugles; Si Theodose pour expier la mort d'un homme n'en fit mourir sept mille en Alexandrie? Si les rebelles de Dymothicon , qui veulent iouer à quatre pieds & faire les mauvais contre Amuraht , ne sont accouplez deux à deux , massacrez par leurs propres peres , par leurs meres & leurs plus proches parens; Ouy, & si mesmes la felonnie de vos peres & leur chastiment, n'ont esté contemporains & de mesme aage, & s'ils n'en ont porté le repentir en l'autre monde, Je vous absous, & ieu'ay point de febie noire pour vos rebellions.

Ils furent trainez au gibbet, leurs maisons razees, leurs biens confisquees, leur memoire en execration, Ils le furent honteusement ces scelerats, ces denaturez Marcus Flaccus & Lucius Saturninus, qui pensans mettre la fortune de Rome à l'enuers, renuerferent leur honneur & leur fortune, leurs vies mortellement & pour iamaïs flestries, comme dignes des fourches qu'ils eurent, & de celles qu'ils n'eurent point. Aurelian l'Empereur dit tout haut devant ses courtisans, *Qu'il ne scauroit déposer sa vie & son salut en la foy de celui qui trahissoit sa patrie*. Et qu'aussi tost il fait mener au supplice Heraclamon qui lui auoit liuré la ville de Thyane. Achille commande
sol-

à ses soldats de faire passer par l'espee Pygdicé fille du roy de Metymne, qui esprise de son amour, & le voulant gagner pour mary, lui mit non plus tost la ville que son cœur entre mains; Amoureuse mal fortunée, & loing de toute bonne constellation, qui pensant non trahir son pere, mais luy donner vn gendre, fiança sa ruine, & espousa vne honteuse mort. Auguste aime tant la trahison, & deteste les traistres à plus n'en pouuoir: François à cerueau sec, ó capricieux François, vos hardiesses seront elles sans censures, vos crimes sans peine & impunément ourdirez vous ceste toile d'estimations ciuiles? En pleine mer & sans auirons que vous ietterez hardiment vos esquifs, que vous les laisserez poulsier sur les flots par le soufflé impetueux de vos passions, & que vous ne craindrez point ni bancs ni ecueils, non pas mesmes le iusticier courroux de nostre Neptune? Le poil, & que le poil ne vous herissera point en teste, Qu'effroy, qu'horreur, que tremblement ne vous saisi ont point, lisant en Athenes ce tout horrible & tout ignominieux escriteau? *Icy furent les maisons d'Archeptolemus & d'Antiphon traistres à la Republique, & aduugees au receueur du Domaine. Qu'il ne soit loisible d'inhumer leurs corps, que leur memoire soit infame & toute leur posterité, tant legitimes que bastards.*

CLEMENT, le temps serain, le calme & la bonace de nos ames. Vertu toute douce, qui emmielles nos aigreurs, qui applanis nos passions, & qui donnes à la pitié ce que tu dois à la iustice; Gratieuse fille du ciel, le le scay, Tu as fait mettre César au calendrier des dieux, mais tu le fis cruellement assassiner en homme, & iamais Brutus n'eust esté si hardi, si César n'eust esté si clement.

SEDITION sur sedition , voulez-vous tumulte sur tumulte , & que le peuple , cest inconstant Prothee , comme la mer , se souleve au premier vent de ses passions? Vne enfileure, vne longue trainee de trahisons, voulez-vous prouigner felonnie sur felonnie, & que les rebellions acriuent sur vous à pleine vague, Faites le lan-femme, le cœur failli, & quand bien les occasions seroient en leur plus haut poinct pour vous passionnier , n'aycz ny fiel ny passion , les yeux à paupiere baissée, l'esprit foible , rauallé & impatient de peine; La complexion molle, coulante , delicate , qui s'endorme sur les iniures , toute misericordieuse, toute paisible, toute humble , pour ne pouuoir tenir ni balance , ni espee, non, ni s'esleuer sur le point de l'honneur; Car qui donne plus de courage à la malice, & qui l'affermir plus sur pieds , que quand elle n'est point releuee sur ses premiers faux-pas & choppement! Quel scandale plus grand , que lors qu'apres tant & tant de gracieux coups de la misericorde d'un Roy , on ne void iamais venir la iustice à tour de roulle: Qui enhardit plus les entreprinſes que la tolerance; Qui autorise plus le mal que l'impunité , & qui plus hardiment le fait aller au debord, que la conuenance? Le vice flatté, n'est-ce pas vn cheval sans bride, & qui pardonne aux meschans n'offense-il pas les bons , disoit Publius Mimuse?

Si fera, le ciel le sentira blessé es playes de ses Oingts. Sa fureur sera ardente, ses levres remplies d'indignation, & sa la langue comme vn feu deuorant. Il dardera ses foudres sur vos rebellions, & vous vanera au vent de vanité, Car vous estes hommes , & non pas Dieu , Vos chevaux sont chair & non pas esprit, vos desleins sont de vent,

vos forces de roseau, & neige qui se fond au moindre rayon de la iustice du ciel. Glaives pour vous occire, chiens pour vous trainer, les oyseaux de l'air & les bestes de la terre pour vous deuorer. Voyla la douce mort, les obseques & les beaux monumens que Ieremie vous promet.

A YEUX de cire, à bras croisez, & à cœur tremblant, Qu'il fust demeuré ce grand Bourbon, iadis la butte & le blanc d'un million d'ennemis, & qui examiné par toutes sortes d'afflictions, a toujours tenu les yeux ouuerts contre sa mauuaise fortune, sans nulles imaginations molles ni effeminées, & sans apprehension qui iamais l'ait fait plier vers son contraire: Luy qui de primault & sur le premier point de l'occasion, poulse, tire-avant, & comme vn torrent qui rompt sa chauffee, comme vn toudre qui sort de la nuë, s'est toujours ietté aux armes avec telle roideur & impetuosité qu'en la plus grãde presse de ses ennemis il s'est trouué sans ennemis; A yeux de cire qu'il fust demeuré à bras croisez & à cœur tremblant, tantost sur le pied droit, tantost sur le gauche, & comme le dieu des Phrygiens qui veilloit en esté, & dormoit en hyuer?

L'AVEZ-VOUS veu cest inuincible, ce HENRI en la personne duquel les François voyent aujour d'huy Alexandre, comme iadis en Alexandre les Macedoniens virent nostre HENRI? Veul'avez-vous, ce grand PRINCE, qui en la douce seuerité, & en la seuerre douceur de son visage nous presente le bouclier d'Alcibiades, où l'image d'amour tenoit vn foudre en la main? L'avez-vous veu, comme aux premiers mouuemens de ces nouveautez, il a eu l'espee à la main, aussi tost que la nouuelle à l'oreille, pour heurter

de pleine violence ceste mutinerie, & empêcher que les meschans ne fussent portez à l'audace, & les gens de bien au desespoir! Paroistre, & qui ne l'a veu comme vn rocher qui braue les ondes & les flots, comme vn grand fleuve qui sort de son riuage pour brauer la campagne; Obscurcir ces falots, ces chandelles d'estoupe aux rayons de ce grand flambeau, Emousser les desseins des seditieux, r'assembler les esprits esgarez, faire r'entrer en deuoir les plus eschauffez au remuement, & mettre bas toutes animositez, Qui ne la veu?

HERCVLES sacrifiant à Iupiter chassoit les mousches qui troubloient son sacrifice avec la fumee de quelques herbes, Cæsar opposant l'autorité de son visage, appaisa ses légions murinees, Et en la musique, dit Plutarque, vn petit coup, ou vn poulsement qui suit incontinent l'erreur & la faute la r'habille & la corrige. Mais quelle plus violente fumée, quel visage plus redoutable, quels coups mieux à propos, pour chasser non les mousches, mais le Belzebud mesmes de Castille, pour recalmer nos esmotions, & ramener toutes choses à leur point, que l'autorité de ce front assésuré, la fermeté de ce courage viril, la résolution conuenable à la Maïesté Royale de Henri, nostre grand Henri, qui comme le Lion sur le chien, comme le faucon sur le ramier, comme l'esparvier sur la caille, deuroit desormais denuer à espee nuë & bras leué sur le dos tremblant de ses ennemis.

A TOUT rompre, Quand le deuoir & le doux amour de la patrie, eult rencontré des courages de bronze & tout roidis en l'opiniastreté de leurs desbauches, Quand le particulier respect de sa Maïesté

Maïesté, la confiance de la debonnaïrerie, & la preuue de sa clemence n'eussent d'un premier coup refroidi ces ebullitions, escarté la sedition, & mis à fond ou pour le moins reculé ces nouveaux desseins de l'Espagnol: Quand le remords de conscience, qui laisse vne repentance en l'ame, comme vn ulcere en la chair, qui tousiours s'esgratigne & s'enfange elle meïmes: Quand ce non mourant soucy, ces torches & ses furies, ces gehennes, ces fleaux, & ces apprehensions horribles, qui comme mordantes tenailles tirent & deschirent les ames ulcerées & entr'ouuertes de crimes: Quand tout cela n'eust empesché qu'au peril de leur vie, & d'estre enseuelis dans vne memoire infame ces remueurs de mesnage n'eussent présenté vn seruice hardi à l'Espagnol, & par l'audace leurs felonniez forcé sa maïesté à prendre le razer pour s'ouurir l'estomach & faire vne playe funeste à son Estat: Vn Roy de France releué sur les auantages de son autorité & de sa puissance, ne pouuoit-il pas d'un seul clin d'œil euaporer la cholere des plus mutins, leur faire aualler en vn morceau la malheureuse fin de leurs entreprinse? Et comme les bergers, qui ne pouuans faire entendre vne voix articulée à leurs moutons, s'aident de sifflement de levres, ou d'un battement de main: Comme les medecins, qui hors d'esperance de guerir les fieures chaudes par emplastres, y appliquent la purgation & la saignée, Vn Roy, le Roy de la fleur de Lis, neust-il pas employé la force de son bras, contre ces effarouchez qui ne vouldroient entendre la douceur de sa voix, ni faire pli au deuoir & à l'obeissance? Et quel cœur ne fremiroit sous les coups de la colere de son Roy, & sous les orages de la iuste indi-

gnation? *Sa fureur, dit le Sage, n'est-ce pas comme le rugissement du lionceau, & celui qui le fait courroucer ne peche-il point contre son ame?*

IUDICIEUX, ce grand Prince, à y.ux perçans sur l'auenir ; & comme l'Apollon des Anciens, qu'on nommoit Theotius, & Phanæus, regardant & montrant: Qu'il ait esté iudicieux pour marquer la suite & les consequences de ces nouvelles estmotions, & comme il est plus aisé de les estouffer en semence que de les abbatre en fleur: Qu'il ait iugé que le plus souuent les guerres civiles s'ouurent & se desbordent sur vn Estat par des choses legeres, comme les grands orages & les tempestes s'engendrent d'exhalations & de vapeurs insensibles, Et que si vne fois l'estincelle du feu de sedition estoit soufflée d'un vent impetueux, on ne viendroit iamais à temps pour l'estaindre: Sedition en France comme la fieure continue en vn corps, comme la peste en vne maison, comme le feu en vn bastiment. Tout cela qu'il l'ait iugé, luy de periode en periode, & tousiours creu de sagesse comme d'aage : Et qu'il ne cognoistroit pas que c'est l'Espagnol qui donne l'esprit & le mouuement à nos rebellions, qui excite ces orages, qui donne la fiebvre chaude à cest Estat, & qu'entre les causes on impute tousiours les bons ou mauuais effets à la premiere? Espagnol, hydropique Espagnol, glouton d'Empires, affamé de Royaumes, & qui ne penseroit pas viure s'il ne tenoit son ambition en exercice contre nostre patience : Ambitieux Espagnol, qui de l'entreheur de ses couuertes attaques & de nos defences comme du fuzil & du caillou, rasche de faire sortir, non des estincelles, mais des flammes d'honneur, mettre le pied deuant, & tenir

tenir le haut-bout sur toute la Chrestienté.

Si est-il, ce Marrane, Il est de l'humeur de ceux, dont parle en l'histoire ancienne Manlius Capitolin, *Faites sonner la trompette & le tåbour à leur portes, Aussi tost ils monstrent le mouchoir blanc, & viennent à vous ventre à terre. Qu'ils vous voyent l'espee au poing, & eux quand & quand avec l'acarte blanche.* Il est du naturel du Crocodile qui suit animeusement ceux qui le fuyent, & suit laschement ceux qui le suivent. Il ne tient rien de ceste propriété du feu de la foudre, qui fait plus de coup sur les corps solides, que sur les rares & les mols ? Il ne heurte jamais vn Estat entier; Les creuassés & les divisions d'un Royaume sont ses breches; Les trahisons & les perfidies ses assauts. De pair à pair, non il ne met jamais nos Gascons & ses Castillans à la iouste. A pleine vague, Non jamais il ne nous fait la brauade que ce genereux Romain au Roy Antiochus, *Guerre ou paix, le quel veux-tu?*

A v leuain, au vieux leuain de ses ancestres, à la sappe, à la mine, à ces Maquereaux d'Estat qui raschent de mettre la France en desbauche & corrompre sa fidelité; A ces hommes de seruire, qui trottent par tout & seruent de soufflets pour allumer la sedition; Aux traistres, à ces repudiez du ciel, qui tout fraichement ont voulu faire marchâdise de Marseille, Narbonne & Beziers, si la trahison desloyalement conceüe en leurs ames, n'eut esté fidelement enfantée sur l'oreille du Roy, Et que Verdun ce iusticier Minos, & tous ces droituriers Arcopages de Thoulouze, n'eussent estant la conuration au sang infame & à jamais detestable de nos perfides dénaturez. Ainsi Philippe second resuscité, non point en la pru-

dence de son fils, mais es astuces du Duc de Lermé & de quelques hommes de sa farine, ressemble à l'Hydre qui repullule en testes, & à Pherecydes le Syrien, qui en mourât ietta de son corps vne grande quantité de serpens.

Si vous ne l'auiez, ô Espagnols, si vous n'auiez le cœur si massé & genereux, les ames si bouillantes, ny qui aillent aux coups & aux dangers à tel pas que le François; Meilleurs renards, plus fins, plus cauteleux & à nez mieux frotté de vinaigre estes vous. Car ce que vous muguettez, & faites les doux yeux à nos ames, pour desbaucher leur chasteté & adulterer nostre repos; Vos pippeuses promesses, vos lourdes pratiques, vos sous-terrains conseils, tous ourdis pour mettre la France en mouuement contre la France, & en faire vne seconde Sicile, qui impetueusement s'acharne contre soy-mesme, & tourne sa cruauté sur ses propres entrailles, Tout cela, N'est-ce pas pour auoir recogneu comme ceste puissante Monarchie du Lis est hors de la portee de vos coups, & que vous n'oseriez seulement venir aux approches, sans qu'elle mesme vous fît les tranchées, les barricades, & vous baillât le pont leuis, pour faire le moindre pas sur l'assurance de nos guerriers? Ainssi disoit Annibal, que Cartage n'auoit pas les reins assez forts pour luitter Rome, ny luy donner la moindre secousse, sans les bras de Rome.

PRUDENTE sagacité, de marquer à point & à propos, comme les humeurs corrompues qui ont si longuement causé la maladie de cet Estat, ne sont pas si bien digerées qu'il n'y ait encor quelques Esprits esgarez qui prendront l'essor sur le vent de leur ambition & de leurs

leurs vaines esperances ! Que l'Espagne diminue par l'accroissement de la France , comme en vne balance à mesure que l'un des plats monte , l'autre descend. Que ces deux Empires sont en mesme antithese & contrarieté que la nuit & le jour , le chaud & le froid , le sec & l'humide , & cômè la mer & le Nil , dont l'un flue sur le reflux de l'autre.

Où donc sa seureté , où son asyle , & que peut-il esperer , ou que ne doit-il craindre ? Nos guerres ciuiles ne se peuuent aboutir ny terminer que sur l'Espagnol , dont elles sont conceuës , & les feux de ioye de nos victoires sont les obseques & les fueraillles de sa fortune. Il tient de la nature du Cameleon , qui vit à bouche tousiours beante & tout plein de vent , pour n'auoir presque rien en tout son corps qui ne soit poulmon. Que peut-il doncques , sinon violer les reigles des Helladoniens , & des maistres qui presidoient aux ieux Olympiques , contre ceux qui malicieusement vouloyent vaincre leurs aduersaires par finesse ou par trahison ? Que peut-il que plastrer ses foiblesses , gagner la faueur de nos fureurs ciuiles , & en se seruant de nous comme de ruffiens de son ambition , & bouchers de nostre patrie , affermir ses affaires sur nos ruines. Ainsi France , ainsi , ainsi , se flestrit & se fane la fleur de Lis , ainsi s'empuantit-elle aux yeux de toute la Chrestienté. Ainsi sers-tu d'estrieu à l'Espagnol pour mettre sa fortune en selle , roy pietonne , roy crottee , & à qui il ne faut rien plus que la liuree & la mandille pour estre vn laquay , & estaffier Espagnol ; rien & du tout rien , pour estre vne femme Climacide.

B O U R B O N mon Prince , & le Prince des

du bourreau pour vouloir secouer le ioug contre Agefilaus , & ne recognoistre rien en Lacedemone au dessus de luy; Si les Romains ne firent attacher à la croix les principaux mutins de Rhege & de Capoue , fouëtter publiquement les Senateurs , & vendre les Gentils hommes , comme esclaves? Si Basile l'Empereur ne fait ereuer les yeux à quinze mil Bulgariens , en laissant l'un à leurs Capitaines , afin que les borgnes guidassent les aveugles; Si Theodose pour expier la mort d'un homme n'en fit mourir sept mille en Alexandrie? Si les rebelles de Dymothicon , qui veulent iouer à quatre pieds & faire les mauvais contre Amuraht , ne sont accouplez deux à deux , massacrez par leurs propres peres , par leurs meres & leurs plus proches parens; Ouy, & si mesmes la felonnie de vos peres & leur chastiment, n'ont esté contemporains & de mesme aage, & s'ils n'en ont porté le repentir en l'autre monde, le vous absous, & i'en'ay point de febie noire pour vos rebellions.

Ils furent trainez au gibbet, leurs maisons razees, leurs biens confisquezz, leur memoire en execration, Ils le furent honteusement ces scele rats, ces denaturez Marcus Flaccus & Lucius Saturninus, qui pensans mettre la fortune de Rome à l'enuers, renuerferent leur honneur & leur fortune, leurs vies mortellement & pour iamaïs flestries, comme dignes des fourches qu'ils eurent, & de celles qu'ils n'eurent point. Aurelian l'Empereur dit tout haut devant ses courtisans, *Qu'il ne scauroit déposer sa vie & son salut en la foy de celui qui trahissoit sa patrie*, Et qu'aussi tost il fait mener au supplice Heraclamon qui lui auoit liuré la ville de Thyane. Achille commande
sol-

à ses foldars de faire passer par l'espee Pyſidicé fil-
le du roy de Metymne, qui eſpriſe de ſon amour,
& le voulant gaigner pour mary, lui mit non plu-
ſtoſt la ville que ſon cœur entte mains; Amou-
reuſe mal fortunee, & loing de toute bonne con-
ſtellation, qui penſant non trahir ſon pere, mais
luy donner vn gendre, fiança ſa ruine, & eſpou-
ſa vne honteſe mort. Auguſte aime tant la tra-
hiſon, & deteſte les traiſtres à plus n'en pouuoir:
François à cerueau ſec, ó capricieux François, vos
hardieſſes ſeront-elles ſans cenſures, vos crimes
ſans peine & impunément ourdirez-vous ceſte
toile d'eſmotions ciuiles? En pleine mer & ſans
auirons que vous ietterez hardiment vos eſquifs,
que vous les laiſſerez pouſſer ſur les flots par le
ſouffle impetueux de vos paſſions, & que vous
ne craindrez point ni bancs ni ecueils, non pas
meſmes le iuſticier courroux de noſtre Neptu-
ne? Le poil, & que le poil ne vous heriſſera
point en reſte, Qu'effroy, qu'horreur, que trem-
blement ne vous faiſiront point, litant en Athe-
nes ce tout horrible & tout ignominieux eſcriteau?
*Icy furent les maiſons d'Archeptolemus & d'Anti-
phon traiſtres à la Republique, & adiugees au receueur
du Domaine. Qu'il ne ſoit loiſſible d'inhumer leurs corps,
que leur memoire ſoit infame & toute leur poſterité, tant
legitimes que baſtards.*

CLEMENT, le temps ſerain, le calme & la bo-
nace de nos ames, Vertu toute douce, qui em-
mieilles nos aigreurs, qui applanis nos paſſions,
& qui donnes à la pitié ce que tu dois à la iuſtice;
Gratieuſe fille du ciel, le le ſcay, Tu aſ fait mettre
Céſar au calendrier des dieux, mais tu le fis cruel-
lement aſſaſſiner en homme, & iamais Brutus n'eult
eſté ſi hardi, ſi Céſar n'eult eſté ſi clement.

SEDITION sur sedition , voulez-vous tumulte sur tumulte , & que le peuple , cest inconstant Prothee , comme la mer , se souleue au premier vent de ses passions? Vne enfileure, vne longue trainee de trahisons, voulez-vous prouigner felonnie sur felonnie, & que les rebellions acriuent sur vous à pleine vague, Faites le Ian-ferme, le cœur failli, & quand bien les occasions seroient en leur plus haut poinct pour vous passionner , n'ayez ny fiel ny passion , les yeux à paupiere baissés, l'esprit foible , rauallé & impatient de peine; La complexion molle, coulante , delicate , qui s'endorme sur les iniures , toute misericordieuse, toute paisible, toute humble, pour ne pouuoir tenir ni balance , ni espee, non, ni s'eleuer sur le point de l'honneur; Car qui donne plus de courage à la malice, & qui l'affermir plus sur pieds, que quand elle n'est point releuee sur ses premiers faux-pas & choppemens! Quel scandale plus grand , que lors qu'apres tant & tant de grancs coups de la misericorde d'un Roy , on ne voit iamais venir sa iustice à tour de roolle: Qui enhardit plus les entreprinſes que la tolerance; Qui autorise plus le mal que l'impunité , & qui plus hardiment le fait aller au debord, que la conuenance? Le vice flattré n'est-ce pas un cheval sans bride, & qui pardonne aux meschans n'offense-il pas les bons , disoit Publius Mimus?

Si fera, le ciel le sentira blessé és playes de ses Oingts. Sa fureur sera ardente, ses levres remplies d'indignation, & sa langue comme un feu deuorant. Il dardera ses foudres sur vos rebellions, & vous vanera au vent de vanité, Car vous estes hommes , & non pas Dieu , Vos cheuaux sont chair & non pas esprit, vos desseins sont de vent,

vos forces de roseau, & neige qui se fond au moindre rayon de la iustice du ciel. Glaines pour vous occire, chiens pour vous trainer, les oyseaux de l'air & les bestes de la terre pour vous deuorer. Voyla la douce mort, les obseques & les beaux monumens que Ieremie vous promet.

A YEUX de cire, à bras croisez, & à cœur tremblant, Qu'il fust demeuré ce grand Bourbon, iadis la butte & le blanc d'un million d'ennemis, & qui examiné par toutes sortes d'afflictions, a toujours tenu les yeux ouuerts contre sa mauuaise fortune, sans nulles imaginations molles ni effeminees, & sans apprehension qui iamais l'ait fait plier vers son contraire: Luy qui de prim sault & sur le premier point de l'occasion, pousse, tire-avant, & comme vn torrent qui rompt sa chauffee, comme vn foudre qui sort de la nuë, s'est toujours ietté aux armes avec telle roideur & impetuosité qu'en la plus grãde presse de ses ennemis il s'est trouué sans ennemis; A yeux de cire qu'il fust demeuré à bras croisez & à cœur tremblant, tantost sur le pied droit, tantost sur le gauche, & comme le dieu des Phrygiens qui veilloit en esté, & dormoit en hyuer?

L'AVEZ-VOUS veu cest inuincible, ce HENRI en la personne duquel les François voyent aujour d'huy Alexandre, comme iadis en Alexandre les Macedoniens virent nostre HENRI? Veul'avez-vous, ce grand PRINCE, qui en la douce seuerité, & en la seueredouceur de son visage nous represente le bouclier d'Alcibiades, où l'image d'amour tenoit vn foudre en la main? L'avez-vous veu, comme aux premiers mouuemens de ces nouveutez, il a eu l'espée à la main, aussi tost que la nouuelle à l'oreille, pour heurter

de pleine violence ceste mutinerie, & empeschet que les meschans ne fussent portez à l'audace, & les gens de bien au desespoir. Paroistre, & qui ne l'a veu comme vn rocher qui braue les ondes & les flots, comme vn grand fleuve qui sort de son riuage pour brauer la campagne; Obscurcir ces falots, ces chandelles d'estoupe aux rayons de ce grand flambeau, Emousser les desseins des seditieux; r'assembler les esprits esgarez, faire r'entrer en deuoir les plus eschauffez au remuement, & mettre bas toutes animositez, Qui ne la veu?

HERCVLES sacrifiant à Iupiter chassoit les mousches qui troubloient son sacrifice avec la fumee de quelques herbes, Cæsar opposant l'autorité de son visage, appaisa ses legions mutinees, Et en la musique, dit Plutarque, vn petit coup, ou vn poulsement qui suit incontinent l'erreur & la faute la r'habille & la corrige. Mais quelle plus violente fumee, quel visage plus redoutable, quels coups mieux à propos, pour chasser non les mousches, mais le Belzebud mesmes de Castille, pour recalmer nos esmotions, & ramener toutes choses à leur point, que l'autorité de ce front affermé, la fermeté de ce courage viril, la resolution conuenable à la Maiesié Royale de Henri, nostre grand Henri, qui comme le Lion sur le chien, comme le faucon sur le ramier, comme l'esparuier sur la caille, deuroit desormais denreuer à espee nuë & bras leué sur le dos tremblant de ses ennemis.

A T O U T rompre, Quand le deuoir & le doux amour de la patrie, eult rencontré des courages de bronze & tout roidis en l'opiniaistreté de leurs desbauches, Quand le particulier respect de sa Maiesié

Maieſté, la confiance de la debonnaireté, & la preuve de ſa clemence n'euffent d'un premier coup refroidi ces ebullitions, eſcarté la ſedition, & mis à fond ou pour le moins reculé ces nouveaux deſſeins de l'Eſpagnol: Quand le remords de conſcience, qui laiſſe vne repentance en l'ame, comme vn vlcere en la chair, qui toujours s'eſgratigne & s'enſanglante elle memes: Quand ce non mourant ſoucy, ces torches & ſes tories, ces gehennes, ces fleaux, & ces apprehenſions horribles, qui comme mordantes renailles tirent & deſchirent les ames vlcerées & entr'ouuertes de crimes: Quand tout cela n'eust empesché qu'au peril de leur vie, & d'estre enſeuvelis dans vne memoire infame ces remueurs de meſnage n'euffent preſenté vn ſervice hardi à l'Eſpagnol, & par l'audace leurs felonnies forcé ſa maiéſté à prendre le razer pour s'ouurir l'eſtomach & faire vne playe funeſte à ſon Eſtat: Vn Roy de France releué ſur les auantages de ſon autorité & de ſa puiffance; ne pouuoit-il pas d'un ſeul clin d'œil euaporer la cholere des plus mutins, leur faire aualler en vn morceau la malheureuſe fin de leurs entreprinſes? Et comme les bergers, qui ne pouuans faire entendre vne voix articulée à leurs moutons, s'aident de ſifflement de levres, ou d'un battement de main: Comme les medecins, qui hors d'eſperance de guerir les fieures chaudes par emplaftrés, y appliquent la purgation & la ſaignee, Vn Roy, le Roy de la fleur de Lis, neust-il pas employé la force de ſon bras, contre ces effarouchez qui ne voudroient entendre la douceur de ſa voix, ni faire pli au deuoir & à l'obeiſſance? Et quel cœur ne fremiroit ſous les coups de la colere de ſon Roy, & ſous les orages de la iuſte indi-

gnation? *Sa fureur, dit le Sage, n'est-ce pas comme le rugissement du lionceau, & celui qui le fait courroucer ne peche-il point contre son ame?*

IUDICIEUX, ce grand Prince, à y. ux perçans sur l'auenir ; & comme l'Apollon des Anciens, qu'on nommoit Theonius, & Phanæus, regardant & montrant: Qu'il ait esté iudicieux pour marquer la suite & les consequences de ces nouvelles esmotions, & comme il est plus aisé de les estouffer en semence que de les abbatre en fleur: Qu'il ait iugé que le plus souuent les guerres ciuiles s'ouurent & se desbordent sur vn Estat par des choses legeres , comme les grands orages & les tempestes s'engendrent d'exhalations & de vapeurs insensibles, Et que si vne fois l'estincelle du feu de sedition estoit soufflée d'un vent impetueux, on ne viendroit iamais à temps pour l'estaindre: Sedition en France comme la fieure continue en vn corps, comme la peste en vne maison , comme le feu en vn bastiment. Tout cela qu'il l'ait iugé, luy de periode en periode, & tousiours creu de sagesse comme d'aage : Et qu'il ne cognoistroit pas que c'est l'Espagnol qui donne l'esprit & le mouuement à nos rebellions , qui excite ces orages, qui donne la fiebvre chaude à cest Estat, & qu'entre les causes on impute tousiours les bons ou mauuais effectz à la premiere? Espagnol, hydropique Espagnol, glouton d'Empires, affamé de Royaumes, & qui ne penseroit pas viure s'il ne tenoit son ambition en exercice contre nostre patience : Ambitieux Espagnol, qui de l'entreheur de ses couuertes attaques & de nos defences comme du fuzil & du caillou , tasche de faire sortir , non des estincelles, mais des flammes d'honneur, mettre le pied deuant, & tenir

tenir le haut-bout sur toute la Chrestienté.

Si est-il, ce Marrane , Il est de l'humeur de ceux, dont parle en l'histoire ancienne Manlius Capitolin, *Faites sonner la trompette & le tåbour à leur portes, Aussi tost ils monstrent le mouchoir blanc, & viennent à vous ventre à terre. Qu'ils vous voyent l'espee au poing, & eux quand & quand avec l'acarte blanche.* Il est du naturel du Crocodile qui suit animeusement ceux qui le fuyent, & suit laschement ceux qui le suivent. Il ne tient rien de ceste propriété du feu de la foudre, qui fait plus de coup sur les corps solides, que sur les rares & les mols ? Il ne heurte jamais vn Estat entier; Les creuassés & les divisions d'un Royaume sont ses breches; Les trahisons & les perfidies ses assauts. De pair à pair, non il ne met jamais nos Gascons & ses Castillans à la iouste. A pleine vague , Non jamais il ne nous fait la brauade que ce genereux Romain au Roy Antiochus , *Guerre ou paix, lequel veux-tu?*

A v leuain, au vieux leuain de ses ancestres, à la sappe, à la mine, à ces Maquerceaux d'Estat qui taschent de mettre la France en desbauche & corrompre sa fidelité; A ces hommes de seruite, qui trottent par tout & seruent de soufflets pour allumer la sedition; Aux traistres, à ces repudiez du ciel, qui tout fraichement ont voulu faire marchâdise de Marseille, Narbonne & Beziers, si la trahison desloyalement conceüe en leurs ames, n'eut esté fidelement enfantée sur l'oreille du Roy, Et que Verdun ce iusticier Minos, & tous ces droituriers Arcopages de Thoulouze, n'eussent estainct la coniuration au sang infame & à jamais detestable de nos perfides denaturez. Ainsi Philippe second resuscité, non point en la pra-

dence de son fils, mais es astuces du Duc de Lermé & de quelques hommes de sa farine, ressemble à l'Hydre qui repullule en testes, & à Pherecydes le Syrien, qui en mourant ietta de son corps vne grande quantité de serpens.

Si vous ne l'avez, ô Espagnols, si vous n'avez le cœur si massif & genereux, les ames si bouillantes, ny qui aillent aux coups & aux dangers à tel pas que le François; Meilleurs renards, plus fins, plus cauteleux & à nez mieux frotté de vinaigre estes vous. Car ce que vous muguetiez, & faites les doux yeux à nos ames, pour desbaucher leur chasteté & adulterer nostre repos; Vos pippeuses promesses, vos lourdes pratiques, vos sous-terrains conseils, tous ourdis pour mettre la France en mouuement contre la France, & en faire vne seconde Sicile, qui impetueusement s'acharne contre soy-mesme, & tourne sa cruauté sur ses propres entrailles, Tout cela, N'est-ce pas pour auoir recogneu comme ceste puissante Monarchie du Lis est hors de la portee de vos coups, & que vous n'oseriez seulement venir aux approches, sans qu'elle mesme vous fît les tranches, les barricades, & vous baillast le pont leuis, pour faire le moindre pas sur l'assurance de nos guerriers? Ainsi disoit Annibal, que Cartage n'auoit pas les reins assez forts pour luitter Rome, ny luy donner la moindre secousse, sans les bras de Rome.

PRUDENTE sagacité, de marquer à point & à propos, comme les humeurs corrompues qui ont si longuement causé la maladie de cet Estat, ne sont pas si bien digerees, qu'il n'y ait encor quelques Esprits esgarez qui prendront l'essor sur le vent de leur ambition & de leurs

leurs vaines esperances ! Que l'Espagne diminue par l'accroissement de la France , comme en vne balance à mesure que l'un des plats monte ; l'autre descend. Que ces deux Empires sont en mesme antithese & contrarieté que la nuit & le jour , le chaud & le froid , le sec & l'humide , & côme la mer & le Nil , dont l'un flue sur le reflux de l'autre.

Où donc sa seureté , où son asyle , & que peut-il esperer , ou que ne doit-il craindre ? Nos guerres ciuiles ne se peuuent aboutir ny terminer que sur l'Espagnol , dont elles sont conceuës , & les feux de ioye de nos victoires sont les obseques & les fueraillles de sa fortune. Il tient de la nature du Cameleon , qui vit à bouche tousiours beante & tout plein de vent , pour n'auoir presque rien en tout son corps qui ne soit poulmon. Que peut-il doncques , sinon violer les reigles des Helladoniens , & des maistres qui presidoient aux jeux Olympiques , contre ceux qui malicieusement vouloyent vaincre leurs aduersaires par finesse ou par trahison ? Que peut-il que plastrer ses foibleesses , gagner la faveur de nos fureurs ciuiles , & en se seruant de nous comme de ruffiens de son ambition , & bouchers de nostre patrie , affermir ses affaires sur nos ruines. Ainsi France , ainsi , ainsi , se flestrit & se fane la fleur de-Lis , ainsi s'empuantit-elle aux yeux de toute la Chrestienté. Ainsi sers-tu d'estrieu à l'Espagnol pour mettre sa fortune en selle , toy pietonne , toy crottee , & à qui il ne faut rien plus que la liuree & la mandille pour estre vn laquay , & estaffier Espagnol ; rien & du tout rien , pour estre vne femme Climacide.

B O V R B O N mon Prince , & le Prince des

du bourreau pour vouloir secouer le ioug contre Agefilaus , & ne recognoistre rien en Lacedemone au dessus de luy; Si les Romains ne firent attacher à la croix les principaux mutins de Rhege & de Capoue , fouëtter publiquement les Senateurs , & vendre les Gentils hommes , comme esclaves? Si Basile l'Empereur ne fait creuer les yeux à quinze mil Bulgariens , en laissant l'un à leurs Capitaines, afin que les borgnes guidassent les aveugles; Si Theodose pour expier la mort d'un homme n'en fit mourir sept mille en Alexandrie? Si les rebelles de Dymothicon , qui veulent iouer à quatre pieds & faire les mauvais contre Amuraht , ne sont accouplez deux à deux , massacrez par leurs propres peres , par leurs meres & leurs plus proches parens; Ouy, & si mesmes la felonnie de vos peres & leur chastiment, n'ont esté contemporains & de mesme aage, & s'ils n'en ont porté le repentir en l'autre monde, le vous absous, & ien'ay point de feбие noire pour vos rebellions.

Ils furent traînez au gibbet, leurs maisons razées, leurs biens confisquez, leur memoire en execration, Ils le furent honteusement ces scelerats, ces denaturez Marcus Flaccus & Lucius Saturninus, qui pensans mettre la fortune de Rome à l'enuers, renuerferent leur honneur & leur fortune, leurs vies mortellement & pour iamaïs flestries, comme dignes des fourches qu'ils eurent, & de celles qu'ils n'eurent point. Aurelian l'Empereur dit tout haut devant ses courtisans, *Qu'il ne scauroit déposer sa vie & son salut en la foy de celui qui trahissoit sa patrie*, Et qu'aussi tost il fait mener au supplice Heraclamon qui lui auoit liuré la ville de Thyane. Achille commande.

sol-

à ses soldats de faire passer par l'espee Pygdicé fille du roy de Metymne, qui esprise de son amour, & le voulant gagner pour mary, lui mit non plus tost la ville que son cœur entre mains; Amoureuse mal fortunée, & loing de toute bonne constellation, qui pensant non trahir son pere, mais luy donner vn gendre, fiança sa ruine, & espousa vne honteuse mort. Auguste aime tant la trahison, & deteste les traistres à plus n'en pouoir: François à cerueau sec, ó capricieux François, vos hardiesses seront elles sans censures, vos crimes sans peine & impunément ourdirez-vous ceste toile d'elmotions ciuiles? En pleine mer & sans auirons que vous ietterez hardiment vos esquifs, que vous les laisserez poulser sur les flots par le soufflé impetueux de vos passions, & que vous ne craindrez point ni bancs ni ecueils, non pas mesmes le iusticier courroux de nostre Neptune? Le poil, & que le poil ne vous herissera point en telle, Qu'effroy, qu'horreur, que tremblement ne vous saisiront point, lisant en Athenes ce tout horrible & tout ignominieux escriteau? *Icy furent les maisons d'Archeptolemus & d'Antiphon traistres à la Republique, & adiugez au receueur du Domaine. Qu'il ne soit loisible d'inhumer leurs corps, que leur memoire soit infame & toute leur posterité, tant legitimes que bastards.*

CLEMENT, le temps serain, le calme & la bonace de nos ames, Vertu toute douce, qui emmiecilles nos aigreurs, qui applanis nos passions, & qui donnes à la pitié ce que tu dois à la iustice; Gracieuse fille du ciel, le le scay, Tu as fait mettre Cesar au calendrier des dieux, mais tu le fis cruellement assassiner en homme, & iamais Brutus n'eust esté si hardi, si Cesar n'eust esté si clement.

SEDITION sur sedition , voulez-vous tumulte sur tumulte , & que le peuple , cest inconstant Prothee , comme la mer , se soulleve au premier vent de ses passions? Vne enfileure, vne longue trainee de trahisons, voulez-vous prouigner felonnie sur felonnie, & que les rebellions arrivent sur vous à pleine vague, Faites le Jan-ferme, le cœur failli, & quand bien les occasions seroient en leur plus haut poinct pour vous passionner , n'aycz ny fiel ny passion , les yeux à paupiere baissée, l'esprit foible , rauallé & impatient de peine; La complexion molle, coulante ; delicate , qui s'endorme sur les injures , toute misericordieuse, toute paisible, toute humble , pour ne pouvoir tenir ni balance , ni espee, non, ni s'eleuer sur le point de l'honneur; Car qui donne plus de courage à la malice, & qui l'affermir plus sur pieds , que quand elle n'est point releuee sur ses premiers faux-pas & choppemens! Quel scandale plus grand , que lors qu'aprestant & tant de gracieux coups de la misericorde d'un Roy , on ne voit jamais venir sa iustice à tour de rouelle: Qui enhardit plus les entreprinſes que la tolerance; Qui autorise plus le mal que l'impunité , & qui plus hardiment le fait aller au debord, que la connivence? Le vice flatté, n'est-ce pas un cheval sans bride, & qui pardonne aux mechans n'offense-il pas les bons , disoit Publius Minus?

Si fera, le ciel se sentira blessé és playes de ses Oingts. Sa fureur sera ardente, ses levres remplies d'indignation, & sa langue comme un feu devorant. Il dardera ses foudres sur vos rebellions, & vous vanera au vent de vanité , Car vous estes hommes , & non pas Dieu , Vos chevaux sont chair & non pas esprit , vos desseins sont de vent ,

vos forces de roseau, & neige qui se fond au moindre rayon de la iustice du ciel. Glaives pour vous occire, chiens pour vous trainer, les oyseaux de l'air & les bestes de la terre pour vous deuorer. Voyla la douce mort, les obseques & les beaux monumens que Ieremie vous promet.

A YEUX de cire, à bras croisez, & à cœur tremblant, Qu'il fust demeuré ce grand Bourbon, iadis la butte & le blanc d'un million d'ennemis, & qui examiné par toutes sortes d'afflictions, a toujours tenu les yeux ouuerts contre sa mauuaise fortune, sans nulles imaginations molles ni effeminees, & sans apprehension qui iamais l'ait fait plier vers son contraire: Luy qui de primault & sur le premier point de l'occasion, poulse, tire-avant, & comme vn torrent qui rompt sa chauffee, comme vn foudre qui sort de la nuë, s'est toujours ietté aux armes avec telle roideur & impetuosité qu'en la plus grãde presse de ses ennemis il s'est trouué sans ennemis; A yeux de cire qu'il fust demeuré à bras croisez & à cœur tremblant, tantost sur le pied droit, tantost sur le gauche, & comme le dieu des Phrygiens qui veilloit en esté, & dormoit en hyuer?

L'AVEZ-VOUS veu cest invincible, ce HENRI en la personne duquel les François voyent aujour d'huy Alexandre, comme iadis en Alexandre les Macedoniens virent nostre HENRI? Veul'avez-vous, ce grand PRINCE, qui en la douce seuerité, & en la seueredouceur de son visage nous represente le bouclier d'Alcibiades, où l'image d'amour tenoit vn foudre en la main? L'avez-vous veu, comme aux premiers mouuemens de ces nouveautez, il a eu l'espee à la main, aussi tost que la nouuelle à l'oreille, pour heurter

de pleine violence ceste mutinerie, & empeschet que les meschans ne fussent portez à l'audace, & les gens de bien au desespoir. Paroistre, & qui ne l'a veu comme vn rocher qui braue les ondes & les flots, comme vn grand fleuve qui sort de son riuage pour brauer la campagne; Obscurcir ces falots, ces chandelles d'estoupe aux rayons de ce grand flambeau, Emousser les desseins des seditieux; r'assembler les esprits esgaréz, faire r'entrer en deuoir les plus eschauffez au remuement, & mettre bas toutes animositez, Qui ne la veu?

HERCVLES sacrifiant à Iupiter chassoit les mousches qui troubloient son sacrifice avec la fumee de quelques herbes, Cæsar opposant l'autorité de son visage, appaisa ses legions mutinees, Et en la musique, dit Plutarque, vn petit coup, ou vn poulsement qui suit incontinent l'erreur & la faute la r'habille & la corrige. Mais quelle plus violence fumee, quel visage plus redoutable, quels coups mieux à propos, pour chasser non les mousches, mais le Belzebud mesmes de Castille, pour recalmer nos esmotions, & ramener toutes choses à leur point, que l'autorité de ce front assésuré, la fermeté de ce courage viril, la resolution conuenable à la Maiesté Royale de Henri, nostre grand Henri, qui comme le Lion sur le chien, comme le faucon sur le ramier, comme l'esparsuter sur la caille, deuroit desormais demeurer à espee nuë & bras leué sur le dos tremblant de ses ennemis.

A T O U T rompre, Quand le deuoir & le doux amour de la patrie, eult rencontré des courages de bronze & tout roidis en l'opiniastreté de leurs desbauches; Quand le particulier respect de sa Maiesté

Maïesté, la confiance de la debonnaïreré, & la preuue de sa clemence n'eussent d'un premier coup refroidi ces ebullitions, escarté la sedition, & mis à fond ou pour le moins reculé ces nouveaux desseins de l'Espagnol: Quand le remords de conscience, qui laisse vne repentance en l'ame, comme vn ulcere en la chair, qui tousiours s'esgratigne & s'enfange elle meïmes: Quand ce non mourant soucy, ces torches & ses tories, ces gehennes, ces fleaux, & ces apprehensions horribles, qui comme mordantes renailles tirent & deschirent les ames ulcerées & entr'ouuertes de crimes: Quand tout cela n'eust empesché qu'au peril de leur vie, & d'estre ensevelis dans vne memoire infame ces remueurs de mesnage n'eussent présenté vn seruicé hardi à l'Espagnol, & par l'audace leurs felonniez forcé sa maïesté à prendre le razer pour s'ouurir l'estomach & faire vne playe funeste à son Estat: Vn Roy de France releué sur les auantages de son autorité & de sa puissance, ne pouuoit-il pas d'un seul clin d'œil euaporer la cholere des plus mutins, leur faire aualler en vn morceau la malheureuse fin de leurs entreprinſes? Et comme les bergers, qui ne pouuans faire entendre vne voix articulée à leurs moutons, s'aident de sifflement de levres, ou d'un battement de main: Comme les medecins, qui hors d'esperance de guerir les fieures chaudes par emplastres, y appliquent la purgation & la saignée, Vn Roy, le Roy de la fleur de Lis, neust-il pas employé la force de son bras, contre ces effarouchez qui ne voudroient entendre la douceur de sa voix, ni faire pli au deuoir & à l'obeïssance? Et quel cœur ne fremiroit sous les coups de la cole-re de son Roy, & sous les orages de la iuste indi-

gnation? *Sa fureur, dit le Sage, n'est-ce pas comme le rugissement du lionceau, & celui qui le fait courroucer ne peche-il point contre son ame?*

JUDICIEUX, ce grand Prince, à yeux perçans sur l'auenir ; & comme l'Apollon des Anciens, qu'on nommoit Theotius. & Phanæus, regardant & montrant: Qu'il ait esté judicieux pour marquer la suite & les consequences de ces nouvelles esmotions, & comme il est plus aisé de les estouffer en semence que de les abbatre en fleur: Qu'il ait iugé que le plus souuent les guerres ciuiles s'ouurent & se desbordent sur vn Estat par des choses legeres , comme les grands orages & les tempestes s'engendrent d'exhalations & de vapeurs insensibles, Et que si vne fois l'estincelle du feu de sedition estoit soufflée d'un vent impetueux, on ne viendroit iamais à temps pour l'estaindre: Sedition en France comme la fièvre continue en vn corps, comme la peste en vne maison , comme le feu en vn bastiment. Tout cela qu'il l'ait iugé, luy de periode en 'periode, & tousiours creu de sagesse comme d'aage : Et qu'il ne cognoistroit pas que c'est l'Espagnol qui donne l'esprit & le mouuement à nos rebellions , qui excite ces orages, qui donne la fièvre chaude à cest Estat, & qu'entre les causes on impute tousiours les bons ou mauuais effects à la premiere? Espagnol, hydropique Espagnol, glouton d'Empires, affamé de Royaumes, & qui ne penseroit pas viure s'il ne tenoit son ambition en exercice contre nostre patience : Ambitieux Espagnol, qui de l'entreheur de ses couuertes attaques & de nos defences comme du fuzil & du caillou , tâche de faire sortir , non des estincelles , mais les flammes d'honneur, mettre le pied deuant, &

tenir le haut-bout sur toute la Chrestienté.

Si est-il, ce Marrane, Il est de l'humeur de ceux, dont parle en l'histoire ancienne Manlius Capitolin, *Faites sonner la trompette & le tåbour à leur portes, Aussi tost ils monstrent le mouchoir blanc, & viennent à vous ventre à terre. Qu'ils vous voyent l'espee au poing, & eux quand & quand avec l'acarte blanche.* Il est du naturel du Crocodile qui suit animeusement ceux qui le fuyent, & fuit laschement ceux qui le suivent. Il ne tient rien de ceste propriété du feu de la foudre, qui fait plus de coup sur les corps solides, que sur les rares & les mols ? Il ne heurte jamais vn Estar entier; Les creuassés & les divisions d'un Royaume sont ses breches; Les trahisons & les perfidies ses assauts. De pair à pair, non il ne met jamais nos Gascons & ses Castillans à la iouste. A pleine vague, Non jamais il ne nous fait la brauade que ce genereux Romain au Roy Antiochus, *Guerre ou paix, lequel veux-tu?*

A v leuain, au vieux leuain de ses ancestres, à la sappe, à la mine, à ces Maquereaux d'Estat, qui taschent de mettre la France en desbauche & corrompre sa fidelité; A ces hommes de seruite, qui trottent par tout & seruent de soufflets pour allumer la sedition; Aux traistres, à ces repudiez du ciel, qui tout fraichement ont voulu faire marchandise de Marseille, Narbonne & Beziers, si la trahison desloyalement conceüe en leurs ames, n'eut esté fidelement enfantée sur l'oreille du Roy, Et que Verdun ce iusticier Minos, & tous ces droituriers Arcopages de Thoulouze, n'eussent estainct la coniuuration au sang infame & à jamais detestable de nos perfides denaturez. Ainsi Philippe second resuscité, non point en la pru-

leurs vaines esperances ! Que l'Espagne diminue par l'accroissement de la France , comme en vne balance à mesure que l'un des plats monte , l'autre descend. Que ces deux Empires sont en mesme antithese & contrarieté que la nuit & le jour , le chaud & le froid , le sec & l'humide , & cômè la mer & le Nil , dont l'un flue sur le reflux de l'autre.

Où donc sa seurété, où son asyle, & que peut-il esperer , ou que ne doit-il craindre ? Nos guerres ciuiles ne se peuvent aboutir ny terminer que sur l'Espagnol, dont elles sont conceuës , & les feux de ioye de nos victoires sont les obseques & les fueraillles de sa fortune. Il tient de la nature du Cameleon , qui vit à bouché tousiours beante & tout plein de vent , pour n'auoir presque rien en tout son corps qui ne soit poulmon. Que peut-il doncques, sinon violer les reigles des Helladoniens, & des maistres qui presidoient aux ieux Olympiques, contre ceux qui malicieusement vouloyent vaincre leurs aduersaires par finesse ou par trahison ? Que peut-il que plastrer ses foiblesses , gagner la faveur de nos fureurs ciuiles, & en se servant de nous comme de rustiens de son ambition , & bouchers de nostre patrie , affermir ses affaires sur nos ruines. Ainsi France , ainsi , ainsi , se flestrit & se fane la fleur de Lis , ainsi s'empuantit-elle aux yeux de toute la Chrestienté. Ainsi sers-tu d'estrieu à l'Espagnol pour mettre sa fortune en selle , toy pietonne , toy crottee , & à qui il ne faut rien plus que la liuree & la mandille pour estre vn laquay , & estaffier Espagnol ; rien & du tout rien , pour estre vne femme Climacide.

B O V R B O N mon Prince , & le Prince de

plus braues Roys , *Où estes vous, mon invincible?*
 Vous qui arriué au throne de la Mâiesté Royale;
 non par vn hennissement de cheval comme Darius;
 non par le vol d'un Aigle, comme Ægon en
 la ville d'Argos; non par vn rapport incertain ,
 comme Alynomus en l'Isle de Plaphos, mais à
 trauers le feu & les flammes, travaux, dan-
 gers, attaques, rencontres, escarmouches, ba-
 railles, couuert de sang, de poudre & de sueur, &
 comme Iepthé qui chassé par ses freres est or-
 donné chef en Israël, comme Ioseph qui perse-
 cuté par son propre sang triomphe en Egypte;
 comme Moysé qui exposé à la fureur des ondes
 deuient colonnel d'une armee sans nombre
 comme les ondes , *Mon invincible, où estes vous?*

V o u s, nostre Saint Tutelaire, vous nostre
 Eutyme, qui au trenchant de l'espee auez chassé
 le mauuais Genie de nos autels; Vous nostre A-
 pollon, qui tousiours depuis le berceau estes aux
 princes & aux mains contre ces monstres que
 l'Espagne produit parminous, tenez la France
 en garde, & sous le couuert de vos armes, com-
 me vostre Isle sacree, *Où estes-vous mon invinci-
 ble?*

V o u s à qui les Anges ont fait escorte , &
 qui sur la presse plus violente des afflictions ont
 émoussé les coups de vos ennemis, ainsi qu'on dit
 que Pallas destournoit les traits des Troyens, &
 les faisoit donner sur le plus fort des armes de
 Menelaus, *Vous le favori du ciel, mon invincible, où e-
 tes-vous?*

V o u s qui auourd'hui enuironné de tant de
 prosperitez; Les Suisses attachez à ceste couron-
 né d'une gluante amitié, & à l'effueil de vostre
 por-

te, à vn pied de chez vous : Le Florentin obligé par alliance ; Les Venitiens en iuste ialousie du voisinage de Naples & de Milan ; Les Geneuois sur l'ouy & sur le non ; Tant de bons confederrez, tant de seruiteurs, tant de millions de suieſts à la main, qui ne se conrenteront pas seulement de participer à vos esperances, ainsi que Perdicas à celle d'Alexandre, mais qui volontiers contribueront leurs vies & leurs moyes au service de vostre Maieſté, comme Lelius ce Centenier qui offroit de mettre le feu au Capitole & d'assembler les Elemens pour le service de Cæsar, *Vous, mon inuincible, vous le bien fortuné & le mignon du monde, Où estes vous?*

A P A R T tous Salmonces, A part les foudres de ce formidable Arcenal, suffisant pour battre & canonner tout le monde: Que vos finances comme à Rome depuis la mort de Sylla, soient espuisées iusqu'au fond, iusqu'à la lie, & que vostre Rosny, ce rare homme entre les plus rares, vostre & non tant vostre que le confident de toute la France, Qu'il ne les ait point si soigneusement recueillies, non si sagement employées, non si frugalement reseruees? Ha! quels foudres plus terribles voulez-vous, que la iustice de vos armes? Quels plus redoutables Canons pour tonner, & estonner vos ennemis, que la bienveillance de tant d'amis, tant & tant s'il y a ettoilles au ciel; Tant & tant si ondes en la mer; tant & plus, si le plus se peut estendre? Et si à la construction du Tabernacle du temple de Ierusalem, celuy qui auoit or, apportoit or, argent qui argent, cuiure qui cuiure, ferons-nous les chiches & les auares de nos biens, puis que liberaux & prodigues de nos vies, Et mesurerons-nous nos

offrandes à ce pied mécanique de Lycurgus, qui vouloit qu'on fît aux dieux des sacrifices de peu de valeur ? *Où estes vous donc, mon invincible, le tant aimé & le tant chery de nostre France, où estes-vous ?*

Les longues calamitez, qui couvent pour vn temps vn feu dans les ames des affligez, esclancent en fin les peuples à l'impatience & au desespoir, & leur font hardiment embrasser les occasions pour s'en deliurer & se mettre en repos. Nauarrois, Et que sont-ce que peuples à telle raze, sans bonnet & sans liberté ? Nauarrois, Et que sont-ce que pauvres victimes destinees en sacrifice à la cruauté non iamais saoule, non iamais rassasiee des Castillans ? Ils vivent, mais n'est-ce pas pour ne les oser du tout ruiner, comme les Romains ne voulurent point que Paulus Aemilius ayant battu les Liguriens leur perdît ceste nation à plat, d'autant qu'elle estoit comme vn rampart contre le mouvement des Gaulois ? Peuple mal fortuné, Et que tousiours il fera bouchier de patience ? Qu'il tournera le poison en nourriture, comme Mithridates, ses miseres en habitude, les afflictions en viande & en breuvage ordinaire ? Non fera, Il ne fera point le lethargique, Il ouvrira les yeux à son bien, & sur le montant de vos prosperitez, au luisant de vostre bonne fortune, Il fera comme les cheures de Candie qui à l'instant que l'estoille Caniculaire se leve sur leur Horizon tournent toutes deuers l'Orient. *Vous doncques le Roy si longuement attendu, vous le Saint tant reclamé des Nauarrois, où estes-vous, mon invincible ?*

Les Aetoles & les Arcades eurent de lon-

gues & de sanglantes inimitiez pour la hure d'un sanglier; Ceux de Carthage & de Bifaque pour le fust d'un brigantin: La guerre sacree qui ruina de tout point les Phocéens, n'auoit autre fuit que le mariage d'une heritiere, Et nostre grand Roy François, se ietta à la barbe de l'Empereur Charles, pour auoir offensé l'honneur de ceste couronne en ses Ambassadeurs: Pour un Royaume, & des plus nobles de la Chrestienté: Pour un Royaume & le patrimoine plus precieux de nos ayeuls: Pour un Royaume le bouleuart & le parapet de la France: Pour un royaume, & le bastion pour canonner la Castille: Royaume, & pour un Royaume, la Beauce & la Sicile de nos ennemis, Le diray-je? Nenny, non, par-ce qu'on ne le veut pas. Crieray-je? Et pourquoy, si le monde fait le sourd? Soupireray-je? Mais quel profit, si la pitié & la misericorde sont hors de regne? Demanderay ie secours? Ouy, si Sagunte peut euter sa ruine deuant qu'on se resoluë à Rome pour son secours.

I e ne veux, Non ie ne veux plus vous monstrier la Nauarre, vostre maison, la maison de vos ancestres, les Temples, les Autels de vos dieux domestiques, Vostre peuple, vostre bon peuple: Maison, & pourquoy, si c'est un lieu de larmes éternelles, de soupirs immortels; trop affreux pour cemitiere; trop triste, trop hideux pour prison, horrible & trop pour punir cent Promethees, Peuple, & pourquoy, si ce ne sont plus que pauvres esclaves, mis au nerf; aux ceps, à la cadene, attachez à une seruitude miserable, à une prison d'esprit & de corps, sustantez du pain de tribulation & d'angoisse, qui vous troubleroient l'ouye de leurs lamentations, & le

cœur de leurs plaintes. Maison desolée, peuple infortuné, Qu'esperez, ou que desesperez vous, quand l'histoire employe ses plus beaux traits à l'honneur d'Aristote pour auoir fait reedifier la ville de sa naissance, & quelle poulse iusqu'au ciel la generosité d'Aratus & de Timoleon, pour auoir ruiné les tyrans de leur patrie.

VNE femme Laconienne tuant son fils pour auoir abandonné son rang, *Cen'est point ma geniture, dit-elle, il est indigne de son pays.* L'espée & le poignard, Defendons-nous, car quel plus rude assaut peut-on donner sur nostre honneur, de nous qui n'abandonnons pas seulement nostre rang, mais nostre sang, nos freres, nos patriotes, à qui nous deuons nos plus viues & plus ardentes affections : La royauté perd sa grace & sa couleur, quand tournant le dos au deuoir, elle regarde ses sujets de loin, & n'en approche son autorité & sa puissance, comme vne eau de vie, & vn restaurant de leurs infirmités. Et quand nous voyons que nos peres, nos ayeuls, ont roidi nerfs & veines pour porter par terre la tyrannie, & mettre la Nauarre aux franches coudées, N'aurons-nous point le mesme remords, la mesme apprehension que le Philosophe Stilpon ; lors qu'une nuit en songeant il luy fut aduis que Neprune se courrouçoit à luy pour ne luy auoir sacrifié vn bœuf, comme les prestres ses predecesseurs auoient accoustumé.

ON demandoit vn iour à Pyrrhus, quel à son aduis estoit le meilleur iouëur de flustes, Pithon ou Ceriphus ; *Polyperchon*, dit-il, *est le meilleur Capitaine.* Qu'est cecy, folie ou brutalité ; On demande des violons, & on presente des tambours ; On veut des festins, & on fait sonner la

la trompette pour la charge. Et qu'est ceci, Attestations certes que nos affections sont diuerses comme nos vocations. Le marchand de sa boutique, le marinier de ses navigations, & le berger ne parle que de ses brebis. Les Rois & les Princes, piquent & tousiours broffent apres l'honneur & la gloire, tousiours leur cœur dans les armes, aux rencontres, aux batailles, & iamais ils ne reposent moins, que lors qu'on pense qu'ils ayent plus de repos. Ainsi ce Roy guerrier de Lacedemone Cleomenes estant vn iour en vn festin en Egypte, comme on luy demanda, quel de deux harangueurs auoit fait le mieux, *Le m'en rapporte à vous*, dit-il, *car quant à moy i'auou l'esprit au Peloponese.*

G V E S P E S de Cour, qui effleurez la France à l'ombre de la paix, & qui mesnagez aussi mal sa puissance que vostre fidelité; Ames esbarbees, hommes-lievres, sans nerfs & sans arteres pour la vertu, Ainsi doncques employez-vous le temps & le plus vif de vos persuasions, pour faire croire qu'il n'est iamais temps de faire aller nos mains à mesme tour, & à mesme mesure que nostre iustice? Ainsi donnez-vous loy à la nécessité, comme s'il ne falloit ny manger en temps de famine, ny boire sous l'ardeur de la Canicule, ny dormir au Solstice de l'hyuer? Ainsi tenez-vous le deuoir bouclé & attaché, ainsi à bride roide & à bouton si serré, qu'on n'osera sonner moy, ny en Athenes contre les Macedoniens, ny en Paris contre les Castillans? Ainsi, & ainsi le Soldat François sera mis en butte à l'indignation de son Roy, si le braue Aubigni ne luy sert de tésmoin, Le tout docte & equitable Sil-lery de iuge; Et ainsi le Deuin Calchas sera blat-

mé pour auoir fait reproché à Agamemnon,
Que luy & non autre auoit mis la peste en l'ar-
mée des Grecs.

P O R T E R barbe & se dire hommes, Estre
François & parler si laschement du deuoir & de
l'honneur, ô temps, ô mœurs, ô quel siecle &
quels hommes! Si à dessem, n'est ce pas trahi-
son. Si par foiblesse de cœur, Ne vaudroit il
pas mieux estre estimé lasche & couard, que tri-
stre & desloyal: Couards & faillis de cœur, tant
que vous voudrez, mais ne portez point ceste
contagion à vn Prince qui ne rendit iamais son
courage à la crainte ny aux apprehensions, la-
mais, & qui iamais ne fit pli aux plus rudés se-
couffes de ses ennemis, ny ne tourna visage à sa
plus marastre fortune. Car si la vie se mesure
par sa fin, & que la quantité ne serue de rien,
pour la rendre plus ou moins heureuse, non plus
que la grandeur ne rend pas le grand cercle plus
rond que le petit, Que seroit-ce du peface sans
vn bel epilogue de sa vie? Ses actions sans cercle
& sans rond, que seroient-ce qu'actions bastar-
des, qui clocheroient d'un pied, boiteuses & touf-
jours boiteuses actions? Et quand la nature a at-
tache des cornes dangereuses à la teste du cerf,
lasche & couarde beste, pour monstrier que les
armes ne seruent que de honte sans le courage,
Quelle honte, quelle malendrie sur l'honneur
d'un tel Roy, si la France toute guerriere crou-
pissoit sous vn maistre pacifique, & si tant de
Lyons sous vn Roy qui ne fust tousiours
Lyon?

V O L V P T E Z qui versez en nos Esprits
des poisons plus aigus, plus perçans & plus di-
uers que ne sont les cuisiniers ny les parfumeurs.

Don.

Doucès, & toutes agreables voluptez, qui comme petites bouffres de ventsgratieux qui sousspirent sur les extremitéz du corps, chatouillez le dessus de nos ames, & vous en allez insensiblement comme le vent; Poussive oyfueté, Pareisse acroupie, qui tenez nos Esprits aux langes & au maillot, afin qu'ils n'elargissent leurs affections au delà du ventre & des boyaux, qui faites naquetter l'honneur pour establir l'Empire de la volupté, & attirant sur nous vne moisissure relante, mollifiez nos cœurs, & les tenez estendus de leur long, tous enyurez, tous endormis sur les douceurs du repos, Ha ! traistresses ! ha Espagnolles que vous estes, Ainsi donc subtilement pratriquez-vous ce dire d'Antisthenes, *Qu'il faut souhaiter à ses ennemis tous les biens du monde, sauf la vaillance* ? Ainsi courbant nos espees en faucilles, comme nostre valeur en lascheté, ainsi voudriez-vous que l'Espagnol print tous avantages sur nos molleses ? Vn coup & qu'encore vn coup Iuppiter renuersast Saturne pieds sur tēte, & qu'ignominieusement les Mages de Perse fussent chassés de leur Estat par des hommes de main.

Et toutefois Epaminondas ne voulut pas seulement que les Thebains logeassent à couuert, ny passassent l'hyuer aux villes que les Arcadiens leur presentoiēt, *Car maintenant, dit-il, qu'ils vous voyent lutter & exercer tous armés, ils vous ont en admiration comme vaillans hommes, ou s'ils vous voyent aupres du feu broyant des febues, ils vous reputeroient semblablee à eux.*

MAIS puis que la volupté s'ellaint aussi tost qu'elle a bouilli vn bouillō en la chair, puis qu'elle ne laisse rien que la souuepance comme vne
odeur.

odeur ; puis quelle se passe comme vne fumee, comme vne ombre, & tout ainsi qu'une illusion de songe en l'Esprit, Las ! helas, la rose de nostre reputation pour vne odeur, le feu de nos courages pour vne fumee, le corps de nostre valeur pour vne ombre, & que nous quitterons la verité de nos iustes pretensions pour des songes & des illusions ? Nous, & que nous ne tiendrons pas nos ames en diette & à ieun ordinaire, tousiours à oreille sourde sur le bon iour de ceste Circé, de ceste Medee de volupté, tousiours à pont baissé sur elle, & comme le verger de ce Demi-dieu Eunos, où l'on ne laissoit point entrer les femmes ?

Qu'est-il ny a rien de plus propre, de plus essentiel au François, que de gagner sa reputation à coups de lance & d'espee, demurerons-nous au couuert & à l'ombre de la paix, pour courir nos courages de laideur & de tides ? Serons-nous ietterez comme en vn arriere-fond & abyssme Titanique, où il n'y ait communication quelconque avec les Dieux, & ferons-nous comme les Onces qui cherchent vn lieu à l'écart pour y vriner & y ietter vne pierre fine qui s'engendre de leur vrine & s'appelle *Lyncurion* ?

AVI O Y R D' H V T. & sur tout au iourd'huy, qu'on voit remuer nos passions, comme du tout impossible qu'un peuple guerrier & martial se puisse nourrir dans le repos, ny temperer ses bouillons qu'aux efforts des combats, Voulons-nous faire comme ceux qui estans en la vallee & au precipice de leur vie, au lieu d'estendre leur vigueur en dehors, viennent là agir & se tournent contre eux-mesmes ? Les arondelles n'enseignent-elles pas leurs petis à tourner le derriere pour

ietter la fiente hors de leur nid? Les Medecins ne tirent-ils point à la superficie du corps les maladies qu'ils ne peuuent oster du dedans? Et que respondit l'Oracle d'Apollon à ceux de Cirrha, sinó que pour estaindre leurs guerres ciuiles, il en faloit allumer des estrangeres?

GUÊSPES, Inutiles guêspes, vous mangez le miel, & n'en sçavez point faire; Vous dorlottez, vous vous baignez dans les delices du repos, femmes barbuës, mais vous ne cognoissez pas comment il faut acquerir vne paix d'airain, ferme, solide pour le siecle des siecles, & telle que les Priuernates demandoient aux Romains. Hommes d'ombre, & de cabinet, Arondelles qui suiez le beau temps, Bigots superstitieux, qui idolatrez apres vos appetits & les plaisirs de ce monde, Non, vous ne sçavez pas que la guerre n'est que la veille d'une feste, vn samedi qui se termine en Dimanche & en iour de repos; Vn parfun pour nous faire ietter la gourme de nos fureurs ciuiles; vne medecine qui destrempe ses drogues ameres avec quelques ius doux, & par ce moyen associe & familiarise l'vtilité avec le plaisir. Et quoy? Le mal ne se guerit-il point par le mal, vne playe par vne autre, & quelquefois la crapule, l'ebriété & l'intemperance ne sont-elles pas necessaires & plus vtils à vne nature en dormie que la casse ny la rhubarbe? Le poison prins en antidote est-il plus poison; & l'amertume d'un breuage ne se tourne elle pas d'ordinaire en douceur & salubrité? Les vents, les tourbillons, les tonnerres, les tempestes, ne purifient-elles point l'air, ne resueillent-elles pas la force, la vigueur & la viuacité des Elemens, tout ainsi que la luitte & la course excitent & tiennent en poinct la chaleur &

la disposition naturelle? Guerre certes, Ouy guerre tournée sur l'Espagnol. Il n'y a que toy pour bien establir nostre paix; Toy seule, il n'y a que toy qui puisses ietter hors les humeurs corrompues du corps, & tenir en vigueur & gail-
lardise tous les membres de cest Estat. Tu es, & la seule tu es, qui peut dissiper les brouillars, éclaircir & purifier l'air trouble de la France, comme on dit que la riuere de Cydnus, & non autre, nettoye le cousteau sacré à Apollo en la ville de Tarse en Cilicie.

Les animaux qui n'ont qu'un petit, y logent, y assemblent toutes leurs affectiōs, & diroit-on, qu'ils ne viuēt ny ne respirēt que par sa vie; Et Homere voulāt signifier un enfāt biē aimé l'appelle *Modiō* & *Tiligetō*, unique & engédré de pere & de mere qui n'ē ont point d'autre: le voys bien l'Aragō, la Nararre, Naples, Millā, & tāt d'autres peuples, qui par droit du ciel & de nature sont les heritages anciens de nostre Henri. Mais ou i'ay la chassie aux yeux, ie suis louche, ie suis aueugle, ou nostre Henri ne tient rien plus que la France seule, & encore mu-
guetee de l'Espagnol, Encore, & qui encore auance la bouche pour la baiser, & endure, ô hōnte, ô fustissure, qu'il luy porte la main sur le tetin, comme s'il ne falloit rien plus qu'une grotte pour mettre en ieu d'amour la simple Didon avec le trompeur *Ænee*.

La bien aimée du plus grand Roy Chrestien, du Roy de la fleur de Lis, sa fille unique, & la seule apres tant de ses enfāns perdus, tant de larmes, tant de souspirs; apres tant de funebres conuois, France, ô seule & unique France, apres tant d'autres Estats que la violence nous a ravis des mains, tāt de sanglantes iniures, tant de hōteux affronts,

ENCORE

Encore, & qu'on voudroit encore te tenir en mire & en vifce, & te faire parer le dos aux coups de tes ennemis? Qu'on voudroit que ton roy, comme Iephthé fa fille vniue, comme Agamemnō son Iphigenie, l'exposast en sacrifice & à la rigueur du cousteau? Toy la seule, la toute seule, son cœur, son tout, l'vniue obiect de ses yeux, & les seules delices de son ame; Toy le chef-d'œuvre de la nature, la perle de la Chrestienté, la toute belle de l'vniuers, Et qu'il te lairroit, ce grand Roy, mettre en pieces, deschirer à morceaux, sabouler dās tō sang, & sur le miserable bris de ton sceptre, sur les ptesces de ta courōne, qu'il permettoit d'en ramasser les esclats, & recueillir les fleurons au Castillan & au Piedmontois, comme s'il n'estoit qu'vne image d'Æsculape, qui sans mot dire se laisse arracher la barbe d'or a Denis tyran de Syracuse? Ha! que Neptune est rudement mene entre gens d'honneur, de ce qu'estant vaincu en Delphes par Apollon, en Argos par Iunon, en Ægine par Iupiter, en Naxe par Bacchus, il demeura à dos courbé, sous ces rebuts & defauteurs, sans en faire mine ny semblant,

A v cercueil doncques & au tombeau, ô ma toute belle, au tombeau & au cercueil faut-il aller? Mais quel chemin plus asséuré que la necessité, puis qu'il n'y a rien de temeraire? Au tōbeau, Et par où que par la porte du deuoir, puis que tout y est honneste, & tout permis? Au tombeau, Et sur quelle meilleure piste, que de l'honneur, qui te rendra immortelle, qui te fera Deesse, & te canonisera en la terre & aux cieux?

BEAUX fleurons du Lis Royal; Rejettons, verdoyans, de saint Louys; Arcs-boutans, & colomnes de l'Estat, Bourbons, qui semblez sortir l'elpee

au poing du ventre de vos meres ; Ouy, mes bons Princes. Depuis que les arbres furent creez, tousiours ils ont porté la fueille & le fruit semblable à leur espèce : La palme porte les dattes, le figuier les figues, le chesne les glands, Et autant de Bourbons que nature a mis au monde, autant auons-nous veu de Cæsars, autant d'Alexandres en France : Et qu'au rebours de la nature, la palme porteroit des figues, le figuier des glands, & qu'il y auroit des Bourbons, sans que tous les Bourbons ne fussent vaillans ? Nature s'y oppose, l'honneur la seconde, & la mort mesme ne reçoit aucun Bourbon sans les vrayes armoiries de sa race, Le front cicatricé, l'estomach bresché & tout ouuert de playes, comme s'il n'y auoit baraille, où Bourbon ne combatte : Cercueil ny tombeau pour Bourbon que le champ de baraille. Contre les loix de nature, MES PRINCES, contre l'honneur & en despit de la mort, voulez-vous doncques mourir, ou viure en sorte qu'on ne sçache pas mesmes que vous ayez vescu ? Nos larmes, qu'on versera, nos larmes sur vos corps trespassés sans armes ? En terre sans guerre, pesse-messe avec le peuple, au tombeau & au cemitiere pesse-messe, pourris aussi tost que morts, oubliez plustost que pourris. En blanc dans l'histoire, au sepulchre sans memoire, & au monde sans gloire. Et que vous le voulez ! Loin, loin au deça. Que vous demeurerez loin, loin du Solstice de l'honneur ! Qu'on vous voudra faire courtiser les plaisirs du monde, & de contrepied au deuoir attendre à bras ouuert volupté apres volupté, chaste apres chaste, ieu sur ieu, festin sur festin ; Et cependant les Lacedemoniens rudoyeront vn pauvre garçon, par ce que sçachâe
le

chemin de Pyles , où se tenoit l'assemblée des Estats de la Grece, Il alloit encore aux exercices de la ieunesse? *Princes, mes Princes genereux*, Mais plustost ne sauterez-vous point en selle , & à teste baissée , l'espee au poing , ne fendrez-vous pas la presse plus espaisse des Espagnols , plustost que de laisser caduque & en droit d'aubeine la succession de ce grand Roy des Epirotes , qui declare heritier celuy de les enfans qui aura l'espee la mieux trenchante?

RACE guerriere fertile semence de Godefroy, ce Prince à cœur de lion , qui remplit l'Orient de la terreur de ses armes; Duc de Guise & d'Aiguillon, Conte de Sommerive , de pli & de teincture tous faicts à l'honneur, miroirs & beaux tableaux de vertu, Vous & vous sage, vous courageux Prince de Nevers , qui comme vne Deité presente pourriez inspirer vne viue generosité aux plus foibles courages; Il est vray, l'Estat des Princes est bon, s'ils n'en abusent point ; l'Estat du riche bon, s'il en sçait bien vser : l'Estat du religieux bon, s'il y sçait profiter : l'Estat du pauvre bon , s'il a patience : Mais comment bon l'Estat d'un homme autant né pour combattre que pour viure, s'il porte le bras en escharpe, l'espee pour cōtenance, la lance pour la bague , & qu'il s'aprofondisse en la paix, cōme s'il ne sçauoit où trouuer la guerre? Mourrez-vous doncques, pour ne suruiure point vostre mort? Mourrez-vous à espee vierge, à estomach entier & à visage sans balafre? En paix tout doucemér, Entre les lincculs mourrez vous, soupir sur soupir, hocquet sur hocquet, tout doucement en paix, sous la faueur de la paix; traitresse paix , mais paix, de seruice aux hommes auallez de courage, & inutile aux cœurs esleuez sur l'hon-

neur, comme on-dit que la palme estoit profitable aux Babylonienſ, & infructueuſe aux Grecs? Mourrez-vous, braues Princes, Et ainſi mourrez-vous, pour ne viure plus, non en nos Annales, non pas meſme en peinture, & à peine en blanc comme les deſerts de Lybie en la Mappede monde?

MONT-MORENCY, tout luſtracx pour ton ancienne extraction, & Conneſtable pour ta valeur: Mareſchaux, dont le ſeul nom met nos ennemis en alarme & au bat-froy: Fils de la poule blanche, qui as rendu la fortune amoureuſe & courtiſane de ta vertu, Colonel de nos legions, Sage & vaillant Eſperno: Vous Ducs, Côtes, Barons: Vous & vous tous qui portez l'eſpee pour marque de Nobleſſe & de valeur, & qui ne deuriſiez respirer ny aspirer à autre contentement, que de porter la guerre ſur le cœur & aux entrailles de l'Eſpagne, Et qu'eſt cela, Guerriers? Les abeilles ſe changent-elles iamais en frelons, les lions en cerfs, les aigles en pies? Vous qui cômme par le collet auez eſté tirez de la guerre à la paix, Au pas, au grand pas n'irez-vous point d'une paix honteuſe, d'une guerre honorable, iuſte, neceſſaire? D'hommes, non transformez en beſtes par les enchantemens de Circé, comme Gryllus dans Plutarque, Mais d'hommes ſeriez-vous tranſmuez en femmes par la friandiſe du repos pour ne devenir plus hommes? L'honneur de voſtre profeſſiõ, la gloire de vos armes, reſſembleroit-elle à ces Vnedons de Plinc, dont le gouſt aſſez plaſant & agreable, deſgouſte neantmoins ceux qui en mangent vne fois, de iamais n'en manger plus? Dix ans de paix auroient-ils gaſté vos courages, quoy que les habillemens des enfans

fans d'Israël ne se rompirent point durant quarante ans au desert, & les mignardises de la Cou vous auroient-elles fait oublier le chemin de la vertu, comme dans Homere le Loton, ce fruit tant delicieux, faisoit perdre à ceux qui en mangeoient toute enuie de retourner en leur pays?

EN chaque partie & puissance naturelle de nostre corps il peut arriuer quelque defectuosité, quelque mutilation, quelque maladie: L'aveuglement à l'œil, le clocher à la cuisse, le beguayer à la langue, Et ce qui est propre à vne partie ne se rapporte point à l'autre, comme la langue ne peut estre dite aveugle, par ce qu'elle n'a point d'yeux, ni les yeux boiteux, par ce qu'ils n'ont point de iambes. Mais au Soldat ostez luy la guerre, ne luy ostez-vous pas l'essence & toutes les proprieté de Soldat, si le voir & le cheminer sont les propres fonctions des iambes & des yeux? Marchand, & pourquoy, sinon par ce qu'il trafique? Pasteur, & comment, s'il ne gouerne du bestail; Soldat, & que ie seray Soldat sans armes; Et à quoy les armes sans guerre? François-encore, & Soldat François, Et comment doncques, demeurer en France où l'Espagnol tient banque & boutique d'ames & de cœurs: Si à Rome il n'estoit pas loisible aux Patriciens d'habiter au môr du Capitole, pource que de là Marcus Manlius attempta d'vsurper la tyrannie?

L'HONNEUR ressemble à la fluste, laquelle deuient plus hautaine en ses tons, si on la leue contre mont, & sonne plus basement, si on la baisse: L'enuoyer doncques de Troye en Itaqué, du travail aux delices, des armes au repos, N'est-ce pas de la procession solénelle de la Deesse!

le chasser ignominieusement à l'estable, comme l'Asne de Lucian, & le rendre semblable aux Poulpes & aux Camaleons qui changent de couleur pour estre couards & timides de nature; La vertu ceste grande barriere trauersante, ceste herse coulisse, qui tousiours donne du nez à la volupté, *ô Honneur saint & sacré honneur*, n'est-elle point avec toy, ta seconde, à espee & poignard, & qui en sa genereuse resistance, contre les plaisirs & les delices du monde, atteste qu'elle ne peut viure son honneur, non plus que l'honneur sans la vertu: Vlysse & ses compagnons s'estoupperent les oreilles de cotton, & tu les ouuriras à la douce melodie des chansons des Sirenes: Vne femme Laconienne, oyant raconter à vn sien fils la genereuse mort de son frere, *N'as-tu point de honte*, dit-elle, *de ne l'auoir accompagné à vn si beau voyage* A front leué, à houeche pleine, Et que tu nous diras, comme iadis les François ont fait voler leur gloire & leur renommee par toutes les contrees du monde, rempli toute la terre des merueilles de leur nom victorieux, & comme encore en nos iours, Bayard, nostre courageux Bayard est mort, percé de coups & de playes, & de visage à l'Espagnol, *Que tu nous en feras l'histoire*, *ô Honneur*, sans recognoistre la honte & la vergongne que tu donnes aujourd'huy a la premiere couronne de la Chrestienté, au plus auguste roy du monde, nostre Mars, nostre incomparable Hercule, & sous ton nom à tant de gens qui portent ta liuree sur la langue, mais où les effets? Sur les espees, mais où les courages? Où sont doncques, *O Honneur*, où sont nos ancestres? Où est, mais où est Bayard, la fleur de toute cheualerie? Espee

au poing, ou au costé fust-il demeuré sur tant d'at-
fronts de l'Espagnol, & si longue courroye luy
eust-il donné pour auancer ses menées sur nostre
tranquillité? Sauter à deux pieds sur le ventre, &
nō d'une, mais à toutes mains, ne luy eust-il point
arraché le cœur des entrailles, afin qu'on ne de-
mandast, comme iadis en Plutarque le Rhetori-
cien Maximus, *De quelle main Venus auoit blessé
Diomedes.*

Le l'ay dit, Il ne faut point se ietter au sang, si-
non lors qu'on ne peut viure sans sang; j'aime la
paix comme Chrestien; mais, comme vray Fran-
çois & homme d'honneur, j'aime la guerre qui
nous donne vne paix sans croute, sans masque,
sans fard, & qui de l'Hyuer nous meine au Prin-
temps; de l'orage & de la tempeste au calme & à
la bonace. Mais quelle paix, qui donne si beau
seruice à l'Espagnol pour faire chassé sur nous, &
qui luy sert de manteler, pour tapper cest Estat, &
y fourrer ses trahisons & ses perfidies? Quelle
paix, qui marchande nos villes de frontiere, qui
trafique sur nos cœurs, & veut leuer boutique d'un
fidelité sur nos ames? Nostre poudre tousiours
mouillée, nos mesches estaintes, n'aurons-nous
rien au bassinet pour faire feu? Vne guerre est é-
gère, au lieu de nos riotes domestiques, & que ja-
mais nous ne rechercherons nos triomphes en la
ruine de nos ennemis, & ne releuerons leurs des-
loyautez par nostre prudence, ny leurs sourdes
attaques par nostre vaillance? Et ioutefois A-
gesilaus mordu par vn pou aupres de l'autel
de Minerue, surnommée *Chalcaecos*, où il faisoit
le sacrifice d'un bœuf, *Par les dieux*, dit-il en le
tuant, *iufques sur l'autel mesmes ie tuerois celuy qui
en trahison me viendroit assaillir.*

ON trouue belle & courageuse la resolution de six mille Saxons reschappez d'une sanglante bataille qu'ils auoient perdue contre les Suau-
bes, Et beau dans Tacite ce vœu solennel des Ale-
mans, de ne faire iamais coupper poil ny barbe,
qu'ils n'eussent donné le coup de charge aux en-
nemis, vengé leur sang par sang, & leur honte par
hôte: Et cependant nous laisserons, non seulement
notre poil & barbe, mais à l'ôger années sur an-
nées, siècles sur siècles, à yeux sans prunelle, à bras
sans fer, à cœur sans cœur, honte & opprobre, infamie
& flettrissure sur nous; Il n'y aura virgule ny
periode pour l'ambition de l'Espagnol, iniques
sur ses iniques, coups sur ses coups, usurpations sur
ses usurpations, & toujours il nous tiendra en ob-
ligation de defense necessaire pour nos autels,
nos femmes, nos enfans, pour nostre chair, nostre
sang & nos vies! Ainsi dit Piine, *Qu'il n'y a beste, qui
de si peu de semence sorte si grande, ny qui croisse tant
qu'il vit, comme le Crocodile.*

VALEUREUX insulaires d'aupres du Nil, Ten-
tyrites, qui contraignez à force les Crocodiles de
rendre les corps qu'ils ont deuorez; Rougir, &
nous voulez vous faire rougir de honte, si l'Espa-
gnol ayant fait ses Camerades dans Paris, & prins
à plaisir la mesure de son pied en Navarre, nous ne
le destroussions d'honneur & de reputation, &
ne le contraignons de faire comme le Heron qui
ayant auallé une huître entiere la iette dehors
& la vomit?

LES Connils, au rapport de Varron, remuerse-
rent iadis une ville en Espagne, & mirent tous
les habitans sous terre: Connils, si non plus Fran-
çois, puis que nous tremblons à l'ombre des Es-
pagnols; Connils, du moins soyons connils, quoy
que

que non de la race de ceux-là qui si rudement traittent l'Espagne; Connils à la bonne heure, tels & quels connils, pourveu que nous soyons connils, Où nos clapiers? En France. Mais si les Furets de Madril entrent sous terre, Où nos clapiers? En Espagne. Mais c'est de là qu'o nous court à force, Où nos clapiers? A la campagne. Mais si nous mesmes nous ietrons aux filets, Où nos clapiers? En la mort, Mais ô honteuse, trois & quatre fois honteuse mort, de mourir en connils, pour n'auoir le courage de viure en François! Et si l'Espagne à tour de roolle ne doit point entrer en quartier des afflictions, rouër sur les miseres & les calamitez, parer la iouë aux reuers de fortune, ny sentir la roideur du bras de la France courroucée, Qui trouuera estrange que iamais vent ne souffle sur le Nil, & qu'il ne soit loisible d'y nauiger quand il est au desbord?

Si est, mais si est, La malice de l'Espagnol est escrite en lettre rouge au calendrier du ciel, & au monde en gros & petit volume. Si est, si est, sa foiblesse est vne esplanade à toute la Chrestienté, pour faire chemin sur elle, & se venger de son ambition. Et quand les Deesses Ceres & Proserpine se montrent à leurs religieuses, accoutrees en habit comme pour voyager en Sicile avec Timoleon; Quand ce bandeau royal parsemé de fleurs & de couronnes, pendu au sanctuaire d'Apollon en Delphes, luy tombe droittement sur la teste; Quand les feux du ciel, Quand les torches ardentes, semblables, dit Plutarque, à celles dont on vse és ceremonies des mysteres l'accompagnent tout le long de son voyage, Ne sont ce pas faueurs particulieres du ciel, & certains tesmoignages de la ligue & de son vnion avec ceux qui courager

sement vont à main leuée contre la tyrannie? Ceste rongearde vermine, ce grouillis de poux, ces puantes vlcères, ces sanglots, ces souspirs redoublez de Philippe d'Espagne, courbé & gemissant sous l'ire du ciel, Ne voila pas la catastrophe de la vie des tyrans, leur malheureuse & tragique fin, tant & tant au naïf depeincte par Ieremie, *N'est-ce pas cest homme qui troubloit la terre, & qui faisoit trembler les royaumes? qui a mis le monde comme desert, & a destruit les citez, & n'a pas ouuert à ses prisonniers la prison? Sa pompe sera tiree aux enfers & le bruit de ses violes; La tigne sera estendue sur luy, & les vers feront sa couuerture.*

— D'v'n esprit prophetique, d'vne ame auancee sur l'aduenir, le voy la France qui rougit tout de courroux, qui s'enflamme d'vn feu d'indignation qui murmure, qui bruit, qui menace, qui gronde comme le foudre dans la nuë; Qui va, qui vient, qui tourne, qui s'esleue comme la mer agitee de vents, les troupes sur troupes, legions sur legions, comme flots sur flots, ondes sur ondes; Cris de ioye & d'allegresse, *Tantare*, de trompettes, *Ton potom-poton tom* de tambours, hennissemens de chevaux: La terre tremble, l'air bourdonne, le ciel mesme se fend au bruyant murmure de tant de monde: Les estoilles du ciel, tous les flots de la mer. Sont-ce Soldats, sont-ce gendarmes tout ce que ie voys? Peuple de Dieu, semence d'Abraham, passez-vous la mer rouge pour conquerir la terre promise, ô enfans d'Israël? Roy courageux: Monarque inuincible, allez-vous vaincre Darius, & subiuguer les Perses, ô Alexandre?

Tout rayonnement d'honneur, tout verdoyant de lauriers, tout couuert de trophées, environné de les Princes, de la Noblesse, millions, & Soldats